

S T E N O G R A M
24. RADNE SJEDNICE SKUPŠTINE KANTONA SARAJEVO
ODRŽANE U ČETVRTAK, 23.04.2020. GODINE SA POČETKOM
RADA U 10,00 SATI (ONLINE)

Predsjedavajući Mirza Čelik (u daljem tekstu predsjedavajući):

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Sjednici prisustvuje ONLINE 31 zastupnik, što je dovoljan broj za punovažan rad i odlučivanje.

Izostanak sa ove sjednice opravdala je uvažena zastupnica Kerla Bibija, kašnjenje najavio Konaković Elmedin, Okerić Elvedin i Duraković Jasna.

Prijedlog dnevnog reda 24. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 10.04.2020.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 17.03.2020. godine, prihvatio je da se Prijedlog dnevnog reda 24. Radne sjednice, dopuni sa sljedećim tačkama:

1. Prijedlog Zakona o izmjeni i dopunama Zakona o inspekcijama Kantona Sarajevo; (razmatraće se kao tačka 2.)
2. Prijedlog Odluke o davanju saglasnosti za potpisivanje ugovora o kupoprodaji nekretnina u skladu sa članom 23 Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj; (razmatraće se kao tačka 5.)
3. Prijedlog Odluke o davanju saglasnosti za zaključivanje Ugovora o prenosu prava vlasništva i posjeda na nekretninama između Zavoda za izgradnju Kantona Sarajevo sa jedne strane i KJKP "Pokop" d.o.o. Sarajevo sa druge strane bez naknade; (razmatraće se kao tačka 6.)
4. Program obilježavanja Dana Kantona Sarajevo od 02.05. do 09.05.2020. godine; (razmatraće se kao tačka 8.)
5. Informacija o ublažavanju posljedica pandemije koronavirusa na privredu u Kantonu Sarajevo sa prijedlogom mjera; (razmatraće se kao tačka 10.)

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 24. Radne sjednice, glasi:

1. Poslanička/zastupnička pitanja, inicijative i odgovori;
2. Prijedlog Zakona o izmjeni i dopunama Zakona o inspekcijama Kantona Sarajevo;
3. Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2020. godinu i na Odluku o izmjenama i dopunama Odluke o izvršavanju Finansijskog plana Zavoda zdravstvenog osiguranja Kantona Sarajevo za 2020. godinu;
4. Prijedlog odluka o dodjeli javnih priznanja Kantona Sarajevo;
5. Prijedlog Odluke o davanju saglasnosti za potpisivanje ugovora o kupoprodaji nekretnina u skladu sa članom 23 Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;
6. Prijedlog Odluke o davanju saglasnosti za zaključivanje Ugovora o prenosu prava vlasništva i posjeda na nekretninama između Zavoda za izgradnju Kantona Sarajevo sa jedne strane i KJKP "Pokop" d.o.o. Sarajevo sa druge strane bez naknade
7. Prijedlog Programa rada SKS za 2020. godinu;

8. Program obilježavanja Dana Kantona Sarajevo od 02.05. do 09.05.2020. godine;
9. Informacija Vlade Kantona Sarajevo i Štaba civilne zaštite Kantona Sarajevo, o poduzetim aktivnostima po resorima u vezi sprovođenja mjera radi sprječavanja širenja zarazne bolesti koronavirus;
10. Informacija o ublažavanju posljedica pandemije koronavirusa na privredu u Kantonu Sarajevo sa prijedlogom mjera.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Otvaram glasanje i molim zastupnike da glasaju u Viber grupu.

ZA JE GLASALO 33 ZASTUPNIKA, PROTIV I SUZDRŽANIH NIJE BILO.

Konstatujem da je Skupština za 24. Radnu sjednicu Skupštine Kantona Sarajevo usvojila Dnevni red, kako je i predložen.

Kao informativni materijal dostavljeno vam je u dopunskom materijalu:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec februar 2020. godine;
- Izvještaj o izvršenim inspekcijskim pregledima Upravnog inspektorata Ministarstva pravde i uprave Kantona Sarajevo u toku 2019. godine.

Prije nego što pređemo na realizaciju prve tačke dnevnog reda obavezni smo da razmatramo Zapisnik sa stenogramom sa 21. Radne sjednice, koji vam je dostavljen uz poziv za sjednicu. Ima li primjedbi? Obzirom da se niko ne javlja molim vas da se izjasnite o Zapisniku sa 21. Radne sjednice Skupštine Kantona Sarajevo. Otvaram glasanje. ZA JE GLASALO 33 ZASTUPNIKA, PROTIV I SUZDRŽANIH NIJE BILO.

Konstatujem da je Skupština potvrdila Zapisnik sa 21. Radne sjednice Skupštine Kantona Sarajevo održane 25.02.2020. godine.

Prelazimo na realizaciju dnevnog reda, sada je 10 sati i 17 minuta.

Otvaramo prvu tačku dnevnog reda, a to je:

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Prva se javila uvažena doktorica Kaljić-Junuzović Amra, izvolite, imate riječ.

Poslanik/zastupnik Amra Junuzović-Kaljić:

Hvala predsjedavajući. Nadam se da se čujemo. Srdačan pozdrav svima učesnicima u radu Skupštine, Vladi Kantona Sarajevo, našim gledaocima, građanima Kantona Sarajevo koji nas prate. Ja imam dvije inicijative. Moja prva inicijativa počinje ovako: pandemija COVID-19 je naše društvo uvela u stanje prijetnje za naše zdravlje i prijetnje za opću sigurnost. Shvatili smo da je to borba protiv nevidljivog neprijatelja i možemo biti zadovoljni da su većinom građani poštovali naredbe struktura koje upravljaju ovom krizom sa aspekta zdravlja i sigurnosti. Međutim, pandemija COVID-19 je pored zdravstvenih i sigurnosti izazova proizvela i niz drugih kriza. Da podsjetimo, kriza je dubok, sveobuhvatan poremećaj u životu pojedinaca i funkcionisanju društva sa snažnim i više ili manje teškim trajnim posljedicama. Te krize su psihološke, društvene, ekonomske, političke i druge. Stub odbrane, pojedinca i društva je zdravstveni sistem. Zdravstveni radnici i zdravstveni saradnici na individualnom nivou su u većini slučajeva u Kantonu Sarajevo odgovorno i predano pristupili organizaciji i prilagođavanju na novonastalu situaciju. Tokom cijele ove krize mnogi građani su dobili

adekvatne usluge iz naših zdravstvenih ustanova, na svim nivoima izašli zadovoljni, a mnogi građani su dobili toplu ljudsku riječ u smislu psihološke podrške. Postoje negativni primjerci, postoje i propusti, ali njih nećemo riješiti javnim sknavljenjem struke i jeftinim populizmom. Pokušajmo kontrolisati svoje riječi koje puštamo u prostor i bar na trenutak pomisliti da te riječi kod nekih ljudi mogu i potaknuti nešto što nije dobro. Svjetska zdravstvena organizacija je istakla da provedene mjere su bile pravovremene i da su usporile rast epidemijske krivulje čime je naše zdravstvo pokazalo da je kompetentno, i u vrijeme kada neke druge države za koje se smatralo da su imale bolje zdravstvene sisteme da su imale lošije rezultate u suočenju sa pandemijom od nas. Svjesni smo propusta, zato potaknimo razume stručne rasprave o kojima će na ravnopravnom nivou učestvovati kompetentni pojedinci svih nivoa zdravstvene zaštiti, svih društvenih i političkih aktera a koja će rezultirati rješanjem problema i slanjem poruke da se našem zdravstvu može vjerovati. Danas više nego ikada nam treba društvena odgovornost, kolektivno razmišljanje, pronalaženje zajedničkog interesa u dobrobiti svih građana, jer ako to ne postignemo, svi ćemo izgubiti. U tu svrhu predlažem da u ime Skupštine Kantona Sarajevo donesemo deklaraciju kojom pohvaljujemo i podržavamo naše zdravstvene radnike za sve što su učinili i što čine u borbi sa pandemijom. Za tu deklaraciju molit ću da se Skupština izjasni. Tekst: razumijevajući da je ključ rješavanja i suprotstavljanja pandemiji medicinski radnici, ljekari, medicinske sestre, tehničari, sve servisne službe u zdravstvu, ovim putem Skupštini Kantona Sarajevo donosi sljedeću Deklaraciju:

Izražavamo punu podršku svim našim zdravstvenim radnicima jer su se mobilizirali i svoje kapacitete stavili u funkciju borbe protiv pandemije jer su potisnuli vlastiti strah i sa pažnjom, znanjem, empatijom pomogli svakom pacijentu, jer su odgovorno i predano pristupili organizaciji i prilagođavanju na do sada nepoznatu bolest jer su građanima vrlo jasno svojim radom poručili niste sami, jer su pokazali da su najbolji stub odbrane na prvoj liniji fronta borbe protiv nevidljivog neprijatelja, jer su svojim aktivnostima usporili i zaustavili rapidno širenje ove bolesti; na svemu ovome i više, hvala vam. U potpisu Skupština Kantona Sarajevo.

Molit ću da se ovoj Deklaraciji Skupština Kantona Sarajevo izjasni.

I iskoristit ću i priliku da i svoju drugu inicijativu koju sam također poslala u pismenoj formi, evo samo kratko kažem.

Predsjedavajući:

Molio bih vas samo kraće da poštujemo Poslovnik. Zahvaljujem.

Poslanik/zastupnik Amra Junuzović-Kaljić:

Poslala sam i pismenim putem, samo je naslov. Zastupnička inicijativa za rješavanje pitanja proširenja gradskog groblja Vlakovu i izgradnju krematorija. I ta je u pismenoj formi. Hvala vam lijepo.

Predsjedavajući:

Zahvaljujem. Vi pošaljite ponovo vašu deklaraciju u grupu kako bi mogli zastupnici da se izjasne, ili možete na mail ako nije problem na sekretara Skupštine kako bi mogli da imamo u arhivi. Sljedeći ima riječ Čampara Aljoša. Izvolite ako ste spremni.

Poslanik/zastupnik Aljoša Čampara:

Da li me čujete? Zahvaljujem predsjedavajući. Pozdravljam sve prisutne. Pozdravljam naše građane koji nas prate putem TVSA. Ja bih imao nekoliko zastupničkih pitanja prema Ministarstvu zdravlja, tačnije resornom ministru gospodinu Mesihoviću pošto su se pojavile određene informacije, odnosno špekulacije pa da imamo jasan odgovor na ove stvari koje su se dešavale, koje smo mogli pratiti u medijima u posljednjim danima.

Prvo pitanje:

1. Da li je konačno utvrđen put pacijenta? Ako jeste, pozivam vas da to javno izložite kako bi svi građani decidno znali kako izgleda taj put, šta je čija obaveza i ko je odgovoran za svaku od faza prolaska pacijenta kroz primarni, sekundarni ili tercijarni nivo zdravstvene zaštite. Ako eventualno najavljeni novi i efikasniji algoritam, odnosno put pacijenta, još uvijek niste definisali, onda nam odgovorite zašto to nije urađeno, jer je svima jasno da je dobro definisani put pacijenta jedna od najvažnijih procedura u uspješnoj zdravstvenoj zaštiti građana KS?

Drugo pitanje ukoliko su ovi navodi neki koji su se pojavili dakle:

2. Da li je tačno da ste odlučili da sve ključne i životno važne zdravstvene procese i protokole iz sekundarne zdravstvene zaštite, namjerno naglašavam sekundarne preselite sa CUM-a Klinickog centra u Opću bolnicu? Ako je to tačno, na bazi kojih normativa i standarda ste odlučili da se Opća bolnica Dr. A. Nakaš pretvori u urgentni centar 24 sata dnevno, za više od 400 hiljada stanovnika KS, uz navodno prebacivanje dijela ljekara i medicinskih tehničara iz primarne zdravstvene zaštite koji trenutno ne rade urgentno zbrinjavanje. Ovakva odluka ako je tačna ona bi bila zabrinjavajuća posebno zbog činjenice da Opća bolnica nema potrebne kadrovske, materijalno-tehničke i prostorne uslove za taj ozbiljan zadatak, te da joj, prema izjavi direktora nedostaju: anesteziolozi, pulmolozi, infektolozi, internisti itd. Dakle ministre da odgovorite da li ste spremni preuzeti punu odgovornost za moguće negativne posljedice eventualno ovakve odluke? Odnosno još jednom potenciram da mi tačno i precizno odgovorite da li CUM za sekundarnu zdravstvenu zaštitu građana ostaje i dalje na KCUS?

I zadnje pitanje;

3. Zašto ministre ne radi laboratorija na Veterinarskom fakultetu, kao i druge privatne laboratorije, koje su stručno i tehnički potpuno opremljene i osposobljene da vrše testiranja, i to bas u periodu kada najavljujete masovna testiranja? Mislim da smo jedini na svijetu koji su odbili ponuđenu pomoć i onemogućili rad laboratorija koje mogu imati značajnu ulogu u detekovanju i sprječavanju širenja koronavirusa. Hvala.

Predsjedavajući:

Zahvaljujem. Pretpostavljam da je to za usmeni, tražite usmeni odgovor?

Poslanik/zastupnik Aljoša Čampara:

Usmeni odgovor.

Predsjedavajući:

Zahvaljujem. Da evidentiramo zbog evidencije. Sljedeći ima riječ uvaženi zastupnik Dević Mahir.

Poslanik/zastupnik Mahir Dević:

Koristim priliku da vas sve toplo poselamim i pozdravim, uvažene kolegice i kolege i naravno građane Kantona Sarajevo koji nas prate putem TVSA. Za današnju sjednicu imam nekoliko inicijativa koje želim da pokrenem. Prije svega, uzimajući u obzir aktuelnu situaciju oko koronavirusa u Kantonu Sarajevo i svih efekata koje će on proizvesti na budžet Kantona Sarajevo pokrećem inicijativu prema Vladi Kantona Sarajevo da razmotri i pripremi prijedlog odluke u kojoj će se u upravnim, nadzornim odborima, skupštinama javnih preduzeća i komisijama Vlade Kantona Sarajevo, znači da ukupna naknada iznosi 1,00. Da razmotri takvu vrstu inicijative na Vladi Kantona Sarajevo i da nam takav prijedlog odluke dostavi na usvajanje. Također u sklopu ove inicijative pokrećem inicijativu da se sredstva za izdavanje političkim strankama na nivou Kantona Sarajevo u početku u startu umanje za najmanje 50% u odnosu na sadašnja izdvajanja. Sljedeća inicijativa se odnosi na legalizaciju bespravno izgrađenih objekata koju pokrećem prema Ministarstvu prostornog uređenja, zaštite okoliša

Kantona Sarajevo uzimajući u obzir da se u Kantonu Sarajevo nalazi veliki broj bespravno izgrađenih objekata a čiji vlasnici nisu bili u prilici da te objekte legaliziraju. Ja sam takvu inicijativu bio pokrenuo i prema prethodnoj Vladi. Cijenim da bi bilo dobro da Ministarstvo prostornog uređenja razmotri inicijativu da se donese odluka o legalizaciji bespravno izgrađenih objekata. Ukoliko je to nemoguće u ovim gradskim opštinama pošto je u toku izrada ove studije vezano za te vjetrokoridore, da se barem donese djelimična odluka koja bi se primijenila u ovim ruralnim opštinama jer u pravilu ti objekti u ovim ruralnim opštinama nisu izgrađeni na infrastrukturi, građani nisu iz materijalnog stanja i zbog neriješenih imovinsko pravnih odnosa bili u stanju da izvrše legalizaciju tih objekata. Bilo bi jako važno da jedan takav prijedlog odluke Ministarstvo pripremi u narednom periodu. I također evo pokrećem inicijativu na tragu ovoga što je uradila i kolegica Amra Kaljić a vezano je za prosvjetne radnike. Mislim da trebamo u ovoj Deklaraciji da podržimo i prosvjetne radnike i Ministarstvo za obrazovanje, nauku i mlade Kantona Sarajevo, sve prosvjetne radnike, sve učenike na vrlo uspješnoj organizaciji ONLINE nastave u Kantonu Sarajevo, svjedokom sam naravno i kao prosvjetni radnik i kao roditelj da se ulagao veliki napor da bi naša djeca nastavila i završila ovu školsku godinu. Da li da nešto posebno usvojimo ili da možda u sklopu ove Deklaracije dodamo, evo ne znam i prosvjetne radnike i uposlenike MUP-a. Mislim da bi to bila jedna dobra poruka od strane Skupštine Kantona Sarajevo da pohvalimo ove radnike o kojima smo govorili. Zahvaljujem predsjedavajući.

Predsjedavajući.

Zahvaljujem uvaženi zastupniče. Sljedeći ima riječ uvaženi zastupnik Suljević Samir. Izvolite.

Ja se izvinjavam, morate uključiti mikrofona pošto vas ne čujemo. Niste uključili mikrofona.

Poslanik/zastupnik Samir Suljević:

Evo jesam. Pozdravljam sve prisutne kao i one koji prate ovu sjednicu. Izvinjavam se imam neke smetnje. Da li se dobro čujemo?

Predsjedavajući:

Mislim da imate još uređaj neki koji prenosi direktno sjednicu, možda TV trebate da isključite. I dalje nam je mikrofonijski.

Do vas je Suljeviću možete isključiti evo dat ću nekome drugom riječ pa ćete vi imati.

Poslanik/zastupnik Samir Suljević:

Molim vas imam nekoliko zastupničkih pitanja. Prva su upućena ministru zdravstva Mesihoviću.

1. Da li je istina da li ste upoznati da se u KCUS pokreću disciplinske prijave protiv uposlenika koji su zaraženi COVID-19?
2. U kojoj je fazi provjera bolovanja uposlenika u zdravstvu obzirom da smo proteklih dana od direktorice te ustanove saznali da ih je bilo oko 300 a potom 170. Je li to znači da su izliječeni ili su pod pritiskom prekinuli bolovanje a da pri tom nisu izliječeni?
3. Ako nemamo analizu tih bolovanja bilo bi interesantno da nam ministar kaže koliko je tu trudnica, teških onkoloških pacijenata, oboljelih od karcinoma i drugih hroničnih nezaraznih oboljenja?
4. Da li je istina da su sve kapije u KC zaposlene i za uposlenike i da 400 uposlenika u isto vrijeme ulazi i izlazi kroz jedinu kapiju tehnološke ekonomske blokade?
5. Da li se uposlenicima KC mjeri temperatura prilikom dolaska na posao i da li je KC poduzeo sve preventivne mjere zaštite?

I sljedeće pitanje je upućeno ministru zdravstva. Kako smo prije neki dan medijski pompenžno obaviješteni o rezultatima usluga i rada KC za mjesec mart 2020 godine odnosno za mjesec u kojem se tek pred kraj počelo baviti problemom virusa COVID-19 da li kao bivši direktor ove ustanove znate koliki je broj usluga na mjesečnom nivou bio te 2015 i iste uporedite sa ovim martovskim i objasniti mi čime se direktorica hvali i ima li osnova za ovim? Ako ne da vas podsjetim, ambulantnih pregleda 2015 bilo preko 50.000 a 2020 19.000. radioloških pretraga 26.900, a 2020 12.866.

Predsjedavajući:

Vrijeme uvaženi zastupniče, imate još 15 sekundi.

Poslanik/zastupnik Samir Suljević;

Evidentiranje. Ima i drugih stvari, evidentno je smanjenje skoro svih usluga. Ambulantnih pregleda ima manje za više od 60%, radioloških za 50%. U KCUS leži oko 300 pacijenata u odnosu na nekadašnjih 1200 do 1500 a za ovih pet godina povećanja su izdvajanja za KCUS u iznosu od nekoliko desetina miliona KM. Imam još dva pitanja a njih ću dostaviti pismeno i upućeni su jedno premijeru a drugo je ministarstvu saobraćaja. Hvala.

Predsjedavajući.

Zahvaljujem uvaženi zastupniče Suljević. Ali morat ćete staviti slušalice jer pustili ste ton na svom laptopu pa imamo mikrofoniju. Smanjite ton na vašem laptopu kada bude diskusija, vjerovatno ćete se javiti. Zahvaljujem zastupniče Suljević. Sljedeći ima riječ Marjanović Damir. Izvolite.

Poslanik/zastupnik Damir Marjanović:

Dobar dan svima, dobar dana vama i kolegicama i kolegama i gledateljima. Nadam se da me dobro čujete. Imam dva zastupnička pitanja i jednu zastupničku inicijativu.

Imam dva zastupnička pitanja i jednu zastupničku inicijativu. Prvo zastupničko pitanje ide ka Ministarstvu finansija i ministru, zahtijevam usmeni odgovor. Dana 17.04. donesena je odluka da se kreira Fond podrške privredi zbog posljedica izazvanih pandemijom korona virusa, možda je čak i ranije donesena odluka ali je dana 17.04. donesen zaključak da će u taj Fond biti prebačeno 4.435.000 KM od čega čak 2.145.000 KM čini mi se iz sredstava namijenjenih za naučno istraživački rad? Time je po meni Ministarstvo finansija donijelo jednu jedinstvenu odluku u svijetu kada u momentu kada ulažu svi u nauku, posebno u naučna istraživanja usmjerena u borbi protiv COVID-19 oboljenja, jednostavno skida novac sa naučno istraživačke djelatnosti i prebacuje za potporu koja će biti jako zanimljivo, a baš me zanima da li će otići kao i potpora recimo kladionicama itd. Zahtijevam od ministra da pojasni zbog čega je skoro 50% novca sa nauke prebačeno? Da li ej to privremena mjera? I da li kroz rebalans budžeta planira da vrati taj novac?

S tim u vezi, odmah idem i sa inicijativom za koju ću tražiti da se Skupština izjasni, a to je da se po hitnome postupku u toku sljedeće sedmice raspiše konkurs za naučno istraživačke radove koji će biti usmjereni ka borbi protiv COVID19 bez obzira iz koje oblasti i da se po hitnom postupku sa preostalim sredstava a najmanje u iznosu od milion KM raspiše taj konkurs i da se ti novci dodijele projektima koji se budu prijavili. I drugo pitanje ide konkretno ministru zdravstva. Vi ste dobili uvaženi ministre dobili ste već ranije određene sugestije prvo neformalnog a poslije toga formalnog naučnog tijela vezano za mnoge tačke, bilo je deset tih sugestija, vidimo povremeno s vremena na vrijeme kroz medije vidimo da se neke od tih sugestija možda spominju ne spominju itd. Znam da Znanstveni savjet nije dobio nikakav konkretan odgovor Ministarstva. Zanima me u kojoj smo fazi, posebno zato što koliko smo dobili jučer informaciju sa Federalnog nivoa da je FBIH i krizni štab da idu u masovno testiranje i jako nam je drago da je FBIH pristala i prihvatila jednu od najbitnijih

sugestija. E sada me zanima da li će se Kanton Sarajevo i Ministarstvo uopšte zvanično očitovati po pitanju sugestija i zatražiti možda eventualno neku dodatnu elaboraciju ili mišljenja o nečemu sasvim novom vezano za rad znanstvenog tijela? Ja vam se zahvaljujem.

Predsjedavajući:

Zahvaljujem uvaženi zastupniče. Sljedeća ima riječ Bajramović Segmedina Srna. Izvolite.

Poslanik/zastupnik Segmedina Srna Bajramović:

Zahvaljujem predsjedavajući. Pozdravljam sve prisutne. Pa evo najprije bih zahvalila vama što ste prihvatili moju inicijativu i promptno reagovali kada je u pitanju formiranje Viber grupe. Nadam se da me čujete. Dakle ta Viber grupa, hvala vam još jednom, pokazalo se dodatni alat uspješnom realiziranju ovih naših online sjednica, zapravo samim tim pokazali smo svi zajedno da je saradnja među svima nama u ovom momentu najviši stepen odgovornosti prema građanima. Hvala još jednom.

Imam dva zastupnička pitanja i potom jedan prijedlog zaključka.

Prvo pitanje molim Vladu Kantona Sarajevo i Ministarstvo zdravstva da mi dostave podatke o svakoj pristigloj donaciji svim zdravstvenim ustanovama koje finansira Kanton Sarajevo u toku pandemije koronavirusa bilo da se radi o novčanoj donaciji, medicinske opreme, materijala ili bilo kojoj drugoj donaciji čija se sredstva koriste u suzbijanju pandemije.

Drugo pitanje odnosno zahtjev Molim Vladu KS da me obavijesti o iznosu sredstava uplaćenih na depozitni račun Kantona Sarajevo otvoren za prijem donacija za borbu protiv pandemije Corona virusa i utrošku istih, te o utrošku inicijalnih sredstava sa računa u iznosu od 720.000 KM za nabavku respiratora u

saradnji sa UNDP-om.

Na osnovu člana 117 i 120 Poslovnika Skupštine Kantona Sarajevo predlažem da Skupštine Kantona Sarajevo donese sljedeće zaključke:

1. Obavezuje se Tim Vlade Kantona Sarajevo za borbu protiv korupcije i Ured za kvalitet da na osnovu člana 7 Odluke o bazi podataka o javnim nabavkama za korisnike budžeta u Kantonu Sarajevo SL novine Kantona Sarajevo 49/16 provede nadzor nad institucijama iz člana 1 Odluke a sve u vezi provedbe u skladu sa članom 5 koja nalaže institucijama da u roku od 30 dana od dana realizacije ugovora unesu tražene podatke o javnim nabavkama.
2. Obavezuje se Tim Vlade Kantona Sarajevo za borbu protiv korupcije i Ured za kvalitet da skupštini Kantona Sarajevo na svakoj radnoj sjednici dostavi informaciju o do tada poduzetim nadzorima.

Obrazloženje;

Uvidom u online bazu javnih nabavki Kantona Sarajevo evidentno je da se podaci ne objavljuju u skladu sa rokom iz odluke o bazi podataka o javnim nabavkama, za korisnike budžeta u Kantonu Sarajevo, što ometa zastupnike Skupštine Kantona Sarajevo u praćenju i pravovremenom reagovanju na uočene nepravilnosti (nerazumljivo) pandemije korona virusa još više dobija na značenju zbog efektivne kontrole trošenja budžetskog novca. Zahvaljujem. Ove zaključke i pitanja dostavit ću (nerazumljivo) a mogu i slikati. Zaključak ću dostaviti na naš Viber grupu. Zahvaljujem.

Predsjedavajući:

Zahvaljujem uvažena zastupnice. Sljedeća ima riječ zastupnica Neira Dizdarević.

Poslanik/zastupnik Neira Dizdarević.

Hvala uvaženi predsjedavajući. Pozdrav za sve kao i za gledatelje koji prate naš današnji rad. Ja za danas imam više zastupničkih pitanja i inicijativa i iste ću dostaviti u pisanoj formi. Usmeno ću zamoliti odgovor na dva pitanja.

Prvo pitanje jeste u kojem procentu se ostvaruje planirano punjenje budžeta Kantona Sarajevo? I kada možemo očekivati rebalans budžeta i koje su osnovne pretpostavke za isti. A drugo pitanje je upućeno ministru zdravlja Kantona Sarajevo. Da li su tačni navodi da nema terapije za onkološke pacijente na KCUS i da li je istina da su ovi teški bolesnici nakon višesatnog čekanja vraćeni kućama bez primljene terapije? Toliko hvala.

Predsjedavajući:

Zahvaljujem uvažena zastupnice. Sljedeća ima riječ uvažena Kristić Danijela. Izvolite.

Dopredsjedavajuća Danijela Kristić:

Zahvaljujem predsjedavajući. Pozdravljam sve prisutne i gledaoce kraj malih ekrana. Ja imam jednu inicijativu i dva zastupnička pitanja. Prva inicijativa.

Ovim putem podnosim inicijativu da se privremeni prihvatni centri (Ušivak i Blažuj) adekvatno ograde, te da se obezbijedi adekvatna fizička i tehnička zaštita, a sve u svrhu ograničenja kretanja migranata i poboljšanja opće i zdravstvene sigurnosti.

Obrazloženje:

Zbog nekontrolisanog izlaska migranata iz prihvatnih centara, radi neadekvatne fizičke i tehničke zaštite, dovodi se u pitanje provedeni zdravstveni trijaža i medicinski tretman, što za rezultat može imati eskalaciju zaraze COVID – 19.

Zastupničko pitanje postavljam i tražim usmeni odgovor od ministra Mesihovića. Kako je moguće da ste UO Zavoda za zaštitu studenata imenovali gđu Muvedetu Butmir Čedić kada se zna da se protiv iste vodi krivični postupak u Kantonalnom Tužilaštvu i da je dok je obavljala funkciju direktora stručne nemedicinske discipline na godišnjem nivou ostvarivala prihod u KCUS preko 100.000 KM?

Zastupničko pitanje prema Vladi Kantona Sarajevo i Ministarstvu Kantona Sarajevo. Radi velikog interesa javnosti i transparentnosti molim vas za sljedeće informacije u vezi uplate donacija fizičkih i pravnih lica u Budžet Kantona Sarajevo za 2020.godinu u svrhu borbe protiv pandemije COVID – 19:

- Koji iznos sredstava je uplaćen od trenutka otvaranja navedenog računa do 23.04.2020.godine?

- Koja pravna lica su uplatila donacije i u kojem iznosu?

- Da li su uplaćena sredstva već utrošena, u koje svrhe i u kojem iznosu?

Hvala.

Predsjedavajući:

Zahvaljujem dopredsjedavajuća Kristić. Sljedeći ima riječ uvaženi zastupnik Poturak Dževad. Dževade jeste li spremni?

Poslanik/zastupnik Dževad Poturak:

Jesam. Selamim i pozdravljam sve prisutne. Pitanje za ministra privrede. Da li je u srednjoročnim mjerama predviđena bilo kakva pomoć privredi na području Kantona Sarajevo za firme koje imaju pad prihoda od 20% i više i koje nemaju posla od marta mjeseca pa nadalje? Znamo da je predviđena pomoć za firme koje imaju zabranu ali šta je sa onim firmama kojima nije zabranjen rad ali u ovakvoj situaciji nemaju posla? Postoji li mogućnost da se njima pomogne sa minimalnom plaćom ili dijelom minimalne plaće? Zahvaljujem.

Predsjedavajući.

Zahvaljujem zastupniče. Sljedeći ima riječ uvaženi zastupnik Zvonko Marić. Izvolite.

Poslanik/zastupnik Zvonko Marić:

Da ja sa spreman i da li se čujemo? Dame i gospodo, drugarice i drugovi, poštovani gledatelji koji pratite pored malih ekrana rad ove online sjednice. Ja bih imao nekoliko pitanje, međutim neka ću dostaviti neka ću i odmah tražim usmene odgovore da vi registrirate predsjedavajući. Prije svega budući da je vrijeme nekih krivih tokova i izvanredne situacije koju mi drugačije zovemo, ali sasvim sigurno zbog mjera koje se poduzimaju da je upravo to tj vanredna situacija. Budući da je veliko interesovanje u Klub SBB je došlo puno pitanja vezanih za maturu, za eksternu maturu i za mogućnost upisa u srednje i visoke škole tj fakultete. Molim ministra da nam usmeno kaže u kojoj fazi su sve te pripreme i šta je to novo kada je riječ o maturi, eksternoj maturi, i upisima i da da upute građanima koji su jako zainteresirani za ovaj problem. Drugo moje pitanje odnosi se na poduzeće Gras. Budući da je kod nas ovdje došla obimna dokumentacija koja se odnosi na prijem zaposlenika u Gras, evo primjerice odluka za obavljanje poslova kondukter kontrolor na određeno vrijeme, do jedne godine, po raspisanom oglasu u dnevnom listu Dnevni avaz, dana 23.01.2020 godine izabrani su sljedeći kandidati njih 22. Vrlo je simptomatično da prva 22 imaju po maksimalan broj bodova, imaju po 100, to je maksimalni a jedno od pitanja u testu za kandidate se odnosilo koliki broj imamo tramvajskih linija, poznato je svima da ima pet, međutim kao tačan odgovor usvajao se da ima 6. Kako je moguće da imaju 100 poena ako je netačan odgovor na ovo pitanje. I prema tome, ima tu još niz stvari. Također bivši direktor Šehić je bez odobrenja NO uposlio isto 12 ljudi. To je ukupno 34 koja su na vrlo problematičan način i molim da mi se odgovori na ovo pitanje koje će se mjere poduzeti uključujući i nadležne koji se bave pitanje korupcije. Moje sljedeće pitanje ili inicijativa uglavnom se odnosila na ono što je kolega Dević rekao ali i kolegica dr. Amra Junuzović Kaljić. Ja prihvatam inicijativu i podržat ćemo tu inicijativu ali ukoliko se precizira u deklaraciji da samo jedna ispravka. Svim zdravstvenim radnicima koji su se stavili na raspolaganje itd. Jer poznata je činjenica da se nisu stavili svi podjednako i da ima veliki broj otvorenih bolovanja. Bilo bi vrlo korektno da se to precizira. I uz ovo što je gospodin Dević rekao da se treba zahvaliti i svim radnicima i (nerazumljivo) i prosvjetnim radnicima ali time otvaramo mogućnost da kažemo i policijcima jer oni požrtvovano rade i vrlo risikantne poslove, prema tome u toj deklaraciji ili da sadrži ta deklaracija ili da mi novu sličnu deklaraciju pokrenemo ili da to doktorica Kaljić na neki način ugradi i da pomene i da kaže svim onim jer znamo da nisu svi. Precizno iznošenja stvari i obraćanja onima kojih se tiče. Sve ostalo dostavit ću pisanim putem da ne oduzimam vrijeme drugim kolegama koji sigurno imaju bezbroj pitanja.

Predsjedavajući:

Zahvaljujem sljedeća za riječ se javila uvažena zastupnica Bilsena Šahman. Izvolite.

Poslanik/zastupnik Bilsena Šahman:

Dobar dan. Pozdravljam sve koji prate ovu sjednicu. Evo ja ću skratiti da ovo nadoknadim vrijeme što je moj kolega Zvonko potrošio. Imam samo tri pitanja ministru Juski. Šta je sa preostalim migrantima na ulici koji su uslovi trebaju obezbjediti i ko ih obezbjeđuje da bi se oni sklonili sa ulice? Kakvo je trenutno stanje po pitanju sigurnosti u Kantonu Sarajevo? Imate li poređenje sa istim mjesecom u prošloj godini po ovom pitanju? Za ministra Mesihovića šta ste poduzeći po pitanju nabavke lijekova za osobe sa poteškoćama u razvoju a koji su za njih od životnog značaja? To su dijazepam klizme, depakine i zašto ih tjeramo da ih nabavljaju na crno? Za ministra Krivića kako ocjenjujete dosadašnji tok online nastave? Nastavnici koriste različite platforme, snalaze se, učenici i roditelji im šalju po cijeli dan poruke, imate li namjeru to ujednačiti i urediti i kako nastavu pohađaju djeca s poteškoćama u razvoju? Oni su imali nastavu kao sa specijalnim programima. Da li njima šaljete online? I kako njima pomažete da prebrode ovaj period? Hvala.

Predsjedavajući.

Zahvaljujem uvažena zastupnice. Sljedeća ima riječ ima uvažena zastupnica Hodžić Admela. Izvolite. Jeste li spremni uvažena zastupnice?

Poslanik/zastupnik Admela Hodžić:

Da li me čujete?

Predsjedavajući:

Čujemo vas ali je mikrofonija molim da smanjite ton na vašem uređaju. Uvažena zastupnice ne čujemo vas, jeste li spremni? Mikrofonija je velika možete li koristiti neki drugi uređaj jer vas zaista ne čujemo ništa.

Poslanik/zastupnik Admela Hodžić:

Da li me čujete sada bolje. E zahvaljujem. Pozdravljam sve kolege i sve one koji prate naš rad. Pa ja isto kao i kolegica Bilsena imam pitanje za ministra MUP gospodina Jusku. Da li ima informacije koliko je migranata od početka pandemije izazvane korona virusom prešlo u migrantske centre Ušivak i Binježevo i koliko ih trenutno tamo boravi? Da li je njihovo kretanje ograničeno i na koji način da li se kontroliše? Općenito kakva je sigurnosna situacija u migrantskim centrima i da li se pridržavaju propisanih mjera?

Sljedeće pitanje je za ministra zdravstva. Da li ima informacije koliko je migranata od početka pandemije koronavirusa u migrantskim centrima Ušivak i Binježevo testirano? Da li ima pozitivnih slučajeva= da li su migranti u ovim centrima pod stalnim nadzorom i kontrolom Ministarstva zdravstva? I na koji način se vrši kontrola i nadzor koji se odnosi na zaštitu od pandemije? Da li je i koliko izdato rješenja o zdravstvenom nadzoru samoizolaciji u prethodnom periodu migrantima u Kantonu Sarajevo? Toliko tražim na oba pitanja usmeni odgovor. Zahvaljujem.

Predsjedavajući.

Zahvaljujem uvažena zastupnice. Sljedeća ima riječ uvažena zastupnica Memić Arijana. Izvolite.

Poslanik/zastupnik Arijana Memić.

Zahvaljujem. Pozdravljam sve prisutne i gledaoce kraj malih ekrana. Moje prvo pitanje upućeno je Kantonalnom Tužilaštvu Kantona Sarajevo. Tražim da mi dostavite informaciju koliko je predmeta saobraćajne nesreće u proteklih pet godina zaključano u CMS imalo status povjerljivo? Ko donosi odluke o tome i koji su to kriteriji u saobraćajnoj nesreći koji moraju biti ispunjeni da bi se zabranio uvid u predmet kroz CMS? Konkretno koji od tih kriterija je bio ispunjen da se zabrani uvid u predmet Dženan Memić koji je u tom momentu bio klasificiran kao saobraćajna nesreća. Napominjem da je Ustavni sud BIH gospodinu Ifetu Feragetu kao punomoćnik porodice Memić 2017 godine zabranio uvid u sedam tajnih dokumenata u predmetu saobraćajne nesreće. Tražim da mi dostavite informacije o tome.

Pitanje za Tužilaštvo Kantona Sarajevo Ministarstvo zdravstva Kantona Sarajevo lječarsku komoru Kantona Sarajevo.

Naime i pored izdate naredba od strane Kantonalnog Tužilaštva KS, obdukcija preminule gospođe Advije Kanlić još uvijek nije obavljena. Zašto i kada će biti?

Patolozi ne žele raditi obdukcije. Lječarska komora Kantona Sarajevo oštro osuđuje stav Udruženja patologa koji kaže da se ne preporučuju obdukcije umrlih od COVID-19, a zbog nepostojanja odgovarajućih uslova za njihovu realizaciju.

Koja zdravstvena ustanova će biti kažnjena za ne izvršavanje obdukcije ko je obavio pregled, šta je utvrđen uzrok smrti i ko će biti kažnjen za kršenje odredbe da se pokop umrle osobe obavlja u vremenu od 24 do 48 sati od nastupa smrti?

Ni u zdravstvenim ustanovama ni u Tužilaštvu nema niko ko bi se usudio baviti ovim. Formalno otvoriti istragu bez provođenja obdukcije kao da ništa nije urađeno. Ukoliko ne posjedujete adekvatnu opremu za vršenje obdukcije zašto krizni štabovi i nadležna Ministarstva ne izdvoje sredstva za nabavku istih? Na kraju, postavlja se pitanje je li uopće moguće obaviti obdukciju nakon toliko vremena? Detaljnije obrazloženje dostavit ću u pisanoj formi.

Pitanje za Tužilaštvo Kantona Sarajevo.

Prije više od četiri mjeseca su podnesene četiri krivične prijave nadležnom tužilaštvu, od strane advokata porodice Smajlović. Prijava protiv KCUS-a, generalne direktorice Sebije Izetbegović, pedijatrijske klinike i ljekara s pedijatrije, te prijava za pokušaj ubistva zbog odbijanja pružanja zdravstvene usluge djevojčici Nadin Smajlović. Zašto još uvijek nema tužilačke odluke? Koliko vremena je neophodno da Tužilaštvo KS ispita sve navode iz krivičnih prijava i donese naredbu o provođenju istrage?

I pitanje za Ljekarsku komoru Kantona Sarajevo.

Zašto nije sankcionisana generalna direktorica KCUS-a Sebija Izetbegović, kao i 10 ljekara koji su

potpisali odbijanje liječenja djevojčice Nadin Smajlović?

Porodici Smajlović ste pismenim putem odgovorili da niste nadležni za ispitivanje rada niti jedne ustanove koja se bavi pružanjem zdravstvenih usluga. Ukoliko niste nadležni, zašto se niste ogradili od tako sramnog postupanja direktorice Sebije Izetbegović i ljekara s pedijatrije, obzirom da ste se oglašavali o obdukcijama koje se ne rade i doktorici koja je rekla da ih neće obavljati, te ste najavili i pokretanje postupka.

toliko od mene. Hvala.

Predsjedavajući:

Zahvaljujem uvažena zastupnice. Sljedeća ima riječ uvažena zastupnica Duraković Jasna, izvolite.

Poslanik/zastupnik Jasna Duraković.

Dobar dan jel se čujemo? Zahvaljujem predsjedavajući. Naravno srdačno pozdravljam sve kolegice i kolege koji prisustvuju današnjoj sjednici kao i gledateljice i gledatelje pored malih ekrana koji prate putem TVSA prenos ove sjednice. Ja imam nekoliko zastupničkih pitanja koje sam dostavila i u pismenoj formi putem maila. Evo voljela bih da mi ministar za obrazovanje nauku i mlade Kantona Sarajevo odgovori na ovih par pitanja u usmenoj formi.

Prvo, da li možemo očekivati da će se škole otvoriti do kraja tekuće školske godine tj. da će se nastava ponovo realizirati ili vratiti u učionice u osnovnim i srednjim školama u KS?

Potom da li imate neke pokazatelje o uspješnosti provođenja procesa online nastave u ovim uvjetima proglašenog stanja prirodne nesreće?

I da li mi možete dati neke projekcije kako će se ovo odraziti dugoročno na proces redovne nastave u učionici u narednom periodu kada se stanje normalizira?

Potom imam nekoliko pitanja za premijera Nenadića. Možda evo i za Krizni štab Kantona Sarajevo.

Ustavni sud BiH je jučer donio odluku da se donesenim mjerama zabrane kretanja uslijed pandemije korona virusa mlađim od 18 i starijim od 65 godina potpuno krše ustavom zagarantirana temeljna ljudska prava na slobodu kretanja i evo po tom osnovu zašto se do sada niko nije oglasio iz Vlade Kantona Sarajevo po moje dvije inicijative koje sam poslala. Dakle niti jedne riječi, slova nisam dobila a vezane su bile inicijative za ublažavanje ovih mjera upravo iz navedenog razloga. Do kad će biti na snazi mjere potpune zabrane kretanja ovim kategorijama navedenim? Da li će se one revidirati u narednom periodu zašto što Ustavni sud nalaže da se one izmjene tj ublaže u narednih pet dana.

I još nekoliko pitanja također Vladi Kantona Sarajevo i Kriznom štabu Kantona Sarajevo da evo upute ta pitanja Kriznom štabu CZ FBIH.

Zašto se ljudi koji su proveli 14 dana u karantenu u studentskom domu Bjelave, a pri tom su nakon testiranja bili negativni na COVID 19, ne puste svojim kućama? Ko je i po kojim preporukama donio novu odluku da se ovi ljudi zadržavaju do 28 dana i da li je to preporuka SZO? Zašto se ovi ljudi koji su testirali negativno ponavljam, drže u neadekvatnim uslovima dakle čuli smo putem medija da se javljaju majke sa djecom da borave u malim sobama, zaista neadekvatne loše, jako loši uslovi. Pri tom testirani su svi negativni ne puštaju se svojim kućama. Čak im se onemogućava terapija propisana terapija koju konzumiraju zbog drugih bolesti, tipa tablete za povišen pritisak i slično. I na kraju, zašto još uvijek svi koji borave u studentskom domu Bjelave nisu testirani na COVID-19 ili nisu čak dobili rezultate nakon sedam dana od urađenih testirana. Toliko i zahvaljujem. Dakle tražim samo usmeni odgovor od Ministarstva za obrazovanje ostalo pismeno.

Poslanik/zastupnik Elmedin Konaković:

Hvala predsjedavajući. Jel se čujemo? Jel ima neke mikrofonije? Srdačan pozdrav vama svim kolegicama i kolegama, gledaocima TVSA koji prate rad današnje sjednice. Imam nekoliko pitanja za koja tražim usmene odgovore, a odmah ću ih mailom proslijediti na adresu skupštinske službe. Pitanja su za ministra Rusmira Mesihovića.

Ako jeste donijeli akt o reorganizaciji zdravstvenog sistema da li ste planirali za novi način rada obezbjediti novac ustanovama kojima nalažete novi i povećan obim rada ili ste planirali propisati povećan obim posla Opštoj bolnici, DZ i drugim ustanovama a novac da ostane KCUS i da li ste to smisli sami ili po nečijoj naredbi? Drugo pitanje, a osnovu čega ste propisali iako ne znamo da li je akt još uvijek važeći, potpisan je a vi ste u nekom medijskom nastupu rekli da nije zvaničan, prelazak uposlenika iz jedne ustanove u drugu, na članu 188 Zakona o zdravstvenoj zaštiti daje pravo da reorganizujete sistem zdravstvene zaštite ali ne da kršite druge zakone i kolektivne ugovore, da ste čak i jednog direktora čini mi se prebacili na poziciju uposlenika u nekoj od ustanova?

Pitanje za ministra Draška Jeličića, poštovani ministre znate li koji su termini proljetne sjetve i kada ona završava? I u sklopu ovog pitanja pitam vas šta ste uradili sa inicijativom PD Butmir kojom se predlaže povećan obim proljetne sjetve? Još jedno pitanje, zašto javnim pozivom niste tretirali privrednike kojima je drastično pao promet, nego samo one kojima je zabranjen rad odlukom Federalne Vlade?

Pitanje za ministra Halebića. Najavili ste Zakon o uštedama kao jednu od mjera na samom početku borbe protiv pandemije, šta se s tim zakonom dešava, te ste izjave dali na prvoj press konferenciji. Molim da nas o tome informišete.

I pitanje za komandanta štaba ministru Glamoč, znate li vi zašto građani koji se vrate iz inostranstva držite u karantinima koje ste napravi, a građane koji su u BIH za koje znamo da su imali direktan kontakt sa zaraženim držite u svojim kućama? Po kojem osnovu vi slijedite upute ovakvu brutalnu uputu ovog federalnog kriznog štaba? I samo još želim da izrazim nezadovoljstvo jer se vama gđo Glamoč vašem Ministarstvu i ministru Mesihovića mailovima obraćam danima, čak i premijera maltretiram i evo se izvinjavam on odgovara, nikada niste odgovorili ni na jedan mail koji ste direktno od zastupnika dobili. Hvala vam. Nemam više pitanja.

Predsjedavajući:

Zahvaljujem uvaženi zastupniče. Sljedeći ima riječ Stojanović Igor, izvolite ako ste spremni. Morate uključiti mikrofon, mi vas ništa ne čujemo.

Poslanik/zastupnik Igor Stojanović.

Hvala lijepo. Pozdravljam sve prisutne i imat ću tri pitanja. Moje prvo pitanje odnosi se na

Centar Vladimir Nator. Imam informaciju i tražim usmeni odgovor od ministar obrazovanja da se u Centru Vladimir Nator organiziraju dežure po 7 nastavnika. S obzirom da to direktno može uticati na eventualno stvaranje novog klastera pandemije i s obzirom da se radi čak i o kršenju Zakona o radu (čl.55), kao i sa Zakonom o zaštiti na radu, zanima me da li ministar ima određene informacije i da li kontroliše organizaciju s obzirom da se radi o ustanovi i uposlenicima koji imaju i svoje porodice i postoji eventualna opasnost od zaraze pa bih volio ako ništa jednu kratku informaciju o ovom Centru šta se tamo dešava i kakvo je stanje s obzirom na specifične uslove vezano za pandemiju.

Moje drugo pitanje također tražim usmeni odgovor je za ministra privrede. Želio bih da nam on saopšti koje su to mjere kada je u pitanju ublažavanje ekonomske krize koje je on predložio vezano za trenutnu situaciju s obzirom da su projekcije na našu ekonomiju i pogotovo u Kantonu Sarajevo mogle bi biti katastrofalne. Mene zanima koje su to mjere koje je on prema Vladi Kantona Sarajevo lično predložio da čujemo?

I imam treće pitanje za koje bih tražio pismeni odgovor. Pitanje je sljedećeg sadržaja:

Kako je moguće da se realizacija projekta na rekonstrukciji bazena na Fakultetu sporta i tjelesnog odgoja (FASTO) radi suprotno u odnosu sa projektnom dokumentacijom za koju je Opština Centar izdala odobrenje za građenje 2005 pod brojem 07-23-2254/05. Sredstva za realizaciju ovog projekta u iznosu od 1.700.000 KM trebalo je da osigura Ministarstvo obrazovanja, nauke i mladih Kantona Sarajevo, a stručno tehnički nadzor nad izvođenjem radova je vršio i vrši Zavod za izgradnju Kanton Sarajevo. U obrazloženju također navodim da je "INSPEKTORAT OPŠTINE CENTAR 11.12.2019 donio je Rješenje kojem je naložio investitoru (FASTO) da otkloni nepravilnosti na obnovi bazena jer se radovi rade u suprotnosti sa odobrenjem za građenje. Inače radove izvodi firma "Handling" iz Slovenije". Pa bih molio ovdje pismeni odgovor. Hvala.

Predsjedavajući:

Zahvaljujem uvaženi zastupniče. Sljedeća ima riječ uvažena Bešlija Vildana. Izvolite zastupnice.

Poslanik/zastupnik Vildana Bešlija:

Hvala vam. Ja bih prvo htjela jedan generalno osvrt da dam vezano za odgovore na inicijative koje dobijamo, odnosno ne dobijamo. Način na koji se one prezentiraju. Znači ustaljena praksa je bila da mi dobijamo odgovore mailom kao neki abdejt a to se više ne radi izgleda. Osim toga postoje neke inicijative koje sam već poodavno podnijela ali nisam dobila nikakav odgovor. S tim u vezi samo bih kratko ponovila sličnu inicijativu kao što je kolegica Jasna već spominjala. To sam već skoro mjesec dana, 27.03 sam podnijela inicijativu vezano za osobe starije životne dobi, 65+ koja je vezana i za inicijativu koja se odnosi na TVSA. Nisam dobila odgovor. Mene interesuje da li ej Vlada Kantona Sarajevo našla za shodno da podnese odnosno da da neku inicijativu prema Federalnom kriznom štabu po ovom osnovu iako već znamo sada šta je sud rekao ali me interesuje da li je ova Vlada išta poduzela po tom pitanju. Dalje u nastaviti sa mjerama koje smo mi kao Klub Naše stranke uputili prije tačno mjesec dana. Mi nismo dobili nikakav odgovor. Da li se nešto učinilo po tom pitanju, da li je nešto od toga uvaženo ili ne? Interesuje me konkretno šta je sa tim? Molim Vladu zaista za one stvari koje dostavljamo pismeno, za koje se zaista potrudimo, koje smatramo da su jako važne da se na osnovu i tog uložnog truda i namjere koju imamo da nam se adekvatno i odgovori, da li su nešto uradili ili ne? Također imam inicijativu na koju sam dobila odgovor sa kojom nisam zadovoljna, a tiče se pitanja koje sam uputila prema Apotekama Sarajevo, kako je moguće da lijek Lioresal koji koriste oboljeli od multiple skleroze a plaća se u punom iznosu u Apotekama Sarajevo košta 33,85 KM dok u Luprilu njegova cijena iznosi 17,5 KM kada je uvoznik (nerazumljivo). Odgovor koji sam dobila kaže da su se Apoteke Sarajevo kroz vremenski period prilagodili snižavanju cijena od strane proizvođača i tako svojim

pacijentima obezbijedili lijek po nižoj cijeni. Mene interesuje kojeg datuma je došlo do snižavanja cijene Lioresala od strane proizvođača? Tražim da mi odgovorite koliko je trajao ovaj vremenski period snižavanja cijene lijeka Lioresal u Apotekama Sarajevo do momenta sniženja fabričke cijene lijeka? Kako je moguće da jedna privatna apoteka brže uradi umanjenje cijena od apoteke Sarajevo? Kojeg datuma je bila nivelacijske cijene lijeka u Apotekama Sarajevo? Također tražim informaciju o potrošnji Lioresala u 2019 i navedenim prihodom od prodaje ovog lijeka kao i informaciju na mjesečnom nivou o potrošnji i prihodu od prodaje u periodu od 01.01.2020 do kraja marta kao i stanje zaliha ovog lijeka datumom snižavanja. Također ostala pitanja ne znam je li imam dovoljno vremena ali evo da ne bih, još bih spomenula ono što je posebno važno u ovoj situaciji s obzirom da javnim pozivom za privrednike nisu obuhvaćeni privrednici kojima je promet smanjen za 20% i više a radi se o Kanton Sarajevo ako mi nećemo kao Kanton koji ima budžet blizu milijardu imati neke jače mjere prema privrednicima, onda se pitam koji je to Kanton u stanju a znamo da se moramo nasloniti na mjere Federacije tako da smatram da treba se objaviti novi poziv koji će obuhvatiti i ove privrednike. Ostale inicijative i pitanja ću dostaviti u pisanoj formi. Hvala vam.

Predsjedavajući

Zahvaljujem uvažena zastupnice. Sljedeći ima riječ dopredsjedavajući Handžić Vibor izvolite.

Dopredsjedavajući Vibor Handžić.

Zahvaljujem predsjedavajući. S obzirom da se javljam prvi put, svima želim dobar dan. I ugodan rad danas. Imam nekoliko inicijativa i pitanja pa ću krenuti da ne gubim vrijeme. Dakle, 03.03. čini mi se da je bila 22 Radna sjednica Skupštine Kantona Sarajevo podnio sam inicijativu prema Ministarstvu saobraćaja za izgradnju vidikovca za turističke autobuse i grupe i predložio sam i lokaciju Put mladih muslimana cesta. Moram priznati da sam jako neprijatno bio iznenađen odgovorom Ministarstva koje sam dobio nakon mjesec i po dana a to je da se obratim Direkciji za puteve Kantona, Direkciji koja je sastavni dio, direkcija je unutar resora samog ministarstva saobraćaja. Ne znam zašto sam gubio mjesec i po dana. Pa evo poslat ću tu inicijativu Direkciji za puteve. Pitanje jedno za ministra Juska. Zanima me koliko je do sada izdato prekršaja i prikupljeno sredstava vezano za kršenje mjera zabrane od strane kriznih štabova. Govorim kršenje policijskog sata, napuštanje izolatorija, propisane samoizolacije i u koju svrhu e se ta prikupljena sredstva dalje koristiti. Molim premijera ili za koga drugog on smatra da je adekvatan da odgovori na to pitanje, nešto je o tome govorili moja kolegica Duraković i kolega Konaković, molim usmeni odgovor. Pošto jako puno dobivam pitanja od ljudi koji su naši građani koji su još uvijek u inostranstvu i boje se da krenu nazad u BIH jer nemaju jasne informacije po tom pitanju vezano za studentski dom na Bjelavama. Samo da se jasno građanima objasni procedura. Šta se dešava kada se pređe granica, koliko se zadržava građanin u šatorskom naselju, kada se upućuje u kantonalne izolatorije, i koliko na kraju ljudi ostaju u izolaciji u studentskom naselju Bjelave da li je to 14 da li je 28 dana, da li se počelo raditi testiranje u skladu sa saopštenjem koje je izdato prije neki dan da će se raditi tri testiranja u roku 14 dana ljudi koji se nalaze u izolatoriju na Bjelavama? Da li je puštanje ranije građana koji su došli iz Italije u odnosu na 28 dana praksa i pravilo ili je to samo bio jedan incidentna slučaj?

Nadalje imam pitanje i tražim usmeni odgovor nadovezujem se na svog kolegu Marića ali samo prema drugom resoru, prema ministrici Glamoč. Ministrici komunalne privrede i infrastrukture da mi odgovori da li će i na koji način postupati prema nepravilnostima i nezakonitostima koje smo dobili u zvaničnim dopisima komunalnih preduzeća VIK i RAD prema bivšim direktorima tih preduzeća koji su danas, ironija je, punomoćnici u skupštinama ta dva preduzeća i da mi odgovori da li je po njoj primjereno i da li je sukob interesa da bivši

direktori tih preduzeća koji su danas punomoćnici u skupštinama razmatraju vlastite izvještaje iz 2019 godine a bili su ja mislim i pola čak godine 2019 još uvijek direktori tih preduzeća? Ostalo ću sve dostavit pismeno. Zahvaljujem.

Predsjedavajući:

Zahvaljujem dopredsjedavajući Handžić. Sljedeći ima riječ uvaženi zastupnik Nikšić Damir, izvolite, jeste li spremni uvaženi zastupniče?

Poslanik/zastupnik Damir Nikšić.

Hvala. Pozdravljam predsjedavajućeg i sve kolege i sve koji gledaju. Da odmah pređem na stvar. Ja sam poslao više inicijativa i pitanja za ovu sjednicu na koja tražim pismene odgovore. Ovo zastupničko pitanje sam napisao nešto prije a sekretarijat ga je zaprimio 16 aprila na njega tražim usmeni odgovor resornog ministra. Nakon što sam dobio pismeni odgovor advokata jednog drugog ministra sa drugog nivoa vlasti gdje sam javno postavio ista pitanja, a ona glase.

- Da li ste upoznati s tim da je u Avazu šef pravne službe testiran pozitivan na koronavirus te da je po navodima kako uposlenika tako ljekara neko vrijeme bio u kontaktu sa cijelom redakcijom ne prijavivši nikom od kolega da je pozitivan.
- Da li ste upoznati s tim da su uposlenici zvali sve preporučene brojeve da prijave njegovo neodgovorno ponašanje, zvali su policiju koja im je rekla najbolje da se obrate novinarima?
- Da li ste upoznati s tim da je pet dana nakon njega testiran pozitivan i direktor?
- Da li su i kada su poduzete propisane mjere i koje? Koliko vremena je prošlo od pozitivnog rezultata prvozarađenog i testiranja radnika?
- Da li je i kada je zgrada bila zatvorena da li je dezinficirana i da li su i kada su svi radnici koji vjeruju da su došli u kontakt sa zaraženim testirani na koronavirus?

Obrazloženje:

Kontaktiran sam od strane uposlenika koji tvrde da su u strahu da javno progovore o ovome kao građanski zastupnik u Skupštini Kantona Sarajevo dužan sam reagovati i izvijestiti Skupštinu i Vladu Kantona i tražiti odgovore i odgovorne zastupajući ne samo ljudska građanska i radnička prava već i zdravstvenu sigurnost svojih sugrađana u vrijeme epidemije smrtonosnog virusa i stanja prirodne nesreće. S obzirom da u redakciji kako sam informisan i dalje radi 30 radnica i radnika kojima nije omogućen rad od kuće, i koji moraju dolaziti na posao u neizvjesnosti tj u neznanju da li su zaraženi ili ne, mislim da ih je u najmanju ruku potrebno hitno testirati. Ovakvo nefunkcionisanje ili funkcionisanje sistema zasluži da se oštrim kritikama koje dolaze od javnosti pridružimo i mi zastupnici, jer naprosto sramotno je i nedopustivo je da se ovako nešto dešava uposlenicima bilo kojeg preduzeća ili institucije, javne ili privatne, da ih se nakon slučaja kompanije Igman i dalje na isti nekažnjen način dovodi u životnu opasnost od strane nadređenih. Iz ovog slučaja se također vidi da je prijeko potrebno instruirati policiju da adekvatno reaguje a potrebno je informisati, tj podsjetiti imenovane dužnosnike izvršne vlasti na svim nivoima kao i njihove privatne ili druge advokate da ni na koji način pa ni javnim prijetnjama sudskim tužbama ne bi smjeli intimidirati ometati izabrane skupštinske zastupnike, tj parlamentarce bilo kojeg nivoa zakonodavne vlasti u obavljanju njihovog posla, ispunjavanju građanskih i zastupničkih dužnosti, među kojima je informisanje kako u javnosti tako i imenovanih dužnosnika izvršne vlasti o situaciji na terenu u trenucima prirodne nesreće. Da ne pominjem da nama parlamentarcima dužnost njegovati čuvati i boriti se za slobodu informisanja koja predstavlja čitav korpus građanskih prava. Znači intimidiranje i ometanje našeg rada ne bi smjelo biti mjesta u parlamentarnoj demokratiji. Opet napominjem ovo je pisano i isporučeno 16 aprila. Tako da je vjerovatno i nadam se sada već outdated i da su poduzete mjere ali bih volio da

znam ko je i kada, koji je rok bio da mi usmeno odgovori koji je bio rok, koliko je dana prošlo između (nerazumljivo) i da li će iko imati biti prijavljen radi toga što je tajio da je zaražen? Hvala.

Predsjedavajući:

Zahvaljujem uvaženi zastupniče. Sljedeći ima riječ uvaženi zastupnik Okerić Elvedin. Izvolite, jeste li spremni?

Poslanik/zastupnik Elvedin Okerić:

Spreman, čujemo li se? Uvaženi predsjedavajući, poštovani građani pored malih ekrana, zastupnice, zastupnici, sve vas srdačno selamim i pozdravljam. Imam dva pitanja. Prvo pitanje se odnosi na premijera ili ministra finansija za koje tražim usmeni odgovor. Zbog transparentnosti interesa javnosti molim vas da mi odgovorite u vezi uplate donacija fizičkih i pravnih lica budžet Kantona Sarajevo za 2020 u svrhu borbe protiv pandemije COVID-19 koji iznos sredstava je do sada uplaćen, koja pravna lica su uplatila i u kojem iznosu? Da li su uplaćena sredstva već utrošena? U koje svrhe i u kojem iznosu? Tražim usmeni odgovor. I još jedno pitanje za premijera Nenadića. Da li Kanton Sarajevo ima ikakve nadležnosti kada su u pitanju mjere za ublažavanje negativnih ekonomskih posljedica ili je neophodno za sve ili većinu mjera čekati donošenje Zakona na nivou FBiH? Hvala.

Predsjedavajući:

Zahvaljujem uvaženi zastupniče. Sljedeći se prijavio uvaženi zastupnik Jakupović Vedran. Izvolite. Jeste li spremni?

Poslanik/zastupnik Vedran Jakupović:

Hvala predsjedavajući. Pozdravi svim kolegama i gledaocima Kantonalne tv. Imam jako puno pitanja, dosta ćemo ih postaviti obzirom da je riječ o temama tokom sjednice, i tražit ćemo usmeni odgovor naravno. Mada je uobraženo, ja ću postaviti pitanje dijelom je obrađeno u ovom Izvještaju koji smo dobili, pitanje Gerontološkog centra detaljnu informaciju o tome šta se dešavalo kada je riječ o Gerontološkom centru o jednoj zarađenoj štitenici koja je prijavljena i kako je riješeno? Da li su postojali propusti po pitanju organizacije službe, dakle detaljan izvještaj šta se to dešavalo u Gerontološkom centru pošto je riječ o 350 štitenika. Drugo pitanje vezano je za zdravstvene radnike koji su zaposlili preko Zavoda za zapošljavanje preko projekta i trenutno imaju finansijsku nadoknadu koja ne odgovara radu i problemima u radu koje donosi koronavirus. Riječ je o ljudima koji su angažovani u rubna područja Kantona. Ne plaća im se ni prevoz, tako da zanima me postoji li mogućnost evo prema DZ da se riješi status tih radnika. Većina njih je u DZ u Ilijašu. Pitanje ne znam hoće li kolega Vreto postaviti vezano je za njegovu inicijativu koju smo mi svi usvojili 25 februara a odnosi se autoškole. Dokle je, obzirom da je Skupština usvojila tu inicijativu kolege Vrete, kada će Ministarstvo obrazovanja u čijoj nadležnosti su autoškole donijeti izmjene po pitanju taksi za autoškole. Ja ću ponoviti još jednom svoju inicijativu koja je vezana za rekonstrukciju i asfaltiranje Apelove ceste koja ide od naselja Pogledine prema tačnije od ulice Dolovi prema cilju Bob staze direktno na Trebević koja je direktno jedina veza Kanton Sarajevo sa Trebevićem, obzirom da imamo situacije kakve imamo, građani žele da idu moguće su, evo imali smo policijski sat u RS, prošli vikend, tako da ne znamo šta će se dešavati. Evo još jedna od prilika da se pokrene priča da se ova cesta asfaltira i uredi obzirom da je ona dosta sređena ali jednostavno treba da se tako kažem finalno završi i asfaltira da ne bi propada dalje. Evo zadnje pitanje vezano za jednu poruku Udruženja frizera. Zanima me ko uređuje firzure da kažem i našim zastupnicima ako imamo u vidu da je zabranjen rad frizerskim salonima?

Poslanik/zastupnik Jasmina Bišćević-Tokić Jasmina:

Zahvaljujem predsjedavajući. Pozdravljam sve kolege zastupnike i gledaoce kraj malih ekrana. I ja bih imala dva pitanja na koja bih molila da mi usmeno odgovore tačnije ministrica za rad i socijalnu politiku da li je tačna informacija da je direktor Službe za zapošljavanje zaposlio predsjednika svog NO. Te ću tražiti i pismeno kroz inicijativu da mi ministrica za rad dostavi od 01.09.2019 godine sve ugovore koje su zaključeni na određeno i neodređeno vrijeme u Službi za zapošljavanje. Sljedeće pitanje koje imam za ministra privrede. Molim tačno da mi kaže kolika je suma novca izdvojena ispred Vlade Kantona Sarajevo za podršku poljoprivredi? I ukupno da kaže koliko su izdvojili sredstava vezano općenito za sektor privrede. Zahvaljujem predsjedavajući.

Predsjedavajući:

Zahvaljujem uvažena zastupnice Bišćević-Tokić- sljedeći ima rije uvaženi zastupnik Pleho Haris. Zastupnice Pleho da li ste spremni? Ukoliko nije spreman zastupnik Pleho sljedeći se prijavio Mekić Amel.

Poslanik/zastupnik Amel Mekić:

Hvala vam predsjedavajući. Pošto se prvi put javljam.

Poslanik/zastupnik Pleho Haris:

Predsjedavajući čujemo li se sada?

Predsjedavajući:

Mekiću možete li molim vas pošto je imao prednost Pleho, izvolite samo isključite Mekiću mikrofon. Hvala.

Poslanik/zastupnik Haris Pleho.

Zahvaljujem predsjedavajući. Prije svega želim sve srdačno da pozdravim i poselamim kao i gledaoce pored malih ekrana. Ja imam dva pitanja koja upućujem za ministarstvo privrede i Vladu. Molim usmeni i pismene odgovore.

Najljubaznije vas molim da mi odgovorite šta su vaše ministarstvo i Vlada poduzeli na planu ublažavanje posljedica izazvana koronavirusom u oblasti poljoprivrede, budući daje ovo vrijeme kada poljoprivrednici moraju obaviti svoje radove, prije svega mislim na poticajne mjere u sjemenu i novčane poticaje i da li je taj segment urađen po zakonskim propisima u prvom redu mislim na transparentnost u podjeli poticaja i drugo koliki je iznos pomoći predviđen u poticaj u poljoprivredi?

Drugo pitanje također upućujem Ministarstvu privrede. Obzirom da je jedna od najpogodnijih privrednih grana turizam, a ne trebam da podsjećam koliki je broj zaposlenika ostao bez posla. Pitam vas šta ste poduzeli da amortizirate teške posljedice za ovu privrednu granu? Zahvaljujem.

Predsjedavajući:

Zahvaljujem uvaženi zastupnice Pleho. Zastupnice Mekić da li ste spremni. Ja vam se izvinjavam evo. Molim da nastavite.

Poslanik/zastupnik Amel Mekić:

Jesam hvala vam. Evo pošto se prvi put javljam samo da pozdravim kolegice i kolege sve gledaoce, službe, Vladu premijera. Ministre Alikadiću vidio sam da navaljujete javni poziv za sportske klubove pa podnosim inicijativu da se javni poziv realizuje u kratkim rokovima i da obuhvati sportske klubove a posebno klubove i udruženja koji rade sa mladima i finansiraju

se isključivo od članarina. Mnogo je takvih udruženja. Molim vas da djelujete čim prije. Eto to je to. Hvala vam.

Poslanik/zastupnik Samra Ćosović-Hajdarević:

Zahvaljujem predsjedavajući. Pozdravljam sve prisutne kao i građane Kantona Sarajevo. Pokrećem inicijativu prema Ministarstvu kulture i sporta da pokrene proceduru istraživanja tržišta sa ciljem prikupljanja informacija o višekratnim perivim maskama koje mogu sportisti koristiti u svojim aktivnostima, te u skladu sa mogućnostima da pokrene proceduru nabavke kako bi iste podijelili svim sportistima i trenerima u Kantonu Sarajevo. Radi se o maskama koje su namjenski napravljene za sportiste i ne ugrožavaju protok kisika prilikom treninga i takmičenja.

Moje obrazloženje je:

Obzirom da države u regionu koje su već u silaznoj putanji pandemija koronavirusa najavljuju početak određenih sportskih manifestacija iskreno se nadamo da će u BiH kao i KS desiti ista situacija. Kako struka najavljuje duži vremenski period ćemo biti obavezni koristiti maske u rukavice u svakodnevnom životu. Ove obične maske koje imamo nisu za redovnu upotrebu ne mogu biti korištene u trenažnom i takmičarskom procesu jer nemaju dovoljnu popustljivost kisika. Zahvaljujem.

Poslanik/zastupnik Elvis Vreto:

Hvala predsjedavajući. Čujemo li se? Koristim priliku da pozdravim sve kolege i kolegice kao i građane koji nas prate. Želim da se zahvalim prije svega kolegi Vedranu koji je napomenuo da je Skupština Kantona Sarajevo 25.02. usvojila inicijativu kojom se mijenja odluka o visini takse za registraciju auto škola. I sada postavljam pitanje ministarstvu za obrazovanje u čijoj je nadležnosti to, kada će provesti tu odluku, odnosno kada će je objaviti u službenim novinama ili jesu li već to učinili? Drugi je odgovor na pitanje kolege Vedrana po pitanju frizura. Evo ja ću dati svoj lični odgovor. Ošišala me supruga pa eto nadam se da to nije previše strašno iako nije frizer po struci, nadam se da neću morati u samoizolaciju 14 dana dok se frizura ne popravi. Dalje osvrnuo bih se na pitanje kolege Vibora Handžića. Ukoliko ima nejasnoća vezano za odluku o punomoćnicima koje je donijela Skupština u prethodnoj godini, Skupština ima pravo zahvaljujući mom amandmanu i možda i cijeloj toj nekom neslaganju oko te odluke, danas se ona pokazuje koliko i na koji način je štetno da je Skupština Kantona Sarajevo i mi zastupnici potpuno isključena iz procesa. Međutim jedan amandman daje mogućnost zastupnicima ukoliko su određena imenovanja mimo određenih procedura, imena nisu u skladu sa odlukom da ih Skupština može svojim zaključkom intervenisati odnosno tražiti da se to ime povuče kao punomoćnik. Sada naravno zavisi, ovo postavljam pitanje nadležnom Ministarstvu koje je predlagač, a Vlada je usvojila da li je to još uvijek na snazi da li je došlo do projekcije izmjena punomoćnika s obzirom na činjenicu da oni imaju mogućnost malte ne u roku 24 sata povući izdato rješenje o punomoćniku ili imenovati novo lice itd. Evo nadam se da ću dobiti taj odgovor. Još ću se osvrnuti, nadam se da imam vremena na odgovor koji sam dobio vezano za objavu imena lica koja krše mjere samoizolacije po rješenju izdatom od nadležnost organa. Moram istaći da je to bilo svrsishodno do perioda do 05 aprila kada je definitivno riješeno to pitanje određivanje mjesta Bjelave ako prinudnog mjesta za izolaciju. Međutim zabrinjava odgovor jedne od najvažnijih institucija kao što je KUCZ kojim mi se odgovara i poziva na rješenje Agencije za zaštitu ličnih podataka. Zašto zabrinjava. Zato što nisu na pravi način protumačili Rješenje Agencije za zaštitu podataka koja je zabranila objavu imena za ljude koji su pozitivni na COVID kao i ljude koji naše građane koji poštuju mjere po rješenju o samoizolaciji. Eto toliko predsjedavajući.

Predsjedavajući:

Zahvaljujem uvaženi zastupniče Vreto. Sljedeći ima riječ uvaženi zastupnik Milavica Sead.

Poslanik/zastupnik Sead Milavica:

Čujemo predsjedavajući. Zahvaljujem se na tome što ste mi dali riječ. Pozdravljam sve prisutne još jedanput kao i gledaoce pored malih ekrana. Ja ću evo postaviti tri pitanja. Dva su vezana za zdravstvo, odnosno tri su vezana za zdravstvo a za privredu ću postaviti kada bude ta tačka dnevnog reda.

Prvo pitanje da li su formirani timovi za uzimanje uzoraka u kućnim uslovima u DZ i Zavodu za javno zdravstvo Kantona Sarajevo? Od kada i koliko ih ima? Drugo pitanje šta je sve nabavljeno do zaštitne opreme do sada iz sredstava ZZO Kantona Sarajevo? I kako je pravljena distribucija? Moje treće pitanje upućujem dr Aidi Pilav šefici kriznog štaba jel? Molim vas ja sam u posjedu jednog dokumenta ovdje imam ispred sebe jedan dokument o donaciji ako se ne varam 430.000 maski koje podijeljeno ispred institucije javnog zdravstva. Imam spisak svih javnih ustanova koje su to dobile, i privatnih klinika koje su to dobile. Moje pitanje glasi po kojim kriterijima se vodila dr. Pilav kada je ovo dodjeljivala? Jel to bio neki abecedni red eventualno i zašto u JU u kojima su dodijeljene ove donacije nema JU Apoteke Sarajevo? Hvala.

Predsjedavajući:

Zahvaljujem uvaženi zastupniče. Možete isključiti mikrofon. Sljedeći ima riječ uvaženi zastupnik Hasanović Senad, izvolite.

Poslanik/zastupnik Hasanović Senad:

Zahvaljujem predsjedavajući. Nadam se da se čujemo. Pozdravljam sve (mikrofonija).

Predsjedavajući:

Tu na vašem uređaju imate mikrofonija je, molim vas.

Poslanik/zastupnik Senad Hasanović:

Pozdravljam sve koji nas prate nabilo koji način. evo za ovu sjednicu ja imam dva pitanja. Prema Ministarstvu zdravstva, prvo pitanje kakva je koordinacija sa migrantskim centrima u Kantonu Sarajevo? I drugo pitanje kakve su informacije i instrukcije poslate prema diplomatskim i konzularnim sjedištima u Kantonu Sarajevo? Molio bih za usmeni odgovor ako je to moguće. Zahvaljujem.

Predsjedavajući:

Zahvaljujem uvaženi zastupniče Hasanoviću. Sljedeći ima riječ uvaženi zastupnik Delalić Sabahudin, izvolite.

Poslanik/zastupnik Sabahudin Delalić:

Zahvaljujem predsjedavajući. Pozdravljam sve prisutne kao i gledaoce pored malih ekrana. Imam jednu inicijativu prema Ministarstvu kulture i sporta da analizira stanje svih sportskih resursa u KS, količinu korisnika njihovih usluga u periodu junu-decembar 2019. Godine, te napravi plan stvaranja adekvatnih uslova za nesmetan nastavak trenažnog i takmičarskog procesa. Zahvaljujem.

Predsjedavajući:

Zahvaljujem. Koristim i ja svoje pravo zastupničko da postavim pitanje odnosno inicijativu. Ja ću podnijeti inicijativu da se zaključak Skupštine Kantona Sarajevo broj:01-04-3436-6/20 od 25.02.2020.godine stavi van snage a da se usvoji kao novi kao u prilogu ove inicijative. Ja

ću zastupnicima to proslijediti putem maila i na sljedećoj sjednici ću tražiti da se o ovoj inicijativi izjasnimo. Obzirom da nemamo više prijavljenih zastupnika za pitanja i inicijative, molim premijera i članove Vlade da se pripreme odgovore istih a ja ću pročitati koliko smo imali usmenih odgovora. Traženo da se usmeno odgovori: Bešlija Vildana usmeno, Čampara Aljoša usmeno, Dizdarević Neira usmeno, Duraković Jasna usmeno, Handžić Vibor usmeno, Hasanović Senad Usmeno, Hodžić Admela usmeni odgovor, Jakupović Vedran usmeni odgovor, Junuzović Kaljić Amra izjašnjenje o Deklaraciji. Ja vas molim šefove klubova da kontaktirate doktoricu Junuzović – Kaljić Amru na vaše prijedloge da se u toku dana izjasnimo o deklaraciji. Ne mora biti na ovoj tački dnevnog reda, možemo svakako između nekih tačaka da se izjasnimo kada uskladite deklaraciju. Elmedin Konaković e tražio usmeni odgovor, Kristić Danijela, Marić Zvonko, Marjanović Damir, Milavica Sead, Nikšić Damir, Okerić Elvedin, Pleho Haris, Poturak Dževad, Srna Bajramović Segmedina. Zaključak je ponudila i usmeni odgovor. Stojanović Igor usmeni odgovor. Suljević Samir usmeni, Šahman Bilsena usmeni i Vreto Elvis usmeni. Ukoliko sam nekoga preskočio, molim da se javite u Viber grupi. Također vas pozivam da svoje zaključke sada prosljedite na Viber grupu kako bi o istima se mogli izjasniti pojedinačno. A molim premijera i članove Vlade da pristupe odgovorima na postavljena pitanja. Pretpostavljam, ko se prvi javlja. Može uvaženi ministar Mesihović, izvolite.

Ministar Rusmir Mesihović:

Pozdravljam predsjedavajući vas i uvažene parlamentarce. Dakle ja ću se stvarno potruditi sve ovo što sam zapisao da kažem, ako nešto slučajno bude propušteno ja ću dozvoliti sam sebi da na idućoj Skupštini kažem usmeno i u međuvremenu da pošaljem pismeno. Ali evo mislim da ću uspjeti sve da kažem. Uvaženi zastupnik Čampara bio je prvi. I pitao je pitanje oko tog famoznog ažuriranja puta pacijenata. Dakle put pacijenata i u Kantonu Sarajevo nije ažuriran već 20 do 25 godina i bili su mnogi pokušaji da se taj put napravi i da se taj put ažurira. Mi smo formirali krizni štab 02.02. ove godine Vlada prije nas, moja prethodnica i taj krizni štab je nastavio sa radom. I s obzirom kako se razvijala situacija s pandemijom povećavale su se potrebe šta treba raditi. Da, postoji radna verzija, ne jedna, nego tri u kom smjeru bi se išlo u ovoj neredovnoj, dakle pandemijskoj situaciji. Postoji opcija, dakle postoji mišljenje šest, sedam ljudi koji to rade, ne ja sam, da li da se ide na obadva urgentna centra, da li se da ne ide na obadva urgentna centra, postoji opcija također da se izvrši u skladu naravno sa Naredbom koja je došla 18.03.2020 godine od Federalnog štaba CZ kantonalnim kriznim stožerima da izvrše preraspodjelu radnog vremena zdravstvenih radnika itd. Postoji dokument koji smo mi poslali svim JU Kantona Sarajevo izuzev KC, pošto je KC federalna zdravstvena ustanova, jednim dijelom, većim dijelom. Poslali smo ovim našim zdravstvenim ustanovama da nam kažu šta je to od kadrova slobodno i mi smo također što je uvaženi zastupnik Konaković jutros, iskoristi ću priliku, poslali jedan dokument u kojem smo 20 ljudi na osnovu prijedloga njihovih direktora, izdvojili za eventualnu preraspodjelu ako bi trebalo samo privremeno, ako bi se situacija razvijala u nekom lošem smjeru. Također ti ljudi imaju svoje lične dohotke, imaju svoje plate koje bi se nastavile plaćati naravno iz onoga što se do sada plaćalo. Bilo je neko pitanje da je bila priča o tome da su neki direktori da smo ih imenovali a da smo ih stavili u tu tako da kažem priču, ili kako se već kaže, u rezervu. Da, sticajem okolnosti postoji jedan ili dva ljudi koji su tu izabrani za direktorska mjesta, a varijanta je bila da su oni njihovim specijalizantima urgentne medicina ili kardiolozi, ne mogu sada tačno da se sjetim. I oni su isto bili naravno predloženi u rezervu. Dakle ovo ništa nije zakovano. Mislim da se situacija dobro razvija i da to neće biti potrebno. Što se tiče, opet da se vratim puta pacijenata. Put pacijenata, rekao sam postoje tri varijante za ovaj put koji je u ovoj fazi koja je u stanju prirodne nesreće. Također već sutra koliko znam imaju sastanak da se aktivira koja je faza, oni su imali da pošalju svoje prigovore, prijedloge, sugestije itd. I naravno postoji tim koji je određen za definitivno izvođenje, ažuriranje redovnog puta

pacijenata u redovnoj fazi. U tom timu je prof Pilav koja će evo još na neka pitanja kasnije odgovoriti, kako vi kažete što je iz njenog domena kriznog štaba, koja vodi taj tim. Tu su dakle članovi svih JU iz zdravstva, koji će naravno davati svoje smjernice i naravno na osnovu naučnih pokazatalja reći kako i šta. Uvaženi zastupnik Konaković je postavio pitanje da li smo razmatrali ako do toga dođe, do povećanja finansiranja zdravstvenih ustanova, nismo još uvijek, jer još uvijek nismo došli do nekakvog zajedničkog prijedloga gdje bi to trebalo ići i koliko bi to eventualno moglo koštati. Mi sada radimo jednu komisiju, postoji jedna komisija u Kantonu Sarajevo zajedno u ZZO za di-ar-dži, za jedan novi obračun u bolničkim uslugama po bolničkoj usluzi u bolničkim ustanovama. Prema tome, volili bi da i to cijenu sa drugim usvojimo. Uvažena je zastupnica Kristić pitala za imenovanje u neki UO v.d. Naša pravna služba nije imala saznanja da je bio neki problem, evo mi ćemo to još jednom provjeriti. Koliko imamo informacije što smo uspjeli i sada da provjerimo, nemamo neku zakonsko ograničenje. To je dakle v.d. članovi UO. Uvaženi zastupnik Čampara je postavio pitanje oko laboratorija. Dakle, laboratorije rad laboratorija bilo kojih je regulisan federalnim zakonom i federalnim pravilnikom. Mi smo također na osnovu ove naredbe poslali svim ustanovama i privatnim i javnim u Kantonu Sarajevo, zahtjev da nam kažu šta im fali i oni su imali na osnovu zapovjedi štaba CZ imali su mogućnost da kažu šta im fali i da naprave eventualne ugovore o poslovnoj saradnji. To je što se tiče toga. Pratimo situaciju. I evo svakodnevno gledamo šta i kako. Oko testiranja što je uvaženi kolega Marjanović to ću zamoliti kasnije ili kada vi odredite pošto je prof Pilav tu, šefica kriznog štaba da vam ona odgovori na ta pitanja. I mislim da je uvaženi zastupnik Suljević također postavio pitanja prvo oko bolovanja. Što se tiče bolovanja ja sam rekao u skladu sa zakonom o zaštiti ličnih podataka mi možemo neke provjere kao Ministarstvo vršiti. Još uvijek nismo dobili te, to su ipak diskretni, lični podaci. Ostalo na žalost samo može preko ustanova. Što se tiče KCUS i usluga. Mi ćemo tražiti pismenim putem da nam se oni izjasne šta kako, šta je i kako i koliko. Mislim da na kraju ova situacija u Kantonu Sarajevo što se tiče ovog našeg odgovora i reakcije na pandemiju koronavirusom nije loša, čak mogu reći da je dobra, međutim naravno svaki sistem pa i naš ima svojih slabosti i neke se stvari rješavaju tako, od trenutka kada se desi. I naravno da stvarno konstantno radimo i zasjedamo i krizni štab i mi i nije ovo naravno nikakvo opravdanje .naravno sve ono što je dobronamjerno i sve ono što možemo da napravimo mi ćemo stvarno uraditi napraviti. Ako sam nešto propustio evo ja ću stvarno to i pismenim putem pogledat ću stenogram, poslati. A mogu i usmenim na idućoj sjednici. Hvala lijepo.

Predsjedavajući:

Ako je moguće da se uvažena prof.dr. Pilav obrati pošto je bilo i za nju pitanja. Pa evo ja vas lijepo molim da odgovorite na postavljena pitanja. Pa ćemo sljedećim redoslijedom: ministar Jusko, ministar Halebić, ministrica Glamoč i ministar Jeličić. Izvolite.

Prof. Dr.Aida Pilav:

Dobar dan. Evo ja ću, iako je ne znam u nekom nastavku tačka dnevnog reda Izvještaj o poduzetim aktivnostima Kriznog štaba Kantonalnog Ministarstva zdravstva ali ja ću sada odgovoriti na ova pitanja koja sam zapisala. Izvinite ako sam nešto propustila za ove uvažene zastupnike koji su tražili usmeni odgovor. Mislim da odgovore na pitanja koja je postavio zastupnik Aljoša Čampara, mislim da je ministar dao odgovor. Onda idemo ovdje na odgovor koji se možda izravno ticao neki zaključak od Kriznog štaba Kantonalnog Ministarstva zdravstva što je postavio uvaženi zastupnik prof. Marjanović. Profesor Marjanović je i još grupa uglednih zaista eksperata rješenjem kantonalnog ministra zdravstva imenovan u naučni ekspertni tim kao da da svoj naučni doprinos u ovoj situaciji i ja sam već sa kolegama i akademikima, ima među njima i akademkinja prof Kukić obavila jednu skajp konferenciju, imala nekoliko mail prepiski, onoliko koliko nama vrijeme to dozvoljava. I tu je otprilike

dokument koji su oni dostavili, govore o tri vrste, ja ću se vratiti na strategiju testiranja, govori o tri vrste testiranja: preventivno koje mi trenutno radimo, shodno svojim kapacitetima. Više nije u pitanju evo da odagnamo i to, nije više u pitanju ni broj testova, koliko su u pitanju ljudski kapaciteti. Ali zaista zato stižemo na najbolji mogući način. dakle preventivna testiranja. Govorimo se o jednom okviru za ta tzv. epidemiološka testiranja koja nisu ista kao ono što stanovništvo misli da će biti baš svako testiran. Postoje tačno liste prioriteta i konačno treća grupa testiranja naučna testiranja gdje ja pretpostavljam da je prof. Marjanović u ovoj svojoj inicijativi vezano za formiranje fonda za naučna istraživanja pretpostavljam da se to odnosilo na taj dio. Naravno mi ćemo nastaviti da radimo vezano za to. Ja svaki dan javljam se na press ili obraćanje javnosti, mislim da nisam bila jučer, Vlade Kantona Sarajevo. I s tim u vezi dajemo potrebne informacije. Ja sada mogu reći da zapravo testove, PSR testove kao i briseve i transportne podloge nabavlja Federalna uprava CZ, za kompletnu FBIH, i taj broj testova koji dolazi kontinuirano kao i sve prateći ovih transportne podloge briseva je dovoljan za ovaj period. I testiranje se vrši na odgovarajući način. evo primjera radi, stavljamo to i stalno pratimo neke odnose. U broju testiranja na 1 pozitivnog u FBIH 21 negativni. Dakle što govori u prilog dostatnog testiranja. Nešto slabija situacija u RS-u. mi smo sada ušli u fazu po pitanju PSR testiranja mi smo sada da pored tog preventivnog testiranja već smo ušli u fazu testiranja ne samo prvih kontakata nego i testiranja treće linije prioriteta. Konkretno ove sedmice smo krenuli u testiranje svih rasporedom u testiranje svih zdravstvenih njegovatelja u staračkim domovima u Kantonu Sarajevo. Prvo smo krenuli sa Gerontološkim centrom. To nije bilo inicirano, nekako se to potrefilo. Nije bilo inicirano ovom situacijom koja se desila nego smo mi te planove pravili prošle sedmice. Informacije radi, to je sada linija prioriteta. Informacije radi zdravstveni kadar i njegovatelji u svim staračkim domovima u Kantonu Sarajevo 171, nezdravstveni radnika 375, i trenutni broj korisnika je 1295. Sada smo krenuli sa testiranjem zdravstvenih radnika. Vjerovatno u sljedećoj liniji će biti ovi nezdravstveni radnici koji bi mogli doći u kontakt sa korisnicima. Sljedeća linija testiranja će biti zdravstveni radnici u našim zdravstvenim ustanovama koji su više izloženi. To je ono što preporučuje WHO. Također u nekoliko navrata javno smo rekli da se planira i na tome se već ubrzano radi, planira da se pređe u serološka testiranja. Serološka testiranja je nešto što je druga linija iza PSR testiranja kao zlatnog standarda i u dogledno vrijeme mi ćemo krenuti i sa tom vrstom testiranja. To bi bilo više, to prof. Marjanović dobro zna, više epidemiološka testiranja, odnosno da se vidi kolika je prokuženost stanovništva. Koliko je stanovnika došlo u kontakt sa ovim virusom. Jako smo zadovoljni sa rezultatima do sada postignutim. Tako da al moramo biti oprezni sa ukidanjem javno zdravstvenih mjera. Ali kontinuirano ćemo sigurno u narednom periodu nastavljati testiranja. Rekla sam po linijama prioriteta. Ponavljam još jednom iz preventivnih testiranja mi ćemo krenuti ta tzv. epidemiološka testiranja. To je bilo pitanje koje imao prof. Marjanović. Ja imam, Kristić Danijela. Ja čitam ono što sam ja zapisala. Pitanje obdukcija to nije bilo pitanje koje je zahtijevalo usmeni odgovor. To će biti. E ima pitanje uvaženog zastupnika, a vezano je možda za krizni štab uvaženog zastupnika Jakupovića vezano za Gerontološki centar. Velim mi smo i prije nego. Ovako, za informaciju svim uvaženim zastupnicima od kraja januara Zavod za javno zdravstvo a kasnije krizni štab Kantonalnog Ministarstva zdravstva ima redovitu prepisku i redovito informiranje i dostavljanje potrebne informacija, posebno pored zdravstvenih ustanova, posebno sa ustanovama za socijalno zbrinjavanje, znajući od samog početka da je najvulnerable populacija ljudi štićenici u staračkim domovima i znamo da kada bi se problem desio tu, da bi zdravstveni sistem sigurno da bi to bio veliki izazov za zdravstveni sistem. S tim u vezi od kraja januara smo krenuli, ponavljam sa redovitim obraćanjima od načina kako se radi dezinfekcija, dezinfekcija prostora, načina kako se pravilno nosi zaštitna oprema, korištenja svake prilike da ti ljudi dođu, koji vode te domove, pored javnih mi tu imamo i privatne domove, dođu da na odgovarajući način do zaštitne opreme. Dakle dobivali su blagovremene informacije. To

se isto odnosi na Gerontološki centar. Čak u jednom momentu Gerontološkom centru je na inicijativu ministre za socijalni rad i politiku, data saglasnost da se angažuje jedan od epidemiologa iz penzije jer je bila preporuka Federalnog Ministarstva zdravstva i Federalnog štaba Ministarstva zdravstva da ukoliko nema dovoljno epidemioloških kapaciteta unutar zdravstvenog sistema, aktivnih epidemiologa da to mogu biti i epidemiolozi iz penzije da se povuku. Dakle jedan od naših kolega je bio njihov konsultant. Mi smo s njim bili u stalnom kontaktu i dostavljali sve potrebne instrukcije Gerontološkom centru. U jednom momentu desila se situacija u kojoj je jedna od štićenica, osoba starije životne dobi, žena 34 godište bila pozitivna i onda se krenulo, a kažem virus je prije planiran, i do sada naši rezultati testiranja su sljedeći, zdravstvenog kadra je 35, u Gerontološkom centru svi testirani i svi su negativni. I od tih 346 korisnika jučer je testirano 64. Mi smo se odlučili i svi su negativni, i mi smo se odlučili da nastavimo kontinuirano testiranje svih štićenika u Gerontološkom centru. Nema nikakve naznaka da bi neko od tih štićenika bio pozitivan. Tako sada izgleda, jer niko nema simptome koje bi na to ukazivali. To je po pitanju Gerontološkog centra. Ono što nama dolaze izvještaji iz Gerontološkog centra da su poduzete sve potrebe mjere koje treba kao i u drugim staričkim domovima i socijalnim ustanovama i pretpostavljamo da smo srećom do sada imali dobre rezultate. Još je bilo, evo ja bih se obratila, mislim da je pitanje usmeno koje je zatraženo od uvaženog zastupnika Milavice koje je baš bilo na mene naslovljeno. Krenut ću od dodjele maski. Ja ću jednu ispravku samo da kažem, ne radi se o donacijama. I moram reći da baš zdravstvenom sektoru, makar preko kriznog štaba i kantonalnog Ministarstva zdravstva nisu baš dodijeljene onako obilato donacije. Pazite ovo je pandemija koja je obuhvatila cijeli svijet i region tako da su svi nekako gledali da, sve su zemlje gledale nekako sebe da opskrbe. Radi se nabavka u toku je kontinuirana nabavka preko sredstava ZZO i dijelom sredstava iz UNDP. I do sada, napravljena je procjena u martu mjesecu i na cijelom tom spisku jer ćemo mi svakako u izvještaju dostaviti, jer je to neki dan, zapravo prošle sedmice isporuka je bila jednokratnih hirurških maski. Procijenjena količina za sve zdravstvene ustanove i socijalne ustanove, jer mi njih ne smijemo zaboraviti. To je najvulnerablenija populacija i od 450 000 maski, bilo je u 2 navrata dostava. Prvo je bilo 200 000 maski a nakon toga je bilo 250 000 maski. I vi ste išitali ali ne znam odakle vam taj dokument, ali eto valjda imate, jer ga mi nismo zvanično dostavljali. I da je napravljena distribucija 430 000 hirurških maski kao što vidite, to nije količina od 450.000 maski. Naravno da to nije riješeno po abecednom redu, nego je to rađeno prema potrebama, utvrđenim potrebama i onako kako su iskazale zdravstvene ustanove u Kantonu Sarajevo. Linija prioriteta su bile one zdravstvene ustanove koje su najčešće rade s pacijentima. I najviše su izloženi i najviše troše jer je jednokratna hirurška maska naravno potrošni materijal. I to je na taj način. što se tiče, kako ste vi rekli pojedinih privatnih, to su zapravo ugovorne privatne ordinacije koje imaju potpisane ugovore sa ZZO kojih ima ne zna broj, četiri ili pet, tako da to nisu bili ni nasumični ni abecedni rasporedi hirurških maski. To je što se. I još je gospodin Milavica imao pitanje da li su formirani timovi? Da formirani su timovi za kućno uzimanje uzoraka u DZ, i Zavod za javno zdravstvo Kanton Sarajevo. To formiranje je nekako nastupilo, dakle prvi slučaj koronavirusa u BIH je 05. Marta u, u FBiH 11. Marta. Konkretno u Sarajevu 20 marta i to je taj period kada smo mi intenzivirali formiranje timova za kućno uzimanje uzoraka. Njih trenutno ima 17 u DZ i dva također tima iz Zavoda za javno zdravstvo koje vrši ta epidemiološka testiranja. Pitanje zaštitne opreme rekla sam, Krizni štab kantonalnog Ministarstva zdravstva nije mjesto koje raspolaže budžetom, nije mjesto gdje postoji neki novac da bi se vršila nabavka. Mi smo samo tu bili savjetodavni radili i prikupljali specifikacije i potrebe i distribucija radi se u koordinaciji sa kantonalnim ministrom zdravstva i svim kolegama koji su uključeni u rad kriznog štaba i naravno svi ostalih direktora zdravstvenih ustanova. Na isti način, evo iskoristit ću priliku zapravo da budem korektna do kraja. Bila je donacija od 2000 vizira koje je dostavila Europska komisija, zajedno premijer Vlade gospodin Nenadić i ja smo zajedno napravili ,

nama je rađena primopredaja i također distribucija vizira bila je napravljena prema zdravstvenim ustanovama i pojedinim socijalnim ustanovama Kantona Sarajevo. Ja mislim da su ovo bila, možda može neko nešto dodati pitanja koja su zahtijevala neki usmeni odgovor. A taj ostatak mogu u tom dijelu kada se budem obraćala sa referiranjem izvještaja o aktivnostima koje je proveo krizni štab Kantona Sarajevo. Hvala lijepo.

Predsjedavajući:

Zahvaljujem se predsjednici Kriznog štaba Ministarstva zdravstva Aidi Pilav i ministru Mesihoviću. Sljedeći ima riječ uvaženi ministar Jusko Ismir ako ste spremni ministre izvolite.

Ministar Ismir Jusko:

24 sata 7 dana u sedmici ako me čujete, tu sam. Hvala vam puno. Koristim priliku da pozdravim sve uvažene zastupnike i zastupnice i naravno sve naše sugrađane koji prate ovu sjednicu. Ja ću se prvo osvrnuti na pitanje uvaženog zastupnika Vibora Handžića. Vezano je za izdate prekršajne naloge. Kao uvertiru odgovora na ovo pitanje reći ću sljedeće. Od 17.03. ove godine Ministarstvo unutrašnjih poslova postupa po 12 naredbi koje su došle sa nivoa Federalnog od Federalne civilne zaštite. Pojašnjenja radi se potpuno 12 novih poslova i zadataka koji su u okvirima MUP-a. U periodu od 17.03. pa sve do sada MUP izvršilo je preko 25.000 kontrola po ovim naredbama. Izdato je 2203 prekršajna naloga. Posebno želim istaći da su prekršajni nalazi izdavani od strane MUP a na osnovu poziva velikog broja naših sugrađana koji su se žalili posebno za vrijeme vikenda i radnih dana da su određene osobe na šetalištima od Vrela Bosne do Darive kretale se ne koristeći zaštitnu opremu, da se nisu pridržavali socijalni distance i skladu sa velikim brojem poziva koje smo dobivali MUP je i reagovalo na osnovu istog i izdavalo prekršajne naloge. Ima tu i prekršajnih naloga koji se malte ne izdaju svaku večer za osobe koje krše policijski sat- uvaženi zastupniče Vibore pošto nisam imao dovoljno vremena niti ja niti moje kolege da možemo precizno odrediti koliko je novčanih sredstava uplaćeno a samo ću napomenuti da se ove kazne izriču na osnovu kantonalnog propisa, odnosno Zakona o prekršajima protiv JRiM, i sredstva idu na registar novčanih kaznih budžeta Kantona Sarajevo. Vi znate sigurno da određeni prekršajni nalozi koji se uplate u prvih osam dana mogu biti plaćeni duplo manje umjesto 500 KM mogu biti 250 KM. Dozvolite mi da do sutra i u toku sutrašnjeg dana pošaljem ovu informaciju.

Predsjedavajući:

Ministre, Handžić nas upozorava da nije tražio usmeni odgovor. Pa evo možete to dostaviti pisano.

Ministar Ismir Jusko:

Hvala puno, tako da poslat ćemo bez obzira na sve već u toku sutrašnjeg dana uvaženom zastupniku odgovor na ova pitanja. Sljedeći odgovor ja ću objediniti odgovore za uvažene zastupnice Bilsenu Šahman i Admelu Hodžić. Vezano je za migrante. U periodu od 23.03. do 16.04 822 migranta su smješteni u Centar u Blažuju i Ušivk. Posebno želim da istaknem da u zadnjem segmentu smještaja njih 480 momenat kada je IOM javio MUP da imaju 480 smještajnih jedinica, za 48 sati pripadnici MUP sklonili su ovaj broj migranata i smjestili ih u Ušivak. Više puta ističem u proteklom periodu da MUP ne objezbjeđuje dodatne smještaje, to isključivo obezbjeđuje IOM. Ja sam prije nekih pet dana pokušao da dođem do prvog čovjeka IOM u BIH. Nisam još dobio povratnu informaciju od gospodina Ja se nadam da ćemo to uraditi u narednom periodu. Informisao sam kolege u Vladi šta se dešava po tom pitanju. Ja posebno želim istaći incident koji se desio prije desetak dana u tom centru gdje se sukobilo preko 400 ljudi. Javnost je informisana da je u momentu sukoba svi uposlenici i zaštitari i predstavnici IOM zbog svoje lične sigurnosti napustili su centar. Naše snage otprilike negdje

20 i nešto pripadnika MUP-a pod kontrolu je stavilo taj incident. Iskreno ću reći od svih scenarija koji se moglo desiti mislim da je ovaj scenarij bio jedan od kojih, a ko tako mogu da kažem najpovoljniji zbog toga što ako uzmete da se 400 osoba sukobilo, da nije došlo do fatalnog ishoda kao što se to dešavalo na nekim drugim lokacijama. Može se reći da su pripadnici MUP uradili sve u skladu sa zakonom i mogu reći na jedan najfrekventniji i najefikasniji način. Blažuj i mi smo to više puta istakli u ovom momentu ima preko 2160 migranata. Kako sa sigurnosne tako i sa zdravstvene strane mi smo isticali da apsolutno to nije dobro rješenje. Ne trebamo biti previše veliki stručnjaci da zaključimo šta bi se desilo ako dođe do obolijevanja među tim ljudima. Ja bih zamolio sve uvažene zastupnike i zastupnice ako žele možemo otići dole jedan dan da vidite kako to izgleda. Mislim kada dođete na lokaciju za vrijeme samo jednog obroka, ne bitno da li je ručak, doručak ili večera kada bi vidjeli da je njihova socijalna distanca otprilike 2,5 cm jednih između drugih, da se te stvari dole veoma teško mogu staviti pod kontrolu, kada bi došlo do toga da se pojavi dole novi klaster, uputno je koliko bi onih koji su zdravi ostalo u tom centru. Onda bi mogli doći u situaciju da oko 2000 ljudi imamo na ulici. Sa strane sigurnosne mi znamo da ti ljudi dolaze iz zemalja gdje potpuno su kulturološki su različiti i onda sukobi koji dole dolaze nisu sukobi koji su nastali ovdje nego koji malte ne dolaze sa njima iz zemalja iz kojih oni dolaze. Mi predlažemo da se ovakve stvari razmjestite na više lokacija. Imali smo prilike jučer vidjeti državnog ministra Radončića da sve ilegalne migrante treba izmjestiti van BIH. Ako mene lično pitate u potpunosti podržavamo jednu takvu inicijativu. Sve ono što je u skladu sa zakonom a ne narušava da tako kažemo sigurnosni aspekt građana u BIH niti bilo koji drugi segment svega onoga što je vezano za njih, takvu inicijativu u punom kapacitetu podržavamo. Do tog momenta od strane MUP-a onog momenta kada se otvore novi kapaciteti jedno mjesto kada se otvori budite uvjereni da u roku od 30 minuta to mjesto biti popunjeno. Tako da sa te strane, prava adresa je IOM. Oni su ti koji su odgovorni za proširivanje kapaciteta. Onog momenta kada mi dobijemo informaciju da su kapaciteti prošireni mi ćemo reagovati na osnovu toga. Zahvaljujem se.

Predsjedavajući:

Zahvaljujem ministre. Sljedeći ima riječ uvaženi ministar Halebić Jasmin. Jeste li spremni uvaženi ministre?

Ministar Jasmin Halebić.

Naravno, dozvolite da vas i ja pozdravim. Ja se javljam ovdje iz kabineta premijera, nekoliko ministara je ovdje locirano, ostali su evo kako vidite u više grupa po različitim kancelarijama da bi smo uspjeli sačuvati ovu socijalnu distancu. Ja sam imao više pitanja koja se odnose na Ministarstvo finansija. Zahvaljujem se svim zastupnicima koji su postavili ova pitanja i ja ću na njih odgovoriti onim redom kojim su postavljana, uz jednu napomenu da su dva pitanja praktično jedna tema, a tiče se onog računa za donacije. Pa ću na ta dva pitanja odgovoriti jednim odgovorom. Najprije je bilo pitanje u vezi sa preraspodjelom koju je Ministarstvo finansija predložilo a Vlada usvojila za finansiranje Fonda podrške privredi. I finansiranje praktično kratkoročne mjere koju je Vlada Kanton Sarajevo dizajnirala, osmislila i evo sada implementirala, želeći da interventnim mjerama pomogne onim djelatnostima koje su odlukama kriznih štabova zabranjene, čije su praktično poslovne djelatnosti zabranjene. Dakle imali smo situaciju da ta sredstva na Ministarstvu privrede nisu bila dovoljna sa jedne strane, ona koja su postojala već na Ministarstvu privrede. Sa druge strane imali smo informaciju da je oko 5600 pravnih lica i samostalnih djelatnosti, obrtnika se našlo pod udarom te zabrane. Praktično da im je djelatnost zabranjena. Brojčano oko 19.700 osoba je izgubilo mogućnost rada zabranama koje su donijeli krizni štabovi. Morali smo djelovati jednom interventnom mjerom za koju nismo imali dovoljan sredstva. To je da kažemo jedan

standardni slučaj u kojem se događa preraspodjela sredstva sa drugih budžetskih pozicija. Morali smo preraspodijeliti sredstva da bi smo tu mjeru mogli provesti. Po našoj kalkulaciji potrebna sredstva su bila oko 4,5 miliona do 5 miliona KM: i mi smo tako i najavili da će Fond koji je na Ministarstvu privrede u budžetu lociran, iskazati potrebu za sredstvima do 5 miliona KM. Što se tiče implementacije te preraspodjele, naravno morali smo sa drugih pozicija preraspodijeliti sredstva, a konkretno pitanje je bilo zašto sa Ministarstva obrazovanja i nauke, praktično 50% tih sredstava i to sa programa nauke. Nekoliko činjenica je također potrebno imati u vidu. Prva je da mi nismo imali ova sredstva MMF-a i da ta sredstva nismo mogli koristiti. Sa druge strane kada sredstava MMF-a dođu prema kantonima ona će biti usmjerena u Fond a sredstva koja su sada u Fondu, govorim o fondu koji se nalazi na privredi, će biti vraćena budžetskim korisnicima uz jedno dodatno da kažemo dodatnu aktivnost i dodatno dešavanje a to je da će budžet doživjeti rebalans. Sredstva ćemo vratiti ali će se budžet rebalansima, cjelokupan budžet. Pa ćemo vidjeti kako će ove i druge pozicije imajući u vidu smanjenje prihoda kako će one izgledati u rebalansiranom budžetu. Namjera nam naravno nije bila da ni jedan program koji je inicijalno usvojen od strane Skupštine budžetom ne obustavimo. Prema tome preraspodjela sa Ministarstva obrazovanja i nauke ne znači obustavljanje tog programa. Činjenicu koju također trebamo imati u vidu je da se na mjesečnom nivou na UNSA isplati plata u iznosu od 10 miliona KM. Dakle na mjesečnom nivou a da je struktura radnog opterećenja nastavnika takva da prema standardima koji su na snazi u Kantonu Sarajevo za visoko obrazovanje 50% radnog vremena je odvojeno za bavljenje naučno istraživačkim i umjetničkim radom. Dakle osnivač UNSA, Kanton Sarajevo na mjesečnom nivou kroz plaće od 10 miliona KM gotovo polovinu 5 miliona ili nešto manje, imajući u vidu da nisu svi zaposlenici na UNSA nastavnici, nego ima naravno i administrativnog osoblja, možemo procijeniti da između 4 do 5 miliona KM se već odvaja u okviru redovnih isplata plaća za naučno istraživački rad. Naravno pitanje je društvene odgovornosti da svi oni koji primaju plaću u kojoj je osnivač već obezbijedio polovinu te plaće za naučno istraživački rad, da svoja istraživanja usmjere prema novim izazovima koji su javili. Naravno za neka istraživanja su potrebna i dodatna sredstva jer je riječ o dodatnoj opremi, o laboratorijskim istraživanjima i ta dodatna sredstva će također biti obezbijeđena. Ali ne trebamo zaboraviti, aj želim to da podsjetim da je osnivač već značajno finansira naučno istraživački rad na UNSA. Sljedeće pitanje je bilo u vezi sa planiranjem budžeta, odnosno sa ostvarenjem punjenja budžeta za 2020. I bilo je pitanje također u vezi sa rebalansom budžeta. Što se tiče praćenja punjenja budžeta znamo da je budžet planiran na 995 miliona KM. To je naravno planska brojka koja treba da se ostvari u cijeloj 2020 godini. Mi punjenje budžeta pratimo pomoću dva parametra. Jedan je kvartalni a drugi je mjesečni. Što se tiče kvartalnog punjenja budžeta tu imamo već završen prvi kvartal, to je januar mart, i taj kvartal smo uporedili sa kvartalom prošle godine, 19 i 20 godinu prva tri mjeseca. Pa je tako u 2019 ukupno punjenje budžeta za prvi kvartal iznosilo 251 milion. Ovo ću zaokružiti. A u 2020 235 miliona. Razlika je nekih 16 miliona KM. Podsjetiti ću vas da je 2019 godine UNSA prešao na trezor pa jedan dio tih sredstva u prvom kvartalu bio praktično zbog toga što je UNSA prešao na trezor. Kada to sve uzmemo u obzir smanjenje punjenja budžeta u prvom kvartalu je iznosilo oko 8 miliona KM, odnosno 4%. Zašto nismo uradili rebalans? To smanjenje na osnovu informacije za prvi kvartal, 4% nije nešto što je hajd da kažemo značajno smanjenje. Međutim znajući da će se ova kriza i vidjevši da se ova kriza posmatrajući njeno razvijanje svjesni smo da će se smanjenje punjenja budžeta nastaviti i u narednom periodu. Što se tiče mjesečnih pokazatelja. Mjesec april pratimo na dnevnom nivou. Imamo informaciju koju smo pripremili za Vladu za 22 dana. Sa podacima za jučer. Za prva 22 dana 2019 punjenje budžeta je bilo oko 69 miliona, za ovu godinu za 22 dana aprila oko 44 miliona. Razlika je nekih 22 miliona KM. Ili procentima to zvuči oko 36%. To već smatramo prilično alarmantnim stanjem. Još da kažemo jednostavnijim pokazateljima kada posmatramo ovu situaciju vidimo da se na dnevnom nivou praktično budžet puni za oko

1 milion KM manje. Zakon o budžetima kaže da se rebalans budžeta sa ciljem njegovog ponovnog uravnoteženja može pokrenuti kada se dogode, ima više razloga. Jedan je nakon promjene privrednih kretanja koja povećavaju rashode ili smanjuju prihode. Mi nemamo ovdje povećanje rashoda ali imamo zbog negativnih privrednih kretanja imamo naravno smanjenje prihoda, i to nam je praktično zakonski osnov na temelju kojeg mi pokrećemo izradu rebalansa budžeta. On se na Vladi može očekivati u narednoj sedmici a pred skupštinom početkom maja. Neki kantoni su već uradili rebalans budžeta. Ja sam malo pratio šta su uradili. Recimo oni kroz rebalans budžeta preraspodjele ne znam do 10 miliona KM. Kod nas je praktično situacija sa velikim brojkama, tako da manje preraspodjele kao što je bilo za Ministarstvo privrede završili preraspodjela a ne rebalansom budžeta, ali ovu veću ipak smatramo da treba se ponuditi i Skupštini, to je naša obaveza jedna druga vizija Kantona u 2020 godini u odnosu na onu koja je bila razvojna, početkom marta kada smo tekući budžet usvojili. Zbog toga pokrećemo rebalans, krenuli smo u rebalans, Vlada je donijela zaključak kojim je zadužila Ministarstvo finansija da pripremi izmjene i dopune budžeta i mi tu aktivnost provodimo i naši planirani datumi su u narednoj sedmici za Vladu a početkom maja za skupštinu Kantona Sarajevo. Budžet će biti urađen kroz hitnu proceduru. Nećemo predložiti barem široku javnu raspravu jer nemamo za to vremena niti ona dva čitanja nacрта pa prijedlog. Nego ćemo raditi praktično po hitnoj proceduri odmah ćemo predložiti prijedlog. Što se tiče Zakona uštedama, pitanje je bilo o Zakonu o uštedama je također u izradi. On se sada zove modificirano Zakon o uštedama i ublažavanju negativnih ekonomskih posljedica u Kantonu Sarajevo. Njime uvodimo srednjoročne mjere koje će trajati i nakon što praktično prestane stanje nesreće. Kada se stanje nesreće odlukom onda ove interventne mjere koje su nastale zbog zabrane djelatnosti neće više vrijediti jer će djelatnost biti dozvoljena ali će ostati posljedica jer te posljedice namjeravamo sanirati Zakonom o uštedama u Kantonu Sarajevo i ublažavanjem negativnih ekonomskih posljedica. Zakon će imati dva poglavlja. Radna verzija Zakona je pripremljena i nju također smo poslali na konsultacije. Koristimo konsultacije UNDP koje su ranije dogovorene, konsultante koji već surađuju sa kantom. Njima smo također ponudili ovu radnu verziju i očekujemo njihovo očitovanje također. Obzirom da je neki od prihoda koji će biti tretirani ovim zakonom su prihodi nižeg nivoa, pa smo obavezni provesti konsultacije sa nižim nivoima sa gradom i sa općinama, i stoga također nam je potrebno da provedemo taj administrativni korak. Zakon će biti poslan Gradu i općinama da bi se oni očitovali na taj tekst Zakona. U Zakonu, ja evo ako mi dozvolite mogu u dvije rečenice navesti teme koje ćemo tretirati. Naravno konkretno zakonska rješenja će doći kroz radni materijal. Prvo su smanjenja koja se tiču parafiskalnih nameta a postavljena su u više Zakona. Kao što su Zakon o sudskim taksama, o administrativnim taksama, Zakon o šumama, Zakon o porezu na promet nepokretnosti, Zakon o turizmu. Mogu najaviti već da će osnivanje preduzeća u Kantonu Sarajevo biti oslobođeno parafiskalnih nameta. Kanton Sarajevo će biti vjerujem prvi Kanton u FBiH u kojem će osnivati preduzeća za 0 KM što se tiče parafiskalnih nameta. Ti parafiskalni nameti su postavljeni u zakone o taksama i zakone o sudskim i administrativnim taksama i mi namjeravamo te članove Zakona kroz ovaj Zakon o ublažavanju ekonomskih posljedica i uštedama tretirati. Kada kažemo uštede ne mislimo samo na uštede koje će se stvoriti kod budžetskih korisnika, nego i na uštede koje poduzetnici imaju kada žele da se bave praktično biznisom. Mislimo na troškovnu stranu u poslovanju preduzeća. Inicijative koje evo čujemo a one su bile i ranije predmet naših interesovanja su da će Vlada dodatno kroz taj Zakon smanjiti finansiranje političkih partija, smanjit će naknade za ili ukinuti, neke će stavke biti ukinute komisije, troškovi reprezentacija, putne troškove praktično u značajnoj mjeri. Jedan dio troškova se dogodio u prvom kvartalu pa će oni morati ostati u budžetu jer su se već dogodili. To su neke teme koje će se naći u tom Zakonu. Još jednom da ponovim, radna verzija Zakona je pripremljena ona je sada u vazii brzih konsultacija, široku javnu raspravu nećemo provoditi. Što se tiče posljednjeg pitanja, ono je praktično dva pitanja. Aktivnost

Vlade u otvaranju jednog računa za donacije i novčane pomoći ne Vladi Kantona Sarajevo nego drugim građanima koji su pod negativnim efektima ove pandemije koronavirusa. Mi smo otvorili taj račun. Otvaranje tog računa je bilo povezano sa dosta kontroverzi. Pokazalo se na kraju da je to jedan ispravan potez. Da smo mi bili preteče mnogih drugih koji su to kasnije uradili u BiH. Podaci koji postoje, naravno su podaci formalne prirode jer se oni nalaze u jedinstvenom računu trezora. Ja ću vam ih pročitati sa današnjim danom mi na dnevnom nivou imamo izvod sa tog računa. 27.816,69 da budemo sasvim precizni je donacija od fizičkih lica, od pravnih lica 311-750,00 KM. Ukupno oko 340.000 KM je uplaćeno na taj račun uključujući naravno na taj račun jednu trećinu plata svih članova Vlade, što smo već kasnije najavili. To je također obuhvaćeno. Što se tiče samog objavljivanja mi tu moramo konsultovati Zakon o zaštiti ličnih podataka. Jedna od kompanija koja je uplatila ona je već nam kazala da se ne protivi objavljivanju njenog naziva. To je Atlantik Argeta doo Sarajevo u iznosu od 200.000 KM. To je praktično i najveći pratilac. A ove otale kada dobijemo saglasnost i njih ćemo naravno u skladu sa tom suglasnošću transparentno objaviti. Nema nikakvih razloga. Nije riječ ni o kakvom tajenju podataka nego jednostavno je riječ o poštivanju zakonskih procedura. Što se tiče utroška ovih sredstva to je pitanje također bilo postavljeno. Utrošak sredstva e naravno u svrhu borbe protiv pandemije COVID-19 tako je glasio zaključak Vlade kojim je određena namjena tih sredstva. U zaključku Vlade su zadužena resorna Ministarstva da dostave prijedlog utroška sredstva ali su obaviješteni i zastupnici u Skupštini Kantona Sarajevo putem svojih klubova u slučaju da imaju prijedloge utroška tih sredstva da ih putem klubova dostave Vladi Kantona Sarajevo i Ministarstvu finansija i mi ćemo u narednom periodu objediniti te prijedloge i Vlada će donijeti odluku o utrošku tih sredstava i opet to učiniti na transparentan način. prema tome, sredstva još uvijek nisu utrošena, zaključak Vlade je da prijedlozi mogu dolaziti. Zaključak je donesen 16.04. do 24.04. danas je 23 do sutra prijedlozi mogu dolaziti i evo i ovo je prilika da podsjetim uvažene zastupnike da i oni naravno mogu učestvovati u kreiranju tih prijedloga. I naravno da podsjetim na ukupni dosadašnji iznos oko 340-000 KM se nalazi na ovom donatorskom računu. To su bila pitanja koja su bila postavljena Ministarstvu finansija.

Predsjedavajući.

Zahvaljujem ministre. Sljedeća ima riječ uvažena ministrica Glamoč. Da li se čujemo ministrice?

Ministrica Glamoč:

Cijenjeni predsjedavajući, cijenjeni zastupnici želim vam ugodan dan i pozdravljam sve gledaoce TVSA. Ja imam pitanje od zastupnika Konakovića gospodina Vibora Handžića što se tiče karantena. Zakon o zaštiti građanstva od zaraznih bolesti i član 46 regulirana je mjera karantena i o stavljanju u karantenu i određivanja prostora za karantenu odlučuje federalni ministar na osnovu epidemiološkog izvještaja Zavoda za javno zdravstvo FBIH, rješenjem. Dužinu zadržavanja u karanteni je vremenski interval dvostrukog najdužeg inkubacionog perioda za određenu bolest. Od 27 kada je proglašena karantena za studentski dom na Bjelavama ukupno bilo smješteno 156 osoba prve osobe koje su došle bile je 18 osoba iz Italije. Rješenje koje su tada te osobe dobile bilo je na dužinu od 28 dana. Nakon toga su, dobili smo preporuku od Federalnog Ministarstva zdravstva da mjera karantene može biti smanjena na 14 dana kada se izvrši 14 dan retestiranje i ukoliko nalaz epidemiološki bude negativan, nakon dostavljanja istog od Zavoda za javno zdravstvo Kantona Sarajevo prema Federalnom Ministarstvu zdravstva, bude ponovo izdato rješenje i mogu da se napusti tada karantenu. Trenutno u studentskim domovima ima 107 osoba. Da bi mogli još da poboljšamo evo taj rad, onda je štab CZ Kantona Sarajevo prije par dana donio narednu pošto svakodnevno nam pristižu sa graničnih prijelaza osobe gdje je obaveza štaba CZ da obezbijedi prijevoz za sve naše sugrađane sa prostora Kantona Sarajevo uz policijsku pratnju da ih

dovezemo do studentskih domova gdje već imaju rješenja o karantenu 28 dan. Štab CZ je izdao naredbu Kantonalnom Ministarstvu zdravstva da putem DZ i Zavoda za javno zdravstvo Kantona Sarajevo u roku od 24 sata izvrši testiranje i nakon toga 12 ili 14 dan retestiranje. Ukoliko nalazi budu negativni da se izda rješenje prema federalnom ministarstvu kako bi naši sugrađani mogli da napuštaju taj karanten. Drugo pitanje, evo i primjedba gospodina Konakovića koja je bila na nedostavljanje odgovora. Ja se stvarno izvinjavam jer za svako pitanje koje barem dođe do mene putem maila trudim se da odgovorim, ali bez obzira na to, u toku sutrašnjeg dana na svo vaše ili bilo čije pitanje koje je dostavljeno i prema štabu CZ i prema Ministarstvu dobit ćete u toku dana ako je napravljen neki propust. Što se tiče pitanja da li je Vlada Kantona ili štab CZ Kantona upućivao ikakve inicijative za osobe starije od 65 godina. Informacija je čim je naredba došla o zabrani kretanja za osobe starije od 65 godina i mlađe od 18 godina, štab je kroz molbu tražio i pojašnjenje i inicijativu 20 marta prema Federalnom štabu CZ. Kako nije bilo reakcije, nakon toga je ponovo štab CZ Kantona u saradnji sa svim općinskim štabovima uputio inicijativu 02.04 koju smo imali poslije toga da su naši sugrađani imali ograničeno kretanje u periodu od 06 do 10, prije evo odluke Ustavnog suda gdje je donešeno da je došlo do kršenja ljudskih prava usmenu informaciju smo imali od štaba CZ FBIH, da će doći od sljedeće sedmice ublažavanje mejra za naše sugrađane iznad 65 i mlađe od 18. Da će te mjere biti ublažene. Drugo pitanje koje je postavio gospodin Handžić o nepravilnosti oko imenovanja punomoćnika RAD i VIK. Ja ću naglasiti da shodno odluci o vršenju ovlaštenja o privrednim društvima sa učešćem državnog kapitala iz nadležnosti Kantona Sarajevo da su punomoćnici dužni postupati u skladu sa obavezujućom uputom Vlade Kantona, odnosno ukoliko upute nisu dobili, dužni su postupati savjesno sa pažnjom dobrog privrednika i u skladu sa razumnom prosudbom najboljeg interesa Kantona Sarajevo kao osnivača. Znači punomoćnici ne mogu donositi odluke mimo stava Vlade Kantona Sarajevo pogotovo kada se radi o izvještaju o radu i poslovanju preduzeća. Zakazana sjednica sjednica preduzeća komunalne privrede, koja je zakazana i sa izdatim rješenjima punomoćnicima je sa dnevnim redom samo usvajanje poslovnika, kao i (nerazumljivo). Tako da na sutrašnjim sjednicama nema izvještaja o radu niti bilo kakve upute od strane Vlade o obavezujućim glasanjima. Izuzev u preduzeća Sarajevogas, koje je istekao za v.d. NO rok za taj dio. Što se tiče nepravilnosti za bilo koju navedenu osobu kojoj je izdato rješenje za punomoćnik, prema resornom Ministarstvu nema nikakvog zvaničnog akta da je došao, niti da su od navedenih punomoćnika u ranijem periodu bile utvrđene nepravilnosti i nesavjesnosti u postupanju. Tako da resorno Ministarstvo drugačije nije moglo ni postupati za bilo koje lice. Toliko.

Predsjedavajući:

Zahvaljujem uvažena ministrice. Sljedeći se javio za riječ premijer Nenadić. Izvolite ako ste spremni.

Premijer Mario Nenadić:

Hvala poštovani predsjedavajući, zamjenici predsjedavajućeg, uvažene kolege, građani Kantona Sarajevo, pozdravljam vas i ja ću se obratiti povodom tri pitanja koja su bila istina upućena ili Vladi ili premijeru ili resornom Ministarstvu ali evo da možda dopunim malo ovo o čemu su govorili moji prethodnici. Osvrćem se na pitanje uvaženih zastupnika Elvedina Okerića, Jasne Duraković i Vibora Handžića. Postoje određene veze između tih pitanja. Da li Kanton Sarajevo ima ikakve nadležnosti za ublažavanje mjera. Odluke Ustavnog suda mlađi od 18 i stariji od 65, zašto se ljudi ne puštaju iz karantene prije isteka roka. I također procedura pojašnjenje vezano za dužinu trajanja karantene. Čuo sam u izlaganja svojih kolega ministara, članova Vlade i komandantice štaba CZ dosta obrazloženja na ova pitanja. Ali evo da malo dopunim. Dakle, kada govorimo da li imamo bilo kakvih nadležnosti vezano za ublažavanje mjera, naravno da imao jer sigurno ne bi smo bili ovdje da nemamo nikakvu

nadležnost vezano za ustroj i funkcioniranje vlasti u ovakvim vanrednim okolnostima kao što je proglašeno staje nesreće. Propisi koje primjenjujemo ovdje jesu uglavnom dva federalne propisa i jedan je kantonalni. Federalni je Zakon o zaštiti i spašavanju ljudi i materijalnih dobara od prirodnih i drugih nesreća, tu je također Zakon o zaštiti stanovništva od zaraznih bolesti FBIH, ali i Zakon o nadležnostima organa vlasti Kantona Sarajevo u oblasti zaštite i spašavanja. Uglavnom, gotovo sva pitanja vezano za ove propise stavljaju se u stanju proglašene nesreće na nivou FBIH i nižih organa, stavljaju se pod upravu Federalno štaba CZ. Kantoni primjenjuju njihove naredbe i odluke. U tom kontekstu je i možda kratko da prokomentarišem, iako ne da je prokomentarišem u smislu da je osporavam, nego odluku Ustavnog suda od jučer. Imam osjećaj da je pomalo otišla i kriva slika u javnost u vezano za odredbe te odluke. Naime, tu osporenim naredbama federalnog štaba tu se kaže da je prekršeno pravo na slobodu kretanja iz člana 2 tačka 3 Ustava BiH. I člana 2 protokola broj 4 uz Europsku konvenciju za zaštitu ljudskih prava i osnovnih sloboda. U odnosu na apelante i na sva ostala lica u relativno istoj činjeničnoj i pravnoj situaciji. Dakle tu je naloženo Vladi FBIH i federalnom štabu CZ, a ovo je direktno i odgovor na prethodno pitanje i moje komentare, da li Kanton ima neke nadležnosti prerogative vezano za ova pitanja. Dakle tu je naloženo FBIH, Vladi FBIH i Federalnom štabu CZ da u roku od pet dana od prijema odluke usklade naredbu Federalnog štaba CZ od 27.03. sa standardima iz citiranog člana Ustava BiH, i člana 2 protokola 4 uz EU konvenciju. Također je naloženo Vladi FBIH i federalnom štabu CZ da u narednom roku, po isteku roka od pet dana, da u narednom roku od 3 dana obavijeste Ustavni sud o provođenju naloga iz ove odluke, dio apelacija je odbijen. To je u dijelu da se ukine naredba Federalnog štaba. Dakle, ovdje nije ukinuta naredba Federalnog štaba, bez obzira šta ja o tome mislio. A imam sasvim određeni stav oko toga. I kao što reče uvažena kolegica Glamoč, mi smo svoj stav o tome prosljedili u formi određenih inicijativa i viđenja ove situacije aktom i datumom kako je pročitano, prosljedili smo nadležnim federalnim institucijama u smislu koordinacije ove aktivnosti. Dakle u konkretnoj situaciji je ova odluka očekuje se da se doradi, da se izvrše odgovarajuće procjene Federalnog štaba, CZ. Tako da evo ja sam praktično prokomentarisao službeni dokument i službena objava sa stranice Ustavnog suda kako ne bi bilo špekulacija u javnosti . za nas je kada govorimo ovo što je pitao također kolega Okerić i također gđin Handžić za nas je ublažavanje mjera mi ga posmatramo i sa dva aspekta, i u smislu ovoga što sam upravo govorio, od određenih ustanovih i drugih prava s jedne strane. S jedne strane je ono što je prioritet zaštita života i zdravlja građana Kantona Sarajevo, da ne kažem FBiH bez obzira što su odluke federalne. A sa druge strane jesu i određeni interesi koje mi imao vezano za privredne aktivnosti i ekonomiju u Kantonu Sarajevo. Mi smo već dogovorili da ćemo početkom sljedeće sedmice ići i razgovarati sa predstavnicima nadležnih federalnih institucija da ih upoznamo o ovome o čemu je upravo maloprije govorio ministar Halebić da mi sada imamo velike rizike. Smatramo da postoje određene privredne djelatnosti bez obzira da li se radi o uslužnim ili drugim djelatnostima. Koje bez rizika po našem mišljenju, bez rizika po život i zdravlje vezano za pandemiju mogu da se takve mjere da se liberaliziraju jer zaista je ekonomija u sve težoj i težoj situaciji. Vidjeli ste koliko se slabo ili nikako trenutno puni budžet Kanton Sarajevo iz razloga jer je zaustavljen život, ekonomija, privreda u Kantonu Sarajevo. Vezano za karantenu ona je uređena članom 46 Zakona o zaštiti stanovništva od zaraznih bolesti. I to je također federalni propis. Karantena je odluka, rješenje, utvrđuje se odlukom, rješenjem nadležnih federalnih organa i u okviru tog rješenja propisuju se postupanja određenih Kantonalnih organa. Bilo je tu i kroz rješenja prenosa određenih nadležnosti, jer sam taj član Zakona kaže da se o stavljanju u karantenu i određivanju prostora za karantenu odlučuje federalno Ministarstvo na osnovu epidemiološkog izvještaja federalnog Zavoda rješenjem protiv kojeg je dozvoljena žalba ali žalba ne odlaže izvršenje. Dakle karantena je moramo reći što se ovdje javilo nakon 50 godina. To nije institucija koja je bila zaključana i onda smo je otključali i pustili u rad. Puno je to, vrlo odgovorno izjavljujem. Puno je to improvizacija

jer karantena je uspostavljena u roku od 24 sata nakon što je nama to naloženo. Kanton, ja sam o tome više puta govorio u javnosti. Kanton se ovdje ponašao vrlo odgovorno i solidarno i prema drugim dijelovima BIH, jer u trenutku kada smo dobivali naše povratnike o sporazumu o readmisiji ili kao humanitarni let, mi u tom času nismo znali, niti smo imali kartone tih osoba, niti smo imali detaljne podatke o njima i ako dođe u večernjim satima avion pun putnika na sarajevski aerodrom mi nismo mogli birati u karantenu preuzimati samo one koji su građani stanovnici sa prebivalištem u Kantonu Sarajevo. Tako da je u karanteni na evo 150 osoba koliko ih je do sada primljeno, da nas je ta statistika i procenat ublažen. Ali recimo do prije par dana to je bila tačno polovina građana iz Kanton Sarajevo, drugi su dolazili iz drugih dijelova BIH. Ako znamo kako npr. zdravstvo funkcioniše u FBiH, onda je bilo jasno da je trebalo u roku od navečer od ujutro osigurati nekome i liječenje i lijekove i preglede u sistemu kada je u sarajevsku karantenu smješten neko iz Brčkog, Tuzle ili bilo kojeg drugog dijela BIH. Ili FBiH. Dakle, puno je bilo improvizacija, evo moram to otvoreno reći. Trebalo je osigurati u vrlo kratkom roku i ishranu, smještaj pa i liječničku njegu. I mislim da smo prvi Kanton koji je u uspostavio karantenu. Uslovi u našoj karanteni su značajno bolji nego u drugim dijelovima BIH. Ali evo, trudili smo se da odgovorimo na sve naredbe štabova FBiH i nadležnih institucija štabova FBiH, i mislim da je ovaj posao uostalom i ova karantena u punom smislu pokazala svoju svrsishodnost jer podsjetit ću da smo nedavno u karanteni locirali nakon epidemioloških nalaza da je prepoznato da su tri osobe bile pozitivne. One su nakon toga međusobno razdvojene i razdvojene u odnosu na druge stanovnike i druge korisnike karantene. Tako da karantena je postigla svoj smisao i svrhu. A vezano za ublažavanje uslova smještaja, vezano za unapređenje, liječničkih i drugih pregleda u karanteni i uslova boravka u karanteni evo su prethodnici o tome dosta govorili. Hvala vam.

Predsjedavajući,

Zahvaljujem premijeru. Ja bih vas lijepo molio zastupnici da se neko od šefova klubova javi da traži pauzu jer ja ne mogu bez zahtjeva od nekog šefa jer imamo redovno emitovanje press konferencije kriznog štaba Kantona u 13,00 koji ne bi trebalo duže da traje od 15 minuta. Pa evo ja bih vas lijepo molio da u međuvremenu u pauzi glasamo za inicijative i zaključke odnosno deklaraciju ukoliko smo se usaglasili za deklaraciju s tim da se za inicijativu uvaženog zastupnika Marjanovića ne može izjasniti danas na sjednici, nego ćemo morati na sljedećoj radnoj sjednici jer moramo čekati očitovanje rade obzirom da se radi o izdvajanju sredstava koje Vlada treba da odobri ili na način na koji ona to misli rasporediti. Nikšić Damir izvolite.

Poslanik/zastupnik Damir Nikšić:

Evo ja se javljam kao šef. Kolika pauza treba da predložim?

Predsjedavajući:

Pa dovoljno nam je 35 minuta, da nastavimo u 13,20. Obzirom da kamere TVSA su tu spremne. Press konferencija će trajati 15 minuta, tak su nam najavili. Možemo nastaviti u 13,20 a da u pauzi iskoristimo vrijeme. Na pauzi kažu zastupnici da ne žele da se izjašnjavaju. Pa evo nakon izlaganja ministara i nezadovoljstvo odgovora na postavljena pitanja ćemo se izjasniti svakako za ove inicijative koje su pristigle za izjašnjavanje.

Poslanik/zastupnik Damir Nikšić:

Jel treba predložiti 35 minuta?

Predsjedavajući:

35 minuta pauza, da.

Poslanik/zastupnik Damir Nikšić:
Eto predlažem pauzu 35 minuta.

Predsjedavajući.
Zahvaljujem. Marjanović traži riječ prije pauze. Izvolite.

Poslanik/zastupnik Damir Marjanović.
Ja vam se zahvaljujem. Ja sam već pretpostavio da se nećete moći izjasniti mada u budžetu su predviđena ta sredstva. Ja tu inicijativu ne ostavljam za sljedeće sjednice, povlačim, nema razloga da se izjašnjavamo, to će biti kasno. Ostavljam na obraz i na savjest Vlade i ministarstava da urade ono što je najbolje u ovom momentu da obezbjede novac da se bori protiv COVID-a. Hvala velika.

Predsjedavajući:
Zahvaljujem. Pauza do 13,20 kada ćemo nastaviti sa radom. Ali morate se izjasniti. Otvaram glasanje prije pauze moramo se izjasniti. Molim zastupnike da se izjasne ko je za pauzu koju je predložio uvaženi zastupnik Nikšić. Svi su se izjasnili. Ja vam se zahvaljujem. Pauza nastavljamo u 13,20.

NASTAVAK NAKON PAUZE
(snimak drugi dio)

Predsjedavajući:
Uvažena ministrice Agić jeste li vi spremni da odgovorite? Premijeru da li se čujemo molim vas? Nastavljamo sa radom ali čekamo ministra Jeličića da se uključi, evo par minuta. Čujem vas Konakoviću, izvolite.

Poslanik/zastupnik Elmedin Konaković:
Vaš mikrofoni je bio ugašen pa sam sugerisao da upalite mikrofoni.

Predsjedavajući
Da, evo samo konsultacije Vlada ima hitnu sjednicu, samo da kontaktiramo premijera i nastavljamo sa radom. Evo ja vas molim za minutu strpljenja. Zahvaljujem. Ministre Jeličiću, ako ste spremni možete krenuti s odgovorima na pitanja.

Ministar Draško Jeličić.
Pozdravljam sve cijenjene zastupnike i gledaoce Kantonalne TV. Dobio sam nekoliko pitanja koji su od više cijenjenih zastupnika. Znači zastupnik Poturak, Konaković, Bešlija i Stojanović su uglavnom pitala vezano za mjere koje ćemo poduzeti za privrednike odnosno poslodavce koji su pretrpili (nerazumljivo) u ovom od pandemije koronavirusa padu u proizvodnji, odnosno pad prometa u odnosu na prošlu godinu ili na prethodni mjesec ili na prethodni kvartal. Najnormalnije da ćemo i to u srednjoročnim mjerama obuhvatiti što kratkoročnom mjerom za mjesec mart nismo mogli obuhvatiti a više govora o tome će biti pod tačkom 10 kada je i ova informacija o ublažavanju posljedica pandemije koronavirusa na privredu Kantona Sarajevo kao tačka dnevnog reda. Ovdje bih još odgovorio na pitanje cijenjenog zastupnika Stojanovića koji je pitao na kojoj sam mjeri konkretno radio i šta je moja ideja? Znači, ja sam radio na svim mjerama i svi zajedno kao koordinaciono tijelo smo učestvovali u izradi tih mjera, pa ne bih sebe posebno isticao. Ali najnormalnije da sam bio

jedan od vodećih u ovom timu koji je radio i koji je uspio da napravi 14 mjera od kojih su četiri već aktivne a tri još u doradi i razmatranju jer se čekaju određeni zakoni na nivou FBIH. Što se tiče pitanja iz poljoprivrede, tu sam dobio tri pitanja od konkretno od uvaženog zastupnika Konakovića tiče se PD Butmir. Znači PD Butmir raspolaže sa 240 hektara zemljišta. Trenutno je zasijano 30 hektara zemljišta djetelinskom smjesom i kosi se kao dnevna hrana za krave. Ostali dio zemljišta od 210 hektara planirano je za sjetvu silažnog kukuruza i trenutno je zasijano 50 hektara a 160 hektara je planirano da se zasije u narednih 15 dana što ovisi o vremenskim uslovima ali je za sav taj posao obezbjeđen repromaterijal. Što se tiče pitanja cijenjene zastupnice Bišćević-Tokić a vezano za podsticaj u poljoprivredi. Redovnim budžetom je planirano da podsticaji u poljoprivredi iznose 4,2 miliona KM kao direktni podsticaj. Međutim nakon provedene javne rasprave u kojoj su učestvovali uglavnom svi poljoprivredni proizvođači koji su i ranije učestvovali u ovim javnim raspravama, procijenili smo da ublažimo one mjere koje su davane, odnosno da idemo na poboljšanje uvjeta za dobivanje podsticaja, tako da je sada planirano u redovnim podsticajima 5 miliona, i o tome ću više govoriti u ovom dijelu kada budem govorio o svim mjerama što se tiče privrede. I cijenjeni zastupnik Pleho je postavio pitanje o sjetvi. Znači mi smo ovim podsticajnim mjerama dali mogućnost poljoprivrednim proizvođačima, relaksirali smo im korištenje sjemenskog materijala, na način da više nije potrebno da se prikaže račun za deklarirano smjene i drugi materijal koji se koristi u proizvodnji. Tako da je sada omogućeno poljoprivrednicima da iz svojih rezervi koriste vlastita smjena i vlastiti materijal za džubrenje tako da će i oni kroz to biti relaksirani u dobivanju podsticaja. Što se tiče zastupnika Plehe, postavio je pitanje vezano za turizam. Znači onom našom prvom mjerom koja je provedena za mjesec mart, a to je ona kratkoročna mjera nismo obuhvatili Turističku zajednicu, turističke potencijale u gradu Sarajevu iz razloga što je Turistička zajednica pokrenula jednu svoju inicijativu, odnosno Turistička zajednica Kantona Sarajevo je napravila preraspodjelu sredstava unutar svojih programa i plana finansijskog plana rada za 2020 godinu, tako da je neke djelatnosti, neke aktivnosti koje su trebale biti sprovedene a zbog pandemije koronavirusa nisu, oni su planirani 1 milion KM kao inicijalno sredstvo za poboljšanje uvjeta u Turističkoj zajednici. Pa smo odlučili da u kratkoročnoj mjeri ne budu dva puta stimulirani pojedini privredni subjekti. Ja sam otprilike sva pitanja koja su direktno postavio, s tim što opet naglašavam kao deseta tačka će se šire razmatrati aktivnosti Ministarstva privrede na ublažavanju posljedica koronavirusa. Hvala lijepa.

Predsjedavajući:

Zahvaljujem ministre. Sljedeća ima riječ uvažena ministrica Agić Jasna. Izvolite ako ste spremni.

Ministrica Jasna Agić:

Zahvaljujem predsjedavajući. Pozdravljam sve pristupne zastupnice i zastupnike i građane Kantona Sarajevo. Ja sam dobila dva pitanja od uvaženog zastupnika Jakupovića. Prvo je bilo u vezi situacije u Gerontološkom centru, nakon što je potvrđeno da je jedna korisnica pozitivna na koronavirus. Odgovor na to pitanje već je dala doktorica Pilav pa ne bih da se ponavljam. A informacija o ovom pitanju data je u dostavljenom izvještaju Vlade Kantona Sarajevo.

Drugo njegovo pitanje ticalo se različitog postupanja po pitanjima naknada koje su isplaćuje zaposlenim po programima koje finansira Služba za zapošljavanje Kantona Sarajevo. Programima mjera za sufinansiranje zapošljavanje Službe za zapošljavanje utvrđuje se iznos za bruto plate koji je fiksni iznos i objavljuje se u svakom programu. Druge naknade koje proizlaze iz radnog odnosa kao što su TO i naknada za prevoz isplaćuje poslodavac u skladu sa svojim internim aktima. I treće pitanje koje je zahtijevalo moj usmeni odgovor, postavila je uvažena zastupnica Bišćević-Tokić. Ona je postavila pitanje da li je istina da je JU Služba

za zapošljavanje Kantona Sarajevo na neodređeno vrijeme zaposlen predsjednik Nadzornog odbora? Znači ovo Ministarstvo dobiva mjesečne informacije samo o broju zaposlenih, u svakoj svojoj ustanovi pa tako i JU Služba za zapošljavanje bez imena i prezimena ljudi koji su zaposleni. S obzirom da se radi o veoma ozbiljnom pitanju pismeno ćemo se obratiti Službi za zapošljavanje i odgovor na to pitanje dostavit ćemo Skupštini (nerazumljivo).

Predsjedavajući:

Zahvaljujemo uvažena ministrice, sljedeći je ministar Krivić Anis ako je spreman. Ministrice Kriviću da li nas čujete.

Ministar Anis Krivić:

Poštovanje, dobar dan. Čujem vas, da li vi čujete mene? Uvaženi predsjedavajući, dopredsjedavajući, uvaženi zastupnici, sve vas srdačno pozdravljam. Posebno pozdravljam prosvjetne radnike, učenike i njihove roditelje, sve ostale građane Kantona Sarajevo. Odgovorit ću prvo na pitanja uvažene zastupnice Šahman i uvažene zastupnice Duraković i uvaženog zastupnika Marića. Pitanje je bilo kako bi ste ocijenili dosadašnji tok online nastave u Kantonu Sarajevo. Online nastava u Kantonu Sarajevo se realizira dosta uspješno. Mogao bih slobodno reći iznad očekivanja. Svi sudionici u odgojno obrazovnom procesu su pokazali visok nivo odgovornosti i potrebne kompetencije i visok nivo zalaganja i truda da se omogući kontinuitet i obrazovanje kakvo naše učenici zaslužuju. Unatoč svim problemima u novonastaloj situaciji, uspjeli smo da ih prevaziđemo i riješimo. Međutim u kratkom roku problemi se rješavaju. Vijeće roditelja Kantona Sarajevo, menadžmenti škola, humanitarne međunarodne i domaće organizacije, pravni subjekti i pojedinci, svi su se uključili u nabavku potrebne opreme za naše učenike kako bi nesmetano pratili nastavu. Ministarstvo za obrazovanje, nauku i mlade Kantona Sarajevo kontinuirano izdaje preporuke o realizaciji online nastave, a putem timova za nadzor, pružamo punu podršku nastavnicima, roditeljima i svim učesnicima online nastave. Sasvim sigurno niko nije mogao očekivati da će online nastava funkcionisati bez problema, s obzirom na vrijeme i resurse koji su nam ili na raspolaganju. Prije samog donošenja odluke o provođenju online nastave u Kantonu Sarajevo bili smo svjesni da nemamo zajedničku platformu za učenje na daljinu. Da jedan broj škola nema održan niti jedan čas online nastave, niti platformu za izvođenje ovog vida nastave. Da određeni broj menadžmenta škole i nastavnika nemaju dovoljno znanja i kompetencije za ovakav način rada koji zahtjeva digitalnu pismenost ne samo za korištenje platforme već i za pripremu digitalnih materijala koje je bilo potrebno obezbjediti vrlo kratkom roku i uz redovito komunicirati sa učenicima. Nadalje, dodao bih da za ovaj složeni proces izvođenja nastave ali i rada škola bilo je potrebo veoma brzo upoznati i pripremiti učenike i roditelje koji su također bili nespremni za taj korak. Sve ovo su bili izazovi koje smo u najvećoj mjeri do danas uspješno savladali i nastavljamo ih pratiti. S obzirom da se u srednjim školama online sedmica realizira već tri godine. U informatičkom smislu nije bilo većih problema i nerješivih situacija, praktičnu nastavu u srednjim stručnim i tehničkim školama koja se odvija kod poslodavaca trenutno nije moguće provesti dok se ostali procesi odvija putem online nastave. Generalno nedostatak digitalnih materijala predstavlja i dalje jedan od najvećih izazova a trenutno se rješava pojačanim radom nastavnika, međusobnom podrškom i pomoći koju nastavnici pružaju jedni drugima. Nastavnici koriste različite platforme, različito se snalaze. Učenici i roditelji im šalju poruke po cijeli dan, kako imate namjeru to ujednačiti i urediti bilo je pitanje. Online nastava je novi vid nastave za sve sudionike odgojno obrazovnog procesa, za nastavnike učenike i roditelje to je donijelo određene izazove. Kako bi se pružila podrška i pomoć nastavnicima i kako bih im se olakšao rad, pripremljena su uputstva za korištenje online platformi te su im ista dostavljena. A dostupna su i na web stranici Ministarstva. Prema izvještajima koje redovito dobijamo iz škola, već su uvedena određena pravila za odvijanje online nastave, određena standardizacija online nastave je

veliki izazov. Ministarstvo će svakako u narednom periodu razmatrati ovo pitanje u cilju poboljšanja. U ovoj sedmici održani su sastanci sa svim direktorima srednjih i predstavnicima direktora osnovnih škola. Raspravljali smo o realizaciji online nastave i sa stanovništva institucije koja rukovodi ovako složenim i sveobuhvatnim prosom obavještavam vas da pored njihove usmene potvrde imamo i izvještaje koji dokazuju da je nastava sadržajno optimizirana. Da se online nastava u ovoj i prošloj sedmici odvija opuštenije i preciznije u odnosu na recimo prvu i drugu sedmicu realiziranja online nastave. U cilju poboljšanja kompetencija nastavnika, roditelja i učenika da što bolje iskoriste novonastalu situaciju, organizirali smo webinare koji su jako dobro posjećeni i vjerujemo da će naučeno koristiti u cilju optimizacije vremena koje je nastavnicima potrebno da na učinkovitiji način prenesu znanje učenicima putem online platformi. Onog momenta kada smo shvatili da su učenici opterećeni materijalima koji se šalju i da se od njih očekuje da zadatke rješavaju duži vremenski period, poduzeli smo mjere u smislu izdavanja preporuka školama, gdje smo ograničili vrijeme smjena i zahtijevali od nastavnika i učitelja da optimiziraju materijale kako bi isti bili bolji, kako bi bili svrsishodniji i precizniji. Također dodao bih da smo angažovali tim stručnjaka koji je do sada radio na kurikularnoj reformi za vrijeme trajanja online nastave izrađuju materijale koje ćemo početkom iduće sedmice već ponuditi nastavnicima kako bi im olakšali realizaciju online nastave. Odnosno kako bi oni sami imali izbor prilikom kreiranja online časova i od već pripremljenih materijala i njihovih ideja sami kreirali nastavnici i osmisli optimalniji i učinkovitije čas koji neće uzimati više vremena nego je to potrebno za usvajanje određenih nastavnih jedinica i koji će biti konciziran precizan i jasan. Evo, to bi bile neke mjere koje smo poduzeli u cilju standardizacije online nastave sa aspekta vremena koje je potrebno učenicima da izvrše svoje zadatke i sa aspekta materijala koji se šalju. Pitanje kako nastavu pohađaju djeca sa poteškoćama u razvoju te kako nadoknađujemo aktivnosti djece koja su pohađala specijalni program ili kako pomažemo njihovim porodicama da prebrode ovaj period i da li njima šaljemo online upute ili materijale. Dakle ministarstvo je kroz preporuku, upute i instrukcije kontinuirano davalo savjete i podršku roditeljima djece s poteškoćama u razvoju, nastavnicima, asistentima i svima onima koji su uključeni u rad sa djecom. Centri za rad sa djecom sa poteškoćama u razvoju su pokazali visok nivo odgovornosti i spremnosti da se sve aktivnosti prilagode novom vidu nastave. Nastavnici uspješno pripremaju materijale i digitalne sadržaje koji su u skladu sa mogućnostima i sposobnostima učenika. Prema izvještajima, Centar za slušnu i govornu rehabilitaciju i Centar za slijepu i slabovidnu djecu također uspješno realizira online nastavu uz pomoć i podršku roditelja. U Centru za slušnu i govornu rehabilitaciju učenicima se kombinovanim poteškoćama se priprema printani materijal isti se dostavlja u saradnji sa roditeljima. Škole također za roditelje pripremaju i dostavljaju dodatne upute i organiziraju online instruktivni savjetodavni rad u cilju prevazilaženja izazova tokom rada u kućnom okruženju. Uključena je i online podrška psihologa, kako za roditelje tak i za učenike. Na pitanja uvaženog zastupnika Marića odgovorio bih na sljedeći način. pitanje je bilo postoji li plan polaganja završnih ispita, prijemnih ispita, plan upisa u prve razrede u srednje škole, na fakultete. Iznašli smo način da se i ove godine upis djece u prvi razred OŠ za školsku 20/21 odvija u periodu od 01.04. do 30.04 2020 godine i to elektronskim putem. U tu svrhu pripremljen je prijedlog poziva za upis djece u prvi razred OŠ sa prijavnim obrascem i isti je dostavljen OŠ sa uputama o realizaciji upisa. Također istakao bih da ukoliko se situacija normalizuje imamo namjeru administrativno olakšati upis učenika u prvi razred OŠ. Po pitanju eksterne mature u školskoj 19/20 godini ona se neće realizirati, neće se realizirati polaganje eksterne mature za učenike završnih razreda OŠ. Na ovakav prijedlog smo se odlučili vodeći računa prije svega o sigurnosti učenika, te ne želeći stvarati dodatni psihološki pritisak kako na učenike, tako i na njihove roditelje i nastavnike. Smatramo da u trenutnoj situaciji učenici nemaju mogućnost da se pripreme na adekvatan način za polaganje ovog za njih jako bitnog ispita. Što bi za posljedicu mogli imati eventualno lošije rezultate

koji bi znatno uticali na upis u srednju školu. Također svjesni smo činjenice da realizacija online nastave za radnike škola predstavlja dodatni izazov te bi u ovim okolnostima provođenje eksterne mature bilo dodatno opterećenje za sve sudionike pri čemu ne bi u potpunosti bila ostvarena svrha i cilj polaganja eksterne mature. S obzirom da se eksterna matura polaže iz tri nastavna predmeta i maksimalni broj bodova koji se može osvojiti je 10 bodova za svaki nastavni predmet, što je ukupno 30 bodova, u ovoj školskoj godini utvrđivati će se ekvivalent bodova eksterne mature. A što je u saglasnosti sa pravilnikom o polaganju eksterne mature. Na sljedeći način za svaki nastavni predmet pojedinačno iz kojeg se polaže eksterna matura izvršit će se zbrajanje zaključnih ocjena u posljednje četiri godine školovanja i dobijeni zbir će se dijeliti sa dva. Bodovanje učenika vršit će se automatski kroz EMIS sistem na osnovu uspjeha učenika. Kao broj bodova za eksternu maturu. Za OŠ koje su registrovane za rad po međunarodnim programima na isti način će se izvršiti bodovanje učenika. OŠ u koje se učenici prijave iz drugih kantona su također dužne na isti način izvršiti bodovanje tri nastavna predmeta iz kojih se polaže eksterna matura i podatke unijeti u EMIS sistem. Po istom modelu će se raditi kao i u prethodnim školskim godina. Proces polaganja mature u srednjim školama na području Kantona Sarajevo će se odvijati u okviru online nastave. Što se tiče upisa učenika u prvi razred srednjih škola, odnosno konačnog broja kandidata po školama i zanimanjima, nakon što bude donesen plan upisa učenika, Ministarstvo će u skladu sa zakonom o srednjem obrazovanju objaviti konkurs za upis redovnih učenika u prvi razred srednjih škola u školskoj 2020/21 godini. Učenici će vršiti prijavu i upis u srednje škole Kantona Sarajevo putem sistema online upis što se već radi od prije tako da tu ne očekujemo probleme. Plan upisa na visokoškolske ustanove će se realizirati u saradnji sa UNSA. Ono što se javlja kao eventualna prepreka ukoliko ovakvo stanje potraje do momenta raspisivanja za upis na visokoškolske ustanove UNSA a do tada imamo oko 1,5 mjesec, pa evo nadamo se da bi epidemiološka situacija mogla biti povoljnija za nas u tom pogledu. Jeste upis na oko desetak visokoškolskih ustanova kod kojih se vrši prijemni ispit. Dakle ukoliko vanredno stanje potraje to pitanje ćemo rješavati da će se prijemni ispiti eventualno ukinuti za određene visokoškolske organizacione jedinice i da ćemo bodovati studente na osnovu prosjeka određenih predmeta ili općeg uspjeha ostvarenoga u srednjoj školi. Pitanja uvažene zastupnice Duraković. Kada očekujemo otvaranje škola i kada možemo očekivati povratak učenika u učionice. Napomenuo bih da škole nisu zatvorene, samo je redovni kabinetski nastavni proces prešao u online način rada. Onog trenutka kada nam to dopusti epidemiološka situacija učenici bi se mogli vratiti u školske klupe. Ali čini mi se da do kraja ove školske godine se takvo nešto neće desiti. Ministarstvo prati situaciju i u skladu s tim radi na izradi plana aktivnosti na povratku učenika u učionice. Da li imamo pokazatelje uspješnosti online nastave? Dakle svake sedmice zaprimamo izvještaje o realizaciji online nastave. Te pravimo sedmične izvještaje koji će biti objedinjeni na kraju svakog mjeseca. Trenutni pokazatelji jesu da se nastava odvija kontinuirano, da je prisustvo učenika nastavi skoro 100%. Učenici se ocjenjuju redovno, vrše se provjere znanja. Smanjen je broj učenika koji nemaju jednak pristup online nastavi. Također, istakao bih da oni koji ne pohađaju nastavu jer im se dostavljaju materijali u štampanoj formi. Dakle svi učenici nastavu pohađaju, samo što jedan manji broj učenika nema jednak pristup toj online nastavi. Na tome se radi i nadamo se da ćemo takav problem riješiti u potpunosti. Na koji način će se online nastava odraziti na redovnu nastavu? Dakle, svi procesi redovne nastave se odvijaju, tako je to i predviđeno. Povećati će se nivo digitalne pismenosti i kod učenika i kod nastavnika, kod roditelja također. Svakako da ćemo po okončanju intenzivne realizacije online nastave vršiti i evaluaciju iste kako bi smo uvidjeli njene efekte i kako bi smo mogli eventualno za ubuduće koristiti ono što smo stekli iskustvo realizirajući online nastavu u Kantonu Sarajevo u ovom periodu. Prešao bih na pitanja uvaženih zastupnika Stojanovića i uvaženog zastupnika Vrete obzirom da su vrlo slična. Odnosno nisu slična.

Predsjedavajući:

Ministre ja bih vas lijepo molio da u skladu s Poslovníkom, dobili ste nekoliko pitanja, zastupnici imaju pravo tri minute da postavite pitanje, ja bih vas molio lijepo da i vi odgovarate u skladu sa postavljaním pitanjima. Ono što nisu pitali zastupnici da ne odgovarate usmeno. Samo za ona pitanja koja su tražili usmeni odgovor molim da odgovorite. A vas zastupnike molim, tri i po sata smo na poslaničkim pitanjima i inicijativama, iako je to Poslovníkom predviđeno da jedan sat traje. Također pozivam ostale ministre da se zaista suzdrže i da odgovaraju samo na postavljena pitanja. Evo nastavite, ja se izvinjavam.

Ministar Anis Krivić:

Hvala vam, ja ću ubrzati. Pitanja su zahtjevana usmeno pa evo ja ću se potruditi da završim zaista jako brzo. Drugo pitanje je bilo u vezi organizacije rada JU Centar za odgoj, obrazovanje i rehabilitaciju Vladimir Nazor Sarajevo a koji se odnosi na dežure po sedam radnika i da li se krše propisi. Dakle Ministarstvo za obrazovanje nauku i mlade svim OŠ i srednjim školama dostavilo je instrukciju kojom je jasno propisano da direktori osnovnih i srednjih škola u kojima se izvodi online nastava mogu napraviti izmjene u organizaciji rada škole, što između ostalog podrazumijeva da direktor određuje vrijeme, mjesto i način rada svih radnika škole za vrijeme važenja odluke Vlade Kantona Sarajevo i Ministarstva o organizaciji rada u odgojno obrazovnim ustanovama. Donošenjem niza odluka, instrukcija, naredbi i obavještenja od strane Ministarstva, a koje su dostavljene ustanova iz nadležnosti Ministarstva za obrazovanje uz aktivnosti koje preduzimamo kako dali potrebnu podršku ustanovama u realizaciji online nastave, osigurane su pretpostavke da se mjere usmjerene ka suzbijanju širenja koronavirusa u tim odgojno obrazovnim ustanovama uspješno implementiraju. Svakako da menadžment ustanove ima punu odgovornost u organizaciji rada svih radnika u smislu organizacije radnog vremena, mjesta i načina rada svih radnika škole. Dakle Zakon o osnovnom odgoju i obrazovanju, te kolektivni ugovor za djelatnosti predškolskog odgoja i osnovnog odgoja i obrazovanja u Kantonu Sarajevo jasno je propisao da je direktor organ rukovođenja u školi i samim tim ima sva prava i obaveze koji se odnose na pitanja radnog pravnog statusa radnika ustanove. Ministarstvo za obrazovanje nema zakonsko ovlaštenje da vrši nadzor nad primjenom propisa iz oblasti radnih odnosa. To je po pravu i Zakon dato nadležnom Ministarstvu rada, nadležnom inspektoratu rada, zaštite na radu i socijalnim radu te školskom odboru ustanove kao drugom stepenom organu. Na pitanje zastupnika Stojanovića ćemo dostaviti pismeni odgovor. Hvala.

Predsjedavajući:

Zahvaljujem ministre, sljedeći ima riječ ministar Kalem Adi. Izvolite.

Ministar Adi Kalem:

Uvaženi predsjedavajući, dopredsjedavajući, zastupnici, gledaoci pored malih ekrana, sve vas srdačno selamim i pozdravljam. Odgovor na pitanje uvaženog zastupnika zvonke Marića. Treba da znate da je Ministarstvo saobraćaja prosljedilo upravi Grasa dopis da na osnovu zaključka Skupštine od 25.02.2020 godine pod brojem 01-04-3436-3/20 da ponište sve javne konkurse koji su bili u toku. Što se tiče ovih vaših saznanja Ministarstvo saobraćaja će poduzeti sve neophodne mjere da ispita ovaj slučaj i dostaviti vam odgovor pismenim putem. Pitanje uvaženog zastupnika Vedrana Jakupovića popravljjanje ceste koja vodi prema Trebeviću. Obzirom da se ova Vlada obavezala ekspozoom da će poboljšati putnu komunikaciju do turističkih centara i taj putni pravac će ući u program Direkcije za puteve Kantona Sarajevo. Ono što želim naglasiti da jedan dio puta pripada RS-u a Kantonu Sarajevo 2,5 km. Mi ćemo podnijeti naravno inicijativu da zajedno idemo u realizaciju navedenog puta. Vezano za konstataciju uvaženog dopredsjedavajućeg Vibora Handžića koji

je podnio inicijativu da se ulica Put mladih muslimana iskoristi za turističke autobuse i grupe je bitno naglasiti da je ona u nadležnosti Cesta FBiH, a u ovom slučaju Ministarstvo saobraćaja i Direkcija za puteve će održati sastanak i pokušati pronaći adekvatno rješenje. Međutim postoje još dvije potencijalne lokacije. Zahvaljujem predsjedavajući.

Predsjedavajući:

Zahvaljujem ministre Kalem. Imamo li prijavljenih tiče se nezadovoljstvo odgovorom. Nemamo. Imamo. Uvažena zastupnica Dizdarević, pa neka se spremi uvažena zastupnica Šahman.

Poslanik/zastupnik Neira Dizdarević.

Hvala predsjedavajući. Pa ja nisam zapravo dobila nikako odgovor od ministra Mesihovića vezano za navode da na KC nema terapije za onkološke pacijente. Odnosno da su isti nakon višesatnog čekanja vraćeni kućama bez primljene terapije.

Predsjedavajući:

Zahvaljujem uvažena zastupnice Šahman. Molim ministre da bilježe pitanja pa da odgovore vrlo kratko.

Poslanik/zastupnik Bilsena Šahman:

Moje pitanje je bilo samo za ministra Mesihovića šta je poduzeo po pitanju nabavke lijekova za osobe sa poteškoćama u razvoju? Nisam dobila odgovor.

Predsjedavajući:

Zahvaljujem uvažena zastupnice. Zastupnica Junuzović Kaljić Amra se prijavila također nezadovoljstvo odgovorom na postavljeno pitanje. Izvolite ako ste u mogućnosti da se javite. Ako nije, Milavica Sead molim vas.

Poslanik/zastupnik Amra Junuzović-Kaljić:

Oprostite predsjedavajući spremna sam. Međutim to se odnosilo praktički na ovu moju drugu inicijativu koju nisam stigla da tražim usmeni odgovor a htjela sam obzirom da sam iskoristila vrijeme da za deklaraciju. To se odnosilo ustvari na moju inicijativu proširenje groblja Vlakovo što je upućeno prema KJP, možda evo u sklopu ove šeste tačke koja će se također odnosi na groblje Vlakovo da evo u diskusiji možda opet prođemo kroz ovo pitanje zato što je ono enormno važno. Proširenje groblja Vlakovo je naravno od velike društvene važnosti. Hvala lijepo.

Poslanik/zastupnik Sead Milavica:

Zahvaljujem predsjedavajući. Dakle, u odgovoru doktorice Pilav nisam samo čuo, nije mi ustvari bilo jasno da li u svim gore JU i socijalnim i svim ostalim izostavljene su Apoteke Sarajevo. Eto tu nisam dobio odgovor.

Predsjedavajući:

Uvaženi zastupnik Samir Suljević nama je poslao poruku da nije odgovoreno na šest pitanja. Molim vas kratko i samo pitanja. Suljeviću da li ste spremni? Nije. Uvaženi zastupnik Nikšić Damir izvolite.

Poslanik/zastupnik Damir Nikšić:

Evo ja meni je ministar Mesihović nije odgovorio na moje pitanje nikako. Tako da bih volio da odgovori. Pitanje je bilo u vezi Avaza i šta je urađeno po pitanju zaraženog tamo i kada u kojem roku je urađeno, čisto ako zna, da li zna i ako zna šta zna? Eto hvala.

Poslanik/zastupnik Samir Suljević:

Jeste, e ovako. Ja sam postavio šest pitanja uvaženog ministru Mesihoviću a ni na jednom nisam dobio odgovor. Da vas podsjetim. Pitanja su bila:

- da li je istina da se pokreće disciplinske prijave protiv uposlenika zaraženih COVID-om u KCUS?

- broj osoba koje su na bolovanju u KCUS sa 300 spao na 170, jesu li oni izliječeni i prekinuli bolovanje ili šta je već?

- djelimično je rekao da nisu analizu bolovanja uradili ali me interesovalo koliko je tu trudnica, teških onkoloških pacijenata, oboljelih od karcinoma i drugih hroničnih nezaraznih bolesti?

- da li su sve kapije zatvorene u KCUS i da li 400 uposlenika u isto vrijeme ulazi i izlazi kroz jednu kapiju tehno ekonomskog bloka?

- da li se uposlenicima KCUS mjeri temperatura prilikom ulaska i da li su sve preventivne mjere lične zaštite urađene?

- te, ako se sjećate postavio sam pitanje ministar je bio 2015 direktor KC a nedavno se direktorica pohvalila rezultatima. Postavio sam pitanje da li se sjeća rezultata 2015 koje je KC i u kratkim crtama rekao, 2015 je bilo 15000 ambulantnih pregleda, 26900 radioloških, magnetnih rezonanci 1600, a 2020, znači pet godina kasnije 19.051 ambulantski pregled, 12866 radioloških.

Predsjedavajući:

Uvaženi zastupniče možete li?

Poslanik/zastupnik Samir Suljević.

Molim vas da mi se odgovori na ova pitanja. Hvala.

Predsjedavajući:

Zahvaljujem uvaženi zastupniče sljedeći ima riječ Mekić Amel. Izvolite zastupniče.

Poslanik/zastupnik Amel Mekić:

Ja se nisam javio za riječ.

Predsjedavajući:

Prije Konakovića ste poslali poruku, ali evo Konaković Elmedin ima riječ. Izvolite.

Poslanik/zastupnik Elmedin Konaković:

Spreman sam predsjedavajući. Samo da malo ugasim, smanjim ton s kompjutera da ne bude mikrofonije. Ministar Mesihović naravno kao ni ostalim kolegama nije odgovorio ni na jedno moje pitanje. Da je samo jednom barem u eter rekao KCUS samo da vidim da smije reći KC ja bih bio zadovoljan. Dakle ne tražim od njega i molim ga mi ne odgovara na pitanje zato što će ponovo ovako (nerazumljivo). Samo ćemo izgubiti vrijeme, nekako zvučite kao BIHAMK servisne pročitat, samo što su vaše informacije u futuru uglavnom. Bit će rebalans ako bog da, bit će MMF, bit će put pacijenta, bit će migranti ako bog da, (nerazumljivo), podrška privredi ako bog da, i sve su vam te. Ministre Halebiću u vašem odgovoru 22.03. ste najavili Zakon o uštedama, mogla se i fina javna rasprava do sada napraviti. Prošlo je mjesec dana i jedan cijeli dan više od mjesec dana. Kinezi su za šest dana napravili bolnicu za ljude u koje su smjestili oboljele od korone, mi nismo od vas dobili odgovore. Ministre Jeličiću i vas molim da mi ne odgovarate na pitanja jer ćete ponovo vjerovatno opet uraditi ili pročitati isto. Pitao sam znate li kada je proljetna sjetva, zašto niste prihvatili ideje PD Butmir, a ne ono što ste u hektarima pročitati, koliko zemlje imaju i šta oni rade. Nisam to bih pitao njih da sam to

htio pitati. Tako da ja naravno izražavam svoje nezadovoljstvo s tim odgovorima i molim ministre da mi slučajno ne pokušavaju odgovarati.

Poslanik/zastupnik Damir Marjanović:

Zahvaljujem vam se predsjedavajući. Pa evo da dam par, nezadovoljan sam odgovorima i jednoga i drugog ministra. Ja sam izuzetno zadovoljan odgovorom profesorice Pilav i njen rad pratim već duže vrijeme. Međutim ministar nije odgovorio konkretno na pitanje ko je od konkretnih mjera je uvažio i planira li i jednu mjeru onoga što je znanstveni savjet predložio da uvaži? To je prva stvar. Međutim ovo što je rekao ministar Halebić. Kolega Halebić on nam je jako fino objasnio strukturu finansiranja UuNSA koja je meni poprilično poznata i to je priča za rebalanse budžeta i za kolektivne ugovore koje je pravila Vlada u kojoj je bio ministar. Mi ovdje govorimo o naučno istraživačkom radu i izbjegao mi je odgovor na pitanje zašto od 4 miliona KM koje ja u potpunosti podržavam i znam da treba novac 50% dolazi iz resora obrazovanja i to namijenjeno za nauku, a svi ostali resori nisu skupili sveukupno 50%. Međutim rekao je jednu rečenicu, ovdje ću je ponoviti za javnost. Rekao je da će dio iznosa biti vraćen uz neke rebalanse. I to je bilo jedno od mojih pitanja i ja sada to povlačim neka me demantuje ako sam pogrešno rekao, da taj novac nije oduzet i da će vjerovatno kroz rebalanse i kroz ove sve potpore kako je iznio gospodin Konaković malo u futuru da se stalno nešto vrte, da će dio za naučno istraživačku djelatnost biti vraćen, ja se tome jako raduje. S druge strane, stvarno molim kada se postave konkretna pitanja da nam se daju konkretni odgovori. Hvala velika.

Dopredsjedavajući Vibor Handžić:

Zahvaljujem predsjedavajući. Jel se čujemo? Izražavam nezadovoljstvo odgovorom ministrice Glamoč na pitanje o bivšim direktorima RAD-a i VIK-a kao sadašnjim punomoćnicima u skupštinama tih preduzeća. Ja znam da su oni imenovani u skladu sa Odlukom o vršenju ovlaštenja u privrednim društvima, da ne nabrajam do kraja, znam jer sam tu odluku razmatrao na Skupštini i glasao za nju. Međutim postoje i drugi zakonski propisi koji govore o ovom pitanju koje sam ja postavio, a to su Zakon o javnim preduzećima itd. I evo pošto je ministrica rekla da nije dobila ni pročitala dva dopisa koji su stigli iz ovih firmi, ja ću ovo svoje pitanje proširiti, detaljnije ga obrazložiti i uz ove dopise poslati pismenih putem i tražiti pismeni odgovor na ovo pitanje. Zahvaljujem.

Poslanik/zastupnik Vedran Jakupović:

Kolega Vreto i ja smo isto bili reagovali za auto škole nismo dobili odgovore. Krenuo je ministar Krivić odgovoriti pa ste ga vi malo ubrzali pa je kolega Vreto reagovao mislio sam da ćete njega prvo. To je ustvari njegova inicijativa jer smo nas dvojica u kontaktu cijelo vrijeme. A ja sam u kontaktu s ministrom pa samo zbog javnosti da znamo dokle smo stali s auto školama s ovim taksama. To je jedino neodgovoreno pitanje. Ostala pitanja sam dobio. Hvala.

Predsjedavajući:

Zahvaljujemo. Uvažena zastupnica Vildana Bešlija. Vreto Elvis jel isto pitanje, ukoliko je isto pitanje samo da potvrdite kao i Jakupović. Evo dajem Vreti riječ samo da, jer je javio se prije uvažene zastupnice Bešlije. Izvolite Vreto-

Poslanik/zastupnik Elvis Vreto:

Isto je pitanje predsjedavajući. Prekinuli ste ministra s namjerom da skрати, on je pokušao dati odgovor, pa bi voljeli zaista da čujemo vezano za auto školu.

Poslanik/zastupnik Vildana Bešlija:

Hvala. S obzirom da nisam zadovoljna odgovorom koji sam dobila od premijera a vezano za čitav spisak i niz mjera koje smo za više od mjesec dana kao Klub uputili, zamolila bih da dobijemo pismeni odgovor da mi se dostavi obrazloženo sa predloženim mjerama da li je Vlada to odlučila da prihvati, da li je nešto poduzela po tom pitanju ili eventualno se ne slaže sa nekim od predloženih mjera jer do dan danas kako sam već i rekla ranije nismo dobili nikakav odgovor. Što se tiče ministra privrede, ja sam postavila jasno pitanje ali evo isto tako nisam zadovoljna odgovor vezano za proširenje javnog poziva za privrednike koji su imali prihode umanjene za 20% i više. Također tražim pismeno da mi se odgovori jer odgovor u vidu da su to neke srednjoročne mjere bez konkretnog roka mi zaista nije prihvatljiv. Tako da bih zamolila u oba slučaja da dobijem naknadno i pismeni odgovor. Hvala vam.

Predsjedavajući:

Ja se izvinjavam, tehničke smetnje imamo. Minuta samo da se otklone. Da li se čujemo sada molim vas ponovite zastupnice Bešlija.

Čujem, ja se izvinjavam bilo je tehničkih smetnji možete nastaviti.

Poslanik/zastupnik Vildana Bešlija:

Sada ne znam šta ste čuli hoću li ponoviti oboje ili samo.

Predsjedavajući:

Sve smo čuli tražite pismeni odgovor od premijera i od ministra Jeličića koliko smo razumjeli?

Poslanik/zastupnik Vildana Bešlija:

Tako je, jeste.

Predsjedavajući:

Ja vam se zahvaljujem. Nemamo više prijavljenih zastupnika. Idemo tako i redoslijedom ministri i ministre da odgovaraju. Ministrica Glamoč pa neka se spremi Mesihović, Halebić i Krivić treba da daju odgovore na dodatna postavljena pitanja.

Ministrica Nihada Glamoč:

Ja se izvinjavam zastupnici Junuzović što odmah nisam jer smo već jutros uputili odgovor na inicijativu koja je dostavljena po pitanju uređenja i proširenja groblja Vlakovo. Znači i u Budžetu i planu preduzeća pokop je planirano da se proširi groblje Vlakovo i jedan dio da izvrši uređenje. Tako da već shodno planu a i u budžetu planiranim sredstvima te su aktivnosti u toku.

Ministar Rusmir Mesihović:

Prvo da se izvinem zastupnici Dizdarević stvarno nisam zaboravio, evo ne mogu dati podatak ali ću pismeno odgovoriti u narednih par dana čim dobijem informaciju. Što se tiče uvaženog kolege zastupnika poštovanog Suljevića to je pet šest pitanja koje ja stvarno nemam u glavi i stvarno ću to sam i rekao i pismeno ću mu odgovoriti iduće nedjelje. Uvaženi kolega Marjanović je tražio pojašnjenje od ovih mjera koje su oni deset predložili. Mi smo sada u fazi nekakvog definitivnog razmatranja onoga što ćemo uvažiti sigurno i izvinjavamo se, evo i njemu će stvarno se obratiti u ovo dan dva. Stvarno se izvinjavam jako je puno toga pa.

Ministar Jasmin Halebić:

Izvinjavam se mi se mijenjamo na jednoj poziciji kod premijera pa malo traje dok se zamijenimo. Koliko sam ja uspio zabilježiti, određeni zastupnici kako da kažem nas mole da ne odgovaramo. OK uvažavamo to. Jedan zastupnik je također spomenuo poziciju koja se nalazi na Ministarstvu za obrazovanje. Ja ću dati dodatno pojašnjenje. Kada stigne transfer od MMF-a mi ćemo sredstva koja su uzeta preraspodjelom uključujući Ministarstvo za obrazovanje vratiti dakle sa pozicije ministarstva privrede na te budžetske korisnike, pa uključujući i ovu poziciju za transfer za nauku. Sada o vremenskom toku. U vremenskom toku će se onda dogoditi rebalans. Imajući u vidu da smo suočeni sa padom prihoda cijeli budžet će biti tretiran rebalansom. Kako će pojedine pozicije, dakle govorim o poziciji koja će se vratiti kako će se tretirati u rebalansu to je evo informacija koja će kroz sami rebalans biti ponuđena ponovo Skupštini na razmatranje i usvajanje jer praktično Skupština odobrava rebalans. Tako da ćemo vjerujem imati još jednom priliku da pojedine pozicije zajedno prodiskutujemo, Vlada kao predlagač i Ministarstvo finansija i naravno zastupnici i da još jednom zajedno odlučimo i da mi prezentujemo cijeli rebalans budžeta. Vjerujem da će to biti prilika da se dodatno razgovara pa evo i o ovoj poziciji koji uvaženi zastupnik tretira a tiče se nauke.

Ministar Anis Krivić:

U vezi inicijative uvaženog zastupnika Vrete u vezi sa visinom cijene za registruju auto škola, to jeste u proceduri. Ministarstvo će mišljenje o istoj inicijativi ponuditi Vladi na nekoj od narednih sjednica obzirom da Vlada utvrđuje visinu cijene registracije auto škola. Nakon toga ćemo vidjeti u kojem pravcu će ići realizacija te inicijative. Svakako da odmah po upućivanju na Vladu Kantona Sarajevo o tome ćemo odmah obavijestiti uvaženog zastupnika Vretu. Hvala vam. S poštovanjem.

Predsjedavajući:

Zahvaljujem ministre. Obzirom da nemamo više zastupnika prijavljenih ja predlažem da krenemo sa izjašnjavanjem zastupničkih inicijativa odnosno zaključka uvažene zastupnice Segmedine Srne Bajramović.

Ja ću pročitati prijedlog zaključka a vas molim da se izjasnite o istom kako bi mogli sekretar i Almira pratiti rezultate da saopštimo rezultate glasanja.

1. Obavezuje se Tim Vlade Kantona Sarajevo za borbu protiv korupcije i Ured za kvalitet da na osnovu člana 7. Odluke o bazi podataka o javnim nabavkama za korisnike Budžeta u Kantonu Sarajevo (Službene novine Kantona Sarajevo 49/16) provede nadzor nad institucijama iz člana 1. Odluke, a sve u vezi provedbe Odluke u skladu sa članom 5. koja nalaže institucijama da u roku od 30 dana od dana realizacije ugovora unesu tražene podatke o javnim nabavkama.
2. Obavezuje se Tim Vlade Kantona Sarajevo za borbu protiv korupcije i Ured za kvalitet da Skupštini Kantona Sarajevo na svakoj radnoj sjednici dostavi informaciju o do tada poduzetim nadzorima

Otvaram glasanje i molim zastupnike da glasaju. Čekamo rezultate glasanja, ja bih vas lijepo molio za strpljenje.

Za je bilo 33, protiv i suzdržanih nije bilo. Konstatujem da smo usvojili Zaključak uvažene zastupnice Segmedine Srne Bajramović.

O Deklaraciji ako ste se usaglasili ili da nastavimo sa sjednicom a u toku same sjednice ćemo se izjasniti za predložene deklaracije.

Predlažem da nastavimo sa radom i otvorimo tačku dva.

AD – 2.

PRIJEDLOG ZAKONA O IZMJENI I DOPUNAMA ZAKONA O INSPEKCIJAMA KANTONA SARAJEVO

Prijedlog ste dobili u dopunskom materijalu. Premijer je tražio riječ kada otvorimo ovu tačku dnevnog reda. Premijeru da li ste tu?

Premijer Mario Nenadić.

Jesam nadam se da me čujete. Pozdravljam vas. Iz proceduralnih razloga ja povlačim ovu tačku dnevnog reda.

Predsjedavajući:

Zahvaljujemo premijeru. Prelazim na realizaciju tačke tri:

AD – 3.

PRIJEDLOG ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU I NA ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene. Premijeru da li nam je direktor ili resorni ministar tu da da uvodne napomene za.

Ministar Rusmir Mesihović:

Predsjedavajući jel se čujemo? Evo tu je direktor, pa evo ga.

Predsjedavajući:

Ja bih vas lijepo molio direktore kratke uvodne napomene. Hvala.

Direktor ZZO Kantona Sarajevo Sakib Katana: UVODNO IZLAGANJE

Predsjedavajući:

Zahvaljujem direktore. Dužan sam da vas izvijestim da smo danas dobili amandmane uvaženog zastupnika Nikšića. Obzirom da je u skladu sa članom 152. Stav 3) amandmani se podnose predsjedavajućem Skupštine u roku koji ne može biti kraći od sedam dana od dana određenog za održavanje sjednice na kojoj će se pretresati prijedlog Zakona, moram da izvijestim i vas i zastupnika Nikšića da je zakasnio sa amandmanima na prijedlog izmjene i dopune finansijskog plana ZZO. Jedinu koji može da amandmanski djeluje jeste predlagač. Pa evo sugestija predlagaču materijala da ukoliko može uvaži amandmane uvaženog zastupnika Nikšića.

Da li predstavnici radnih tijela žele riječ? Imamo li pitanja? Prvi se javio uvaženi zastupnik Konaković Elmedin. Izvolite. Vas direktore molim da bilježite pitanja pa da možete odgovoriti.

Poslanik/zastupnik Elmedin Konaković:

Hvala predsjedavajući. Sjećate li se direktore Katana zašto smo mi uopšte onoliko raspravljali o onom Finansijskom planu Zavoda? Zašto baš ništa od toga niste uzeli u obzir na poziciji potrošnje lijekova ostavili ste apsolutno identičan iznos. Zna li direktore Katana da smo u jeku borbe protiv pandemije virusa COVID-19 i zašto niste ni marku umanjili troškove na svojim pozicijama? Vaše plate, naknade, materijal, usluge i sve drugo pa čak i 24.000 KM reprezentacije ostale su netaknute iako sami kažete da ne znate kakvi će efekti ove pandemije biti na prihodovnu stranu. A mogli ste čuti ministra Halebića da je u aprilu zabilježeno 36 % pada prihoda. Zašto niste to uzeli u obzir? Imate ovdje stručno obrazovanje, stručne usluge, mnoge druge pozicije ostale su vam u identičnim iznosima kao 23 kada ste došli na sjednicu i kada ste tamo slušali nezadovoljstva a posebno nezadovoljstva povećanom potrošnom lijekova koja je danas u odnosu na 2014 godinu povećana za 27 miliona KM na godišnjem nivou. Zamolio bih vas da mi još jednom kažete svoj komentar po kom osnovu ponovo KC povećali milion u rebalansu, kada je maloprije gospodin Mesihović, naravno ne smije da izgovori tu famoznu riječ KC, govorio o novom putu pacijenta. Čujete li se vi, vidite li se, eto sjedite tu zajedno? Razgovarate li o ovim temama? Zašto niste planirali rebalans budžeta u skladu sa planom ili politikom Ministarstva zdravstva koja kaže da će se reorganizovati zdravstveni sistem nego ste samo ponovo pod nekim političkim pritiscima ispisali neke cifre. Može li mi reći zašto je prepolovljen iznos za državljanje BIH u Hrvatskoj? Kakva vam je to bila prva procjena pa ste preko 3 miliona sredstava planirali u prvi mah, sada ste to prepolovili? Šta se to u Hrvatskoj desilo, da građanima BIH pa je danas u odnosu na prije mjesec dana potrebno 1,5 milion KM manje? To su moja pitanja. A imat ću diskusiju odmah po završetku pitanja. Hvala predsjedavajući.

Predsjedavajući.

Zahvaljujem uvaženi zastupniče Konaković. Sljedeći ima riječ uvaženi zastupnik Vreto Elvis a neka se pripremi uvažena dopredsjedavajuća Kristić. Izvolite.

Poslanik/zastupnik Elvis Vreto:

Hvala predsjedavajući. Ja ću imati nekoliko pitanja vezano za prihodovnu stranu. Obzirom da se izmjene Finansijskog plana pripremali od 23.03. na osnovu obaveze po zaključku Skupštine, i da ste tu obavezu ispoštovali i materijal dostavili na vrijeme, tačnije 06.04. zanima me koliko je do danas realna procjena pada osnovnog prihoda od približno 21 milion KM za obavezno zdravstveno osiguranje, obzirom da je plan rađen shodno stanju i procjenama prije više od 20 dana. Može li se očekivati veći ili manji pad prihoda što vi potencirate u obrazloženju naznakom da je visok rizik po tom osnovu za prihode? Da li je mjera Vlade Kantona Sarajevo kojom se poslovnim subjektima koji imaju zabranu rada i kojima će se subvencionirati iznos minimalne plate uzeta u obzir prilikom izrade rebalansa odnosno je li ovaj prijedlog upućen prije donošenja navedene mjere koja ipak može ublažiti visok rizik po prihode u ZZO? Moja prethodna pitanja se odnose isključivo su vezana za smanjenje broja uposlenik u Kantonu Sarajevo zbog pandemije, što može ozbiljno smanjiti prihodovnu stranu i ostvarenje predloženog finansijskog plana, pa vas pitam ima li po vama potrebe da se danas nešto mijenja i koriguje sa vaše strane shodno svježim ulaznim podacima u odnosu na period izrade plana? Obzirom da mi zastupnici nemamo pravo, evo kako je predsjedavajući rekao ulaganja amandmana, osim u slučaju da ih vi ili Vlada prihvatite kao svoje nakon diskusija. Da li na osnovu navedenog problema sa prihodima ZZO aktivno radi na analizi i na pripremi eventualnih novih izmjena i dopune Finansijskog plana. Da li razmatrate tu opciju što ujedno i sugerišem? A evo kolega Konaković se dotakao nekih pitanja. Kada su u pitanju rashodi i izdaci imam nekoliko pitanja vezano za te pozicije. Za umanjivanja ste određena naglasili već ponavljam, kao što su liječenja u inostranstvu, smanjenje na stavci ortopedska i ostala pomagala, zašto nije umanjivanja stavka naknada za

usluge izdavanja lijekova iako su neke stavke male po iznosima, poput reprezentacije? Zašto nisu ukinute ili nisu smanjena na minimum kako bi oslobodili svaku marku sredstva potrebnih za medicinsku i sanitetsku opremu u borbi protiv pandemije. Navedena stavka je ostala ista kao u planu koji smo usvajali prije tačno od mjesec dana. Eto toliko predsjedavajući.

Dopredsjedavajuća Kristić Danijela.

Zahvaljujem predsjedavajući. Ja ću imati par pitanja za direktora ZZO. Prvo pitanje je koji su vam kriteriji i parametri bili u raspodjeli 3 miliona za borbu protiv COVID-19 zdravstvenim ustanovama? Drugo pitanje, da li ste prije ove raspodjele uzeli u obzir činjenicu da je KCUS dobio od Federalne Vlade 10 miliona KM, i da je od CZ dobio dodatnih 900.000 KM? Treće pitanje, prilikom dodjele ovih sredstava da li ste provjerili kojim finansijskim rezultatom su zdravstvene ustanove završile poslovanje u 2019 godini a kakve su rezultate ostvarili u prva tri mjeseca 2020? Treće pitanje, možete li mi reći kakvo je tanje s punjenjem budžeta ZZO Kantona Sarajevo u mjesecu martu, pogotovo u prvoj polovini aprila? I četvrto pitanje, zašto ste dozvoli da se novac ZZO Kantona Sarajevo u iznosu od 1 milion KM iz tekuće rezerve prebaci ZZO Kantona Sarajevo za nabavku testova, kada su sredstva za nabavku testova obezbjeđena u budžetima Kantona Sarajevo i FBiH? Toliko.

Predsjedavajući:

zahvaljujem uvažena dopredsjedavajuća. Sljedeći ima rije uvaženi zastupnik Hasanović Senad. Izvolite.

Poslanik/zastupnik Senad Hasanović:

Zahvaljujem predsjedavajući. Pa evo postaviti ću nekoliko pitanja za koja vjerujem da mogu usmjeriti diskusiju u pravom smjeru kako bismo bili što efikasniji. Direktor je u uvodu dio toga kazao ali evo ja ću zamoliti da nam se preciznije pojasni, zašto je planirano smanjenje rashoda i izdataka na sljedećim pozicijama: refundacija pojedincima za usluge potpomognute oplodnje i liječenja, preventivni programi zdravstvene zaštite, liječenje u inostranstvu i ortopedska i druga pomagala? Molim da nam pojasnite zašto je novac umanjen na navedenim pozicijama a ne na nekim drugim pozicijama kao što su lijekovi i naknada za uslugu izdavanja lijekova? Preciznije da li postoje pravne prepreke da bi se na nekoj od ovih pozicija umanjila izdvajanja, odnosno preciznije mislim na poziciju naknada za uslugu izdavanja lijekova. Toliko. Hvala.

Poslanik/zastupnik Igor Stojanović.

Hvala predsjedavajući. Pa prije diskusije pokušati ću kroz svoja pitanja sa direktorom da otklonim neka, za mene, vrlo važna pitanja, s obzirom da se očigledno investira i mimo korone, što je bila naša kritika na prošloj sjednici, ali evo izgleda da se nije mnogo promijenilo. Moje pitanja su fokusirana uglavnom na IT sektor. Moje prvo pitanje s obzirom da se u ZZO investiralo oko 21 milion KM u IT sektor, i preporuka revizije je bila da se uvedu interni revizor i također šef informacione sigurnosti i zbog sigurnosti podataka građana i osiguranika zanima me da li se uvele te dvije pozicije i da li se planiraju uvesti i kada s obzirom da je to i preporuka IT revizije koja je usvojena od strane UO, i preporučuje se već, ja mislim da ta revizija stoji već nekih godinu dana, nije se to desilo. Moje drugo pitanje nalazi IT revizije također preporučuje da se usvoji IT strategija s obzirom na visok rizik poslovanja, koliko ja znam ovaj dokument nije usvojen. Kada će biti, to je moje pitanje? Na osnovu čega se uplaniraju ulaganja i određuju prioriteta projekata i zašto svi građani u Kantonu Sarajevo još uvijek nemaju elektronske knjižice? Moje treće pitanje vezano za IT sektor je sljedeće: u izvještaju IT revizije također stoji da mnoge plaćene obaveze nisu do kraja implementirane. Šta se uradilo po tom pitanju da se dobavljač koji je bio ugovoren i

plaćen djelimično završi svoj posao, implementira sve module do kraja, da se upozori da nije završio svoje obaveze i ko je i zašto potpisao da mu se plati kompletan ugovoreni iznos ako on nije izvršio svoje obaveze? Ovdje konkretno mislim na dobavljača MEDIT. S obzirom da se u susret kroz povećanje iznosa ugovora o održavanju od skoro 100% i smanjenje obima posla koji su definisani u novom ugovoru, također provedenom kroz pregovarački postupak, bez objave na portalu javnih nabavki kako bi se nedovršeni moduli stavili u funkciju i zapravo dva puta platili. Volio bih da mi direktor kaže šta misli o tome, i da mi da neke podatke s obzirom da su naši prioriteti borba protiv koronavirusa a ne IT sektor i dupla naplata. Također, u finansijskom planu piše da laboratorijski informacioni sistem od 1.287.000 KM da je on, a u planu je 1.100.000. mene zanima odakle sad ovih 187.000 više kada znamo kroz ove sve ranije izvještaje da se u informacioni sistem do sada uložilo cca oko nekih 8,5 miliona u kojem su predviđeni razni softveri i sada ponovo imamo povećanje kada treba da se borimo protiv koronavirusa imamo povećanje za nekih 187.000. zanima me zbog čega ta stavka i na šta se odnosi ovo povećanje? I moje posljednje pitanje na šta se tačno odnose dodatna ulaganja iz plana i šta to nije moglo biti urađeno, kupljeno i razvijeno do sada pa trebamo dodatne milione ulagati u softver? Ili možda bolje šta to nedostaje sadašnjem softveru u vrijednosti od 1.470.000 KM. Toliko a imat ću sigurno diskusiju. Hvala vam.

Predsjedavajući,

Zahvaljujem uvaženi zastupniče Stojanović mi smo razumjeli da ste se vi već prijavili za diskusiju. Konaković je prvi, Stojanović je drugi za diskusiju. Uvažena zastupnica Srna Bajramović Segmedina ima riječ.

Poslanik/zastupnik Segmedina Srna Bajramović:

Zahvaljujem predsjedavajući. Nadam se da me čujete. Tražim odgovore na sljedeća pitanja: da li je u finansijskom planu 2020 i u rebalansu istog planirana stavka vezano za korekciju plata po zahtjevima sindikata radnika jer je logično da ćemo se nakon pandemije izazvane COVID-19 susresti sa generalnim štrajkom uposlenika koji su na prvoj liniji fronta i za koje smo opravdano aplaudirali u ovom vremenu krize, pa me interesuje da li smo planirali da ih materijalno i nagradimo? Uvažavajući činjenicu da u ZZO Kanton Sarajevo pozicija tekuće rezerve smanjena sa 8 miliona na 1,8 miliona, moje pitanje glasi možemo li doći u situaciju da ovaj iznos sredstava neće biti dovoljan za bilo kakve ozbiljne intervencije? Sljedeće pitanje, koliko je utrošeno sredstava po odluci Skupštine Kantona Sarajevo od 23.03.2020 koja obuhvata onih 8 miliona KM i na šta konkretno? Sljedeće pitanje koliko me sjećanje služi jedna od glavnih kritika je bila povećanje iznosa za lijekove sa 83,7 miliona iz 2019 na 90,9 miliona KM s tim da su zastupnici tražili da se ova cifra reducira i vrati na iznos od 85,7 miliona KM. Međutim, projekcije koje imamo za naredne dvije godine su u većem iznosu tj od 94 i 96 miliona KM. Dakle zamolila bih kratko pojašnjenje ovog rasta troškova. U rebalansu su zdravstvenim ustanovama dodijeljena dodatna sredstva za ublažavanje posljedica pandemije intresuje me prema kojim parametrima i kojim kriterijama, već su to moji prethodnici ako se ne varam, neko od prethodnika postavio tako pitanje, i kojim kriterijima su raspoređena ova sredstva od 3 miliona KM i da li su predviđeni kontrolni parametri utroška ovih sredstava? I još samo nešto kratko, interesuje me pojašnjenje zašto su DZ kao prva linija dobili 500.000 KM a KC i Opšta bolnica „Abdulah Nakaš“ po 1 milion KM? Zar nije trebalo biti obrnuto, tj da pozadinci dobiju manji iznos ili da se 2,5 miliona rasporedi na jednake dijelove? I još kratko zašto nema u Finansijskom planu niti u rebalansu kolona izvršenje za 2019 godinu, jer je u prethodnih godinama taj podatak bio sastavni dio Finansijskog plana? To su bila moja pitanja. Zahvaljujem.

Predsjedavajući:

Zahvaljujem uvažena zastupnice Segmedina Srna Bajramović. Okerić Elvedin je sljedeći.

Poslanik/zastupnik Elvedin Okerić.

Zahvaljujem predsjedavajući. Imam tri pitanja za direktora ZZO. Da li je ZZO donio plan za postupanje u vanrednim situacija s obzirom na budžet s kojim raspolaže i ulogu koju ima? Da li su sredstva za informatizaciju koja su planirana da se povećaju u iznosu od 3,5 miliona rebalansirana s obzirom da su sredstva za informatizaciju planirana za idealne uslove, nabavku opreme, licenci. I treće pitanje, zamolio bih direktora da mi odgovori šta je sa sredstvima rezervi?

Predsjedavajući.

Zastupniče Okeriću, mi vas nismo čuli drugo pitanje, molim vas da ponovite drugo pitanje.

Poslanik/zastupnik Elvedin Okerić:

Da li su sredstva za informatizaciju koja su planirana da se povećaju u iznosu od 3,5 miliona rebalansirana s obzirom da su sredstva za informatizaciju planirana za idealne uslove, nabavka opreme, licenci i nove server sale a sistem nam funkcioniše? To je drugo pitanje. I treće pitanje, molim vas da mi odgovorite šta je sa sredstvima rezervi ZZO koja su planirana u iznosu od 20 miliona kako ste nam kazali prije mjesec dana na sjednici Skupštine? Hvala.

Predsjedavajući:

Zahvaljujem zastupniče Okeriću. Sljedeći ima riječ uvažena zastupnica Hodžić Admela. Zastupnice jeste li spremni? Ne čujemo vas. Zastupnice jeste li spremni? Ne čujemo vas zastupnice, hajte da damo riječ Marjanoviću a vi se uvažena zastupnice Hodžić Admela spremite za pitanje. Zastupniče Marjanović da li ste vi spremni?

Poslanik/zastupnik Damir Marjanović:

Zahvaljujem se predsjedavajući. Nadam se da me čujete. Dakle zanima me vrlo jednostavno. Sada sam prvi put čuo informaciju da je izdvojeno 1 milion KM za neke dodatne testove nabavku testova. Zanima me o kojim je testovima riječ, ko je to zatražio, na osnovu kojih analiza je odlučeno da se naruče ti testovi, da li su to genetički testovi ili su to serološki testovi, kada će se kupiti, u kojoj količini će se kupiti itd.? Hvala velika.

Predsjedavajući:

Zahvaljujem uvaženi zastupniče. Da li je spremna uvažena zastupnica Hodžić Admela. Ne čujemo vas uvažena zastupnice Admela. Sljedeći se javio uvaženi zastupnik Jakupović Vedran.

Poslanik/zastupnik Vedran Jakupović.

Zahvaljujem predsjedavajući. Obzirom da su kolege dosta puta već pomenule ovo pitanje informatizacije ja neću postavljati pitanje u toj oblasti. Dvije stvari prvenstveno preventiva, jako veliki iznos za preventive smanjen, razmišlja li se možda o drugom udaru pandemije koji bi se mogao desiti krajem ove godine i eventualno priprema za to? Dakle ne znam tačno koje su stavke kada je riječ o preventivi, naravno neke od njih neće moći biti ispoštovane, ali kada je riječ o prevenciji zarazne bolesti može se jako puno uraditi na tom polju. Nije mi jasno zašto se ovoliko za preventivu smanjilo i druga stvar raspodjela evo i kolegica Srna i kolege su prije mene pominjale raspodjela ovih sredstava između DZ i bolnica je potpuno nelogična, posebno još dodao bih ZZO epidemiološke službe koje rade u tom odjelu u toj ustanovi i kada govorimo o DZ, jedna od bitnih stavki finansiranja DZ su i vlastiti prihodi. Imam priliku vidjeti da nije ZZO jedini finansijer a svjesni smo, posebno kada je riječ o

nekim uslugama poput stomatoloških usluga koje donose zaradu i DZ, da ne pominjem i druge usluge da te usluge neće moći biti obavljanje još sigurno jedan period. Zašto se nije razmišljalo o tome da taj dio sredstava koji evo posebno naglašavam ide DZ, nije dodatno rebalansiran, da ide ovoj ustanovi umjesto bolnicama. Evo neću sada ni spominjati ovu opremu koja je neophodna, posebno zaštitnu opremu, kažem jel to možda zato što je ova smjena direktora bila, pa BOSS direktor nije uspio da uđe u relaciju ili ne znam evo neka mi odgovori direktor. Hvala vam.

Predsjedavajući:

Zahvaljujem uvaženi zastupniče Jakupović. Da li je spremna uvažena zastupnica Hodžić Admela? Zastupnice Hodžić Admela da li ste spremni? Ne čujemo vas uvažena zastupnice Hodžić. Evo i ja ću iskoristiti svoje pravo zastupnika da postavim pitanja dok se zastupnica Hodžić Admela spremi.

Na prethodnoj sjednici Skupštine Kantona Sarajevo donijela je zaključak kojim je Zavod obavezala da odmah usmjeri raspoloživa sredstva tekuće rezerve za nabavku zaštitne opreme za zdravstvene radnike kao i za respiratore. Šta je Zavod do sada poduzeo po osnovu ovog Zaključka, odnosno da li je izvršena nabavka opreme i respiratora?

Pod dva, na pojedinim pozicijama planiranih sredstava za ustanove primarne i bolničke zdravstvene zaštite iskazano je povećanje sredstava u odnosu na finansijski plan. Na šta se odnosi ovo povećanje sredstava? I treće pitanje, izmjenama i dopunama Finansijskom plana ZZO za 2020 godinu u okviru troškova lijekova planirana je naknada za izdavanje lijekova na recept na istom nivou kao i finansijskom planu. Znači li to da je naknada po receptu ostala ista odnosno 1,9 KM po receptu?

Uvažena zastupnice Hodžić ukoliko niste spremni, ja ću preći na raspravu. Evo uvažena zastupnice Hodžić da li se čujemo? Ne čujemo se. Zastupnice ne čujemo se. Da li imate neki drugi aparat u blizini da postavite pitanje, molim vas Admela, evo sačekat ćemo.

Poslanik/zastupnik Mahir Dević:

Preći će zastupnica ovdje kod mene ako nije problem.

Predsjedavajući

Hajte molim vas da pređe pa da postaviti pitanje i da otvorimo raspravu nakon odgovora direktora ili.

Poslanik/zastupnik Admela Hodžić.

Da li me čujete sada predsjedavajući? Pa ovako, imam dva pitanja. Izmenama i dopunama Finansijskog plana ZZO kapitalni izdaci za nabavku stalnih sredstava planirani su u iznosu od 1,7 miliona KM, što je oko 1,6 miliona manje u odnosu na Finansijski plan. Koje su to aktivnosti koje je Zavod planirano realizirati u okviru ovih sredstava i da li ste iste mogu biti odgođene s obzirom na novonastalu situaciju zbog proglašenja pandemije koronavirusa? Sljedeće, kako se navodi u Odluci izmjene o dopuni Odluke o izvršenju Finansijskog plana sredstava planirana na poziciji 2.19 izvršenje sudskih presuda izvršnih rješenja, koristiti će se i za plaćanje obaveza prema radnicima Zavoda po osnovu vansudskih nagodbi, koliko je vansudskih nagodbi i kolike su ukupne obaveze Zavoda po ovom osnovu? Zahvaljujem.

Predsjedavajući:

Zahvaljujem uvažena zastupnice. Obzirom da nemamo više prijavljenih za pitanja, pozivam direktora ili resornog ministra da odgovore na postavljena pitanja. Da li ste spremni ministre i direktore Zavoda. Deviću vas molim da isključite mikrofonski sistem molim vas. Uvaženi ministre i direktore Katana da li ste spremni da odgovorite na postavljena pitanja?

Direktor ZZO Kantona Sarajevo Sakib Katana:

Pitanja se uglavnom mogu grupisati u tri, četiri skupine pa ću tako pokušati i da ih odgovorim. Prvenstveno, lijekovi, odgovorit ću uvaženom zastupniku Konakoviću vezano za troškove lijekova koji su planirani na ovom nivou, odnosno zadržani su na nivou kakvi su bili u finansijskom planu to je prvenstveno zbog toga što Zavod ne generiše ovu vrstu troška. Mi ni na koji način, izuzev pojedinim djelovanjem putem uspostavljanja efikasne kontrole i ograničenja kroz informacioni sistem drugačije ne možemo djelovati. Prije svega do povećanja lijekova je došlo zbog povećanja tamo negdje 2018 kada je donesena nova Lista, povećan je broj novih lijekova, povećani su procenti učešća i naravno tu jako puno uticaja ima propisivačka praksa. Jer nema osnova da se neki lijekovi propisuju u tolikom obimu, i potrošnja u Kantonu Sarajevo je znatno veća u odnosu na druge kantone, entitete pa čak i RS. Nama je to sve jasno, mi apsolutno pratimo sve te troškove i zbog toga se ovo sada ustvari reflektuje na onu nabavku posebnih dodatnih alata za upravljanje ovom potrošnjom lijekova zbog toga što hoćemo da uvedemo elektronske smjernice, digitalne automatske smjernice i automatski vremenski dostatnu terapiju koje će ovu vrstu troškova dovesti u neki optimum. Znači bitno je naglasiti da je ovo jedan prirodni rast troškova lijekova. Zavod ne može uticati na njega. Što se tiče troškova ZZO oni su zadržani na nivou koji je bio i u Finansijskom planu za 2020 godinu, ovo nije zadnji Rebalans koji će Zavod raditi, sigurno će biti još rebalansa, i kroz koje će se i ostali troškovi na izvjestan način spuštati. Što se tiče. Znači kriterij raspodjele ova 3 miliona su bili sredstva su raspoređena zaključkom UO a na osnovu zahtjeva zdravstvenih ustanova. Zavod će pratiti namjenski utrošak ovih sredstava do zadnje marke što bi se reklo, vodit će se računa o tome. Ovo je jednokratna naknada prema zdravstvenim ustanovama. Što se tiče pitanja koja je postavio uvaženi zastupnik Vreto, šta će biti sa prihodima, mjere se koje poduzimaju. U momentu sačinjavanja rebalansa finansijskog plana Zavod nije imao nikakve makroekonomske pokazatelje, na osnovu kojih bi se mogli rukovoditi u sačinjavanju u određivanju visine prihoda. Mjere Vlade nismo znali, ne znamo mjere koje će poduzeti Federalna Vlada, prihode smo smanjili na nivou planiran Finansijskim planom za 2019 godinu, i sigurno ćemo kroz neki novi rebalans kada budemo imali puno više informacija o prihodima, tako ćemo u skladu sa prihodima sa eventualnim padom prihoda morat ćemo spuštati i rashode. Na kraju prihodi određuju rashode. Vezano za, evo već sam odgovorio uvaženoj zastupnici Danijeli Kristić za parametre raspodjele ova 3 miliona. Milion KM je odlukom UO usmjereno, sredstva još uvijek nisu usmjerena ali je UO donio odluku o aktiviranju sredstava tekuće rezerve i odobrio je da se sredstva u iznosu od milion KM usmjere za nabavku testova. Radi se o serološkim testovima, i znači nabavka je, ispoštovana je, ispoštovan je zahtjev Zavoda za javno zdravstvo i u skladu sa zaključkom kriznog štaba Kantona Sarajevo. Realizacija aktivnosti po osnovu nabavke zaštitne opreme. Tu vas mogu izvijestiti da je ZZO potpisao sporazum sa UNDP izdvojena su, prebačena su sredstva prema UNDP u iznosu od 4 miliona KM. Nabavka se provodi u skladu sa zahtjevom, odnosno sa specifikacijom koja je dostavljena ispred Kriznog štaba Kantona Sarajevo. Prvenstveno sredstva su usmjerena za nabavku zaštitnih maski, nekoliko vrsta zaštitnih odijela, respiratora itd. Isporuka je već u toku o čemu vas je izvijestila uvažena prof Pilav. Oprema će biti tu u Sarajevu, prema informacijama koje imamo iz UNDP do sredine idućeg mjeseca. Ovdje je jako važno napomenut da su sve ove nabavke koje idu preko UNDP oslobođene od plaćanja carine i poreza. Naknada za lijekove. UO je donio odluku da naknada za lijekove bude 1,9 KM u skladu sa odlukom o većem obimu prava kao kriterija i mjerila za ugovaranje iz 2009 godine. Skupština je ta koja može promijeniti tu Odluku i kada Skupština promijeni odluku UO će imati osnov da na izvjestan način djeluje i da spusti tu naknadu za izdavanje lijekova na neki niži nivo koji bude dogovoren. Vezano za IT strategiju, odnosno za izdavanja koja su vezana za informacioni sistem Zavoda, mi vodimo računa o tome šta nabavljamo i ovdje se radi prvenstveno o opremi koja je neophodna za funkcionisanje Zavoda. Već sam i kroz

izlaganja o Finansijskom planu Zavoda pomenio da je oprema na kojoj rade serveri Zavoda da je u potpunosti zastarjela, da je doživjela svoj end of life, i da smo bukvalno prinuđeni da je mijenjamo. Nabavka ove vrste opreme, novih servera i nove produkcijske opreme je planirana tek tamo za četvrti kvartal, tako da ukoliko bude nekih poremećaja sa prihodima sigurno se neće ići, bez obzira na nužnost nabavke ovakve opreme sigurno nećemo ići u tom smjeru. Izgradnja server sale je nulti prioritet Zavoda. Već sam rekao da smo mi da Zavod ima kapacitete, bazu podataka koja je odmah po veličini odmah iza baze BH telecoma tako da je velika odgovornost na meni, kao direktoru Zavoda da sve funkcionira apsolutno besprijekorno jer vjerujete kada bi stala server sala, kada bi se nešto pokvarilo, mi slobodno možemo staviti ključ u bravu i otići kući jer Zavod više neće moći raditi. Ja sam dužan da obezbjedim normalno funkcionisanje Zavoda i iz tog razloga se ide u tu vrstu radova u ovakvom vremenu. IT revizija, mi smo pregledali sve nalaze IT revizije. Apsolutno postupamo u skladu sa nalazima IT revizije i imenovan je, još uvijek nismo zaposlili internog revizora koji brine o vodi računa o IT reviziji, ali imamo službenika za upravljanje sigurnošću podataka. I apsolutno poduzimamo sve korake da se ispoštuju zaključci Revizije. UO Zavoda je usvojio strategiju razvoja IT sistema, usvojena je sigurnosna politika, tako da je sve to objavljeno na našoj stranici, tako da se ti dokumenti mogu pogledati. Zavod i ovu nabavku o kojoj govori, zamjena server sale, nabavka nove server sale, izgradnja nove server sale, izdavanja produkcijske opreme, sve je to u skladu sa nalazima IT revizije. Odgovorio sam na pitanje vezano za dodatne (nerazumljivo) IT sistema, rekao sam da je to u funkciji smanjenja troškova lijekova. I apsolutno ćemo istrajati na tome da to implementiramo čim je moguće prije kako bi smo ovaj veliki trošak stavili pod kontrolu. Važno je napomenuti da su ukupnim prihodima Zavoda sredstva prema zdravstvenim ustanovama učestvuju sa negdje oko 70%. Ostali dio troška koji je vezan za lijekove, medicinska pomagala i bolovanja utiče sa 25%. Nama je cilj da utičemo, da stavimo ovu vrstu troškova pod kontrolu, odnosno da mjerimo, evidentiramo, pratimo, jer mi ne možemo adekvatno ni ugovarati zdravstvenu zaštitu ako nemamo adekvatno mjerenje, praćenje i kontrolu. Važno je reći da Zavod poduzima sve korake, odnosno ja kao direktor radim vrlo aktivno na tome da se uspostave puni mehanizmi kontrole i da se ove vrste troška stave napokon pod kontrolu i da se prati i ugovora na pravi način. vezano za pitanje uvažene zastupnice Srna vezano za sredstva za zdravstvene radnike. Kroz rebalans Finansijskog plana nisu predviđena dodatna sredstva za plate obzirom da za tu namjenu nama treba negdje minimalno oko 8 do 10 miliona KM koje sada u ovom trenutku nemamo. Ponovo se moram vratiti pošto je postavljeno pitanje vezano za ove neke troškove koje sam rekao da su spuštene. Refundacije pojedincima, preventivni programi, liječenje u inostranstvu. Ti su troškovi spuštene iz razloga što ne očekujemo potrošnju u ovom periodu jednostavno je mi smo već sada u maju i ne očekujemo izvršenje na tom nivou u ovom periodu koji je pred nama. Što se tiče troškova za liječenje u inostranstvu, ostao sam dužan pitanje uvaženom zastupniku Konakoviću. Znači ništa se nije promijenilo u odnosu sa Srbijom i Hrvatskom. Nego još uvijek izvršen obračun troška za 2109 godinu. Zavod je već duži niz godina i u prošlosti plaćao godinu nakon što se izvrši taj preračun, te reklamacije i kontra reklamacije između država. Obzirom da smo u prethodnom periodu zaista imali jako dobre prihode, odlučili smo da na izvjestan način stignemo ta neka dugovanja iz prethodnog perioda. Obzirom na ovu situaciju koja nas je zadesila ne moramo na kraju krajeva platiti dvije godine u jednoj godini, plaćat ćemo i dalje godinu za godinom kako je to bilo u ranijim periodima. Održavanje laboratorijskog informacionog sistema je planirano u iznosu 1.287.000 KM. Ja ne znam zaista da postoji tu neka razlika između finansijskog plana i rebalansa. Apsolutno je sve na istom nivou. Ova nabavka je provedena. Došlo se do odluke o izboru, tako da ne vidim ne znam u čemu je tu. Gospodinu Jakupoviću raspored sredstva prema zavodu. Vezano za raspored sredstava u iznosu od 3 miliona, ponovo kažem da su ta sredstva raspoređena u skladu sa zahtjevima zdravstvenih ustanova. ZZO DZ za 99%, tako da mi stojimo tu bez obzira na sredstva koja smo izdvojili, mi još uvijek imamo

sredstva tekuće rezerve u iznosu od 1,8 miliona, kojima možemo reagovati prema zdravstvenim ustanovama. Imamo sredstva na akumuliranom višku prihoda nad rashodima iz ranijih godina u iznosu 8,7 miliona, tako da sigurno zdravstvene ustanove neće doći u problem ili ako dođu u problem mi smo tu da ih podržimo i da im doznačimo adekvatan iznos sredstava koji je potreban za njihovo redovno finansiranje. Hvala lijepo.

Predsjedavajući:

Zahvaljujem uvaženi direktore. Otvaram raspravu. Prvi za riječ se javio uvaženi zastupnik Konaković Elmedin. Izvolite ako ste spremni.

Poslanik/zastupnik Elmedin Konaković:

Da vas bogdo ja Katana ništa nisam pitao žao mi je što sam pitao i vas i ministra išta danas cijeli dan. Vaš način na koji ste odgovarali, ne znam boga mi, možda sam ja ličan jer sam kao Vlada na čijem sam čelu bio, tri godine vodili tako tešku bitku sa farmaceutskom industrijom i potpuno to stanje stavili pod kontrolu. Tako da meni danas kada vi govorite ovo se ne može zaustaviti ovo nije naš posao, muka mi je boga mi od toga. Vi ste (nerazumljivo) ovu vrstu troška. Naravno da je vi ne generišete ali ste dužni da je kontrolišete. Kako da je kontrolišete? Onako kako smo uradili kada smo dali dozvolu da se zaposle kontrolori propisivanja lijekova i napravili odlične efekte. Dužni ste kao Zavod da kontrolišete šta se dalje dešava jer smo tada uvođenjem kontrolora našli one o kojima vi govorite. Ljekare propisivače koji u dogovoru sa farmaceutskim kompanijama koje prepakuju neki generik u neku kutiju u nekoj garaži i dođu na listu lijekova obećali su iznos potrošnje lijekova na godišnjem nivou za 27 miliona KM. Vi kažete to je prirodni rast. Pogledajte šta ste pričali, gledala je dana država cijena. Zna li šta je prirodni rast potrošnje lijekova. Jel ima neka, jel bila prije ove pandemije koronavirusa neka velika epidemija, jel povećan broj osiguranika, koji je parametar za prirodni rast? To je Katana prirodni kriminal na koji ste se vi adaptirali i ne smijete da uradite ništa da ga zaustavite. Čim smo ušli u političke probleme pratio sam od kada sam otišao as čela Vlade da se u roku nekoliko mjeseci raspakovala takva lista lijekova. Da su ponovo na štetu domaće proizvodnje dozvolili onima koji s tašnom, mašnom nosaju lijekove i prodaju ih da uđu s procentima mnogo dominantnije nego što radi ozbiljna domaća industrija. I ponovo su se osokolili ohrabрили propisivači, onaj mali broj nekorektnih ljekara, zato što ljudi kao vi njima šalju poruku slobodno vi radite šta god hoćete. Dakle sramota je da ko direktor ZZO ovako govorite javnosti. Možda vam se ne čini ali ovo TVSA prenos. To što je nas nekoliko ovdje, gleda u vas država cijela šta ste vi danas nama rekli. Naravno Narod i pravda ne da neće podržati, bit ćemo sva ona crvena ćemo pokazati protiv, protiv, protiv ovog rebalansa, jer se ismijavate zaključku Skupštine. Ismijavate se popisivanju lijeka na recept koji je povećan na 1,9 a iz analize koju smo radili došli do 1,65, teško krvavo smo došli do toga. Ja znam jer sam vidio nakon reakcije farmaceuta da ima malih apoteka koje nemaju dovoljan broj lijekova, ustvari receptata i nije im to komercijalno, njih razumijem. Ali njih je malo. I žao mi je što na uštrb takvih malih apoteka ne mogu imati senzibilitet zato što to urušava cijeli sistem. Pročitao sam u zadnjih nekoliko godina dokument koji svi vi zastupnici imate na Skupštini. Upišite tamo Izvještaj o potrošnji lijekova po godinama da vidite neke apoteke bliske političkim partijama koliko novca ostvaruju po osnovu nadoknade lijek na recept. I da vidite koji je to njima prihod kada im se poveća sa 1,65 na 1,90. Dakle to smo sve detektovali prošli put. To ste sve Katana slušali, to ste gledali i došli ste danas tako jednostavno, bljedoliko, ništa, bez ičega da nam objasnite da se to ne može promijeniti. Da ne može promijeniti spakujete se i idite. Neka neko dođe tu ko može promijeniti. Ili nam recite od koga primete političke naloge da ne smijete promijeniti ovo strašno stanje u vremenu pandemije kada je svaka marka za zdravstvu prebitnaprebitna i kada svaka možda nekome život znači. Vi tako bljedoliko, bez krvi i mesa nama daju odgovore koji su zastrašujući. Sve sam vam ja povadio i sve da imam vremena bogdo da vam to sad rastabirim jedno po jedno

marku. Milion maraka su vam povećani troškovi za plate u zadnjih pet godina. 25% unutar Zavoda. Ni jednu marku niste planirali a kažete bit će neki drugi rebalans. I ko ministri danas, ako bog da, insala mi ćemo reagovati. 38 dan od proglašenja dana nesreće. 05. Marta prvi oboljeli u BIH. Vi pričate kako smo spremni dočekali ovaj sistem, ovu pandemiju sistemski a prošlo je skoro dva mjeseca mi nemamo ni jedan formalno usvojen akt Katana. Ovo danas što ste vi nama donijeli. Sa novim milionom KC i vi kažete jednokratna pomoć. Na osnovu čega? Šta je povećano u KC, šta je povećano u Opštoj bolnici, šta je povećano u DZ? Kako odokativno i dalje dajete novac. Zašto se niste pobrinuli pa napravili ono što se očekuje? Evo kaže nam maloprije ministar Mesihović nema do sada propisanog puta pacijenta, nije propisan, ne znam kolikog godina. A koristili ste taj argument kada ste smjenjivali direktora DZ rekli ste da on ne poštuje neki algoritam ili put pacijenta da bi ste napravili svoju političku trgovinu i isporučili Dom zdravlja BOSS-u. Dakle nije meni drago što ste vi toliko loši danas, jer ovo nije pitanje pozicije i opozicije, ovo je pitanje života. Ja bih likovao da su ovo politička pitanja. Ovo su pitanja života i smrti i vi Katana niste dorasli poslu za koji ste imenovani. Nemojte sjediti tu ako su vaši odgovori nema rješenja, ne možemo mi ništa. Još vi meni pričate o novom informacionom sistemu. Pored famoznog Medita koj je trebao uzeti 60 miliona za informatizaciju. Uzeo je 20 a mi nemamo ništa u svojim rukama. Ono što je sreća u nesreći famozna, barem smo uspostavili tu mogućnost kontrole potrošnje lijekova, ja to znam. Ne treba vam tu nikakav novi softver. To ste mogli pratiti kada se zacrvni onaj propisivač odmah kod njega odete da vidite koji je to farmaceut bio s tašnom kod njega dan prije i on povećao kontrolu lijekova. Pokušala vam je kolegica, neću je imenovati klasficirati kao protivnika ljudi uposlenih u farmaceutskoj industriji. Oni znaju koliko sam se borio za kolektivni ugovor u kom su farmaceuti jer ih niko nije tamo želio. Naravno da oni nisu farmaceutska mafija. Nisu to fine ove magistre i magistri koji rade u apotekama. To su vam oni s malim firmama i velikim prihodima koji vam prepakuju u ovakvoj Agenciji za lijekove i koja izdaje ko god poželi dozvolu da može plasirati lijek na listu, a onda vam ministar Šanko na Federaciji donese listu lijekova pa se obavezno primjenjuje u Sarajevu jer mi poštujemo cijelu A listu. I onda vam na jednom generiku bude 27 imena, 27 naslova. Onda vam apoteka svih 27 naslova mora imati na stanju. I vi meni kažete, ne može se to, ne generišemo mi to. Pa niste vi tu da generišete, vi ste tu da sasiječete i predložite u Finansijskom planu onoliko koliko ima para najbolji mogući način da se utroši. Protiv smo ovog rebalansa i na žalost neće to vama puno štetiti jer smo i prošli put glasali za da ljudi imaju život, da se može normalno funkcionisati da zdravstveni radnici imaju platu. Zato ste nas ponovo ulovili. Ništa vam danas ne znači što ćemo mi biti protiv i ako padne ovaj rebalans jer vi imate svojih 90 miliona za lijekove od kojih će garantujem vam ponovo biti torbe nekome za neki lijek koji će se naći na listi. Nećemo mi vas mi popustiti za to. Možda nećemo sada zato što je korona. A boga mi ćemo vam prečešljati svaku tu marku tada kada vas budemo promijenili. Hvala.

Predsjedavajući:

Zahvaljujem uvaženi zastupniče Konaković. Sljedeći ima riječ uvaženi zastupnik Stojanović Igor a neka se spremi uvaženi zastupnik Vreto Elvis.

Poslanik/zastupnik Igor Stojanović:

Spreman sam. Hvala lijepo. Na prošloj sjednici kada smo diskutovali o ZZO nisam htio da kritikujem smatrao sam neprimjerenim govorit o povećanju od 8 miliona za lijekove. Nekako smo se i dogovorili na toj sjednici da taj novac bude usmjeren ka borbi protiv koronavirusa. Danas moram reći sljedeću stvar. Mislim da je ZZO glavna institucija vladina koja će biti u službi očigledno zloupotrebe čitave situacije u Kantonu Sarajevo da bi se iskoristilo i provukli neki ugovori i tenderi i kako bi se neko nagradio na osnovu nečega, ne znam ni ja. Ali očigledno je da ovo institucija u koju će mnogi zloupotrijebiti za vrijeme koronavirusa.

Govorite da je normalno da se poveća stavka za lijekove. Vrlo je čudno da od 2018 koju vi spominjete gospodine Katana da se treba povećati ta stavka za lijekove. Čudno je da se kod prethodne Vlade ta stavka nije morala povećati a samo nakon uspostavljanja nove Vlade, nakon mjesec dana ona mora da se poveća. Vrlo simptomatično i to pogotovo sada u toj situaciji kada sve opada ova stavka mora da se poveća. Kada je u pitanju IT, hoću da vam kažem, očigledno je ili me niste shvatili ili vi ne vladate uopšte situacijom unutar ZZO. Ovo što ste rekli da je provedena javna nabavka vezao za (nerazumljivo) od 1,1 milion, dakle to je istina, samo ja nisam mogao da pronađem podatke da je ta javna nabavka završena. I nije mi jasno zašto se potpisuje ugovor na 1.287.000. ali evo hajde to je u nekom skladu do 15% za javne nabavke da se može povećati ugovor ako se u međuvremenu desilo, ali znate šta je sporno, sporno je što vi već u ovom Finansijskom planu imate u ovoj godini kada potpisujete sa Meditom taj ugovor na 1,1 miliona KM vi imate plan za održavanje od 427.000 KM za taj softver. Obično se predviđa neko održavanje 18 do 20%. Kod vas je to 40%. I sve vam je normalno, ništa se tu faktički ne dešava za vas nešto što nije sporno. Nakon što je uloženo 20 miliona kroz istu firmu. I onda još jedna stvar nema nikakvog objašnjenja za stavku koju sam našao u IT izvještaju koja se zove PAKS. Za PAKS e ukupno investirano 8.450.000 KM i sada se naknadno za softver za taj neki bolji softver još se dodaje nekih 1.470.000 KM. Dakle vi meni govorite da se treba stvoriti neka server soba, da se treba kupiti neki hardver. Ja ne govorim o hardveru gospodine Katana. Ja govorim da vi u softverska rješenja prije hardvera ulažete još po nekih 1,4 miliona, još za održavanje 428.000. pa ste povećali mimo objavljene tenderske nabavke za 187.000. dakle ja vam govorim za već nekih 1,7 miliona koje ste povećali mimo plana za softver. Nema veze ni sa kakvom sobom o kojoj vi pričate. Kada nemate osjećaj za to što se dešava i kada očigledno ne vladate vi institucijom neko drugi vladaju vama i zloupotrebljavaju vas da bi napravili svoje neke finansijske planove, konstrukcije, da li predizborne ili neke intrese njihove, ne bih u to više ulazi. Ali moram vam reći, vi ne da ne vladate situacijom. Bit ćete sutra krivi za sve ovo za šta provodite a nije u skladu sa borbom Kantona Sarajevo vezano za koronu. Vi zloupotrebljavate instituciju koja trenutno ima najviše novca i samo ste jedan pijun koji u ovom trenutku ispunjava političke želje. Hvala.

Predsjedavajući.

Zahvaljujem uvaženi zastupniče Stojanović sljedeći ima riječ uvaženi zastupnik Vreto Elvis.

Poslanik/zastupnik Elvis Vreto.

Hvala predsjedavajući. Da živimo u normalnim okolnostima, bez prirodne nesreće, odnosno bez vanrednog stanja, moj glas bi bio isto tako kao što je rekao gospodin Konaković veliko crveno. Moramo istaći da apsolutno nisam zadovoljan načinom smanjenja pojedinih stavki i preraspodjelom na koji se način se došlo da se prebace neophodna sredstva za nabavku opreme u borbi protiv pandemije. Bilo je načina da se još efikasnije naprave uštede. Puno je očito problema koje ima ZZO kroz rad, evo čuli smo i ove iznose za koliko se naplaćuje vezano za recepte da se tu u tom segmentu ništa nije promijenilo u odnosu na 23.03 i na našu raspravu. Međutim shodno situaciji u kojoj se nalazimo,. Zbog potrebe da se sredstva od 11 miliona naprave operativnim, posebno se to odnosi na planiranih 8 miliona za nabavku medicinske opreme, sanitetske opreme, respiratora, podržat ću današnji Prijedlog izmjena i dopuna finansijskog plana samo iz tih razloga. To mi je u ovom trenutku presudno. Uz ovu diskusiju predložiti ću i jedan zaključak a on glasi:

Zadužuje se ZZO da shodno trenutnoj situaciji sa pandemijom najdalje u roku od 15 dana dostavlja kratku informaciju Vladi i Skupštini Kantona Sarajevo o stanju u ZZO po pitanju ostvarenja prihoda kao i po pitanju realizacije rashoda sa posebnim osvrtom na sredstva namijenjena za nabavku medicinske sanitetske opreme i respiratora, kao i da u slučaju

potrebe hitno uputi u proceduru nove izmjene i dopune finansijskog plana ZZO za 2020 godinu. Eto toliko predsjedavajući. Ovaj ću zaključak predložiti na Viber grupu.

Predsjedavajući:

Ja vam se zahvaljujem ukoliko možete na sekretara skupštine proslijediti mailom kako bi se mogli izjasniti poslije tačke prijedloga odluke o davanju saglasnosti.

Poslanik/zastupnik Vildana Bešlija:

Hvala predsjedavajući. Naime ono što je vidljivo iz Rebalansa su smanjenje pozicije koje nisu sporne i nisu ranije spominjane. Međutim ovdje posebno mislim na deficitarne usluge i preventivne programe. Jer javni pozivi za deficitarne usluge nisu još ni raspisane a ni preventivni programi zbog koronavirusa. Oni se neće moći realizovati u mjeri u kojoj su ustvari bili planirani. Međutim iako programi koji su smanjeni poput potpomognute oplodnje, preventivni programi i slično, prema Zakonu se mogu ugovarati u mjeri kojoj one ne ugovaraju finansiranje obaveznog paketa prava, smatram da je važno da imamo raspoloživa sredstva i za takvu vrstu programa jer iako je ozbiljan situacija po pitanju pandemije koronavirusa redovne životne aktivnosti se moraju adekvatno nastaviti. Ono što mi posebno smeta a o čemu sam govorila i na sjednici 23. Marta kada smo donijeli odluku o izradi Rebalansa Finansijskog plana ZZO, je više puta spominjana naknada za recept od 1,9 KM. Koja je ostala nepromijenjena u odnosu na prvobitno predloženi plan. A koja je i kako smo čuli od direktora povećana odlukom UO. Mišljenja sam da je to bespotrebno rasipanje resursa kao što su to govorili i moji prethodnici. I želim to posebno naglasiti kao stav Kluba Naše stranke. Izgovor za ostavljanje ove naknade sa uvaženim iznosom koji ste našli u skupštinskoj odluci, koja je o utvrđivanju većeg obima zdravstvenih prava kao i osnovama, kriterijima i mjerilima a ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo iz 2009 godine, i ona je propisana u iznosu od 1,9 KM. Ova odluka je naime davno morala biti stavljena van snage jer je već 2013 godine na nivou FBiH donesena jedinstvena metodologija koja se bliže utvrđuju mjerila i kriteriji za ugovaranje. Ova jedinstvena metodologija prepoznata Zakonom o zdravstvenoj zaštiti, kao propis kojim se uređuje ugovaranje i ona nema osnova za kantonalni propis. Dakle predlažem u ime Kluba Naše stranke, zaključak da se stavi van snage Kantonalna odluka iz 2009 godine, te da se naloži ZZO da odmah po stavljanju van snage predmetne odluke, pristupi korekciji naknade za izdati lijek po receptu na iznos od 1,65 KM kako je to bilo u prethodnoj godini. Zaključak ćemo poslati kako je dogovoreno u grupu, i predsjedavajući molim vas da isti date na izjašnjavanje zastupnicima. Hvala.

Predsjedavajući:

Druga diskusija Konaković-

Poslanik/zastupnik Elmedin Konaković:

Ma moram reagovati zato što u ovoj cijeloj priči danas, priča o respiratorima. Ljudi, milione na svim nivoima smo izdvojili za respiratore do kojih se teško dolazi. Respiratore koji po informacijama štabova, i kapacitet po informacijama štabova ne da nije popunjen, nego vi danas u Podhrastovima koliko imate na respiratoru? Dvoje ili troje? Rekli ste nam da ima 64 respiratora na KC, tako je bila informacija. Ali evo, možda to ne znam. Mnogo više od trenutnih kapaciteta. Govorite o smanjenju mjera zabrane i kretanja jer govorite o zaustavljenoj pandemiji i sada ćete govoriti o nabavci novih respiratora. I trebali bi mi kao zbog toga da glasamo za ovaj rebalans. Ljudi šta vam je? Gdje vam je bilo kakav argument? Jedan dokaz, jedno slovo potrebe da se ne igrate novcem u trenucima kada se gube ljudski životi. Koji su to danas zauzeti kapaciteti izlatorija? Šta je s Građevinskim fakultetom? Šta se ja svim ovim krevetima. Hvala bogu, ne kritikujem, to je bilo preventivno. Ali zašto danas

kada epidemiolozi krizni štabovi, najavljuju reducirane mjere i pokazuju svoje briljantne rezultate kako su pandemiju zaustavili, a tek ćete čuti serološke nalaze šta kažu i analize. Vi nama danas podmećete tezu morate zbog respiratora. Ljudi nemojte se time igrati. Ovo nije igra. Novac ZZO kako ste danas predložili na granici je kriminala koji samo treba dokazati. Nemojte se molim vas s tim igrati i nemojte biti tako patetični. Pričati o respiratorima nemate jedno slovo koje pokazuje potrebu nabavke novih. Niti tržište na kojem možete napraviti novi. Gdje ste i kada kupili. Uslikao bi se neko tri puta do sada, neki premijer, ministar. Znam ko bi se uslikao sigurno. Ko bi pored tih otvorenih kombija punih respiratora objavljivao PR po bilbordima. Nema potrebe, očigledno, a vi nama sada kažete ako ne glasate znate respiratori su u pitanju. Sram vas bilo.

Predsjedavajući:

Zahvaljujem uvaženi zastupniče Konaković. Obzirom da se više niko ne javlja za riječ zaključujem raspravu. Momenat samo da provjerimo. Kratka diskusija uvaženi zastupnik Marjanović. Ali morate malo brže reagovati evo ja vas lijepo molim ako ima još neko za diskusiju neka se prijavi.

Poslanik/zastupnik Damir Marjanović:

Ja se Izvinjavam na kasnom javljanju. Momenat inspiracije. Inspiracija prethodnom diskusijom gospodina Konakovića, samo ću dodati jednu kratku informaciju vezano za respiratore, ne ulazeći koliko nam ih treba, da li nam ih nedostaje itd., ali evo možda ne bi bilo loše da od Federalnog premijera Fadila Novalića i da se na njega oslonimo s obzirom da imamo već i dobre veze prema njemu, jer koliko, 3,5 miliona KM je dao jednoj bh firmi da napravi prototip tih respiratora, pa za godinu i po dana, možda ako se to sve usvoji, dobijemo respiratore iz te kompanije.

Predsjedavajući:

Konaković replika Marjanoviću.

Poslanik/zastupnik Elmedin Konaković:

Predsjedavajući, replika gospodinu Marjanoviću. Nije negativna nego pozitivna jer ljudi koji gledaju valjda ovu našu današnju priču, šalju mi tačnu informacije o broju respiratora, o broju postelja. Respiratora sa pratećom opremom za koju kažu UKC Tuzla 52, UKC Sarajevo 65, KB Mostar 16 i vi samo to uporedite sa brojem ljudi koji su danas na respiratoru, sve vas zajedno molim, hvala vam.

Predsjedavajući:

Zahvaljujem uvaženi Konakoviću. Jakupović ako set spremni izvolite.

Poslanik/zastupnik Vedran Jakupović.

Zahvaljujem predsjedavajući. Ja ću samo malo nasloniti obzirom da sam postavio pitanje direktoru Katani vezano za preventivu. Mi smo sada u fazi kao što rekosmo da smo dosta dobro, da ponovim prethodnim kolege, dosta dobro amortizovali udar koji se očekivao. Bila je moja bojazan prije nekih mjesec dana, ako se sjećate na kolegijima da je prioritet svih djelovanja trebalo da bude zdravstvo odnosno da probamo amortizovati ovaj udar i da su zato urađene ove preventivne mjere o kojima sada govorimo kao nečemu što počinje da predstavlja balast i ekonomiji i normalnom životu. Ali kažem sada u ovom trenutku možda nas je zateklo ovo što se dešavalo krajem februara potkom marta. Sada u ovom trenutku možemo već razmišljati o reorganizaciji zdravstva, kompletnog sistema, jer očigledno vakcine neće biti. Očigledno, govorim o periodu naredih godinu ili godinu i po dana,

očigledno lijeka sigurnog neće biti, tako da ćemo se morati naviknuti na neke stvari a to se zove preventiva. Treba da iskoristimo maksimalno znanje naših epidemiologa iskustvo koje smo tokom ove epidemije, pandemije stekli i da ta iskustva pretočimo u nešto što će se zvati program preventive. Ja sam evo gospodin Katana mi nije odgovorio na ovo. I apsolutno bih se složio, sad u ovom trenutku novac koji se daje u ovom trenutku za respiratore, daje se sa svih strana, od samih donacija pa nadalje. Ako se sjećate one sjednice prije mjesec i po dana i ja sam govorio o respiratorima, o krucijalnom problemu, pa se nije znalo jel to 30, 60, 110. Pa su neki popravljani pa smo bili svjesni da imamo respiratore na aparatima na aparatima za anesteziju. To su stvari o kojima se govorilo kada se trebalo govoriti. I preventivno se jako dobro djelovalo. Ja bih ovdje pohvalio Krizni štab kompletan za neke stvari koje su donijeli na vrijeme. Pitanje samo zdravstvenih ustanove koje su te mjere koje su predložene donesene prosljedili svojim uposlenicima dalje. Koliko se na tome radilo. Prolazimo evo već 8 sedmicu možemo govoriti o dobrim rezultatima. Svjetska zdravstvena organizacija nas je pohvalila dijelom zbog toga. Ali kažem opet razmišljamo o narednih pola godine, pa evo i devet mjeseci da vidimo kako ćemo dočekati jesen i zimu kada i u normalnim uslovima počinju već i sezone drugih, virusnih oboljenja. Da definitivno ovaj, mi ćemo kao što je zastupnik Konaković rekao glasati protiv ovih rebalansa. Neće nas respiratori ubijediti da treba da galasmo. Zdravstveni sistem neće patiti zato što imamo već donesen bitniji plan koji smo morali donijeti da bi zdravstveni sistem i plate mogle funkcionisati normalno. Ono što će biti predloženo su zaključci koji će obavezati ovaj ZZO da napravi novi vrlo brzo ozbiljniji rebalans budžeta. Ja ću se samo kratko osvrnuti na ovaj dio koji se odnosi na ovih 1,95 za apoteke po receptu. Onako sam napravio test, imali smo, nismo imali informaciju, trenutno je 1,65 po receptu u Sarajevu, pitao sam kolege u drugim kantonima, bez obzira kakav je način života, kako se živi u Sarajevu, Goražde, SBK; USK; Tuzla je 1 KM. 1,10, 1,20 maksimalno. U većini Kantona je 1 KM plus PDV. Znači 1,0 plus PDV. To jeste jako malo i moramo imati u vidu da je 1,65 trenutno ubjedljivo najbolja situacija u Kantonu Sarajevo. Ja shvatam kolege farmaceute koji imaju sami apoteke i koji ne mogu da zarade dodatni novac jer su rabati za lijekove koji bi se kupovali naravno uz taj recept prilično niski ili ih nema nikako ali ovdje ipak riječ o puno većim igračima. I te igrače treba da svedemo na pravu mjeru. Kažem evo mi ćemo biti apsolutno protiv ovog rebalansa i insistiramo da se neke stvari u vrlo kratkom roku donesu i da ne čekamo taj junski rebalans budžeta. A posebno da obratimo pažnju na ovaj preventivni dio koji je u ovoj godini koji će nam pomoći da lakše dočekamo novi, drugi val moguće epidemije. Hvala vam puno.

Poslanik/zastupnik Sead Milavica:

Zahvaljujem predsjedavajući. Pa evo gledat ću da budem što kraći. Na prošloj Skupštini smo razgovarali o ovim respiratornima i rekli smo da ta sredstva trebamo izdvojiti za nabavku respiratora. Ja evo kao zdravstveni radnik sada sam zaista u dilemi da li nama to treba faktički u ovom momentu ili ne treba. Ja ipak mislim da to treba. Šta ako dođemo u situaciju da nam zaista trebaju ti respiratori a nećemo biti u mogućnosti da ih nabavimo tako hitno za dva ili tri mjeseca. Ono što bih ja predložio danas a to je da idemo sa jednim prijedlogom zaključka gdje se obavezuje Ministarstvo zdravstva i ZZO da nabavku respiratora i ostale medicinske opreme namijenjene za borbu protiv koronavirusa vrši putem UNDP uz punu transparentnost ovakvih nabavki. Eto. Zahvaljujem se.

Predsjedavajući.

Replika Milavici od Konakovića

Poslanik/zastupnik Elmedin Konaković:

Zaista evo da ne, vrlo korektno od kolege Milavice ali evo želio bih mu postaviti jedno pitanje. Zna li vi kolega Milavica, kao zdravstveni radnik, slažem se s vašim rezonom

potpuno. Ali nije bio jedini zaključak da se nabave respiratori. Nego je bilo puno zaključaka, pogotovo ovi koji se odnose na lijekove. I neki drugi za koje sumnjamo da ima i kriminala. Upravni odbor, menadžment Zavoda donosi dokument u kojem nema ništa osim što se danas poziva na respiratore. A vas pitam za najgori scenarij trebamo se pripremiti ne košta puno da se sve bacimo u vodu. Slažem se. Zna li vi kolega Milavica kakvo je stanje s respiratorima danas i kako je bilo prije dva mjeseca? Gdje su nabavljeni, ko ih nabavlja, koliko ih plaća, ko ih skladišti i ko ih koristi? Ovo što govorite o UNDP –u ništa nama to ne znači jer dosadašnje nabavke ili šta se dešava s 4 respiratora koje je kupila Opšta bolnica pa su negdje zaglavili pa nikada nisu isporučeni? Da li je tržište uopšte dostupno. To su informacije koje generalno ovih dana javnost ne zna. Zato se stvara ta neka crna rupa a onda pod plaštom respiratora ljudi provuku i dalje farmaceutsku industriju i kažu mi to ne može spriječiti znate mi to ne generišemo. Eto volio bih da mi odgovorite ako možete.

Poslanik/zastupnik Sead Milavica:

Zahvaljujem predsjedavajući. Dakle, u maloprijašnjoj diskusiji vođen ovim što je kolega Konaković rekao, reći ću samo jedno, da ne bi preuzimali toliku odgovornosti molim vas hajde da danas nabavimo respirator a ako bude bilo kakvih kriminalnih radnji ili bilo čega ostalog neka se time bave nadležne institucije, dakle ja ne smijem danas preuzetu odgovornost da ne izdvojimo sredstva sa respiratore. Eto. Toliko.

Poslanik/zastupnik Damir Nikšić.

Ja ne znam je li ja ne shvatam neke stvari o čemu se radi, možda malo u tome nisam vičan ali mi smo u prvoj polovini marta rekli da ćemo kupiti respiratore. Ja se sjećam da smo sjedili sa premijerom u njegovoj ili nekoj kancelariji smo sjedili. I on je tada rekao, to je prva polovina marta i on je tada rekao da ne zna da se pita da li će nama trebati respiratori nakon pandemije pa eto ako će trebati nakon pandemije ko biva da kupimo jer ono može nas mimoći pandemija pa ako ostanu bar da služe. Nije znao zašto služe ti respiratori da li nam uopšte trebaju tolikih količina. Ja sam mu tada rekao za stolom da ih kupuje, da ih odmah počne kupovati, da se pare damo na respiratore, jer poslije neće biti na tržištu. I spominjao sam i maske i zaštitnu opremu i sve. Neće biti na tržištu. Mi znamo da su Amerikanci presretali francuske, talijanske i sve druge isporuke, davali keš, kral njihove isporuke i slali u Ameriku. I da je dotle došlo na međunarodnom tržištu svega toga. Ja sam mu rekao odmah kupuj prije nego što krene svugdje. Evo sada je bilo da je nakon toga krenulo i Americi i ne znam da li ih ima. Ja sam mislio da su ti novci tada odvojeni i da su ti respiratori kupljeni i da mi sada samo čekamo da oni stignu. A nisam znao da mi sada pričamo o odvajanju para za respiratore. Pa kada će onda da stignu ti respiratori? Po meni, tada je trebao dati sve pare na respiratore i sada čekati da dođu. A sada kao mi odlučujemo da kupujemo respiratore, ja mislim da je malo kasno za respiratore. Pojma nemam gdje će se oni naći. Dobro ima ovo UNDP i kada će oni doći. Ali ja mislim da je vrijeme kupovine bilo završena je ta priča bila još polovinom marta. Da se to odlučilo. Odjednom sada evo koji je kraj aprila 23, sada pričamo o odvajanju novca za respiratore. Mislim da malo kasnimo. I da je to sve trebalo prije da se desi. Tako da mi je čudno što sada pričamo o tome. Malo sam se iznenadio, neprijatno. Mislim zajedno sa svim ostalim građanima da se sada priča da tražimo po džepovima pare za respiratore. Eto toliko.

Predsjedavajući:

Hvala. Prije nego što dam riječ uvaženom zastupniku Deviću dužan sam vas informirati vas i uvaženu zastupnicu Bešliju koja je pripremila jedan zaključak da moramo izmijeniti zaključak, jer ne može Skupština zaključkom staviti van snage odluku. To se samo može aktom iste pravne snage. Jedino se može zaključkom tražiti od Vlade da preispita navedenu odluku ili takav zaključak bi mogli usvojiti. A ovakav zaključak ova predloženom, ne

možemo usvojiti jer neće imati pravnu snagu. Uvaženi zastupniče Deviću izvolite, imate riječ.

Poslanik/zastupnik Mahir Dević.

Zahvaljujem predsjedavajući. Mislim da je ova diskusija kolege Milavice bila zaista vrlo razumna, mi se trenutno nalazimo u ovoj situaciji u kojoj se nalazimo, niko od nas što kažu ne vidi sada u ovom momentu šta će se dešavati u narednih mjesec ili dva dana, tako da ova njegova priča da mi povedemo zaista računa o transparentnosti na koju skreću pažnju pojedine kolege. Što se Kluba SDA tiče, mi smo naravno za to, apsolutnu transparentnost za analizu svake potrošene marke, ali smo zato da u ovom momentu se odvoje sredstva da se ti respiratori nabave, i molim dragog boga da ih ne stavimo u funkciju. To nisu bačene pare ako mi njih nabavimo. Neka oni stoje za budućnost. Puno se stvari naravno može uraditi i poslije. Ali u ovom momentu cijenimo zaista da bi trebalo podržati ovu situaciju da se ti respiratori nabave. A ako ima nekih radnji koje nisu po mišljenju određenih kolega u skladu sa zakonom, ako neko sumnja u nešto, imaju naravno i nadležne institucije a evo na kraju krajeva i Skupština Kantona Sarajevo na tragu ovih inicijativa pojedinih zastupnika da se transparentno Skupština izvijesti šta je to nabavljeno, kako je nabavljeno i da se račun za svaku konvertibilnu marku položi Skupštini Kantona Sarajevo i Vladi Kantona Sarajevo. Ali bi bilo dobro da mi to ipak u ovom momentu ta sredstva odvojimo i da to nabavimo. Ne daj bože da nam ne zatreba. Nadamo se ako bog da neće.

Predsjedavajući:

Zahvaljujem uvaženi Deviću. Replika Deviću od Konakovića.

Poslanik/zastupnik Elmedin Konaković:

Kolega Deviću imam isto pitanje i za vas kao i za kolegu Milavicu koji mi nije naravno odgovorio. Ne zna ni on ni ja, znate li vi, imate li vi informaciju? Prisjetite se rasprave od prošli put kada mi je premijer, čini mi se ministar finansija i još su neki govorili kako je dio ovih sredstava namijenjen za nabavku. Dokle su nabavke respiratora sa već izdvojenim sredstvima koja uopšte nisu mala? Šta je s respiratorima koje nabavlja ta CZ o kojima čitamo ovih dana tekstove. Da ne uvlačim uopšte tu korupciju u priču. Ima li iko od vas informaciju? Može li ministar Mesihović se uključiti na tren i reći nam gdje je taj jedan, dva, tri, pet, respiratora jer ja ni jedan nisam vidio proteklih 38 dana koliko traje stanje prirodne nesreće da bi smo mogli reći dobro, ljudi u redu razmišljamo o najgorem, da imamo barem jedan argument. Zna li iko od prisutnih od zastupnika? Znate li vi predsjedavajući izdvojili ste sa svog kabineta novac za nabavku respiratora, jeste li ga kupili? Ima li iko, je li vidio iko respirator da možemo dalje komentarisati ovu tezu kako je život stao ako respirator ne kupimo? Hvala.

Predsjedavajući:

Zahvaljujem uvaženi zastupniče Konakoviću. Odgovor Konakoviću od Devića. Izvolite.

Poslanik/zastupnik Mahir Dević.

Zaista nisam kompetentan u ovom momentu da kolegi odgovorim u smislu sa tim procedurama dokle se došlo. Ono što znam od riječi premijera koje je uputio prije 10 do 15 dana da je dio te opreme koja se nabavlja preko UNDP počela stizati. Vi ste svjedoci da na svjetskom tržištu imamo zaista problem sa nabavkom te opreme i to je nešto što traje. Ne samo kod nas, već u svim zemljama. Vjerovatno bi možda bio premijer ili nadležni ministar kompetentan da odgovori na pitanje dokle smo došli. Ali znam da određeni broj respitarota Vlada je pokrenula proceduru da nabavlja, ako sam dobro informisan i ako se dobro sjećam preko UNDP. Dokle se došlo sada ne znam ali mislim da mi kao Skupština preuzmemo

odgovornost u ovom momentu ne podržimo to, ne znajući šta nas čeka sutra, mislim da to za nas nije dobro.

Predsjedavajući:

Zahvaljujem samo da provjerim. Marjanović replika Konakoviću.

Poslanik/zastupnik Damir Marjanović:

Hvala velika ja sam se prijavio a drugu diskusiju opet je ista priča. Pa ću ovo kroz repliku reći pa odustajem od one prijave za drugu diskusiju. Gospodinu Konakoviću čiju diskusiju poprilično pratim samo nemojte sada da u jednom momentu ispadne da dikustujemo oko respiratora za koje smo se svi složili da je bitno. Dajte da se vratimo na onu osnovnu priču i osvane posustale i kritike samog izvještaja koji se odnosi kako smo rekli Esencijalnu listu lijekova, izdvajanja novaca za prezentacije, povećavanje izdvajanja za lijekove itd. Da ne bi sada ovu diskusiju o tome ili ne treba, mogao bi se steći pogrešan dojam da se o tome sada ovdje odlučuje. O tome se u ovom momentu ne odlučuje. Odlučuje se o jednoj sasvim drugoj priči. Hvala velika.

Predsjedavajući:

Zahvaljujem repliku Konakovića od zastupnice Jasmine Bišćević Tokić.

Poslanik/zastupnik Jasmina Bišćević Tokić:

Zahvaljujem predsjedavajući. Pa evo mislim da stvarno suvišna je svaka diskusija koju vodimo. Ni jedna medicinska medicinska oprema, niti jedna, pa ni respiratori nisu viška tako da mi kao Skupština Kantona ne bi trebali uopšte da raspravljamo da li je nešto viška da kupujemo. Zahvaljujem.

Poslanik/zastupnik Elmedin Konaković.

Kolegice Bišćević jel viška 27 miliona KM godišnje povećanja potrošnje lijekova bez parametara novih bolesti i novih osiguranika? Volio bih da mi kao zdravstveni radnik to vi lično odgovorite. Hvala.

Poslanik/zastupnik Jasmina Bišćević Tokić:

Zahvaljujem predsjedavajući. Zahvaljujem predsjedavajući. Sve što se tiče medicinske opreme nije viška. Meni je viška trošenje para tako što dijelimo nekoj BANU organizaciji. Zahvaljujem.

Poslanik/zastupnik Elmedin Konaković:

Hvala bogu gđo Bišćević ne razmišljamo isto, hvala Bogu. Meni nije naravno za BANU viška ni jedna marka ali kao zdravstveni radnik da ne prokometnarišete potrošnju ili mogu reći korupciju u potrošnji lijekova na godišnjem nivou 27 miliona KM koje dolaze iz Fonda ZZO, onog Fonda koji bi vama i vašim kolegama u zdravstvu moga uraditi toliko dobrih stvari i onog Fonda od kojeg smo mi povećali plate vama jer smo zaustavili tu pandemiju porasta potrošnje liste lijekova na 72 milina. I ostalo nam je dovoljno novca da ljekarima povećamo platu. 25 % a zdravstvenim radnicima 13% što je najveće u regionu ikada. Zar vam to kao zdravstvenom radniku i ljekaru nije bitno? Lako ćemo mi za BANU o tome ćemo kag god hoćete. Ali ovo ste mi dužni odgovorit. Recite zar nije ovo rezon, molim vas gđo Bišćević?

Predsjedavajući:

Zahvaljujem uvaženi zastupnice Konakoviću. Replika Bišćević i Konaković nemaju pravo. Replika Jakupović Tokić.

Poslanik/zastupnik Vedran Jakupović:

Zahvaljujem. Ovo možda i nije replika. Ja ću samo reći kolegici ako ne treba onda je viška. Znači ne možemo razmišljati o nabavci bilo kakve opreme onako, zato što je to neki hir il eto sada mi smatramo kao Skupština da treba. Kompletna priča je krenula odatle kada je kolege Vreto rekao da će on ovo podržati zato što je zbog respiratora. A mi imamo nabavku, ja ću se malo nasloniti na diskusiju repliku kolege Marjanovića. Imat ćemo mi tačku vrlo brzo iza ove. Dakle u kojoj ćemo govoriti o ovoj informaciji iz štaba CZ i Vlade o svim dešavanjima. Imat ćemo priliku pričati i pitati ja bih volio da gđin Terović bude ili da bude šefica kriznog štaba bude da govorimo o tim nabavkama, kako je to išlo i ima li ih jesu li nabavljeni. Respiratori generalno ne trebaju u ovolikoj mjeri u kojoj nam sada trebaju. Ja sam to govorio prije mjesec dana sjednici koju smo držali u Skupštini. Tako da taj dio ako ne trebaju ne trebaju. Ako trebaju trebaju. To neko treba da kaže. Treba da kažu ljudi sa anestezije, ljudi sa infektivne klinike. A ne eto mi kao Skupština smatramo da treba da mi kao vidimo se na TV da brinemo o narodu. Postoje druge stari koje su sada prioritetnije možda od respiratora. A mi možda nemamo novca za to. Ovdje je riječ o ZZO o jednoj potpuno drugoj tački dnevnog reda, i upravo ponavljam do kolege Vrete krenulo da pričamo o respiratorima umjesto ovim stvarima koje je spomenuo kolega Konaković i Marjanović- zahvaljujem. Ja se nadam da neće biti potrebe da dalje repliciramo. Ovdje je isključivo riječ o tome da neko ko zna šta treba treba da uputi potrebu za tim, potražnju i da onda mi razmišljamo o nabavci. A ovako zbog nekog hira. Isto i za testove. I za respiratore. To su sada dvije hit riječi. I ja bih se usudio reći i kolegi Milavici i kolegi Deviću da bih imao hrabrosti da ih ne kupim ako neko kaže da ne treba da ih kupimo, da ih imamo dovoljno. A to se u ovom slučaju konkretno direktori bolničkih ustanova na području Kantona Sarajevo. Hvala vam.

Predsjedavajući:

Sljedeća ima repliku uvažena zastupnice Vildana Bešlija meni.

Poslanik/zastupnik Vildana Bešlija:

Hvala predsjedavajući. Tražila bih pojašnjenje evo repliku imam vezano za rekli ste da ne može Skupština donijeti zaključak jer je ovu odluku donijela vlada. Ja ispred sebe imam odluku koja se zove iz 30.12.2009 godine Odluka o utvrđivanju većeg obima zdravstvenih prava kao i osnovama kriterijima i mjerilima za ugovaranje po osnovu obaveznog zdravstvenog osiguranja sa zdravstvenih ustanovama sa područja Kantona Sarajevo. To je ta odluka koju sam spominjala i koju svi spominjemo vezano za cijene recepata. U potpisu je predsjedavajući tadašnje Skupštine Kantona Denis Zvizdić. Tako da bi za molila da mi pojasnite zbog čega na isti način ne može Skupština izglasati zaključak o stavljanju van snage odluke koju je Skupština donijela, odnosno zašto predlažete drugi put ako je to ispravno, da onda prilagodim zaključak tome. Hvala vam.

Predsjedavajući:

Isprva krivog navoda ja uvaženoj zastupnici Bešliji. Ja sam kazao da ne može Skupština zaključkom staviti van snage Odluku. To se može samo aktom iste pravne snage. To je definisano članom 118. Pročitat ću vam taj član: „Kada Skupština vrši izmjene ili dopune općih akata Skupštine, Zakon mijenja ili dopunjuje zakonom, ostale opće akte, osim zaključka, odlukom“. Znači zaključak se mijenja ili dopunjuje zaključkom. Autentično tumačenje se ne može mijenjati ili dopunjavati.“ Znači odluka se mijenja odlukom nikako zaključkom. Ja sam samo skrenuo pažnju da nemamo ništa protiv toga da se donese zaključak ovo što sam već kazao da e obavezuje Vlada da preispita navedenu odluku ili da vi pripremite za sljedeću Skupštinu prijedlog odluke za koju možemo da glasamo. Znači moramo na takav način. poslovnička intervencija zastupnik Dević.

Poslanik/zastupnik Mahir Dević:

U tom smislu je bila poslovnička intervencija predsjedavajući, koju ste vi već obrazložili, tako da to je to.

Predsjedavajući:

Zahvaljujem. Replika Vreto Elvis Jakupoviću, pa je replika Stojanovića Bišćević Tokić.

Poslanik/zastupnik Elvis Vreto:

Hvala predsjedavajući. Samo jedna mala dopuna. Tačno je da sam ja spominjao i respiratore, međutim ja sam se pozvao na zaključak Skupštine Kantona od 23.03. koji stoji ovako za nabavku medicinske, sanitetske opreme i respiratora. Mislim ako se sjećate svi zajedno da smo vodili tu jednu raspravu na toj sjednici i čak je i premijer i kolege iz Naše stranke su dopunjavale i tražile ovo da se dopiše i respiratori. I shodno tom zaključku, na to sam se pozvao, znači medicinska, sanitetska oprema i respiratori. Ovo je samo dopuna, nije klasnična replika kolegi Jakupoviću. Toliko hvala.

Predsjedavajući:

Zahvaljujem. Ja se izvinjavam Stojanoviću zato što je prije bila upućena njegova replika Bišćević Tokić evo nadam se da nećete zamjeriti uvaženi zastupniče Stojanoviću ali evo pokušavamo koordinirati rad Skupštine. Još jednom ja se izvinjavam dajem vam riječ.

Poslanik/zastupnik Igor Stojanović:

Naravno da neću zamjeriti predsjedavajući i hvala vam što ste mi dali riječ. Pa htio sam da kažem kolegici Bišćević Tokić mislim da nije vrijeme sada da iz inata glasamo zato što je neko predložio za BANU a neko je sada za respiratore. Niko ovdje nije protiv respiratora. Ali činjenica je jedna da smo mi sjedili prije mjesec dana i razgovarali i potrebi za respiratorima, da smo iz ZZO dobili prijedlog za povećanje od 8 miliona za lijekove. Danas sjedimo mjesec dana poslije, ništa od toga nismo nabavili niti smo uputili neki novac poseban, niti napravili plan. A evo danas su već najavljene, ublažavanje mjera. I mi ćemo sada donijeti odluku da neke milione uputimo ka nabavci respiratora i sve ove ostale medicinske opreme koju je naveo zastupnik Vreto i postavlja se pitanje onog najvažnijeg po meni, što uz svu ovu opremu koja bi trebala da se nabavi za borbu protiv koronavirusa, proći će još najmanje tri stavke koje nemaju nikakve veze i povećavaju se i mi sada treba da glasamo, a postavlja se pitanje kako ćemo kontrolisati. Sutra će to ZZO upakovati sve u jedan te isti izvještaj o borbi protiv korone, i ovaj softver o kojem sam ja govorio, i ovu neku sobu koju sada priprema a recimo vrlo konkretno nema nikakve stavke recimo za povećanje plata medicinskim radnicima. Što je također trebalo da bude dio paketa za borbu protiv koronavirusa. I ovdje zbog toga dio zastupnika ima određene sumnje i sigurno da ćemo sada morati nekako pratiti. Ja ne vjerujem da je ovaj zaključak koji predlaže zastupnik Vreto dovoljan da bi mi mogli da znamo da li su ova sredstva baš otišla u borbu protiv korone ili će se nabavljati oprema onako kako nekome padne na pamet. Eto toliko. Hvala.

Predsjedavajući:

Odgovor na repliku. Prednost ima Jakupović pošto se prvi javio Vreti. Pa neka se pripremi uvažena zastupnica Bišćević Tokić, odgovor na repliku Stojanoviću.

Poslanik/zastupnik Vedran Jakupović:

Nisam se javio, greška je vjerovatno, ja sam samo interno kolegi Vreti napisao da se slažem, nisam se javio, nemam namjere replicirati. To je to. Hvala.

Poslanik/zastupnik Jasmina Bišćević Tokić:

Tu sam predsjedavajući. Pa evo kratko ću, neću oduzimati više. Morala sam se javiti na repliku uvaženom kolegi Igoru Stojanoviću izu razloga slažem se da Sindikat zdravstvenih radnika je trebao imati povećanje plate ali da i kolega Igor ne zaboravi da su njegovi ministri u prošloj Vladi odbijali da povećaju plate. Zahvaljujem.

Poslanik/zastupnik Igor Stojanović:

Ja ne znam ova vaša replika zastupnice Bišćević-Tokić ne znam koliko će uopšte doprinijeti stanju trenutnom u ovom trenutku to nešto SDP ministar nije dao da se poveća plata. Pa evo sada je ovdje neki drugi ministar (ne čuje se)

Predsjedavajući.

Uvaženi Deviću možete li isključiti mikrofona. Ja se izvinjavam Stojanoviću vama.

Poslanik/zastupnik Igor Stojanović:

Da vam kažem prije svega u ZZO bili su članovi iz DF to je jedna stvar.

Predsjedavajući.

Stojanoviću ispravka krivog navoda Konaković ima prednost.

Poslanik/zastupnik Elmedin Konaković.

Ma sve se suzdržavam da ne počnem ovako u afektu kako to radi kolegica Bišćević Tokić. Želim da ispravim njen krivi navod jer Vlada na čelu sa Edinom Fortom netačno je što govori. Nudila je povećanje zdravstvenim radnicima bez administrativnog kadra jer je izdvojila grupu onih radnika koji su upravo danas na prvoj liniji fronta u borbi protiv korone. Ljekari, medicinske sestre, tehničari, drugo zdravstveno osoblje trebalo je dobiti povećanje plate. Na to nije pristao sindikat tako da kolegica Bišćević Tokić ne govori istinu.

Predsjedavajući:

Uvažena zastupnice Bišćević Tokić ne može replika, možete samo ispravka krivog navoda, poslovnička intervencija do tada riječ uvaženom zastupniku Stojanoviću. Izvolite.

Poslanik/zastupnik Igor Stojanović:

Ma ja sve pokušavam mirno sa zastupnicom Bišćević Tokić da nekako riješimo problem da budemo zajedno, a ona bi stalno da se svađa. Pa evo da joj odgovorim.

Predsjedavajući:

Ja se izvinjavam ispravka krivog navoda. Uvažena zastupnica Bišćević- Tokić je tražila ima prednost.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo moram reći da stvari koje je rekao kolega Konaković nisu istinite. U više navrata je Sindikat zdravstvenih radnika što možemo vrlo lako sazvati pres i objaviti sve dokumente koji su kod mene prisutni pokušavao naći zajednički dogovor sa tadašnjom ministricom Amelom Sofić i koliko se sjećam ministricom Brčić koji su bili u timu za pregovore. Istina je da je ponuđeno povećanje plate medicinskim radnicima. Evo tačno ću reći u kojem iznosu. U iznosu od 50 KM. A svi ostali koji rade u sektoru zdravstva nisu imali ništa na povećanje plate što je po meni diskriminirajuće. Gospodine Konakoviću mi smo svi dio zdravstvenog sistema, svi pružamo usluge na bilo koji način. tako da ne može tvrditi nešto što nije istina. A evo ja ga pozivam da pred novinarima damo sve papire pregovora između sindikata i bivše Vlade. Zahvaljujem.

Predsjedavajući:

Ispravka krivog navoda Konaković ali nakon Konakovića neću dozvoliti više ispravke krivog navoda jer se već počinje zloupotrebjavati Poslovnik. Moramo se vratiti na tačku dnevnog reda. Nakon Konakovića neću dozvoliti ispravku krivog navoda u kontekstu ovoga što govorite, samo za diskusiju koju se prijavite a sljedeći će imati riječ uvaženi zastupnik Nikšić Damir druga diskusija. Dajem sada riječ Konakoviću ispravka krivog navoda i više nikome neću dati.

Poslanik/zastupnik Elmedin Konaković:

Hvala predsjedavajući. Ja zaista ispravljam krivi navod. Mogli ste čuti da sam ispravio krivi navod kolegice Bišćević koja se korigovala. Jer je u prvom obraćanju rekla da e Vlada odbila da poveća platu a onda je rekla da je povećanje 50 KM, opet nije tačno. Dakle to povećanje je za neke grupe bilo veće od 50 KM, i bila je skala u procentima u odnosu na njihove osnovice i na njihove koeficijente. To nije tačno. I sada još jedna jako važna stvar, to su vam kolegice Bišćević Tokić isti ljudi koji su danas s vama u koaliciji. DF je bio na čelu ministarstva zdravstva, SBB na čelu ZZO kao što je i danas. I ima većinu DF u ZZO kao što je i danas. Ne možete to fakturisati prema nama.

Predsjedavajući:

Uvaženi Stojanović ima riječ, izvolite nastavite, neću dopustiti nikome da vas prekida. Izvolite.

Poslanik/zastupnik Igor Stojanović:

Hvala vam predsjedavajući. Krenuo sam da kažem ja pokušavam zastupnici Bišćević Tokić da smirim situaciju a ona bi nekako stalno da mi objašnjava ko je kriv. Da je podsjetim, možda je DF i SDP isto, ali ministrica zdravstva je bila iz DF a ne iz SDP kao i predsjednik UO ZZO. Kao i većina članova koji su bili iz DF i SBB- i ono što je najgore to je nešto što je bilo. Ali evo, neka ona sada popravi situaciju. Pa evo ni ona sada, i ona će sada podržati izvještaj ovaj koji nam dolazi od gospodina Katane u kojem nema nikakvog povećanja za zdravstvene radnike. Zašto ona to nije popravila kada ovako drži lekcije i pametuje nam o tome šta je ko uradio. Neka popravi. Ili neka ne glasa evo za ovaj izvještaj koji ima toliko zloupotreba. Ali ne vjerujem da će se to desiti. Izgleda da ona samo dijeli lekcije tamo gdje njoj odgovara a tamo da preuzme odgovornost nije baš toliko raspoložena. Hvala.

Predsjedavajući:

Zahvaljujem. Uvaženi zastupniče. Vedran Jakupović ima repliku za uvaženi zastupnicu Tokić i to je druga replika i nemate pravo više replicirati uvaženi zastupnice Jakupović Tokić.

Poslanik/zastupnik Vedran Jakupović.

Neću vjerovatno ni replicirati. Meni je samo fascinantno da kolegica koja evo doktorica, koja kao nešto zna o zdravstvu, ne progovora ne pita ništa kada je riječ o ovom planu, nema diskusiju po pitanju ovog plana, nema prijedloge ideje, onda ovako pričamo o nekim ono ne mogu ih ni nazvati mahalskim jel BANU nije li BANU, jel DF nije DF; SBB, nije SBB. Preozbiljna je tema da bi na taj način razgovarali, posebno ne očekujem to do nekoga ko je hajmo reći u tematici. Neću evo ponavljati ove stvari koje su bile vezane za sindikat i za ovo što se dešavalo. Jer to opet nije tema. I kažem samo izražavam svoje čuđenje pristupom koji smo imali priliku vidjeti.

Predsjedavajući:

Zahvaljujem zastupniče. Druga diskusija Nikšić Damir izvolite.

Poslanik/zastupnik Damir Nikšić:

Zahvaljujem vidim da je ovo otišlo na respiratore a problemi su isto tako doduše kolege Dević je predložio da se ovim članovima tih Skupština i NO, smanji naknada na 1 KM pa volio bih, ne znam da li se i ovim rebalansom to predviđa da će i u ovim institucijama UO i NO biti smanjeno na 1 KM. Ali isto tako problem sa ljekarima i specijalizantima koji ne znaju da rade sa respiratorima. Kojeg treba. Ako ćemo nabavljati tolike respiratore možda treba zaposliti još više tih ljudi i trenirati ih da rade s tim. I da znaju da rade, pošto ljudi ne znaju održavati pluća ljudi na respiratoru. S druge strane, imam informaciju, evo javljaju mi se ljudi da imaju ponude za respiratore, sada čujem ima 15 KM na stanju u BIH, znači ne trebaju da dolaze ni odakle, i to Filipsovih. Sada ne znam da li su skupi ili nisu, ali u svakom slučaju čovjek koji se bavi time je reagovao na Jakupovićevu Vedranovu repliku da je istina da respiratori nisu toliko hitni i da neko treba reći da li treba ili ne treba za ne daj bože, oni su za zadnju. Koliko je hitna oprema, zaštitna lična oprema za doktore i za zdravstvene radnike? Ona se mora podhitno naručivati. I evo upravo sam saznao cijena je 18.000 KM. Eto toliko da znate. 15 komada čeka u Bosni. Hvala.

Predsjedavajući:

zahvaljujem. Ukoliko se više niko ne javlja za riječ, dajem riječ premijeru, jer je tražio premijer riječ. Neću zloupotrijebiti poziciju predsjedavajućeg i dati riječ premijeru. Ja dajem sada riječ premijeru i nakon toga ćemo zaključiti raspravu. Izvolite premijeru.

Premijer Mario Nenadić:

hvala predsjedavajući. Još jednom vas sve pozdravljam. Ja sam pokušavao da ranije dođem, trčao sam do ureda predsjedavajućeg kako bi se uključio. Da sam se prije pola sata uspio uključiti možda bih spriječio ovu raspravu. Ja želim samo da vam dam potpunu informaciju. Prvo je vezano za izjave uvaženog zastupnika gospodin Nikšića, tačno e da smo mi sjedili, tačno je da smo se sve dogovorili i tačno je da je Vlada Kantona Sarajevo.

Predsjedavajući:

premijeru, ja se izvinjavam, ali ispravka krivog navoda, ima prednost. Uvaženi zastupnik Nikšić Damir je tražio ispravku krivog navoda. Ja vas lijepo molim evo da se strpite da Nikšić krivog navoda neka kaže kome želi ispravku krivog navoda. Nikšiću izvolite.

Poslanik/zastupnik Damir Nikšić:

samo brzo, samom sebi, 18.000 eura, ne maraka, izvinjavam se. Samo da ne ispadam.

Predsjedavajući:

ispravka krivog navoda Nikšić Nikšiću. Premijeru izvolite nastavite ja se izvinjavam.

Premijer Mario Nenadić:

ako me čujete evo vrlo kratko, kažem da smo se uspjeli ranije konektovati javiti ja bih dao odgovore na pitanja koja su ovdje postavljena. Dakle odmah nakon što je ova uvažena Skupština donijela zaključak da se ide u nabavku određene opreme mi smo zaključili dva sporazuma. Jedan je zaključio ZZO sa UNDP, drugi je zaključila Vlada sa UNDP. U ovom ugovoru o kojem upravo raspravljamo danas, koji je zaključio ZZO sa UNDP, u okviru tog ugovora pored 14 drugih stavki nabavki, zaključena je i ugovorena nabavka ukupno 65 respiratora. Ja ne znam da li je to puno ili malo respiratora, niti e Vlada procjenjivala količinu. Mi smo postupili onako kako je Skupština zaključili. Postupili smo po prijedlozima struke, po prijedlozima zdravstvenih organizacija. U tom smislu je za ukupno 1.612.540 KM sredstava iz Fonda iz ZZO utrošeno za nabavku 65 respiratora od kojih je 25 isporuka već otpočela a za drugih 40 se očekuje u narednih 15 dana isporuka drugih 40 respiratora. Da li je

to puno ili malo, a li će se zaustaviti nabavka respiratora, ja o tome ne želim da komentarišem. I vezano para još uvijek ima puno više nego što je Skupština odvojila i planirala. Ima ih tačno 2.388.000 KM iz Budžeta ZZO za nabavku ovih 13 ili 14 stavki, iz Sporazuma ZZO i UNDP. Od toga je, ta su se sredstva multiplicirala na ukupno 1.612.540 KM Zavoda, UNDP je uložio svojih 778.800 KM. Prema tome zaključujem da je naručeno i mogu reći nabavljeno, stižu 65 ukupno respiratora i ne mogu potvrditi da li nam treba još ili ne. Zna se šta su zdravstvene organizacije iskazale kao svoje potrebe. Da li treba ili ne, o tome možemo raspravljati ali 65 je nabavljeno, plaćeno i oni su u fazi isporuke. Evo hvala još jednom.

Predsjedavajući:

Ja se izvinjavam.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINACIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU I NA ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU.

Otvaram glasanje. Molim zastupnike da pristupe glasanju putem.

Poslanik/zastupnik Vildana Bešlija:

ja se izvinjavam šta je s zaključkom? Ja sam prije vašeg zaključenja poslala prilagođeni zaključak, nemojte molim vas, pogledajte.

Predsjedavajući:

uvažena zastupnice o zaključcima ćemo se nakon ovog izjašnjavanja izjasniti u vezi zaključaka. Znači poslovnčki je prvo da se izjasnimo za prijedlog tačke a nakon toga usvajamo zaključke. Ne samo vaš nego imamo prijedlog zaključka uvaženog zastupnika Vrete, pa Seada Milavice i vaš zaključak. Vodimo zaista računa o tome. Ako smatrate da trebate nešto dodati u zaključku, prilikom čitanja ja mogu intervenisati, vi možete intervenisati i da takav zaključak ide na glasanje.

Poslanik/zastupnik Vildana Bešlija:

ja bih vas lijepo molio otvaram glasanje. Ja se izvinjavam.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINACIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU I NA ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU.

Molim zastupnike da glasaju. Molim zastupnike koji nisu glasali da glasaju. Uvaženi zastupnice Dizdarević mi nismo još ni objavili rezultate a vi tražite pojedinačno izjašnjavanje. Molim da sačekate da se objave rezultati i nakon toga tražite pojedinačno izjašnjavanje.

Poslanik/zastupnik ???

predsjedavajući mi smo se već izjasnili pojedinačno, samim glasanjem u Viber grupi smo se izjasnili pojedinačno.

Predsjedavajući:

molim zastupnike da se strpe, mi brojimo rezultate glasanja i objavit ćemo. Nakon toga ćemo omogućiti svim onim koji traže pojedinačno izjašnjavanje da se tako i glasa. Imamo rezultate.

ZA JE GLASALO 20 ZASTUPNIKA, PROTIV JE BILO 15, SUZDRŽANIH NIJE BILO.

E sada možete tražiti sumnju u glasanje uvažena zastupnice Dizdarević.

Poslanik/zastupnik Neira Dizdarević:

tako je, molim pojedinačno izjašnjavanje s obzirom da je zaista teško pratiti ko je prisutan od zastupnika na Viber grupi, o čemu je već moja kolegica Segmedina ranije problematizirala tu. Ja ću moliti da se pojedinačno izjasnimo po ovoj tački. Hvala.

Predsjedavajući:

zahvaljujem uvažena zastupnice na sugestiji, ali možete pratiti, ne samo vi, nego svi zastupnici koji su prijavljeni, kako online i putem viber grupe da li su prisutni i način na koji glasaju. Moram vas napomenuti da današnji rad sjednice ne možemo duže od 19,00 sati jer službe koje rade u Skupštini Kantona Sarajevo nemaju ovlaštenje da imaju dozvolu za kretanje u policijskom satu, tako da ukoliko ne završimo do 19,00 sati ja ću morati prekinuti sjednicu. O nastavku ću vas blagovremeno izvijestiti. Sekretar izvolite imate riječ.

Sekretar Aida Zeković:

Ja vas srdačno pozdravljam molim vas da pristupite izjašnjavanju.

Aljović Hamed ZA

Bešlija Vildana PROTIV

Bišćević-Tokić Jasmina ZA

Čampara Aljoša ZA

Čelik Mirza ZA

Ćosović-Hajdarević Samra ZA

Delalić Sabahudin ZA

Dević Mahir ZA

Dizdarević Neira PROTIV

Duraković Jasna PROTIV

Handžić Vibor PROTIV

Hasagić Amra ZA

Hasanović Senad ZA

Hodžić Admela ZA

Jakupović Vedran PROTIV

Junuzović-Kaljić Amra ZA

Kerla Bibija ZA

Konaković Elmedin PROTIV

Krstić Danijela PROTIV

Marić Zvonko ZA

Marjanović Damir PROTIV

Mekić Amel PROTIV

Memić Arijana PROTIV

Milavica Sead ZA

Nikšić Damir PROTIV

Okerić Elvedin PROTIV

Pecikoza Fahrudin ZA

Pleho Haris ZA

Poturak Dževad ZA

Srna- Bajramović Segmedina PROTIV
Stojanović Igor PROTIV
Suljević Samir PROTIV
Šahman Bilsena ZA
Viteškić Smiljana ZA
Vreto Elvis ZA

Predsjedavajući:

ja vas molim da već pristupite glasanju za prijedlog uvaženog zastupnika Vrete Elvisa, pa ćemo glasati za prijedlog zaključka Milavica Sead i uvažene zastupnice Bešlija ali pojedinačno ćemo poslati zaključke pa da glasate.

KONSTATUJEM DA JE GLASALO 20 ZASTUPNIKA ZA, PROTIV JE BILO 15 I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Otvaram glasanje za zaključak uvaženog Elvisa Vrete, a on glasi, odnosno prijedlog zaključka ste dobili u viber grupu:

Zadužuje se Zavod zdravstvenog osiguranja Kantona Sarajevo, da shodno trenutnoj situaciji sa pandemijom, najdalje u roku od 15 dana dostavlja kratku informaciju Vladi i Skupštini Kantona Sarajevo o stanju u Zavodu zdravstvenog osiguranja po pitanju ostvarenja prihoda, kao i po pitanju realizacije rashoda sa posebnim osvrtom na sredstva namijenjena za nabavku medicinske, sanitetske opreme i respiratora, kao i da u slučaju potrebe hitno uputi u proceduru nove izmjene i dopune Financijskog plana Zavoda zdravstvenog osiguranja za 2020. godinu.

U toku je glasanje. Molim zastupnike da glasaju.

ZA JE GLASALO 33 ZASTUPNIKA, 2 SU BILA SUZDRŽANA. KONSTATUJEM DA JE ZAKLJUČAK UVAŽENOG ZASTUPNIKA VRETE DOBIO POTREBNU VEĆINU. I ON JE USVOJEN.

Morate se javiti, ko je tražio pojedinačno glasanje ja se izvinjavam? Kerla zašto tražimo pojedinačno kada smo imali 33 u viber grupi, a 2 su glasali suzdržano zastupnik Suljević i Stojanović.

Ja se zahvaljujem na razumijevanju. Znači konstatujem da smo usvojili zaključak uvaženog zastupnika Vrete.

Prelazimo na izglasavanje prijedloga zaključka uvaženog zastupnika Milavice a on glasi, otvaram glasanje a ja ću pročitati zaključak:

Obavezuje se Ministarstvo zdravstva i Zavod zdravstvenog osiguranja Kantona Sarajevo, da nabavku respiratora i ostale medicinske opreme, namijenjene za borbu protiv korona virusa, vrši putem UNDP, uz potpunu transparentnost ovakvih nabavki.

Molim zastupnike da pristupe glasanju.

ZA JE GLASALO 27 ZASTUPNIKA, PROTIV JE BILO 3 I SUZDRŽANIH 5.

KONSTATUJEM DA JE SKUPŠTINA USVOJILA.

Zastupniče Milavica zašto tražite pojedinačno kada imamo. Poslovnička intervencija uvaženi zastupnik Konaković.

Poslanik/zastupnik Elmedin Konaković:

kolega Milavica ja se zdušno i srcem s vama slažem da ne bi trebao Mesihović ništa nabavljati ali dovodite nas u situaciju jednu vrlo problematičnu s aspekta Zakona o javnim

nabavkama. Može to biti politika Vlade a i ne mora. (nerazumljivo jer se javljaju i drugi zastupnici) ovog zaključka. To što je premijer Nenadić odabrao da neki projekat ide preko UNDP to je OK. A šta ako se na tržištu pojavi povoljnija opcija za nabavku respiratora, brže preko Ministarstva zdravstva koji u vanrednim okolnostima i vanrednom stanju kakvo je danas može i samo nabavljati. To bude jeftinije a mi obavezali Mesihovića, kojem ni ja ne vjerujem kao ni vi da nabavi ovako. Dakle obavezivati Skupština Mesihovića po mom mišljenju ne može na ovaj način. Zato sam glasao protiv i volio bih, pogriješio sam što nisam ranije ali evo ukazujem sada na grešku.

Predsjedavajući:

uvaženi zastupniče Milavice da li tražite pojedinačno izjašnjavanje. Ukoliko sam razumio Konaković nije tražio pojedinačno izjašnjavanje. Uvažena zastupnice Duraković ne možete dva puta glasati, jednom suzdržan jednom za. Ili napišete poruku da opozivate svoj glas pa da glasate suzdržan. Ne možemo pratiti vaše glasanje dva puta. Ne samo vas nego i drugih zastupnika. Može glasati drugačije uvaženi zastupniče Konakoviću ako nije već glasala. Da. Bila je u sali, samo tražim od zastupnika Milavice da li tražite pojedinačno izjašnjavanje ukoliko ne konstatujem da smo usvojili prijedlog zaključka koji ste tražili. Zastupniče Milavica izvolite.

Poslanik/zastupnik Sead Milavica:

zahvaljujem predsjedavajući. Evo ponavljam ponovo. Izražavam sumnju u glasanje i tražim pojedinačno izjašnjavanje. Hvala.

Predsjedavajući:

pojedinačno izjašnjavanje sekretar će prozivati. Molim zastupnike da se javljaju.

Sekretar Aida Zeković:

Aljović Hamed ZA
Bešlija Vildana SUZDRŽANA
Bišćević-Tokić Jasmina ZA
Čampara Aljoša ZA
Čelik Mirza ZA
Ćosović-Hajdarević Samra ZA
Delalić Sabahudin ZA
Dević Mahir ZA
Dizdarević Neira SUZDRŽANA
Duraković Jasna SUZDRŽANA
Handžić Vibor SUZDRŽAN
Hasagić Amra ZA
Hasanović Senad ZA
Hodžić Admela ZA
Jakupović Vedran PROTIV
Junuzović-Kaljić Amra SUZDRŽANA
Kerla Bibija ZA
Konaković Elmedin PROTIV
Krstić Danijela PROTIV
Marić Zvonko ZA
Marjanović Damir SUZDRŽAN
Mekić Amel PROTIV
Memić Arijana PROTIV
Milavica Sead ZA

Nikšić Damir SUZDRŽAN
Okერიć Elvedin PROTIV
Pecikoza Fahrudin ZA
Pleho Haris ZA
Poturak Dževad ZA
Srna - Bajramović Segmedina SUZDRŽANA
Stojanović Igor SUZDRŽAN
Suljević Samir SUZDRŽAN
Šahman Bilsena ZA
Viteškić Smiljana ZA
Vreto Elvis ZA

Predsjedavajući:
samo ako je Aljoša Čampara tu nek se javi.

Poslanik/zastupnik Aljoša Čampara:
ZA.

Predsjedavajući:
ZA JE GLASALO 19, PROTIV 6, SUZDRŽANIH 10.
KONSTATUJEM DA JE SKUPŠTINA USVOJILA PRIJEDLOG ZAKLJUČKA
UVAŽENOG MILAVICE.

Još zaključak uvažene zastupnice Vildane Bešlija. Molim zastupnike da pristupe izjašnjavanju a stručnu službu da pošalje prijedlog zaključka. Ja ću ga pročitati. Predlažem u ime Kluba Naše stranke zaključak da se zadužuje Vlada Kantona Sarajevo da za sjednicu pripremi stavljanje van snage odluke o utvrđivanju većeg obima zdravstvenih prava kao i osnovama i kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo iz 2009 godine, te da se nalaže ZZO da odmah po stavljanju van snage predmetne odluke pristupi korekciji naknade za izdati lijek po receptu na iznos od 1,65 KM kako je to bilo u prethodnoj godini. Zadužuje se ZZO da u roku od sedam dana izvrši raspodjelu razlike sredstva na kupovinu respiratora i potrebne opreme za borbu protiv pandemije. Molim zastupnike da glasaju. Molim zastupnika Aljošu Čamparu da glasa pošto jedino on nije glasao ukoliko je prisutan. Vjerovatno je odsutan.

ZA JE GLASALO 17 ZASTUPNIKA, PROTIV JE BILO 5 I SUZDRŽANIH 12.
KONSTATUJEM DA SKUPŠTINA NIJE USVOJILA OVAKAV PRIJEDLOG GLASANJA.
Sumnja u glasanje, uvažena zastupnica Bešlija je tražila pojedinačno izjašnjavanje. Sekretaru molim da pristupite pojedinačnom izjašnjavanju.

Sekretar Aida Zeković:
Aljović Hamed PROTIV
Bešlija Vildana ZA
Bišćević-Tokić Jasmina SUZDRŽANA
Čampara Aljoša ODSUTAN
Čelik Mirza SUZDRŽAN
Ćosović-Hajdarević Samra SUZDRŽANA
Delalić Sabahudin SUZDRŽAN
Dević Mahir SUZDRŽAN
Dizdarević Neira ZA
Duraković Jasna ZA

Handžić Vibor ZA
Hasagić Amra SUZDRŽANA
Hasanović Senad SUZDRŽAN
Hodžić Admela PROTIV
Jakupović Vedran ZA
Junuzović-Kaljić Amra ZA
Kerla Bibija SUZDRŽANA
Konaković Elmedin ZA
Krstić Danijela ZA
Marić Zvonko SUZDRŽAN
Marjanović Damir ZA
Mekić Amel ZA
Memić Arijana ZA
Milavica Sead SUZDRŽAN
Nikšić Damir ZA
Okერიć Elvedin ZA
Pecikoza Fahrudin PROTIV
Pleho Haris SUZDRŽAN
Poturak Dževad PROTIV
Srna- Bajramović Segmedina ZA
Stojanović Igor ZA
Suljević Samir ZA
Šahman Bilsena PROTIV
Viteškić Smiljana SUZDRŽANA
Vreto Elvis ZA

Predsjedavajući:

nakon pojedinačnog izjašnjavanja identičan broj ZA je bilo 17, 5 protiv i uzdržanih 12.

KONSTATUJEM DA PRIJEDLOG ZAKLJUČKA UVAŽENE ZASTUPNICE BEŠLIJE NIJE DOBIO POTREBNU VEĆINU TE NIJE NI USVOJEN.

Prije nego što pređemo na realizaciju tačke 4 ja bih vas lijepo molio ukoliko još imate potrebu nakon ove tačke izjasnit ćemo se o deklaraciji. Ukoliko imate još nekih prijedloga za dopunu Deklaracije, kada završimo tačku 4 mi ćemo pročitati tačku i o njoj se izjasniti.

Prelazimo na realizaciju tačke četiri:

AD – 4.

PRIJEDLOG ODLUKA O DODJELI JAVNIH PRIZNANJA KANTONA SARAJEVO

- Odbor za javna priznanja Kantona Sarajevo utvrdio je tekst Javnog poziva za dodjelu priznanja Kantona Sarajevo na sjednici održanoj 5.03.2020. godine, koji je bio objavljen 6.03.2020.godine u trajanju od 10 dana na zvaničnoj web stranici Kantona Sarajevo, u dnevnim listovima „Avaz“ i „Oslobođenje“, te svakodnevno oglašavan na TVSA do 16.03.2020.g u skladu sa zakonskim propisima.

Po zatvaranju javnog poziva:

- Odbor je na sjednici održanoj 19.03.2020.godine razmatrao pristigle prijave sa obrazloženjima - pristiglo 14 prijava - 1 neblagovremena, kao i prijedloge Odbora

neposredno (5 prijava), te u skladu sa Zakonom o javnim priznanjima Kantona Sarajevo i Poslovníkom o radu Odbora, donio jednoglasno sljedeće odluke :

Gospodin Ćedomir Jovanović proglašava se Počasnim građaninom Kantona Sarajevo zbog izuzetnih zasluga u širenju istine o dešavanjima u našoj zemlji i za doprinos razvijanju međunarodnih odnosa na načelima solidarnosti, demokratičnosti i tolerancije među ljudima različitih nacija, vjera i kultura.

Da se Plaketa Kantona Sarajevo dodjeli sljedećim pojedincima:

- Gospodinu Źeljku Komšiću, kao priznanje za doprinos odbrani i opstanku države Bosne i Hercegovine od agresije, te unapređenju društvene zajednice i afirmaciji temeljnih vrijednosti svih građana bez obzira na naciju i vjersku pripadnost.
- Gospodinu Radetu Zoranoviću, kao priznanje za doprinos u širenju istine o godinama agresije, te promociji zajedništva na području Kantona Sarajevo i Bosne i Hercegovine.
- Gospodinu Slaviši Šućuru, kao priznanje za izuzetan doprinos u odbrani države Bosne i Hercegovine od agresije, te zalaganju za dobrobit svih etničkih i religijskih zajednica koje u njoj žive.

Da se kolektivna Plaketa Kantona Sarajevo dodjeli :

- Javnoj ustanovi "Treća gimnazija" Sarajevo, kao priznanje za izuzetan doprinos razvoju odgojno-obrazovnog sistema u Kantonu Sarajevo i Bosni i Hercegovini, te podsticanju i razvijanju kreativnosti, ličnih sposobnosti i tolerancije među mladima.
- Javnoj ustanovi "Fond Memorijala Kantona Sarajevo", kao priznanje za doprinos razvoju Kantona Sarajevo u oblasti naučno-istaživačkog rada, društvenih djelatnosti i umjetnosti.
- Radničkom kulturno-umjetničkom društvu "Proleter" iz Sarajeva, kao priznanje za doprinos u izučavanju, njegovanju i afirmaciji bogate kulturne baštine svih naroda Bosne i Hercegovine.

Te da se Plaketa Kantona Sarajevo, posthumno, dodijeli:

- Gospodinu Suadu Ćupini, posthumno, kao priznanje za višegodišnje uspješno djelovanje, iznimna postignuća i nemjerljiv doprinos razvoju sporta u Kantonu Sarajevo i afirmaciji države Bosne i Hercegovine.

Prijedloge Odluka sa obrazloženjima ste dobili u materijalu za 24. Radnu sjednicu Skupštine Kantona Sarajevo, obzirom da se iste dostavljaju Skupštini Kantona Sarajevo na verifikaciju, u skladu sa članom 6. Zakona o javnim priznanjima Kantona Sarajevo.

Da li predstavnici radnih tijela žele riječ? Ima li pitanja?

Predlažemo da vodimo jedinstvenu diskusiju i obavimo jedinstveno izjašnjenje po Prijedlogu odluke o dodjeli javnih priznanja. Dat ćemo riječ poslije izjašnjavanja. Predlažem da vodimo jedinstvenu diskusiju i obavimo jedinstveno izjašnjenje po prijedlogu odluka o dodjeli javnih priznanja.

MOLIM ZASTUPNIKE DA SE IZJASNE DA LI SU ZA OVAKAV PRIJEDLOG DA VODIMO JEDINSTVENU DISKUSIJU I OBAVIMO JEDINSTVENO IZJAŠNJENJE O PRIJEDLOGU.

Predsjedavajući:

naravno da imam pitanja kada se. Uvažena zastupnice Kerla molim vas da se ne javljate, imate viber grupu. Nakon što se izjasnimo da li želimo da vodimo jedinstvenu diskusiju i obavimo jedinstveno izjašnjenje po Prijedlogu odluke o dodjeli javnih priznanja, zastupnicima ću omogućiti da se jave za pitanja.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU DA SE VODI JEDINSTVENA DISKUSIJA I JEDINSTVENO IZJAŠNJAVANJE PO PRIJEDLOGU ODLUKE O DODJELI JAVNIH PRIZNANJA.

Zastupnike molim da se suzdrže od dobacivanja.

Molim zastupnike da glasaju, Segmedina Bajramović Srna nije glasala, Handžić Vibor dopredsjedavajući, Jakupović, Pecikoza. Zahvaljujem.

Za je bilo 34 zastupnika, 1 je bio suzdžran. Konstatujem da smo usvojili ovakav prijedlog. Otvaram mogućnost za postavljanje pitanja. Konaković Elmedin je imao pitanje izvolite.

Poslanik/zastupnik Elmedin Konaković:

hvala predsjedavajući. Imam pitanje vama kao predsjedniku Komisije i kao predlagачu gospodina Željke Komšića. Mogu li znati zašto ste predložili Komšića a ne Izetbegovića ili Radončića? Jel ovo njegovo doprinos isključivo za ovaj ratni doprinos u kom nisu učestvovali Izetbegović i Radončić jer ste samo to čini mi se naveli kao njegovu referencu. Vrlo mi je to interesantno ili je neki drugi motiv pošto ste predložili, nije baš tipično da predlažemo lidere stranaka koji su u vlasti ili koaliciji. Pa me zanima vaš odgovor kako bi kasnije mogao zauzeti adekvatan stav, zašto Komšić a zašto ne recimo Radončić ili Izetbegović, ili ne znam (nerazumljivo) Kojović. Hvala.

Predsjedavajući:

gospoda koju ste spomenuli su već dobili priznanja tako da sam predložio uvaženog Komšića za Plaketu koju je već jednoglasno Komisija i predložila. A napomenut ću vas da je Fahrudin Radončić već dobio plaketu, a predsjednik Izetbegović će ako Bog da dobiti sljedeće godine, nadam se. Jakupović, nakon Jakupovića Stojanović.

Poslanik/zastupnik Vedran Jakupović:

zahvaljujem predsjedavajući, već ste odgovorili na dva pitanja. Znači vi ste lično predložili jel tako gospodina Komšića kako sam shvatio? To bi bilo moje prvo pitanje. Odgovorili ste kako sam shvatio da su odluke donesene jednoglasno, odluke po svim, jesam li i to shvatio da ne postavljam pitanja. Jesu li odluke ...

predsjedavajući

jednoglasno su odluke donesene od prisutnih zastupnika koji su bili...

Poslanik/zastupnik Vedran Jakupović:

znači ne svih, nego prisutnih samo? I pitanje zašto nema detaljnog ratnog puta gospodina Komšića pošto je to i jedina referenca na koju se poziva evo zadnjih 25 godina. Imamo samo da je dobitnik Zlatnog ljiljana. Evo za gospodina Zoranovića već imamo malo šire, za gospodina Šućura itd. Znači zašto nema malo detaljnijeg ratnog puta gdje šta kako i da upoznamo javnost zašto? Hvala.

Predsjedavajući:

zahvaljujem ja sam predložio. Al zar treba nešto više od toga reći da je dobitnik Zlatnog ljiljana i to je obrazloženje bilo koje sam ja dostavio. Svi zastupnici su imali pravo kao i

udruženja građana da dostave svoje prijedloge. Obzirom da niko, pa čak ni iz vašeg kluba nije dostavio prijedlog, nije se ni razmatralo. Svi klubovi koji su dostavili razmatrali smo ih, jednoglasno su odluke bile donesene, kao što sam već rekao maloprije, od prisutnih zastupnika koji su članovi komisije. Stojanoviću imate riječ, izvolite.

Poslanik/zastupnik Igor Stojanović:

hvala predsjedavajući. Moje pitanje je također za vas, s obzirom da ste vi predlagatelj gospodina Komšića. Mene zanima da li vaš prijedlog osim ratne istorije gospodina Komšića ima veze sa prijedlogom DF za direktora Elektroprivrede koji dolazi iz SDA, s obzirom da je DF predlagatelj? Da li ima neke veze sa tim? Hvala.

Predsjedavajući:

neću da odgovorim na to pitanje. Nije da ne želim nego neću da odgovorim na to pitanje. Mi smo se vodili samo onim što sam ja dostavio njegova ratna zasluga i to je već napisano u obrazloženju kojeg sam ja predložio. Uvaženi Suljević Samir izvolite.

Poslanik/zastupnik Samir Suljević.

Zahvaljujem predsjedavajući. Evo ja vam postavljam pitanje, djelimično ste mi odgovorili. Vezano je za dodjelu Plakete gospodinu Željki Komšiću. Vjerujte da ste ostali na ovom prvom dijelu koji kaže: „Dodjeljuje se Plaketa Kantona Sarajevo kao priznanje za doprinos odbrani i opstanku države BIH” stvarno bih obje ruke digao. I poštujem ratni put gospodina Željke Komšića. Ali vas pitam da mi malo obrazložite ako možete šta znači ovo „unapređenje društvene zajednice i afirmacije temeljnih vrijednosti svih građana”. Ne razumijem kakve su to temeljne vrijednosti osim ako to nisu vrijednosti ono sjediš sa jednim dogovaraš a onda prelaziš kod drugih. Jel ovo kao nagrada, jel to ta temeljna vrijednost izdaje ili je to nešto drugo? Hvala.

Predsjedavajući:

nema razloga da odgovorim na tako postavljeno pitanje. Obzirom da nemamo više prijavljenih za pitanja otvaram raspravu. Prva se javila zastupnica Srna Bajramović Segmedina.

Poslanik/zastupnik Segmedina Srna Bajramović:

zahvaljujem predsjedavajući. Evo da pokušamo malo spustiti tenzije u ovoj raspravi, pokušat ću ponoviti ono što se nije čulo zbog problema s mikrofonom na samom početku sjednice. A to je da sam vam zahvalila da ste prihvatili moju inicijativu za formiranje viber grupe koja nam je zaista pomogla da uspješnije realizujemo evo već drugu po redu sjednicu Skupštine, čime smo pokazali da je saradnja među svima nama u ovom momentu najviši stepen odgovornosti prema građanima. Iskoristila sam ovaj momenat da to kažem. A sada kada e riječ o ovoj tački, uzimajući u obzir polemiku koja se otvorila i prije same sjednice, imam potrebu kao članica komisije reći par stvari radi javnosti. Iako dakle nisam prisustvovala konačnom glasanju komisije, želim istaći da bez obzira na lični stav prema pojedinim prijedlozima smatram kako je u ovakvim procesima imperativ postići najveći mogući konsenzus u smislu jedinstvenog glasanja komisije, kada su u pitanju sve pojedinačne odluke jer time čuvamo dignitet i Skupštine i kandidata ali i samog javnog priznanja. Iskustva dodjele javnih priznanja koja prolaze kroz parlamentarna tijela nikada ni u jednoj zemlji ne prolaze bez određenih kontroverzi pa je logično očekivati da ni mi sami nismo imuni na isto. Posebno je to karakteristično za javna priznanja koja se dodjeljuju aktivnim političarima. Što na kraju po prirodi političkih odnosa sve dobija posebnu dimenziju koja može biti ocjenjivana na neki način i kao sukobo interesa. Meni je lično jasno da različiti predlagачi imaju različite motive svojih prijedloga, stoga želim naglasiti da sam i sama lično predlagatelj

Slaviše Šućura za javno priznanje, smatrajući da se radi prije svega o mom dugogodišnjem drugu i kolegi zastupniku, ali i o čovjeku koji već decenijama uživa visok društveni i politički ugled. Svojim ratnim i postratnim djelovanjem uvijek je doprinosio dobrobiti BIH, njenih građana, kako ste to i vi uvaženi predsjedavajući pročitali iz obrazloženja. Dobrobiti svih njenih građana, svih etničkih i religijskih zajednica na kraju želim jasno naglasiti kako se u pravno formalnom smislu dodjela javnih priznanja vrši pojedinačnim odlukama te stoga je više nego nesporno da se iste zastupnicima moraju ponuditi u pojedinačnoj formi izjašnjenja kako bi svi imali priliku iskazati svoj stav. Toliko. Zahvaljujem.

Predsjedavajući.

Zahvaljujem uvažena zastupnice. Sljedeći za riječ se javio uvaženi zastupnik Konaković. Izvolite.

Poslanik/zastupnik Elmedin Konaković.

Zahvaljujem predsjedavajući. Po kriteriju po kojem vi kažete da ste predložili gospodina Komšića, neće nikada Bakir Izetbegović dobiti ovu nagradu. Ako budu ti kriteriji. Po kriterijima po kojim ste predložili gospodina Komšića ukucate samo na Google dobitnici Zlatnog ljiljana, naći ćete veliki broj ljudi. Ne možemo, ja nemam naravno, gospodin Komšić ako ga zbog nečega cijenim na ovoj političkoj sceni cijenim ga zbog tog najvećeg ratnog priznanja. Ali ako je to mjerilo, mogao sam vam dati spiskova, doduše u pravu ste vi, što mi nismo predlagali. Ulazite u jednu opasnu sferu. Predlaganje gospodina Komšića kao Zlatnog ljiljana a izostavljanje desetina stotina živih Zlatnih ljiljana po tom osnovu da ne vagam, ko je i čiji je ljiljan važniji, vjerovatno su oni jednake vrijednosti nije dobra stvar predsjedavajući. Nije dobra stvar kada je to predsjednik stranke koja je u vlasti, pa onda nas tjerate da ono što smatrate korisnim za društvo, mi smatramo njegovom najvećom izdajom za ovo društvo. Dozvolite mi da kažem da to što je on danas sa vama u koaliciji sa Pecikozom u koaliciji ne daje mu nikako laureat da on bude ne sa vama lično, izvinite, nego sa SDA, sa Pecikozom lično. Ne daje mu laureat za neki društveni doprinos kako bi mi rekli on je pomogao ovom društvu, pa i s čovjekom kog smo uslikanog da se balzamovo i on mu bio 18 ruka, nagradili za neku društvenu koristi koju ovaj ko biva ovaj eto ima na našoj političkoj sceni. Da je išta bilo tačno od onog što je Komšić govorio kada je riječ o AMP o NATO i da nije bio takvo govorljiv i vatren, pa eto i to bi mogli uzeti u obzir, neko ko nas je doveo u zabludu i stvari odveo stramputicom, zaista nemojte nas tjerati da govorimo o tome malo na jedan drugačiji način, ali ne zaslužuje da bude laureat ove vrste. Ono što je on dobro uradio, njemu se država odužila, svaka mu čast na tome mu čestitamo, i njegov Zlatni ljiljan glificiram. Ali ovo što ste vi uradili sa onom politikom, uvukli ste ga možda, ne znam jel vam on uopšte bio za ovo. Uvukli ste ga u jednu situaciju da ovako danas o njemu moramo govoriti. Dakle njegov društveni doprinos jeste da je danas njegov član Milavica tražio da njegovo ministar Mesihović ne smije imati dodira s javnim nabavkama jer svi znamo Mesihovića. E to bi mi trebali nagraditi danas Komšića za društveni doprinos. Hvala vam. Ja zato predsjedavajući zaista ne mogu.

Predsjedavajući:

Zahvaljujem uvaženi zastupniče Konakoviću. Sljedeći ima riječ uvaženi zastupnik Jakupović Vedran. Izvolite.

Poslanik/zastupnik Vedran Jakupović:

Zahvaljujem. Nisam možda ni planirao ali evo male su nejasnoće tu koje moram naglasiti obzirom a ste onako iskazali pa zar nije dovoljno da bude Zlatni ljiljan da ga kandidujemo. Dijelom je i kolega Konaković odgovorio na to, ima još jako puno Zlatnih ljiljana o kojima ne razmišljate čak i koji su i na rubu egzistencije. Htio bih, volio bih da vidim ratni put

gospodina Komšića, nevezano za ovu priču, nego inače, eto možda privatno pa da pojasnimo da bih volio gdje, šta kako se to dešavalo, pošto evo slučajno zna, čuo sam, bio sam u ratu kao dijete i čuo sam i za gospodina Zoranovića, i gospodina Šućura a za gospodina Komšića tek kasnije. Ja bih volio da se glasa pojedinačno, ne znam evo malo mi je nejasno da bar iskažemo tu jednu nelagodu zbog svega što se dešava i da kažemo da smo izričito protiv gospodina Komšića. Evo kao što i rekoše maloprije da ta neka ratna prošlost ne može biti nikome ni zaštita od stvari koje su očigledno rađene u političkom životu. Poslije, posebno evo u ovom trenutku u Kantonu Sarajevo pa čak ta neka, taj neki suživot i neka priča o ja sam već par puta govorio o nekim Zukorlićima naspram Nenadića, o nekim sistemima vrijednosti koji su onako malo ružno napravljeni. Jednostavno gospodina Komšića diskvalifikaciju za ovaj tip nagrade. Ako bude glasanje za sve, vjerovatno ću glasati posebno evo zbog ostalih prijedloga da pomenem rahmetli Sudu Ćupinu koji je definitivno zaslužio kao i gospoda Šućur i Zoranović, kao i ostali kandidati i ustanove. Naravno ako bude glasanje jedno po jedno ići ću izričito protiv gospodina Komšića. Hvala.

Predsjedavajući:

Zahvaljujem. Zaista evo replika vama i uvaženoj zastupnici Srni Bajramović. Mi smo se izjasnili prije nego što ćemo otvoriti pitanja da se vodi jedinstvena diskusija i da obavimo jedinstveno izjašnjavanje po Prijedlogu odluke o dodjeli javnih priznanja. Znači niko nije izrazio sumnju u glasanje, glasali smo 34 zastupnika ZA jedan je bio suzdržan i to dopredsjedavajući Vibor Handžić. Glasamo za odluku u cijelosti i vodimo diskusiju jedinstvenu. Ja vam se zahvaljujem. To je bila više ispravka krivog navoda nego replika. Stojanović Igor odgovor na repliku zastupnica Bajramović Čelik. Poslovnička intervencija Konaković ima prednost.

Poslanik/zastupnik Elmedin Konaković:

Može biti da je dug dan, da vas ja nisam dobro shvatio, ni jednog trena nisam shvatio da (nerazumljivo) shvatio da ćemo u paketu raspravljati, zato sam glasao za, može biti moja greška. Ali ako ste nas uhvatili na krivoj nozi, svaka vam čast. Ali vam to nije fer. Ja sam vas čuo da ćemo raspravljati zajedno o svim laureatima a dosadašnja praksa je bila da se izjašnjavamo pojedinačno. Ako vi hoćete da provučete tako Komšića uzmite to sebi na leđa, a boga mi samo mu više štetite nego što mu (nerazumljivo).

Predsjedavajući:

Gospodine Konakoviću ispravka krivog navoda. Ja sam tri puta pročitao i to će biti u stenogramu, a svakako imate mogućnost da vratite snimak na TVSA da vidite i da čujete da sam tri puta pročitao da predlažem da vodimo jedinstvenu diskusiju i obavimo jedinstveno izjašnjenje po Prijedlogu odluke o dodjeli javnih priznanja. I svi ste glasali za izuzev uvaženog dopredsjedavajućeg Vibora Handžića. Odgovor na repliku Segmedina Bajramović Čeliku.

Poslanik/zastupnik Segmedina Srna Bajramović:

Zahvaljujem predsjedavajući. Pa evo ne znam da li imam nešto dodati ili oduzeti ovome što je ispravkom krivog navoda rekao kolega Konaković, jednako tako sam zbilja i ja razumjela da ćemo voditi objedinjenu raspravu a glasati pojedinačno o svakom od prijedloga kao što je to bila praksa prethodnih godina. Meni je žao ako vas nismo dobro razumjeli glasavši tako i nastojeći da ovu sjednicu privedemo kraju u predviđenom vremenu kako ste i najavili, ali jednako sam čula kao i kolega Konaković. Zahvaljujem.

Predsjedavajući:

Žao mi je ali ja ne mogu promijeniti odluku. Već smo glasali kako smo glasali. Uvaženi zastupnik Stojanović izvolite.

Poslanik/zastupnik Igor Stojanović:

Hvala predsjedavajući. I ja sam moram vam reći imao mišljenje da se izjašnjavamo isključivo o diskusiji a nisam znao da ćemo i glasati objedinjeno. Ali evo već ste vi objasnili, meni je žao što mi niste odgovorili na pitanje da li je i to bio jedan od kriterija, odnosno da li ste vi predlagач gospodina Željka Komšića, predsjednika DF-a između ostalog i zato što je DF predložio kandidata za direktora Elektroprivrede, jer ste time ostavili prostor za određene sumnje. Nebitno je da li bih ja vjerovao vašem odgovoru ili ne, ali ostavili ste prostor za sumnje, svima koji ovo slušaju. Ja sam iskazao sumnju prije svega zato što gospodin Željko Komšić dolazi, on je predsjednik jedne političke stranke, DF-a i u ovoj Skupštini participiraju i zastupnici DF-a. Meni je čuo da pored njih, baš vi koji dolazite iz SDA predlažete gospodina Željka Komšića. Ja imam osjećaj da se vraćaju neki dugovi ali ne mislim da tri zastupnika DF nemaju svoje mišljenje i pogotovo da ne cijene svog predsjednika da ga oni nisu mogli predložiti. Ja recimo evo u ovoj odluci je Slaviša Šućur kao dobitnik. Da ga je neko drugi iz neke druge stranke predložio s obzirom da je Slaviša Šućur dugogodišnji član SDP ja bih zamolio tog čovjeka koji je predložio da mi ukaže tu čast da ga predloži baš Klub SDP: evo to se nije desilo. Vi ste kao čovjek iz SDA predložili Željka Komšića i zbog toga sam vam postavio to pitanje. Hvala.

Predsjedavajući:

Ako želite da vam odgovorim sada. Evo i jedan od razloga što sam ga predložio je bilo napuštanje SDP-a. Ja vam se zahvaljujem. Uvaženi zastupnik Nikšić Damir izvolite.

Poslanik/zastupnik Damir Nikšić:

Zahvaljujem predsjedavajući. E znači ovo upravo za Željka Komšića je dokaz to onoga o čemu ja pričam o toj predsjedničkoj demokratiji, parlamentarnoj demokratiji. Da mi ovdje brkamo neke stvari, odnosno tih natruha predsjedničke demokratije. Gdje se jedan aktuelni predsjednik stranke u vladajućoj koaliciji i član predsjedništva države, dakle predsjednik države od strane predsjedavajućeg Skupštine Kantona dodjeljuje mu se plaketa i to je po toj nekoj vertikali. I to sada trebaju da budu neke temeljne univerzalne vrijednosti demokratske ne znam šta. To me više podsjeća na KIM Jong Un. Taj odnos. Imate predsjednika stranke, imate predsjednika države i onda mu predsjedavajući još daje neku plaketu dok je on u tom nekom mandatu. Ja veće ulizivanje mislim da nije iz tog razloga, postoje vjerovatno trgovine neke ali sve izgleda kao najgora vrsta ulizivanja koju vidimo u totalitarnijim režimima. Tako da e malo plašim da se i ovaj režim ne pretvori u takav autoritarni, totalitarni. Što se Čedo tiče, znam da mu gospodin Komšić i Reuf Bajrović duguju neku počast, neke dugove, i ja mislim da je zbog toga on predložen da mu daju da je počasni građanin grada Sarajeva. Međutim ja mislim da je kasno. On je meni stvarno nekada bio jako drag čovjek. Čedo je bio najpozitivnija pojava na političkoj sceni Srbije, ali to je bilo nekada. Ja mislim da je to bilo davno i da to više nije aktuelno. Znači taj čovjek nije toliko više bitan da bi sada ove godine on bio. Zakasnili ste. To hoću da vam kažem. Malo ste zakasnili s tim. Reuf je očigledno i Komšić su koristili malo te iznošene političare liberalne. I sada im se eto kada imaju priliku da im uzvrate neku uslugu tako daju te plakete i onda se čini malo to devalvira plaketu. Znate. Plaketa se isto tako čini iznošena kao što je i Čedo. Malo devalvira čitavu situaciju. Eto to je neka moja rasprava i mislim da i za Komšića stvarno isto devalvira, stvarno izgleda kao Kim Jong un, kao da smo u Sjevernoj Koreji u ovom našem malom Kantonu. Hvala.

Predsjedavajući:

Replika Konaković Čeliku, a neka se pripremi Stojanović replika također Čeliku. Izvolite uvaženi zastupniče Konakoviću.

Poslanik/zastupnik Elmedin Konaković:

uvaženi predsjedavajući, vi zaista korektno radite svoj posao vodeći sjednice, ja nemam velike zamjerke na vaš posao. Malo sam prijatno iznenađen načinom na koji se vi tu snalazite. Ali ovo što ste rekli kolegi Stojanoviću da ste Komšića predložili zato što je napustio SDP je nezakonit prijedlog, jer tamo u propisima koji kažu za šta se ljudi nagrađuju ovom nagradom koja ima jako veliko značenje za sve nas koji živimo u Kantonu Sarajevo. Ovo su laurati koji su promovisali naš Grad, koji su uradili dobre stvari za naš Grad i umiješati u to politiku na način kako ste vi sad to uradili da kažete zato što je napustio SDP, vas moralno obavezuje da zaista prihvatite (nerazumljivo) jer ne možete nakon ovakve vaše diskusije predložio sam Komšića jer je napustio SDP očekivati da ljudi u paketu za to glasaju. Ja naravno hoću u paketu ako hoćete (nerazumljivo) jer bih ja zbog rahmetli Sude Čupine koji je život proveo u SDA i Slaviše Šućura koji je u SDP digao ruku i da ste tamo stavili Bracu košto ste ga stavili za Šestoaprilsku nagradu. Dakle ovo je predsjedavajući od vas vrlo nekorektno, niste često nekorektni, zato vam neću reći neku tešku stvar, nemojte se tako brate politike igrati, te trgovine, to što ste dali BOSS-u direktora DZ to smo očekivali, ali da Zlatno ljiljana trgujete jer je napustio SDP i dajete mu za to laureat, stvarno nije to ova Skupština, ni ta vaša pozicija zaslužila.

Predsjedavajući:

Zahvaljujem uvaženi zastupniče Konakoviću. Replika Stojanović Čeliku. Izvolite uvaženi zastupniče Stojanoviću.

Poslanik/zastupnik Igor Stojanović:

hvala predsjedavajući. Pa evo ukrao mi je Konaković repliku. Ja upravo hoću ovo da vam kažem da ste vi ponizili sve druge članove koji su dobili ovu nagradu upravo zato što vam je jedan od razloga bio predlaganje gospodina Komšića zato što je napustio SDP. I sada je već sasvim očito da ste vi ovim pokazali da sve resurse koje imate u svom nekom djelovanju od gospodina Asima Sarajlića, ministarstava, obavještajnih agencija, pa evo i nagrada, zloupotrebljavate za svoje političke ciljeve. Ja bih glasao za gospodina Komšića, kao što bih glasao i za gospodina Čedu Jovanovića koji je savjetnik gospodinu Komšiću, i što je rekao gospodin Konaković, za gospodina Čupinu koji je iz SDA, nemam sa tim problem. Ali i nikada mi to neće biti kriterij za ovako bitno priznanje. Vi ga zloupotrebljavate i samo nam pokazujete da vaša stranka i vi ne zaslužujete uopšte da budete tu i obavljate tu funkciju. Žalosno. Hvala.

Predsjedavajući:

zahvaljujem uvaženi zastupniče Stojanoviću. Replika Damir Nikšić Stojanoviću. Izvolite uvaženi zastupniče Nikšić-. Da li ste spremni?

Poslanik/zastupnik Damir Nikšić.

Jesam, jesam. Ne slažem se sa Stojanovićem da je predsjedavajući ponizio sve druge sa liste. Ja mislim da je ovom izjavom da je ponizio samog Komšića. Ako je već ratne zasluge, Ljiljan i sve ostalo vrijednosti koje smo pomenuli demokratske, univerzalne, temeljne, reći na kraju da je samo radi izlaska iz SDP, to je malo poniženje u odnosu na Komšića. To bih ja mogao prihvatiti pošto sam i ja izletio iz SDP-a, tako da se onda nadam sljedeće godine za mene neće to biti poniženje nikakvo, ali ja mislim i smatram da je za gospodina Komšića to veliko poniženje. Hvala.

Predsjedavajući:

zastupnik Čampara je tražio repliku. Samo moramo znati kome uvaženi zastupniče Čampara pa vas napominjem da kažete kome replicirate. Zastupnik Čampara izvolite.

Poslanik/zastupnik Aljoša Čampara.

Vama predsjedavajući. Ako može.

Predsjedavajući:

slušamo vas uvaženi zastupniče.

Poslanik/zastupnik Aljoša Čampara:

ja bih zamolio stvarno ako možemo malo da smirimo strasti i jednostavno da se vratimo na samu temu. Mislim da smo otišli od ove teme. Gospodine predsjedavajući vi stvarno ste pogriješili i mislim da niste trebali reći da ste predložili gospodina Komšića zato što je napustio SDP i mislim da to nije bio vaš motiv, pretpostavljam. Ne mogu da vjerujem da je to bio motiv. Mislim da je gospodin Komšić sada čovjek koji obnaša funkciju člana Predsjedništva BiH i nema razloga da ga dovodimo u ovakvu situaciju. Prije svega čovjek je Zlatni ljiljan, dobitnik najvećeg ratnog priznanja i ja mislim da on apsolutno zaslužuje bilo koju vrstu nagrade u BiH kao Zlatni ljiljan, kao i svi drugi Zlatni ljiljani koji ih zaslužuju. Ali dovoditi ovo sada u neke političke konotacije i raspravljati na ovakav način o čovjeku, bojim se stvarno da moramo voditi računa o svemu tome. Licitirati sa drugim imenima gospodine predsjedavajući da ćete dogodne Bakira Izetbegovića predložiti, ove godine niste. Molim vas da povedete računa, radi se o ljudima koji su sada članovi Predsjedništva, koji su bili članovi Predsjedništva. Ne možemo na ovakav način o najvišim priznanjima Kantona Sarajevo govoriti, ma o kome da se radi. Molim vas da svi zajedno povedemo računa u Skupštini Kantona Sarajevo. Mislim da nam ovo ne priличи, da ovo nije dobro. Ja u svakom slučaju podržavam sve ove prijedloge koji su predloženi od strane komisije, ali na sasvim jednim drugim osnovama. Ako je to predlaganje zato što je neko političar ili što obnaša neku političku dužnost, onda bojim se da to nije dobro, jer moramo imati visok stepen saglasnosti oko svih ovih prijedloga. I dajte molim nemojte da ljude, bilo koga, da dovodimo u ovakvu situaciju od predloženih ljudi. Mislim da to ovi ljudi nisu stvarno zaslužili. Zna se koji su motivi, ako smo ih predlagali, ako ih je Komisija predložila. I da vodimo malo računa, nemojte teških riječi. Dakle radi se o ljudima, o njihovom dignitetu, o njihovim sudbinama itd. Dajte molim vas da se jednostavno vratimo na temu i da zaboravimo sada ova politička prepucavanja i da vodimo računa šta kažemo prilikom obrazlaganja kada nekoga predlažemo. Evo pokušavam jednostavno da smirim situaciju i da vratim stvari na pravi kolosijek.

Predsjedavajući:

zahvaljujem, ispravka krivog navoda Čampari Čelik.

Ja mislim da svi zastupnici i građani Kantona Sarajevo i šire javnosti su imali priliku da pročitaju u obrazloženju moj prijedlog za gospodina Željka Komšića. Znači nigdje tu u obrazloženju nije bilo napisano. Odgovorio sam Konakoviću na način na koji je pitao. Znači također i ostalim zastupnicima. Ja vam se zahvaljujem.

Sljedeći ima riječ uvaženi zastupnik Suljević Samir, izvolite.

Poslanik/zastupnik Samir Suljević:

ja bih prije svega rekao isto kao i moji prethodnici, ni ja nisam dobro shvatio ovo izjašnjavanje, i ja sam shvatio da ćemo imati zajednička pitanja i diskusiju a pojedinačno izjašnjavanje. Ali OK, ako smo pogriješili, pogriješili smo. Za razliku od nekoliko prethodnika moram da kažem ja koliko imam informacije ratni put gospodina Željke

Komšića je vrlo čist, ponosan za i svoju familiju i sebe i za građane BIH. I stvarno što se toga tiče mislim da je zaslužio svaki mogući prijedlog zbog toga što je Zlatni ljiljan, borac ARBIH, i stvarno to je sve OK. Ovaj drugi, ja vam moram reći, ovaj drugi dio stvarno mi nije jasan. Neću vas, evo neću čitavo čitati, ali ja bih volio da mi neko kaže „unapređenje društvene zajednice i afirmaciju temeljnih vrijednosti”. Vi, moram vam reći, mislim da ste puno pogriješili, gospodin Čampara mi je pola ovih stvari koje sam želio da kažem, tako da se izrazim ukrao, jer poslije ovoga svega vi ste degradirali člana Predsjedništva, Zlatnog ljiljana, ovim što ste rekli da je vaš glavni motiv njegovo predlaganje izlazak iz SDP. Gdine Čelik ja imam informaciju da ste i vi nekada bili u SDP. Možda mi je ta informacija loša, ali možda ste i vi nagrađeni zato što ste izašli i SDP. Molim vas da mi samo odgovorite ako možete šta vas je ponukalo da ga predložite oko ovog dijela unapređenju društvene zajednice temeljnih vrijednosti. Hvala vam.

Predsjedavajući:

replika uvaženom Suljeviću. Suljeviću i ja za vas imam informaciju da ste bili u SDA. A moj put u SDA možete provjeriti od 91 pa nadalje. Ja vam se zahvaljujem.

Uvaženi dopredsjedavajući Vibor Handžić ima riječ. Izvolite.

Dopredsjedavajući Vibor Handžić:

čujete li me?

Predsjedavajući:

zamolit ću vas da sačekate odgovor. Zastupniče Suljeviću jeste li spremni, izvolite.

Poslanik/zastupnik Samir Suljević:

replika vama gospodine Čelik. Molim vas da ne iznosite neistine. Ja ovdje moram pošto ste me prozvali reći da sam od 1985 član Saveza komunista i poslije toga SDP. I da su vaše informacije iznošenje neistina. I javno govorim da nikada nisam bio član SDA niti bilo koje druge partije osim ove u kojoj jesam. Hvala vam puno. A vi ako imate dokaz volio bih da mi kažete jeste li ikada bili u SDP? Hvala.

Predsjedavajući:

uvaženi zastupniče Suljeviću ja ću vama dokumentovati moju člansku karticu od 91 SDA na koju sam izrazito ponosan, i svim onima koji sumnjaju u moju iskrenost prema SDA moći će se uvjeriti kada dobiju tu stranačku karticu. A ja ću je vama proslijediti uvaženi zastupniče pa je vi možete distribuirati novinarima. Sljedeći se javio zastupnica Duraković jasna.

Dopredsjedavajući Vibor Handžić.

A prekinuli ste mene.

Predsjedavajući:

ja se izvinjavam. Dopredsjedavajući vama smo kazali da ste u mirovanju. Evo uvaženi dopredsjedavajući Handžiću izvolite.

Dopredsjedavajući Vibor Handžić:

prvo da kažem ja mislim da nema nikakve potrebe da lojalnost prema političkim partijama dokazujemo na tački dnevnog reda javna priznanja Kantona Sarajevo, to možete na kongresu stranačkom kada bude za govornicom slobodno govoriti. Nema potrebe da to radite ovdje. Ja mislim ja vjerujem da ćete vi predsjedavajući s ovim odgovorom vi morate shvatiti da ste vi bili predlagач zvanično ovog priznanja i i u skladu s tim vam zastupnici postavljaju pitanja. To morate shvatiti. Ja vjerujem da ste se vi htjeli našaliti samo vezano za ovaj odgovor zašto

ste predložili gospodina Komšića za priznanja odnosno njegov odlazak iz SDP. Međutim, slažem se tu u potpunosti sa kolegom Čamparom, bojim se da je taj ton diskusije i neke rasprave ovdje doveli Javna priznanja Kantona Sarajevo do određenog nivoa apsurdna u kojem potpuno gube svoju svrhu. I također želim dodati da je činjenica niko, ni jedan jedini prijedlog iz vana, izvan članova Odbora za javna priznanja nije došao, kako ste vi u uvodnom izlaganju naveli, također ide u prilog činjenici da mi treba da se zapitamo u koji smo stepen i kakav status doveli ovo javno priznanje u Kantonu Sarajevo i da na tome treba da poradimo u budućnosti. Naravno, ne oduzimam nikome pravo da kao član odbora također bude predlagač za određeno priznanje. Mada evo napomenut ću pošto sam dugo bio u Gradskom vijeću Grada Sarajeva za Šestoaprilsku nagradu, ne mogu političke partije niti članovi odbora davati prijedloge za tu nagradu. Što se tiče pojedinačnih prijedloga. Ovo je moje lično mišljenje, ja mislim da ne postoji veće i značajnije priznanje za bilo kojeg pojedinca koji je učestvovao u odbrani BIH i Sarajeva od Zlatnog ljiljana. Bojim se da je svaka druga nagrada pored Zlatnog ljiljana, za doprinos u odbrani države i Sarajeva, što se mene lično tiče, ponovo ponavljam, degradacija tog priznanja mada apsolutno ne sporim da je moguće i potrebno predložiti te ljude i za neku drugu nagradu. Također pored tog dijela u obrazloženju odluke imamo i ovaj drugi dio obrazloženja odluke koji je moj kolega Suljević pominjao, promocija društvene zajednice i temeljnih vrijednosti za koju sam ja za pojedine kandidate ne slažem barem u ovom trenutku da trebaju biti dobitnici te nagrade, govorim konkretno o gospodinu Komšiću. Vidim da je na našoj viber grupi zastupnica Kerla komentarisala da je ona prošle godine kao aktivna učesnica u političkom životu dobila također priznanje. Tako je, ali ona je bila predložena za neke druge društvene oblasti a ovdje govorimo o ljudima koji se još uvijek aktivno bave i sudjeluju u političkom životu BIH. I napominjem da je razlika između nje i gospodina Komšića ta što je gospodin Komšić sav ovaj drugi dio nagrade potencijalno zaradio i stekao sudjelujući u političkom životu Sarajeva i BIH između ta dva pojma postoji jedna ogromna i suštinska razlika. Mislim da samu ovu odluku trebamo se i mi zapitati možda je pustiti u budućnosti u neki vid javne rasprave. Možda je potrebno ipak doradivati i mijenjati u budućnosti. Zahvaljujem.

Predsjedavajući:

Replika Jakupović Suljeviću. Izvolite uvaženi zastupniče Jakupović.

Poslanik/zastupnik Vedran Jakupović:

zahvaljujem predsjedavajući. Samo da naglasim još jednom, pomenuo bih da bih volio vidjeti u CV koji je to ratni put ako imate tri Zlatna ljiljana u istoj odluci. Za dva Zlatna ljiljana, gospodina Čupinu rahmetli i gospodina Šućura ima i opis tog dijela, a evo sada smo saglasni, da je kako Čelik kaže da je to glavna karakteristika da je on Zlatni ljiljan i to je to. Znači volio bih da vidim kao što imamo u nastavku njegove biografije gdje je bio, šta je radio, mi jako dobro sada znamo u zadnje vrijeme šta je i kako djeluje, dakle volio bih da vidim kompletnu biografiju kao i za ostale pomenuo sam dvojicu zlatnih Ljiljana za koje sam ja možda i čuo još i prije ovog CV-a. Hvala gospodine Suljeviću, drago mi je što ste i dali tu informaciju.

Predsjedavajući:

zahvaljujem uvaženi zastupniče Jakupović. Sljedeća ima riječ Duraković Jasna. Izvolite.

Poslanik/zastupnik Jasna Duraković.

Zahvaljujem predsjedavajući. Evo obzirom da sam se ja davno javila za diskusiju i moji prethodnici su već podvukli neke argumente koje sam i sama imala, neću se ponavljati, složiti ću se sa svima onima koji su prethodno, vama prije svega predsjedavajući uputili kritiku na pogrešnu formulaciju koju ste upotrijebili. Nekako ste čini mi se devalvirali same predložene

kandidate, laureate, dakle mislim da ste tu pogriješili ali evo, imamo takvu situaciju kakvu imamo, mislim da je sada nekako ste obezvrijedili ovu diskusiju i predložene kandidate i ne znam ja bih se vratila nekako u okvire ove tačke dnevnog reda. Da pokušamo zaista, i ja sam na žalost pogrešno razumjela očito to da ste vi rekli da ćemo objedinjeno imati raspravu i objedinjeno u paketu glasati. A ne pojedinačno. Ja bih molila nekako ako možemo, Konaković je čini mi se predložio u grupi, da napravimo neki zaključak kojim ćemo promijeniti tu vašu odluku, da bi se vratili zapravo u okvire onoga što smo imali u praksi prije, kao što je navela i kolega Srna Bajramović da se o ovim kandidatima izjašnjavamo pojedinačno. Molim vas evo ako možete uvažiti taj prijedlog bila bih vam zahvalna. Toliko hvala.

Predsjedavajući:

zahvaljujem uvažena zastupnice. Odgovor Suljević Jakupoviću. Izvolite.

Poslanik/zastupnik Samir Suljević.

Pa evo, ja bih samo rekao pošto znam da je gospodin Komšić sa mojom dvojicom amidža bio dugo vremena na Trgu, jedno vrijeme je bio u štabu kod INE, ali ne bih želio više da razvlačimo ratni put gospodina Komšića. Takav je kakav je, dobitnik je Zlatnog ljiljana i to moramo poštovati. Gospodine Čelik ja koristim priliku da vam čestitam rođendan koji vam je za koji dan, i da vam čestitam što ste sa 16 godina nepunih ušli u SDA 91, svaka vam čast. Hvala.

Predsjedavajući:

zahvaljujem. Tako i sam i stupio u rat. Sljedeći se javio za diskusiju uvaženi zastupnik Marjanović Damir, izvolite.

Poslanik/zastupnik Damir Marjanović:

tragom izjave moje kolegice Jasne i profesorice na UNSA, da se vratimo u okvire diskusije, ja bih da se vratim u okvire realnosti da se sjetimo da sjedimo 23 aprila 2020 godine, evo već sat i po vremena pričamo o nečemu što nam je izuzetno veoma bitno. Vjerovatno ste (nerazumljivo) fokus nego što će u 8 sati policijski čas, nego što smo pričali o tome kako ćemo smanjiti izdvajanja za nauku, borbe protiv korone itd. Ljudi hajte, nemojte mi zamjeriti, ali siguran da u ovom momentu prosječnom građaninu Kantona Sarajevo (nerazumljivo) neće dobiti Plaketu. Koliko je bilo degutantno predlagati aktualne političare da je još degutantnije gubiti vrijeme na toj cijeloj priči. Hajde da glasamo šta imamo da glasamo (Gubi se konekcija), i da reagujemo kao jedan (nerazumljivo).

Predsjedavajući.

Zahvaljujem uvaženi zastupniče Marjanoviću ukoliko ste završili pošto je bilo ometanja signala, vjerovatno jeste završili. Ja vam se zahvaljujem na sugestiji, nadam se da će zastupnici pristupiti glasanju relativno brzo. Sljedeći za riječ se javio uvaženi zastupnik Vreto Elvis.

Poslanik/zastupnik Elvis Vreto:

hvala predsjedavajući. Dosta toga je iskreno rečeno, mislim slažem se s kolegom Marjanovićem, da trebamo pristupiti lagano završetku ove tačke. Ono što je ključno jeste da se ovdje u ovoj raspravi čule jako loše riječi i imam jednu zaista zamjerku. Slažem se s gospodinom Čamparom predsjedavajući da ste i vi izmakli kontroli u vašim odgovorima. Mislim da javna priznanja Kantona Sarajevo zaslužuju mnogo rekao bih diskusiju bolju i kvalitetniju i u prijedlozima, što je ujedno i do nas zastupnika. Nismo iskoristili svoje pravo

da upućujemo prijedloge prema komisiji, i s te strane ja pozivam da dostojanstveno ovo pokušamo privesti kraju.

Predsjedavajući:

zahvaljujem uvaženi zastupniče Vreto. Sljedeća ima riječ uvažena zastupnica Amra Junuzović-Kaljić:

Poslanik/zastupnik Amra Junuzović-Kaljić:

hvala predsjedavajući. Dakle nakon ove rasprave o polaketama koja se vodila evo na ovakav način kako se vodila u Skupštini Kantona Sarajevo, gdje smo u raspravi predložene kandidate analizirali, izražavajući određene frustracije političkim konotacijama, pa svašta doveli u pitanje. Jako smo u stvari pojeftinili značaj ove plakete. I to mi je žao. Mislim da bi ustvari eventualni kandidati za ovu plaketu bi rekli nemojte molim vas. Zato hajmo ovo privesti kraju, na koliko je moguće dostojanstven način. Hvala lijepo.

Predsjedavajući:

Zahvaljujem uvažena zastupnice na sugestiji. Druga diskusija Konaković i imamo prijavljenog dopredsjedavajućeg Handžića za dugu diskusiju.

Poslanik/zastupnik Elmedin Konaković.

Hvala vam predsjedavajući. Ja se sa prethodnicima slažem u većem dijelu izlaganja u jednom dijelu ipak ne. Nisam zato da olako pređemo u teškim vremenima preko bitnih stvari koje možda u ovom trenutku nisu toliko bitne kao borba protiv famozne nesretne korone, jer na takav način možemo devalvirati sam značaj jednog procesa za koji mogu reći da su svi prethodnici to radili na visokom nivou. Sada se nešto pokušavam sjetiti, i zamolit ću da mi neko iz službe odgovori, ja mislim da ni Radončić to nije dobio kada je bio aktuelni političar. Ili možda negdje na granici na samom početku. Da je i on to čak dobio neko iz Avaza vlasnik ili kao privrednik. Dakle ovo je presedan u kojem ste vi kandidujući Željku Komšića predsjednika političke partije napravili presedan, jer to do sada ljudi nisu radili. Bilo je tu članova, Šućur je član, rahmetli Ćupina je član, Bibija je član, koju sam lično na granici datuma prošle godine predložio zbog njenog sportskog uspjeha. Ali su to osjetljive stvari kad to konotira ljude koji van ovoga nemaju tu vrstu društvene uloge nego su političari. Neko misli da su vrhunski neko da nisu. Pa to ste pogriješili. I ovo je kolega Handžić možda najbolje rekao. Čovjek je nagrađen za ono za šta je trebao biti, ja za to skidam kapu. Zlatni ljiljan je nešto zbog čega trebamo ustati svima i Komšiću i svim ostalim. Na ovaj način ste ga uveli u raspravu u kojoj mi moramo reći šta smislimo. I molim vas da se zastupnici izjasne o mom prijedlogu zaključka u kojem se nećemo izjašnjavati u paketu. I vama bi bilo dobro da ne stavljate čovjeka da ga na leđima Slaviše Šućura i rahmetli Suada Ćupine unosimo kao laureata. Ko misli da je dobar nek glasa u društvenoj konotaciji. Ko misli da nije neće glasati. Zato vas molim da se o tome izjasnimo jer se zaključak Skupštine može van snage staviti zaključkom Skupštine ukoliko sam ja u pravu. To može sekretarka potvrditi. Hvala.

Predsjedavajući.

Slažem se uvaženi Konakoviću. Samo nam dostavite prijedlog zaključka na mail i naravno da ćemo se izjasniti o svakom zaključku i zaključak može zaključak osporiti. Dopredsjedavajući Handžić.

Dopredsjedavajući Vibor Handžić:

Zahvaljujem predsjedavajući. Pa moram da kažem bojim se da ste vi ovim svojim prijedlogom, zaboravio sam to u svojoj prvoj diskusiji, u momentu u kojem je bilo ko u ovom slučaju je to gospodin predsjednik političke organizacije koja igrom slučaja učestvuje u vlasti u Kantonu Sarajevo, bojim se da ste učinili medvjedu uslugu u njemu i sebi, i ja najavljujem da ću u narednom periodu predložiti izmjenu ove odluke gdje se plakete više neće, ako ona naravno bude usvojena i prihvaćena moći dodjeljivati ljudima koji još uvijek aktivno sudjeluju u političkom životu u državi BIH. Zahvaljujem se.

Predsjedavajući:

zahvaljujem uvaženi dopredsjedavajući, obzirom da se više niko ne javlja za riječ. Zaključujem raspravu. I predlažem da se izjasnimo o prijedlogu zaključka Konakovića da se izjašnjavamo pojedinačno te da prvobitni zaključak stavljamo van snage. Ukoliko sam dobro pročitao za zaključak Konakovića moramo glasati. Ja vas lijepo molim da pristupite glasanju za prijedlog zaključka Konakovića da stavljamo van snage zaključak koji smo usvojili da se izjašnjavamo jedinstveno o prijedlogu odluka o dodjeli javnih priznanja. Poslao je mailom molim zastupnike da glasaju. Otvaram glasanje. U toku je glasanje. Ja vas lijepo molim zastupnici koji nisu glasali da glasaju.

Evo imamo i rezultate. Prijedlog uvaženog zastupnika Konakovića je sa rezultatima sljedeći za je glasalo 17 zastupnika, protiv je bilo 15, uzdržanih je bilo 3.

Obzirom da nemamo potrebnu većinu za zaključak konstatujem da nismo usvojili prijedlog zaključka uvaženog zastupnika Konakovića. Samo da vidim da li je neko tražio poslovničku intervenciju.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O VERIFIKACIJI ODLUKE O DODJELI JAVNIH PRIZNANJA KANTONA SARAJEVO U PAKETU.

Molim zastupnike da pristupe izjašnjavanju. Molim zastupnike koji nisu glasali da pristupe glasanju. Pecikoza Fahrudin nije glasao jedino on. Molim Pecikozu da glasa.

ZA JE GLASALO 35 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA VERIFIKOVALA ODLUKU O DODJELI JAVNIH PRIZNANJA KANTONA SARAJEVO U PAKETU

Prelazimo na realizaciju tačke pet:

AD – 5.

PRIJEDLOG ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ

Prijedlog ste dobili u dopunskom materijalu. Molim predlagača materijala da da uvodne napomene za prijedlog odluke, ukoliko je potrebno. Da li je potrebno uvodne napomene? Molim zastupnike samo da se izjasne da li su potrebne uvodne napomene? Zahvaljujem. Nema potrebe. Da li predstavnici radnih tijela žele riječ? Ima li pitanja? Obzirom da se niko ne javlja za pitanja otvaram raspravu. Molim zastupnike da se prijave da li žele diskutovati po osnovu ovog prijedloga odluke. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI

NEKRETNINA U SKLADU SA ČLANOM 23. ZAKONA O EKSPROPRIJACIJI FBiH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ.

Ja bih vas lijepo molio da glasate. Otvaram glasanje. Uvaženi zastupnik Čampara jedino nije glasao. Ukoliko me čuje molim da glasa. Zahvaljujem uvaženi zastupniče Čampara.

ZA JE GLASALO 35 ZASTUPNIKA, PROTIV nije bilo, SUZDRŽANIH također.

KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke šest:

AD – 6.

PRIJEDLOG ODLUKE O DAVANJU SAGLASNOSTI ZA ZAKLJUČIVANJE UGOVORA O PRENOSU PRAVA VLASNIŠTVA I POSJEDA NA NEKRETNINAMA IZMEĐU ZAVODA ZA IZGRADNJU KANTONA SARAJEVO SA JEDNE STRANE I KJKP "POKOP" D.O.O. SARAJEVO SA DRUGE STRANE BEZ NAKNADE

Prijedlog ste dobili u dopunskom materijalu. Da li ima potrebe? Ja bih molio lijepo premijera, pošto imamo jednu tehničku grešku u prijedlogu odluke, pa evo premijeru da li ima neko iz Vlade da tehničku greške otkloni u prijedlogu odluke?

Premijer Mario Nenadić.

Poštovani predsjedavajući mislim da smo se dogovorili da će uvod napraviti direktor Zavoda pa ću vas zamoliti da ostvarite, ili ukoliko želite dajte mi dvije tri minute, ali mislim da smo se dogovorili ovako. Hvala.

Predsjedavajući:

Direktor Zavoda samo se predstavite radi stenograma i dajem vam riječ uvaženi direktore. Izvolite.

Direktor Zavoda za izgradnju Mirza Hulusić:

imao sam malo problem s komunikacijom nisam čuo šta je premijer rekao. Međutim, Mirza Hulusić je direktor Zavoda za izgradnju. Tehnička greška se najvjerovatnije odnosi na jednu riječ u nacrtu ugovora koja je ustvari pravopisna tehnička greška koja je u nacrtu dokumenta gdje je došlo prilikom kucanja dokumenta greška. Trebalo je pisati „zakupoprimac” a mislim da piše „zakupodavac” i to je u materijalima navedeno u mišljenju pravobranioca. Što naravno mi ćemo usvojiti bez potpisivanja dokumenata bez ikakve rezerve ukoliko Skupština da saglasnost da izvršimo prenos vlasništva nad ovim nekretninama koje su predložene u materijalu sa Zavoda za izgradnju Kantona Sarajevo na JKP Pokop.

Predsjedavajući:

direktore ja bih vas lijepo molio u Prijedlogu odluke u davanju saglasnosti u članu 1 ja ću samo pročitati rečenicu: „Daje se saglasnost Zavodu za izgradnju Kantona Sarajevo za sklapanju ugovora o prenosu prava vlasništva i posjeda na nekretnina označenim kao k.č. pa se nabrajaju k.č. Vlakovo katastarsko stanje sa upisanim pravom vlasništva u korist Zavoda za izgradnju Kantona sa KJKP POKOP d.o.o. Sarajevo bez naknade”.

Treba da stoji „zavoda za izgradnju Kantona Sarajevo sa jedne strane i KJKP Pokop d.o.o. Sarajevo sa druge strane bez naknade”.

U zaključku Vlade je pravilno a u prijedlogu odluke o davanju saglasnosti nije, pa evo ja vas molim da ovo ponovite samo što sam rekao, to je tehnička greška i mislim da će zastupnici uvažati to.

Direktor Zavoda Mirza Hulusić.
Jeste, to je to.

Predsjedavajući:

ja vam se zahvaljujem. Da li predstavnici radnih tijela žele riječ? Niko nam se nije prijavio. Ima li pitanja? Niko nam se nije prijavio za pitanja. Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA ZAKLJUČIVANJE UGOVORA O PRENOSU PRAVA VLASNIŠTVA I POSJEDA NA NEKRETNOSTIMA IZMEĐU ZAVODA ZA IZGRADNJU KANTONA SARAJEVO SA JEDNE STRANE I KJKP "POKOP" D.O.O. SARAJEVO SA DRUGE STRANE BEZ NAKNADE.

Molim zastupnike da pristupe izjašnjavanju.

**ZA JE GLASALO 35 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.**

Prelazimo na realizaciju tačke sedam:

AD – 7.

PRIJEDLOG PROGRAMA RADA SKUPŠTINE KANTONA SARAJEVO ZA 2020. GODINU

Materijal ste dobili uz poziv za sjednicu. S obzirom da je predlagač programa rada Skupštine Kolegij dozvolite mi da iznesem par uvodnih napomena. Prijedlog programa rada Skupštine za 2020 godinu utvrdio je Kolegij Skupštine na sjednici 10.04.2020 godine a na osnovu Nacrta programa rada Vlade koji je osnov za pravljenje program rada Skupštine. Ukoliko danas usvojimo program rada Skupštine, isti će biti dostavljen Vladi i Vlada će na osnovu našeg programa rada napraviti svoj program rada i praktično će biti istovjetan program rada Vlade i program rada Skupštine. Tako da ćemo i mi izvršavajući naš program rada pratiti rad Vlade odnosno da li Vlada dostavlja materijale onako kako je predviđeno programom rada. Imali smo nekoliko amandmana na Prijedlog programa rada Skupštine Kantona Sarajevo. Dozvolite mi da pročitam pošto je Kolegij predlagač možemo uzeti u razmatranje sve amandmane, o tome se ne mora Kolegij izjasniti, mogu se i zastupnici izjasniti. A ja ću vama sada proslijediti putem viber grupe sve prijedloge amandmana i molim da se poslije rasprave da se izjasnite. A evo molim zastupnike da pristupe za prijedloge amandmana klubova kako bi mogli o istim i razmatrati da budu sastavni dio Programa rada Skupštine Kantona Sarajevo za 2020.godinu.

Da li predstavnici radnih tijela žele riječ? Nema potrebe. Ima li pitanja? Nema.

Otvaram raspravu. Da li se neko javlja za raspravu? Ukoliko se niko ne javlja za riječ, zaključujem raspravu.

Poslovnički moramo se izjasniti prvo o amandmanima pa nakon toga ćemo se izjasniti o Prijedlogu programa rada Skupštine Kantona Sarajevo.

Molim da se izjasnite za prijedloge amandmana u cijelosti glasajući za četiri prijedloga amandmana. Ja ću pročitati radi stenograma a vas molim da glasate, evo možemo i pojedinačno tražiti da se o amandmanima izjasnimo.

Amandman I Kluba Naroda i pravde, dopredsjedavajuće Danijele Kristić
da se u Program rada Skupštine Kantona Sarajevo za 2020 godinu uvrsti održavanje tematske sjednice u oblasti zdravstva u Kantonu Sarajevo, nosilac posla Ministarstvo zdravstva Kantona Sarajevo , rok juni.

MOLIM ZASTUPNIKE DA PRISTUPE IZJAŠNJAVANJU NA PRIJEDLOG AMANDMANA I UVAŽENE ZASTUPNICE KRISTIĆ I možemo razmatrati ovo u paketu pošto je uvažena dopredsjedavajuća Kristić dostavila tri amandmana. Pa ću vas ja zamoliti za prijedloge amandman I, II i III.

Amandman II

da se u Program rada Skupštine za 2020 godinu uvrsti održavanje tematske sjednice koja će donijeti rješenje za KK Bosna nosilac posla Ministarstvo kulture i sporta, rok juli.

III Amandman dopredsjedavajuće Kristić

da se u program rada Skupštine Kantona Sarajevo za 2020 godinu uvrsti održavanje tematske sjednice o procesu inkluzije sa posebnim osvrtom na proces inkluzivnog obrazovanja, nosilac posla Ministarstvo za obrazovanje, nauku i mlade, rok septembar.

MOLIM ZASTUPNIKE DA PRISTUPE IZJAŠNJAVANJU O AMANDMANIMA UVAŽENE DOPREDSJEDAVAJUĆE KRISTIĆ.

Molim zastupnike da pristupe glasanju još samo zastupnik Čampara nije glasao.

Konstatujem da smo prijedloge amandmana uvažene zastupnice Kristić usvojili sa 33 glasa ZA i 1 protiv.

Prelazimo na izjašnjenje o prijedlogu amandmana za Program rada Skupštine Kantona Sarajevo za 2020 godinu uvaženog zastupnika Nikšić Damira.

Amandman I

oblast prostornog uređenja građenja i zaštite okoliša

1. normativni dio uvrstiti i Zakon o progresivnom oporezivanju zgrada iznad visine od 7 spratova, naročito u zonama urbanih ventilacionih koridora, rok juli nacrt, septembar prijedlog.

MOLIM ZASTUPNIKE DA SE IZJASNE O PRIJEDLOGU AMANDMANA UVAŽENOG ZASTUPNIKA NIKŠIĆA.

Zastupnica Kerla jedino nije glasala ne znamo ja sam da se ovo spusti na tri sprata. I Stojanović Igor nije glasao.

Za je glasalo 33 zastupnika, protiv i suzdržanih nije bilo.

Konstatujem da smo usvojili i ovaj amandman.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU PROGRAMA RADA SKUPŠTINE KANTONA SARAJEVO ZA 2020. GODINU.

Otvaram glasanje.

ZA JE GLASALO 34 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA PROGRAM RADA SKS ZA 2020.GODINU.

Prije nego što pređemo na realizaciju tačke osam, predlažem da usvojimo i Deklaraciju koju su klubovi dogovorili i ja ću vas lijepo moliti da glasate za prijedlog Deklaracije a ja ću vas pročitati.

Otvaram glasanje.

„Prije svega svim zdravstvenim radnicama i radnicima koji su se stavili na raspolaganje, mobilizirali se i svoje kapacitete stavili u funkciju borbe protiv pandemije, potisnuli vlastiti strah i sa pažnjom, znanjem, empatijom pomogli svakom pacijentu, odgovorno i predano pristupivši organizaciji i prilagođavanju na do sada nepoznatu bolest, vrlo jasno poručujući građanima da nisu sami i pokazujući da su najbolji stub odbrane na prvoj liniji fronta borbe protiv nevidljivog neprijatelja, aktivno usporavajući i zaustavljajući rapidno širenje ove bolesti; ali ništa manje i našoj policiji, prosvjetnim i komunalnim radnicama i radnicima, novinarkama i novinarima, državnim službenicama i službenicima, svim članovima civilne zaštite, radnicama i radnicima u maloprodaji, hrabrim taksitkinjama i taksistima, vatrogascima i drugim požrtvovanim djelatnicama i djelatnicima, koji svojim predanim i profesionalnim radom i djelovanjem doprinose ublažavanju teških posljedica izazvanih pandemijom Coronavirusa, Skupština Kantona Sarajevo želi odati priznanje i zahvalnost.

Pored ostalog, pomenuti djelatnici sudjeluju u stvaranju svijesti da smo svi, uključujući i freelancere i umjetnike koji su se svojim radom od kuće, kao i sve savjesne građanke i građane, djecu, penzionere koji su se svojim ostankom kod kuće priključili zajedničkoj borbi, zaslužni i ravnopravni borci protiv pandemije Coronavirusa.”

Podnositelji inicijative zastupnici Skupštine Kantona Sarajevo.

Za je bilo 34 zastupnika, protiv i suzdržanih nije bilo. Konstatujem da smo usvojili Deklaraciju.

Prelazimo na tačku osam:

AD – 8.

PROGRAM OBILJEŽAVANJA DANA KANTONA SARAJEVO OD 02.05. DO 09.05.2020. GODINE

Program ste dobili u dopunskom materijalu. Molim predstavnika Predlagača da podnese uvodne napomene ukoliko je potrebno. Ima li potrebe? Molim zastupnike da se izjasne da li ima potrebe za uvodnim napomenama. Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA SE IZJASNE O PROGRAMU OBILJEŽAVANJA DANA KANTONA SARAJEVO OD 02.05. DO 09.05.2020. GODINE.

ZA JE GLASALO 33 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA PROGRAM OBILJEŽAVANJA DANA KANTONA SARAJEVO OD 02.05. DO 09.05.2020. GODINE.

Prelazimo na realizaciju tačke devet:

AD – 9.

INFORMACIJA VLADE KANTONA SARAJEVO I ŠTABA CIVILNE ZAŠTITE KANTONA SARAJEVO, O PODUZETIM AKTIVNOSTIMA PO RESORIMA U VEZI

SPOROVOĐENJA MJERA RADI SPRJEČAVANJA ŠIRENJA ZARAZNE BOLESTI KORONAVIRUS

Materijal ste dobili uz poziv za sjednicu. Molim predstavnika Predlagača da podnese uvodne napomene. Premijeru da li ste to vi ili neko drugi.

Premijer Mario Nenadić: UVODNO IZLAGANJE

Predsjedavajući:

premijeru ja se izvinjavam ali imamo poslovničku intervenciju uvaženog dopredsjedavajućeg Handžića. Ja vas lijepo molim da se strpite.

Dopredsjedavajući:

zahvaljujem predsjedavajući nisam imao drugog načina da prekinem premijera. Izvinjavam se što to radim.

/JAVLJA SE NOVINAR TVSA KOJI NAJAVLJUJE DA SE PREKIDA PRENOS SKUPŠTINE KS ZBOG DNEVNIKA KS.

Nema snimka!/

NASTAVAK TREĆEG DIJELA SNIMKA

Predsjedavajući:

nastavljamo sa radom. Uvaženi Jakupović imate li razloga obrazlagati pauzu ili evo, hajte kratko poslovnički je pa.

Poslanik/zastupnik Vedran Jakupović:

Zahvaljujem predsjedavajući. Mislim da smo preumorni svi i da je trebala malo vremena da dođemo sebi jer smo počeli griješiti na nekim banalnim stvarima. I vama predsjedavajući definitivno malo da odmorimo i evo nastavljamo. Hvala vam.

Predsjedavajući:

zahvaljujem. Uvaženi ministre Mesihoviću jeste li spremni da nastavite? Bila je doktorica Pilav u vašem kabinetu pa dajem riječ ministru Mesihoviću.

Direktorica Zavoda za javno zdravstvo Aida Pilav:

E ovako, ja u nastavku, obzirom da se vama ministar obratio u ovom uvodnom dijelu, ja ću evo iskoristiti priliku da dam taj taksativni izvještaj Kriznog štaba Ministarstva zdravstva Kantona Sarajevo koji one aktivnosti koje smo mi provodili od trenutka kada je formiran, kao dio evo tako bih rekla kantonalnog Ministarstva, od rješenjem od 04.02. pa zaključno sa 14.04. mislim da je to taj kada smo mi napravili ovaj izvještaj i predali ga na te službe. Ja ću iskoristiti priliku da kažem zbog nekog razumijevanja šta zapravo krizni štab Ministarstva zdravstva Kantona Sarajevo jeste, radi se o obavezi koja kantonalna Ministarstva zdravstva imaju u trenutku proglašenja javno zdravstvene prijetnje prema SZO, ponavljam još jednom, to je savjetodavni štab ili savjetodavno tijelo, što znači da svi drugi zakoni pozitivni propisi vrijede. To je period, krizni štab kao savjetodavni podrazumijeva da su i dalje na snazi pozivni propisi. Konkretno oblasti zdravstva, to je Zakon o zdravstvenoj zaštiti, Zakon o zaštiti stanovništva zaraznih bolesti, Zakon o liječništvu, Zakon o pravima i dužnostima i obavezama pacijenata, što bi se odnosilo na ovu predmetnu situaciju. Federalni ministar zdravstva je 3.02.2020.godine izdao Naredbu kojom se određuju nadležna djelovanja

kantonalnim ministarstvima zdravstva, te je Kantonalno ministarstvo zdravstva Kantona Sarajevo Rješenjem 04.02.2020. godine imenovao Krizni štaba. Bilo je nekih personalnih izmjena, dozvolite mi da ja iščitam ko su članovi Kriznog štaba trenutno. Velim nekoliko personalnih izmjena je bilo zbog reimenovanja direktora, tako da sam ja ovdje primus interparis, prva među jednakima i u ime svojih kolega zapravo predstavljam krizni štab. Članovi kriznog štaba su pored mene prim.mr. dr. Alma Bungur specijalista epidemiolog iz Zavoda za javno zdravstvo Kantona Sarajevo, doc. dr. Rusmir Baljić, specijalista infektolog u ime KCUS, dr. Muhamed Ahmić v.d. generalni direktor u prethodnom sazivu bio je prof. dr. Mehmed Kulić, prim. dr. Zlatko Kravić, direktor Opće bolnice Prim. dr. Abdulah Nakaš, magistar Adem Zalihić direktor ZHMP, Kemal Cacan, u to doba bio je v.d. direktor KUCZ KS, još uvijek je u članstvu, izmjena nije bilo, Amra Isić, diplomirani pravnik, sekretar Ministarstva, ispred Ministarstva zdravstva Kantona Sarajevo, Azra Đozo, diplomirani žurnalista, ispred Službe za protokol i press Vlade Kantona Sarajevo, i Jelena Pekić magistar ekonomije ispred Direkcije robnih rezervi.

Član je bila također i gospođa dr Aida Đinović u ime Kantonalne inspekcije, prije nekoliko dana je zamolila da iz privatnih razloga istupi. I mi čekamo novo imenovanje ispred Kantonalne uprave inspeksijskih poslova. Tako da se evo informiramo i o punom sastavu Kriznog štaba.

Dakle, prema Zakonu o zdravstvenoj zaštiti kada se formira krizni štab u ovim situacijama ima zadatak savjetodavni i da koordinira na neki način u kriznoj situaciji odnosno u novonastaloj situaciji da koordinira rad zdravstvenih ustanova koje djeluju po zakonima kako trebaju da djeluju. Nakon što smo imali prve sastanke, napravljen je prvi draft imali smo obavezu prema Federalnom Ministarstvu da pripremimo svi kantoni da pripreme svoje planove pripravnosti u ovoj situaciji i na jednom od naših prvih sastanaka shodno planu koji smo mi zajedno pripremali, sve zdravstvene ustanove su trebale aktivirati svoje planove pripravnosti a vezano za provedene opštih i posebnih mjera zaštite stanovništva od zaraznih bolesti onako kako to stoji u Zakonu o zaštiti stanovništva od zaraznih bolesti. U Izvještaju koji ste vi dobili na petoj strani tačno ima razrađen plan aktivnosti neposrednih učesnika u sprovedbi kriznog plana pripravnosti. Što je zapravo ovdje bilo krizno? Proglašenje zaraze novim koronavirusom kao javno zdravstvenom prijetnjom, nekoliko glavnih aktera je prepoznato od samog početka te tačnim aktivnostima koje trebaju provodi te je kantonalno Ministarstvo zdravstva, Zavod za javno zdravstvo Kantona, DZ Kantona, Opća bolnica Prim. dr. Abdulah Nakaš, JU HMP, KCUS, KUIP i KUCZ. Ovo su ovom lancu glavne institucije koje djeluju na prvoj liniji i naravno sa svim preporukama koje idu prema drugim zdravstvenim ustanovama. Na samom početku, a po naredbi federalnog ministarstva zdravstva, mi smo u februaru mjesecu draftali i dorađivali krizni plan pripravnosti. Bila nam je obaveza da do sredine februara uputimo ga prema Federalnom Ministarstvu zdravstva onako kako je to od nas zahtijevano, te je taj krizni štab pripravnosti, evo to nam je rečeno u Federalnom Ministarstvu, Kanton Sarajevo je posao prvi. Ne među prvima, nego je poslao prvi. U tom prvom kriznom planu pripravnosti dakle u februaru mjesecu razvijena su četiri osnovna algoritma, a to je algoritam postupanja preko ulazne tačke u Kantonu Sarajevo jer je to bio period kada virus bio aktivan u Kini, a mi smo prema preporuci SZO odmah razvili djelovanje na ulaznim tačkama to je međunarodni aerodromu Sarajevu, način stavljanja pod nadzor. Ne smijemo zaboraviti da je u tom periodu u februaru mjesecu veliki broj turista iz tih dijelova svijeta bio prisutan u Sarajevu. Onda je razvijen algoritam postupanja kod osoba sa simptomima i ili pozitivnom epidemiološkom anketom. Znači naši sugrađani koji su dolazili iz tih ugroženih područja. U tom periodu to je bila Kina, to je bila Južna Koreja, poslije su se pojavljivale i razne druge zemlje, dok se negdje krajem februara ta situacija nije desila u Europi i onda se širila lista zemalja i naši sugrađani i gosti iz tih dijela Europe su bili praćeni na tim tačkama ulaska. To je bilo u punoj koordinaciji sa Federalnom inspekcijom. Razvijeni algoritam postupanja kod sumnjivog slučaja u Kantonu Sarajevo, upravljanje

sumnjivim slučajevima u kućnim uslovima, i algoritam postupanja kod sumnjivog slučaja u Kantonu Sarajevo, upravljanje slučajevima sa akutnim respiratornim tegobama van kućnih uslova, aerodrom, hotel u toku boravka u Kantonu Sarajevo. Velim u tom periodu mi smo imali usku saradnju i stalnu koordinaciju to je zapravo bio krizno u toj situaciju sa svim hotelskim kapacitetima. I ne smijemo zaboraviti prvi testirane osobe u Kantonu Sarajevo na novi koronavirus bila tri kineska državljanina kraj februara mjeseca. Dakle, u narednom periodu kako se mijenjala situacija, kako je virus dolazio u Europu, region i zemlje u okruženju i konačno BIH, pomenutim algoritmima se ova četiri osnovna razvijena se postupalo i postupa dana po nekoliko izmjena. Naime, shodno izmjeni epidemiološke situacije doradjeni su algoritmi kretanja pacijenata u Kantonu Sarajevo, prvenstveno se odnosi na postupanje u DZ, Opštu bolnicu Prim. dr. Abdulah Nakaš, na taj način radilo se i radi i shodno izmjeni epidemiološke situacije pravimo izmjene. Evo mi smo napravili u aprilu dali savjetodavno djelovali prema kantonalnom Ministarstvu zdravstva sa nekim mogućnim izmjenama. Evo danas imamo obavijest naš član kriznog štaba dr. Muhamed Ahmić je krenuo sa postavljenjem COVID centara i COVID ambulanti pri DZ Kantona Sarajevo. U planu Kriznog štaba Kantonalnog Ministarstva zdravstva odmah na početku su definisani principi strategije prevencije i kontrole infekcije u bolničkim slučajevima s pacijentima sumnjivim ili pacijentom oboljelim od COVID i prema preporukama SZO Europskog centra za kontrolu bolesti preporuke se ažuriraju shodno ažuriranju ovih međunarodnih institucija. Jedan od naših zaključaka na sastanaka kriznog štaba da je web stranica ZZO Kantona Sarajevo zapravo resursna stranica na kojoj možete naći sve aktuelne prevode, kontinuirano se prevode svi potrebni dokumenti i bivaju na taj način dostupni svim onim koji trebaju. Do 14.04 održano 15 sjednica Kriznoga štaba. Kroz cijeli februar do 18. marta kada je proglašeno stanje nesreće, krizni štab kantonalnog Ministarstva zdravstva je imao ulogu izdavanja naredbi. Mi smo u tom periodu izdali dvije naredbe, jedna je bila 10.03. 2020.godine, druga je 12.03.2020.godine. Prenoseći sve naredbe Federalnog Ministarstva zdravstva, neke od njih smo smatrali da trebamo doraditi, to je bio razlog što smo mi proširili svoje dvije kantonalne naredbe. I ovdje je vrlo važno istaknuti da je u naredbi u tim naredbama se nalaže da shodno raspoloživim bolničkim posteljnim kapacitetima hitno se napravi preraspodjela posteljnih kapaciteta u Kantonu Sarajevo, kako bi se omogućavalo zbrinjavanje većeg broja oboljenja u bolničkim zdravstvenim ustanovama na području Kantona i praktično ona je od tada još uvijek važeća. Isto tako naloženo je zdravstvenim ustanovama da pripreme planove stavljanja zdravstvenog kadra na raspolaganje za potrebe zbrinjavanja većeg broja oboljelih u zdravstvenim ustanovama na području Kantona Sarajevo a sukladno odredbama Zakona o zaštiti stanovništva od zaraznih bolesti što je bilo sljedivo federalnim naredbama. Pitanje smještajnih kapaciteta u KCUS u periodu februara mjeseca shodno ovom našem planu pripravnosti pripremljena Klinika „Podhrastovi“ kao smještajni hospitalni kapacitet sa uslovima za prijem i tretman pacijenata sa sumnjivom i potvrđenom COVID-19 infekcijom. U ovaj kapacitet ulazi i poseban smještajni izolacijski prostor dvije sobe (4 kreveta) sa negativnim tlakom, kao mjera koja se primjenjuje kod uzročnika koji se šire aerosolom, a za najteže pacijente i to je jedini takav kapacitet u FBiH. U tom periodu, februaru kada je nama još virus bio jako daleko, bile su velike aktivnosti tog kriznog štaba.

Specificirana je potrebna zaštitna oprema i nabavka predata na postupanje Kantonalnoj upravi Civilne zaštite, kada je Vlada Kantona Sarajeva u starom sazivu Zaključkom od 27.02. odobrila sredstva, 150.000 KM, za nabavku zaštitne opreme za dvije zdravstvene ustanove, obzirom da su dvije zdravstvene ustanove u Kantonu, Kantonalna uprava civilne zaštite smatraju ih svojim službama, a to je Zavod za javno zdravstvo Kantona Sarajevo i Opće bolnice „Prim. Dr. Abdulah Nakaš“. Nabavke su još uvijek u toku, obzirom da u tom periodu nismo uspjeli sva sredstva realizirati obzirom da je već u tom periodu bila nestašica zaštitne opreme jer je data nabavka za posebnih ugovorom sa Kantonalnom upravom CZ. Institut za mikrobiologiju KCUS-a je referalna laboratorija SZO i u februaru mjesecu je bila takva

situacija praktično radilo se o novom virusu i vi kada imate novog uzročnika vi posebno morate razvijati testove. To nisu bili gotovi testovi, trebalo se ispitati kakav je uzročnik i shodno tome razvijati testove i prvi testovi su došli, oni nisu bili komercijalni oni se nisu mogli u tom periodu kupiti i prvi testovi su došli kao donacija SZO bio prvi kontingent 100 testova za BIH, tj 500 za FBIH, 500 za RS i nakon toga u jednom navratu bila je donacija od 750 testova. I tek negdje u martu mjesecu u prvoj polovini marta mjeseca ovi testovi za PSR postali su komercijalni i kao takvi su bili na tržištu i mogli se nabaviti. Od tada pa do danas Federalna uprava CZ proglašenjem stanja nesreće od 18.marta je ušla u proces nabavke, tako da svi testovi koji dolaze u FBIH dolaze iz tog kontingenta. Isporuca testova koja je bila prije nekih 20 dana je bilo 150 000 testova za FBIH. Ono što je nama značajno, uvijek na to ne smijemo zaboraviti, to je pored testova jako bitno da se nabavljaju brisevi i transportne podloge koje se onda dijele prema zdravstvenim ustanovama, praktično na licu mjesta uzimati brisevi. Do sada u Kantonu Sarajevo je isporučeno, evo i danas je bila jedna isporuka, do sada isporučena oko 10.500 transportnih podloga, tako da uopće nema razloga za zabrinutost. Od toga je naravno nešto potrošeno. Broj testiranja do sada je bio malo manji od 3000. sasvim je dovoljan broj transportnih podloga i briseva za Kanton Sarajevo i mi ćemo u narednom periodu,upravo danas sam rekla na obraćanju javnosti, mislim ovdje u Skupštini, početi sa tom trećom linijom prioriteta, testiranja asimptomatskih prioriteta, to su zdravstveni radnici, i njegovatelji u staračkim domovima, najizloženiji zdravstveni radnici, javne službe. A pri tom smo razvili jedan klan ulaska u epidemiološka, serološka testiranja o kojima sam ja nešto jutros govorila. Ono što smo isto tako počeli vrlo brzo da radimo u Kantonu Sarajevo u odnosu na sve druge kantone, to su, i dan danas uvijek najmanje jedan korak ispred 18.03.2020 Zavod za informatiku i statistiku Kantona Sarajevo i Zavod za javno zdravstvo Kantona Sarajevo u saradnji sa (nerazumljivo) Sarajevo, informatičkom kućom uspostavili su web aplikaciju za praćenje prisutnosti COVID-19 na području Kantona Sarajevo i linkovi su na web stranici Vlade Kantona Sarajevo. Finalizira se nekako paralelno sa tim završavam taj proces informatizacije u Kantonu Sarajevo. Ja dolazim iz Zavoda za javno zdravstvo Kantona Sarajevo i kažem samo sam jedan od direktora koji su dio ovog kriznog štaba. Zavod za javno zdravstvo Kantona Sarajevo je članom 119. Zakona o zdravstvenoj zaštiti odgovoran za provođenje zdravstveno statističkih potraživanja i do sada ne znam iz kojeg razloga, perioda u kome ja nisam bila, Zavod nije bio dio informacionog sistema Kantona Sarajevo. Ova situacije je bila idealna da se Zavod za javno zdravstvo koje jedna najznačajnija institucija za provođenje zdravstveno statističkih istraživanja i prikupljanjem podataka pripreme studija i indikatora o stanju zdravlja Kantona bude dio te potpune informatizacije. U ovom periodu je ubrzano Zavod u to uključen što je jako značajno zbog ti svih epidemioloških parametra i praćenje epidemije u prethodnom periodu. Ovo je nama u umnogome omogućilo da imamo pristup e-kartonima da bi pratili procese epidemiološkog nadzora. To su ti procesi samoizolacije, procesi testiranja, procesi obesključenja kako bi rekli epidemiolozi, jer vi kada imate nekog zaraženog koronavirusom, oni nemaju svi srećom, teške kliničke slike, oni trebaju proći kroz dva procesa retestiranja, da bi njihov doktor porodične medicine mogao da zaključi zajedno sa epidemiologom i dogovorimo o oporavljenim slučajevima. To je ono što redovito izvještavao. Evo recimo na primjer potpuni broj izliječenih danas ono što sam ja iznijela na pressu je 22. a aktuelno aktivan broj zaraženih koronavirusom u Kantonu Sarajevo je 74. to je taj omjer koji čini 1:0,3. Na jedan pozitivni 0,3 oporavljenih. To je podatak koji redovito pratim. A ponavljam, po meni jako bitno, kroz ovaj proces informatizacije. U ZZO Kantona Sarajevo kroz taj plan pripravnosti jer je ZZO bi prvi na udaru, jer su prve priče bile epidemiološke priče, od februara 2020 uspostavljene su četiri broja telefona za kontakt s Epidemiološkom službom jer kažem u početku se isključivo kontaktiralo s epidemiološkom službom, a početkom marta je uspostavljen telefonski brojevi u DZ. 01.04.2020 godine napravljen je ugovor sa BH Telecomom i otvoreni su call centri Zavoda za javno zdravstvo Kantona. I sada od 01.04. ima

taj jedinstveni broj 081920333 za zdravstveni epidemiološki nadzor zbog sumnje na oboljenja na COVID. Kako se situacija razvijala i pojavili se prvi slučajevi oboljeli zaraženi od novog virusa u BiH 05.03, pa onda 11.03. u Konjicu i prvi slučaj u Kantonu Sarajevo je bio 23. tako su se pomijerali ti kontakti više prema DZ i onda su nekako ljudi sa akutnim respiratornim simptomima prvo se javljali, već se govorilo o lokalnoj transmisiji virusa, dakle to više nije bio importovani virus koji dolazi iz susjednih zemalja tako u trenutku lokalne transmisije virusa onda su pacijenti sa svim tim simptomima koji su bili sumnjivi na zarazu novim koronavirusima više bili usmjeravani prema porodičnoj medicini odnosno DZ shodno tome i oni su u DZ razvijali svoje call centre. 18.03. kada je SZO proglasila pandemiju otprilike tada i u dan dva BiH je dakle proglasila stanje nesreće i u tom momentu komandu je preuzela Federalne uprava CZ. Kod nas kantonalna uprava CZ gdje smo mi pridodati za ovaj zdravstveni dio. I odmah 19.03 u saradnji sa KUCZ dispečerski centar otvoren je jedan kontakt telefon zdravstveni preko broja 121 koji je dostupan 24 sata i na koji se javlja dežurni ljekar ZJZ za opšte informacije i dodatne medicinske savjete najčešće se podnosi na prijave kršenja samoizolacije, zdravstveni savjeti sa mogućim simptomima COVID, opće informacije o koronavirusu, upućivanje u nadležne zdravstvenu ustanovu, davanje zdravstvenih savjeta. Do 14.04. zabilježeno je 223 poziva od čega 100 koji se odnose uglavnom na prekršaj samoizolacije. U trenutku proglašenja nesreće po članu 188. Zakona o zdravstvenoj zaštiti FBiH odlukom kantonalnog ministra zdravstva uvedeno je novo radno vrijeme, tačnije produženo je radno vrijeme nekoliko zdravstvenih ustanova, to su JU Zavoda za javno zdravlje i radno vrijeme je do 22 sata, JU Dom zdravlja također radno vrijeme do 22,00 sata i JU Zavod za medicinu rada do 22 sata. Dakle to su tri zdravstvene ustanove kojima je to promijenjeno a shodno to svako od zdravstvenih ustanova rekla sam od samog početka bio je dužan da napravi vlastite krizne planove koji su dostavljeni u kantonalno Ministarstvo zdravstva. U sklopu reorganizacije, shodno razvoju epidemiološke situacije, Krizni štab Kantonalnoga ministarstva zdravstva, je dana 15.03. dao nalog zajedno sa Kantonalnom upravom CZ za postavljanje su trijažnih šatora koje su kasnije direktori DZ vremenom su donešeni kontejneri kao općinske donacije i samim tim sredinom marta mjeseca počinju na neki način da DZ rade trijaže unutar zdravstvene ustanove.

10.03.2020. godine pripremljene informacije sa zaključcima za Vladu KS kada je Vlada KS svojim zaključkom zadužila Kantonalno ministarstvo finansija da na osnovu dostavljene informacije i realne mogućnosti pojavnosti većeg broja oboljelih od zaraze novim koronavirusom, a u vezi sa članom 13. stav 2. Zakona o zdravstvenoj zaštiti FBiH razmotri mogućnost izdvajanja sredstava iz budžeta Kantona Sarajevo za nabavku potrebne odgovarajuće opreme, u iznosu od 900.000,00 KM za Klinički centar Univerziteta u Sarajevu i 400.000,00 za J.U. Opća bolnica „Prim. Dr Abdulah Nakaš“. S tim u vezi, Kantonalno ministarstvo finansija pripremilo je za Vladu Kantona Sarajevo Odluku o izdvajanju sredstava iz Budžeta Kantona Sarajevo, te su nabavke realizirane i u fazi realizacije. Dosta se danas pričalo o respiratorima, u tom momentu kada govorimo o početku trećeg mjeseca, nabavka je išla preko kantonalnog Ministarstva finansija ali bilo je nama u našim razgovorima jer smo vodili o tome diskusije, to je bilo onako vrlo bremenito vrijeme kada je do respiratora bilo vrlo teško doći, tada se naravno kako se situacije mijenja, tako se mijenjaju i ti pristupi u tretiranju i praćenju epidemije novim koronavirusom.

Krizni štab je učestvovao u koordinaciji priprema zajedno sa svim zdravstvenim ustanovama specifikacije za potrebnu zaštitnu i medicinsku opremu na nekoliko potencijalnih dobavljača, o tome se danas isto govorilo, Vlada Kantona Sarajevo je napravila ugovor sa UNDP i sa Zavod za javno zdravstvo Kantona Sarajeva krenulo se u te nabavke, u martu mjesecu to su bile onako nedostižne stvari, govorilo se o stranim tržištima. Srećom kako se vrijeme razvijalo tako se i domaći proizvođači u to počeli uključivati. I već danas imamo na tržištu dostupnu zaštitnu opremu domaćih proizvođača.

U periodu kako se situacija razvija pozvane su sve privatne zdravstvene ustanove da stave na

raspolaganje sve materijalne, tehničke i ljudske kapacitete u slučaju potrebe, te su pristigli dopisi iz privatnih zdravstvenih ustanova, sakupljalo je kantonalno Ministarstvo zdravstva mi ih imamo. Isto je nama dato u kriznom štabu na uvid. I to je bio period kada smo mi očekivali gledajući Italiju da se neke stvari mogu odvijati u nekom težem scenariju. Srećom da danas kraj aprila možemo reći da zaista dobro kontroliramo epidemiju javno zdravstvene mjere koje su uvedene na vrijeme jer smo mi 18.03 počeli sa zatvaranjem škola ,predškolskih ustanova, fakulteta, gdje su najveća pomjeranja tih skupina. A poslije i zaustavljanje kretanja ljudi 65 i više godina. Zaista je to urodilo o dovelo je dobrih rezultata. Nekada Ustavni sud govori o tome da je to povreda ljudskih prava, i želim istaknuti kao dugogodišnji javni zdravstveni profesionalac i moj otac ostaje kući u dobi od 80 i koliko godina. Jako je važno sačuvati u takvoj vrsti epidemija kao što su pokazale zemlje u okruženju jako važno sačuvati tu najosjetljiviju starosnu skupinu jer zapravo kod njih zaraza ovim novim virusom dovodi do najteže kliničkih slika i oni su ti koji najčešće završavaju nažalost na respiratoru. Ja sam neki dan u obraćanju jer smo radili analizu, prosječna starost koji su bili hospitalizirani na KCUS je 57,7 godina što znači to su ljudi, evo na žalost bila gore tri smrtna ishoda ali baš na KCUS, ali je jako važno da smo, na respiratoru su bili od njih 2 osobe. Ali jako je važno ponavljam još jednom da smo mi uspjeli zaštititi ovu najvulnerablelniju skupinu. Ponavljam još jednom, to bi bila starosna skupina koja bi završavala na respiratoru.

Naredbom Kriznoga štaba kada je već Krizn štab KUCZ preuzeo potpunu komandu od 22.03.2020 Građevinskom fakultetu UNSA naloženo je ustupanje jednog dijela prostora KCUS za potrebe eventualnog zbrinjavanja pacijenata zaraženih novim koronavirusom. Pripremljen je u jednom dijelu Građevinskog fakulteta. Primljen je u holu u prizemlju pripremljeno je 200 kreveta. Kreveti su napravljeni dopremljeni iz FUCZ na sličan način prostori izolatorija pravljani si u drugim kantonima.

Naredbom Kriznog štaba Kantonalne uprave Civilne zaštite od 29.03.2020.godine, a na prijedlog Kriznoga štaba Kantonalnoga ministarstva zdravstva, J.U. Opća bolnica „Prim dr Abdulah Nakaš“ dobila je zadatak da procijeni potrebu za dodatnim kapacitetima, i da, ukoliko je neophodno angažira dodatne resurse i sa njima sklopiti ugovore o poslovnoj saradnji. Prema u tom periodu najveći interes je bio za laboratorijske kapacitete, međutim moramo voditi računa da zakone, po Zakonu o zaštiti stanovništva od zaraznih bolesti iz koga proizilazi veliki broj pravilnika a jedan od njih je pravilnik o uvjetima koje moraju ispunjavati laboratorije koje izoluju uzročnike zaraznih bolesti, to je pravilnik kojim se privatne laboratorije ne mogu baviti time i s tim u vezi je donesena Naredba federalnog ministra zdravstva u kome su za područje FBiH proglašene evo da kažem dvije, od Federacije za KS dvije laboratorije koje mogu to raditi. To je Institut za mikrobiologiju KCUS i Veterinarski fakultet UNSA.

Zgrada stare „Garnizone ambulante“ u krugu J.U. Opće bolnice „Prim dr Abdulah Nakaš“ je odlukom Federacije BiH, a na zahtjev Vlade Kantona Sarajevo dodijeljena na korištenje je Zavodu za javno zdravstvo Kantona Sarajevo, a u cilju pripreme izolatorija za potrebe Kantona Sarajevo. U toku su aktivnosti dovođenja zgrade u funkcionalno stanje i za pripremu eventualnog izolatorija u narednom periodu.

Rade se redovite web objave sa svim informacijama za građanstvo na web stranicama Zavoda za javno zdravstvo Kantona Sarajevo, kao referentne web stranice u pandemiji novim koronavirusom.

Rade se kontinuirani prevodi materijala Svjetske zdravstvene organizacije (SZO) i Evropskog Centra za kontrolu bolesti (ECDC).

Kontinuirana koordinacija i subordinacija sa Kriznim štabom Federalnoga ministarstva zdravstva.

Imamo redovite kontakte sa SZO Uredom za BiH.

I koordiniramo sa IOM i DRC organizacijama, sa kojima, već u februaru mjesecu mi kao krizni štab smo ušli zajedno, tu su nam jako pomogla naša policija, odnosno MUP pa smo mi

na samom početku smatrali da je ovo vrlo značajna vulnerabilna populacija, gdje mi moramo odmah na početku poraditi i dobivamo informacije o tome je jutros govorio ministar Jusko. Mi imamo redovne informacije i pomogli smo kolegama iz ovih organizacija da naprave izolatorije, da naprave odvojene prostore u slučaju pojave novog korona virusa među migrantskom populacijom. MUP je zaista dao i više od maksimuma da ta migrantska populacija završava u tim kampovima koji su naravno nedovoljni u kapacitetu u odnosu na migrantske populacije koja se tada zatekla u Kantonu Sarajevo. Mislim da je bilo jutros jedno od pitanja, mota mi se negdje po glavi nisam odgovorila, istovremeno kao Krizni štab kantonalnog Ministarstva zdravstva išli smo da ostvarimo kontakte sa svim drugim međunarodnim institucijama koje su u Kantonu Sarajevo ne samo da imamo saradnju sa UN agencijama nego da omogućimo UN osoblju da im damo instrukcije na način na koji će se kretati u zdravstvenom sistemu Kantonu Sarajevo. Nedavno smo imali posjetu NATO bazi zato što je jedan od njihovih, radilo se o uveženom virusom, jedan od pripadnika iz te baze bio je korona pozitivan i mi smo dali odgovarajuće instrukcije. Stupili s njima u kontakt i dali potrebe instrukcije za nastavak njihovog eventualnog tretmana unutar sistema zdravstvene zaštite u Kantonu Sarajevo. To je bio EUFOR. Instrukcijama smo išli prema svim diplomatskim i konzularnim predstavništvima i ambasadama gdje je glavna tačka javljanja Zavod za javno zdravstvo Kantona Sarajevo koji bi dalje tim članovima tih diplomatskog kora dalo instrukcije kako da se kreće u zdravstvenom sistemu Kantonu Sarajevo. Mi imamo redovito obraćanje medijima preko Press Vlade Kantona Sarajevo svaka dan u 13,00 sat sa svježim podacima. Osnovnim podacima vezanim za kretanje broja i epidemije u Kantonu Sarajevo. Bezbrojna su naša obraćanja, gostovanja na svim televizijama, našim medijskim kućama i dalje djelujemo po preporukama Štaba Federalnog Ministarstva zdravstva posebno u ovom dijelu koji se odnosio na karantenu. Karanten je nešto novo, za nas prvi put. Nešto što se desilo od 72, mislim da su to bili posljednji karanteni u bivšoj Jugoslaviji. Tu mjeru mi nikada nismo do sada sprovodili. I tako da dozvolit ćemo u nekim svojim razgovorima i vi svi skupa, ima nekih neusklađenosti s obzirom da se to sve iznenada nama svima u cijeloj FBiH desilo, ali mislim da smo se dobro uhodali, na najbolji mogući način koliko je to moglo u Kantonu Sarajevo.

Krizni štab je praktično u stalnom zasjedanju i kontinuirano referišemo prema Kantonalnom ministarstvu zdravstva čiji sam na neki način savjetodavni organ, odnosno redovito referišemo prema Vladi Kantona Sarajevo. Procjene kažu da se očekuje da će dalje globalno širenje slučajeva biti zabilježeno u bilo kojoj zemlji, tako da sve zemlje i dalje trebaju bez obzira što mi sada imamo dobre rezultate uspjeli smo javno zdravstvenim mjerama da prekinemo širenje virusa na neki način. Sve zemlje treba i dalje da budu pripravne da mjere ograničenja, uključujući aktivni nadzor, rano otkrivanje izolacije, zbrinjavanje slučajeva, nalaženje kontakata, i prevenciju daljeg širenja COVID 19.

Zbog stalne promjene epidemiološke situacije u svijetu, Evropskom regionu, Bosni i Hercegovini, Federaciji Bosne i Hercegovine i Kantonu Sarajevo, sistem zdravstvene zaštite se mora stalno prilagođavati novonastaloj situaciji. Eto hvala vam.

Predsjedavajući:

Zahvaljujem. Sljedeća ima riječ uvažena ministrica Glamoč Nihada. Da li ste spremni?

Ministrica Nihada Glamoč: UVODNO IZLAGANJE

(UVODNO IZLAGANJE SASTAVNI DIO INFORMACIJE DOSTAVLJENE U MATERIJALU)

Predsjedavajući.

Uvažena ministrice imamo poslovničku intervenciju uvaženog zastupnika Konakovića, ja vas moram prekinuti i dati riječ Konakoviću. Izvolite Konakoviću.

Poslanik/zastupnik Elmedin Konaković:

hvala predsjedavajući. Ministrica je upravo čitala koliko je količine izuzetog alkohola podijeljeno kojim bolnicama. I podsjećam vas da je već punih sat vremena kako ste krenuli sa sjednicom, slušamo izvještaj drugog Ministarstva, a imamo još jednu jednako važnu tačku nakon ovoga. Nikada se nije dešavalo da ovako opširno i nekorektno ljudi govore, Poslovnik propisuje, ne baš egzaktno, da red na sjednici drži. Kolege su ostale duže od sedam., kako ste na najavili. Vrlo smo raspoloženi da o ovome diskutujemo ali vas molim da upozorite ministre da pričaju konkretno i svrsishodno. Čuo sam zaista more nebitnih informacija, a nisam čuo jako puno bitnih. Imao sam potrebu (izgubila se konekcija).

Predsjedavajući.

Evo ja vam se zahvaljujem na sugestiji. Svakako molim ministre i ministre da se drže tačke dnevnog reda, da nije Izvještaj o radu ministarstava nego Informacija Vlade Kantona Sarajevo i Štaba CZ o poduzetim aktivnostima po resorima u vezi sprovođenja mjera radi sprječavanja širenja zarazne bolesti koronavirusa. Evo ja vas molim i ostale ministre koji su se prijavili u nekom okviru od pet minuta iznesu ono što se tiče informacije. Možete nastaviti ministrice Glamoč.

Ministrica Nihada Glamoč.

Zahvaljujem. Ja sam upravo privela kraju i pozdravljam.

Predsjedavajući:

Sljedeći ima riječ uvaženi ministar Anis Krivić.

Ministar Anis Krivić: UVODNO IZLAGANJE

(UVODNO IZLAGANJE SASTAVNI DIO INFORMACIJE DOSTAVLJENE U MATERIJALU)

Predsjedavajući:

Zahvaljujem ministre Kraviću. Jasna Agić je sljedeća. Da li ste spremni uvažena ministrice Agić?

Ministrica Jasna Agić: UVODNO IZLAGANJE

(UVODNO IZLAGANJE SASTAVNI DIO INFORMACIJE DOSTAVLJENE U MATERIJALU)

Predsjedavajući:

Ja bih vas lijepo molio, taj materijal smo dobili zaista. Ako imate nešto što bi bilo još dodatno. I molio bih ostale ministre da skrate.

Ministrica Jasna Agić:

mislim da sam bila najkraća i pri kraju sam. Evo.

Predsjedavajući:

Zahvaljujem. Uvaženi ministar Adi Kalem.

Ministar Adi Kalem: UVODNO IZLAGANJE

(UVODNO IZLAGANJE SASTAVNI DIO INFORMACIJE DOSTAVLJENE U MATERIJALU)

Predsjedavajući:

Zahvaljujem uvaženi ministre. Sljedeći ima riječ uvaženi ministar Ismir Jusko.

Ministar Ismir Jusko: UVODNO IZLAGANJE

(UVODNO IZLAGANJE SASTAVNI DIO INFORMACIJE DOSTAVLJENE U MATERIJALU)

Predsjedavajući:

Zahvaljujem uvaženi ministre Jusko. Još imamo prijavljenog uvaženog ministra Halebića i nakon toga ćemo kreuti sa pitanjima.

Ministar Jasmin Halebić: UVODNO IZLAGANJE

Predsjedavajući: Zahvaljujem ministre, mislim da smo završili s predlagateljima. Prelazimo na realizaciju pitanja. Da li predstavnici radnih tijela žele riječ? Niko se nije javio. Ima li pitanja? Ima. I to ovim redoslijedom: Kerla, Viteškić, Kristić, Hodžić, Konaković, Marić, Marjanović, Bajramović i Jakupović. Uvažena zastupnica Kerla imate riječ.

Poslanik/zastupnik Bibija Kerla:

Hvala lijepa. Prije svega želim da čestitam Kriznom štabu i svim ministrima Kantona Sarajevo na svemu onome što su do sada odradili bez obzira što opozicija udara sa svake strane i kažu dan nisu ništa uradili. Ja mislim da su uradili i te kako. Želim da postavim par pitanja na koja tražim usmeni odgovor, prije svega Ministarstvu zdravstva. Kada zdravstvene ustanove u Kantonu Sarajevo vrše zdravstveni nadzor nad slučajevima zaraženim koronavirusom. Ja imam dosta primjera gdje krajem januara i početkom februara bilo dosta bolesnih i da li postoji uopšte mogućnost da se ti ljudi testiraju, da se vidi da li postoje antitijela kod tih ljudi da se zna da su prebolovali koronavirus, jer u tom momentu još uvijek niko nije vodio računa da u BIH možda postoji koronavirus. Dalje, gospođa Aida Pilav je rekla da je naloženo zdravstvenim ustanovama da pripreme planove stavljanja zdravstvenog kadra na raspolaganje za potrebe zbrinjavanja većeg broja oboljelih u zdravstvenim ustanovama na području Kantona Sarajevo. Interesuje me koliko se stvarno zdravstvenih radnika odazvalo ovoj naredbi, da li su oni zadovoljni sa onim, da li su brojčano zadovoljni sa odzivom zdravstvenih radnika u Kantonu Sarajevo? Odali smo im danas počast te ja još jedanput čestitam svim zdravstvenim radnicima za sve ono što su uradili. Interesuje me još koliko je do sada distribuirano transportnih podloga i briseva za COVID-19 za Kanton Sarajevo od strane Federalne uprave civilne zaštite. To je što se tiče pitanja za zdravstvo. A što se tiče pitanja za privredu, ja ne znam da li je tu i ministar privrede. Ako jeste ja bih postavila pitanje šta je obuhvaćeno povećanjem redovnih podsticaja u poljoprivredi.

Predsjedavajući:

Uvažena zastupnica Kerla to je sljedeća tačka, pa ako možete da sačekate da pitate na sljedećoj tački.

Poslanik/zastupnik Bibija Kerla:

OK ja samo da pitam da li postoji mogućnost da Elektro distribucija, Sarajevo gas, Toplane isključe svoje korisnike ukoliko ne budu uspjeti da plate s obzirom na sve ovo što se dešava u Kantonu Sarajevo? Hvala lijepo.

Predsjedavajući:

Zahvaljujem uvažena zastupnice. Sljedeća ima riječ uvažena dopredsjedavajuća Viteškić.

Dopredsjedavajuća Smiljana Viteškić:

Hvala predsjedavajući. Nadam se da me čujete. Evo nakon silnih pitanja, izvještaja informacija, ja imam nekoliko konkretnih pitanja za Ministarstvo zdravstva. Prvo je koliko je izdato rješenja o zdravstvenom nadzoru, odnosno samoizolaciji u zadnja tri mjeseca? Drugo je pitanje kako se prate bliski kontakti? Postoji li baza podataka o samoizolaciji? Zatim kakva je komunikacija sa socijalnim ustanovama, staračkim domovima i drugim ustanovama socijalnog zbrinjavanja? Koliki je broj testiranih u Kantonu Sarajevo i koliko je to u usporedbi sa zemljama regiona i da li su provedene edukacije svih uposlenika DZ za provođenje testiranja, odnosno uzimanja briseva, a posebno edukacija mrtvozornika koji idu na teren i često moraju uzimati briseve na koronavirus od preminulih osoba. Toliko hvala.

Predsjedavajući:

Zahvaljujem dopredsjedavajuća Viteškić. Sljedeća ima riječ uvažena dopredsjedavajuća Kristić Danijela. Izvolite uvažena kolegice.

Dopredsjedavajuća Danijela Kristić.

Zahvaljujem predsjedavajući. Ja ću imati par pitanja za ministra zdravstva i ministra unutrašnjih poslova. Za ministra Mesihovića prvo pitanje, da li vam je poznato kako je organizovano radno u vrijeme u zdravstvenim ustanovama na području Kantona Sarajevo? Trenutno na KC u Sarajevu medicinski kadar je organizovan u turnuse, nema isplata dežura, pa će plata doktorima biti umanjena. Drugo pitanje je kakvo je radno vrijeme nemedicinskog kadra u zdravstvenim ustanovama i da li se poštuju naredbe kriznih štabova o skraćenom radnom vremenu kada je u pitanju nemedicinski kadar? Za ministra unutrašnji poslova prvo pitanje da li imate saznanje da je određen broj migranata smješten u privatnim smještajima? I ako je odgovor da šta ćete uraditi po tom pitanju. Drugo pitanje, da li smatrate da su kapaciteti prihvatnih centara Ušivak i Blažuj dovoljni ili treba proširiti smještajne kapacitete. Treće pitanje, obzirom da u posljednjih nekoliko dana dolazimo do saznanja putem medija da je zabilježen porast slučajeva nasilja u porodici da li znate koji je to procentualni rast i koje radnje planirate poduzeti kako bi se spriječio daljnji porast? Hvala.

Predsjedavajući:

zahvaljujem uvažena dopredsjedavajuća. Sljedeća ima riječ uvažena zastupnica Hodžić Admela. Izvolite.

Poslanik/zastupnik Admela Hodžić:

Zahvaljujem predsjedavajući. Ja imam dva pitanja za ministra Mesihovića. D ali se i u kojoj mjeri prati i kontrolišu rješenja federalne inspekcije, tačnije osoba koje ulaze preko državnih graničnih prelaza? Drugo pitanje, da li je naloženo zdravstvenim ustanovama da shodno raspoloživim bolničkim posteljnim kapacitetima hitno naprave preraspodjelu istih, kako bi se omogućilo zbrinjavanje većeg broja oboljelih u bolničkim zdravstvenim ustanovama na području Kantona. Zahvaljujem.

Predsjedavajući.

Zahvaljujem uvažena zastupnice. Sljedeći ima riječ uvaženi zastupnik Konaković.

Poslanik/zastupnik Elmedin Konaković.

Hvala predsjedavajući. Čujemo se. Ja sam sada s nekim slušalicama jel bolji ton?

Predsjedavajući.

Vidimo da ste se pripremili, znači bit će puno pitanja.

Poslanik/zastupnik Elmedin Konaković.

Za jednu dugu sesiju, maratonsku. Za ministra Mesihovića pošto priča o famoznom protokolu i famoznom algoritmu nikada nismo rasvijetlili do kraja, ovo je prva prilika da javno pitam najodgovorniju osobu u Kantonu Sarajevo ministra zdravlja da mi kaže svoj stav da mi kaže kakav je to protokol i kakav je to algoritam koji ženu oboljelu od koronavirusa drži u kući, teškog i kritičnog stanja, koje je uzrokovalo smrću gospođe Advije Kandić na Ilidži. I da on kaže također da li je taj famozni algoritam ili taj famozni put pacijenta također jednako kriv u slučaju dr. Pašagića, koji je ponovo po informacijama iz medija, nismo imali uživo pitati nekog od naših dužnosnika, u jako lošem i kritičnom stanju došao na KC i vrlo brzo nakon što je priključen na respirator preminuo. Pitanje također iz oblasti zdravstva, (nerazumljivo) možda će opet Mesihović nekom drugom dati da odgovara umjesto njega kao što radi cijeli dan, ali eto mi nemamo (nerazumljivo). Govorit ću sada nekoliko pitanja imam o testiranjima. Vidio sam najavio na KC krećemo u obimna serološka testiranja, dobit ćemo prave informacije nakon što su prvih nekoliko slučajeva potvrdili da su ljudi bliski zaraženim članovima njihovih porodica prebolovali koronu, tako da će to potpuno rasvijetliti taj problem netestiranih ljudi. Vidjet ćete koliko među nama šeta zaraženih. Čini mi se da je ta kampanja serološkog testiranja stala. Da li se ta testiranja obavljaju, koji su rezultati, zašto o tome ne informišete javnost jer već evo više od sedam dana od te onako poprilično pompezne najave nemamo nikakvih rezultata. Još jedno pitanje iz oblasti zdravstva ko je smislio i zašto zatvorili samo privatne stomatološke ordinacije? Sve druge privatne rade a stomatolozi ne rade. Kakva je razlika ljekara koji također u bliskom kontaktu pregleda ljude da ne nabrajam dijelove tijela ili one koji ljudima liječe zube? Zašto ste samo privatne ordinacije zatvorili. Očekujem neki odgovor. Također iz oblasti zdravstva zanima me logika zašto ljude koji se vrate u BiH iz inostranstva za koje nemamo dokaz da su uopšte imali kontakt sa zaraženim zatvarate u neke poluuslovne karantine, a ljude koji su imali direktan kontakt sa zaraženim ostavljate u kućnoj izolaciji. Danas sam dobio informaciju da jedna moj prijatelj, kojeg dobro poznajem, u toj kućnoj izolaciji ostao propisano vrijeme, bio disciplinovan, uradio serološki test i potvrdilo se da je prebolovao ima antitijela, ima koronavirus. Kako vi komentarišete kao stručnjaci izjave vodećih ljudi u FBiH. A na kraju ću pitati ministra Nenadića zašto tako slijepo slušate Federaciju i koji vam je ustavni osnov? Kada vam ministra Mandić, ministar zdravstva 23.03. kaže imamo savršeno dovoljno testova, a jučer kaže treba proširiti obim testiranja, kada vam direktorica KC slavodobitno kaže imamo sve što nam treba, čak 300 kompletnih testova, 16. marta. Ljudi zapamtite, ovo je vrlo bitno. Rekla je imamo 300 kompletnih testova i još nam 500 dolazi. Dakle i kaže to je savršena opremljenost KC te referentne laboratorije a onda 20 dana nakon toga kaže nabavili smo još 150 000 testova. Informacija je da je jučer na KC obavljeno oko 700 testiranja. Po onome što je prof Izetbegović govorila 16 nije bilo dovoljno to što imaju niza jedan dan. A govori se o pripremljenosti i kao mi smo spremni dočekali koronu. Želim da čujem vaše komentare, zašto je 300 testova bilo dovoljno prije mjesec dana za sve potrebe cijele FBiH, a zašto sada te sve potrebe koristimo u roku od šest sati? I zašto se nabavilo 150 000 testova. Želio bih da čujemo to od vas. More ste nepotrebnih informacija rekli u ovom periodu. Čuli smo o oduzetim alkoholima da bi bibliotekari realizuju listu lektira. I to smo čuli. I bibliotekari su dobili to da realizuju. Ministre Halebiću pohvala da zahtjev da se odgode otplate dugova nekoliko ljudi samo o tome govori. Ali mislim da ćemo vas razočarati vi niste dobili odgovor, nismo ni mi koji smo očekivali da se sistemski taj problem riješi. U razgovorima sa MMF, (nerazumljivo) a da onda pričamo o novom dugu zaista pohvaljujem ako ste vi pokretač ove inicijative, jedna od boljih. Sada ponovo nekoliko pitanja jako kasnite sa tim zakonom o uštedama. Zna li matematiku pitam ministra za rad i socijalnu politiku. Zna li ministre Agić koliko novca na mjesečnoj osnovi novog treba da sve nezaposlene koje ste dobili na biro ovih dana? Zna li da je prosjek 300? zna li da zbog zakašnjele reakcije taj

iznos na mjesečnoj osnovi prelazi 1,5 milion mjesečnih potreba ukoliko ovi svi a ne vidim razlog zašto neće tražiti da dobiju nadoknadu za nezaposlene? I shvatate li koja je logika da umjesto da ste na vrijeme ljudima rekli nemojte otpuštati dat ćemo vam novac da platite doprinose, pustili ste 38 punih dana od proglašenja nesreće da 4000 ljudi završi na birou koji će vam tamo ostati garantujem više mjesec. Neće se oni vratiti odmah kada se pandemija završi. T vam je više novca nego što vi sada u Fondu imate. Tih famoznih pet miliona o kojem vi govorite od kada je počela ova priča. Ministre Jusko, jeste li upoznati sa pismom sindikata policije? (izgubio se signal) u kom se ljudi obraćaju svima nama i ti ljudi samo što ne plaću kukajući na postojeći sistem. Dakle koliko su životi policajaca bili ugroženi prije nekoliko dana kada su lovili onog zaraženog što je bježao iz bolnice iz izolatorija Podhrastovi, i da e veći dio njih došao direktni kontakt sa žaraženim. A znate šta su im rekli kada su ga uhvatili? Morali su provesti s njim više sati dok se taj sistem famozni put pacijenta nije odlučio gdje da ga vode i na kraju su ga odveli u bazu ovih strana da ga dole smjeste, ne više u taj famozni izolatorij na Podhrastovima. I može li mi neko sada reći, pošto maloprije ministar Nenadić e završio svoje izlaganje nakon što smo mi govorili o famoznim respiratorima, da je to rekao ministar Nenadić na početku, niko od vas ne bi glasao za onaj Rebalans ZZO. Ministar Nenadić vam je rekao da je u fazi nabavke tih 65 respiratora sa UNDP i govori da to nije, koliko sam ja shvatio, nije ni četvrtina toga realizovana a vi ste na osnovu toga danas usvojili Rebalans ZZO u kojem ima nekih lijekova više miliona. Ministre Nenadiću, molim vas, ovo je prilika da mi uživo odgovorite, zašto lijepo čekamo i slušamo Federalni štab CZ na čelo, a Miličević i Solak od kojih ni jedno, da su najbolji i najčestitiji, najpošteniji, nema pojma sa problemima koji su nas zadeslili koronom, panedemijom i virusom. Jer Zakon o zaštiti i spašavanju ne prepoznaje ovaj oblik nesreće. Nigdje nije preciziran među onih 14 ili 15. ima negdje neki mikro biološki kada su to neki bojni otrovi, bojni napadi jer nema virusa. Zašto mi slušamo slijepo? Koji je to ustavni okvir? Zakon o zaštiti i spašavanju po naredbi Federalnog štaba obavezuje kantonalni štab to je član istog Zakona, (nerazumljivo) koji govore o odgovornosti organa uprave. Vlada i sva resorna Ministarstva imaju svoju odgovornost. Možete li mi reći zašto ne koristite ustavne oblasti koje prepoznaju specifičnost Kantona pa nam daju prostor da kao Kanton drugačije od drugih sami donesemo neke odluke i sami pokrenemo neke aktivnosti. Sve što ste do sada slušali je bilo kao večeras ovaj vaš uvod. Opširno nekonkretno i čekamo da nam neko nešto donira ili da nam kaže federalni štab na čelu s ovo dvoje ljudi od kojih ni jedno ne može biti na čelu štaba šta da se radi sa ovim mjerama koje su na žalost štete. O privredi ćemo u drugom dijelu. Tu sam zadržao veći dio pitanja. Hvala.

Predsjedavajući:

Zahvaljujem. Nadam se da je bilo pitanje za premijera Nenadića a ne za ministra Nenadića. Nemamo u Vladi ministra Nenadića. Ja vam se zahvaljujem Konakoviću. Sljedeći ima riječ uvaženi zastupnik Marić. Izvolite.

Poslanik/zastupnik Zvonko Marić.

Zahvaljujem predsjedavajući. Pozdravljam još jednom srdačno sve. Ja imam nekoliko pitanja ali ću zadržati pravo da diskutiram i dam svoje viđenje svega ovoga nakon ovih iscrpnih izlaganja ministara i premijera o poduzetim mjerama na suzbijanju koronavirusa. Prvo moje pitanje, budući da predsjedavam Komisijom za sigurnost što je neizostavni faktor, i vrlo važan nadasve faktor u pokušaju da se doprinose suzbijanju koronavirusa, moram upoznati i građanstvo koje prati ovu sjednicu, da smo mi razmatrali sve aspekte sigurnosne u Kantonu Sarajevo i volio bih od ministra Juska da čujem, on je sigurno upoznat i sa našim zaključkom koji smo dostavili u pisanoj formi. Riječ je o smještaju migranata njih je tamo oko 2400 i svi su kapaciteti popunjeni. I svako ko se razumije u sigurnost zna da kada neće pomoći žica i ograđivanje zapravo tog dijela u dužini od 1 km, jer naprosto zna se da se to na jedan

jednostavan način žica se pokida i da se može izlaziti. Znači besmislica je govoriti o žici koja bi spriječila izlazak migranata ali mislim da smo mi kroz zaključak željeli uputiti da moguće da je žica, ali sasvim sigurno da treba i ljudstvo da bude u tom dijelu i prevashodno s obzirom da znamo da je policija aktivirana na svim dijelovima u gradu i u Kantonu Sarajevo, da se možda zaštitarske neke firme angažiraju kako bi spriječile masovniji izlazak migranata iz kampa u Ušivaku i u Blažuju. Dakle gospodine Jusko, možete li nam odgovoriti u najkraćem šta se poduzelo na planu osiguranja migranata da izađu. Znamo poslije onog masovnog incidenta i da odam ovom prilikom dužan sam zaista priznanje 18 policajaca, koliko znam specijalaca je spriječilo da ne dođe do tragedije u tom kampu. I u to ime im čestitam. Šta ste poduzeli i da li se može poduzeti nešto da se na neki način osigura taj dio da migranti ne bi masovnije izlazili jer znate koja je opasnost ukoliko bi se samo jedan od migranata bio zaražen šta bi se zapravo tu desilo. Molim odgovor na to pitanje. I također bit će vremena za svojevrsnu hronologiju beščašća ljudi koji na neki način podgrijavaju lošu atmosferu i pokušavaju da unesu nemir kod građana. Šta se dešava, bio je jedan čak i od zastupnika, pa smo o tome govorili na sjednici Komisije za sigurnost, koji je rekao u jednom trenutku da je zaista na neki način ponizio 1600 policajaca koji časno rade svoj posao, tvrdeći da imaju migranti na ulicama Sarajeva. Molim vas da nam pojasnite koja je nadležnost, da li je MUP dužan da obezbijedi mjesto za te migrante, ili je IOM? A samo policije je operativni dio da te ljude smješta jer znamo da je za samo 48 sati sa ulica sklonjeno kada je bilo kapaciteta za smještaj 480 ljudi. Jedno pitanje je došlo od grupe građana koji pitaju evo to je vjerovatno pitanje za šeficu kriznog štaba Kantona Sarajevo gospođu Nihadu Glamoč, i ja sam svjedok da neki ljudi starije dobi uđu u prodavnice, i tržne centre bez maske, rukavica, i premeću tamo i hljeb i hranu itd. Ko je dužan ministrice Glamoč i koji su mehanizmi da se takve stvari spriječe da ti ljudi se ponašaju tako neodgovorno, i na neki način ugrožavaju zdravlje svih onih koji dođu da uzmu one potrepštine. Dakle, oni hodaju. Da li vlasnik radnje, ko to može narediti da ne može u prodavnicu ući niko ko nema masku i rukavice? To je velika opasnost i ne treba podcijeniti tu stvar. Bilo je puno pohvala i čuli smo, moramo priznati i komunalnoj privredi zato i jeste bila danas Deklaracija i pohvala svim ljudima koji u ovim teškim otežanim okolnostima složenim rade, a prije svega mislim na komunalce i mislim da zelene površine Sarajevo rijetko kada bio ovako uređen grad kao što je sada. I zbog njih i tih svih koji su pomenuti u deklaraciji ako može ministar Halebić ili premijer Nenadić da nam kaže da li se ti ljudi mogu nadati martovskoj plaći? Da budu nagrađeni za sva odricanja za vrlo odgovoran i rizičan posao koji obavlja. Sve ostalo ću reći u diskusiji. Hvala.

Predsjedavajući.

Zahvaljujem uvaženi zastupniče Marić. Sljedeći ima riječ uvaženi zastupnik Marjanović. Izvolite Damire.

Poslanik/zastupnik Damir Marjanović:

Zahvaljujem predsjedavajući. Pa dobro, nakon svih ovih pitanja koje su postavljale kolege prije mene, ostaje samo jedno konkretno pitanje da postavim, a u diskusiji ću se vrlo rado raspričati o nečemu što pomalo znam, a zove se genetičko analiziranje i analiza DNK. Dakle 01. aprila je Federalno Ministarstvo zdravstva reklo i zvanično objavilo da ni jedna ustanova u FBIH nema rješenje za obavljanje mikro biološke djelatnosti, laboratorijske izolacije, identifikacije uzročnika zaraznih bolesti a samim tim ni za testiranje koronavirusa. Pretpostavljam da se to odnosilo i na institucije koje se nalaze u Kantonu Sarajevo. (nerazumljivo) validacija od strane federalne komisije. (gubi se)

Predsjedavajući

Uvaženi zastupniče imate smetnje neke, vjerovatno. Hajte nastavite, ja se izvinjavam.

Poslanik/zastupnik Damir Marjanović.

Pa vjerovatno se ovaj moj wi fi umorio od svega ovoga. Morat ću očigledno da prominijenim wi fi provider. U svakom slučaju, (gubi se) u Kantonu Sarajevo laboratorije koje rade analize imaju te testove. Ako nisu zašto nisu zašto je onda na neki način sankcionirana samo jedna privatna laboratorija a ne druga JU koja (gubi se) da kažem jedna velika (nerazumljivo). Zato molim ministra pošto je ovo političko pitanje, a ne stručno, molim ministra da mi odgovori na ovo pitanje. Hvala velika.

Predsjedavajući.

Zahvaljujem uvaženi zastupniče Marjanović. Sljedeća ima riječ uvažena zastupnica Segmedina Srna Bajramović. Izvolite.

Poslanik/zastupnik Segmedina Srna Bajramović.

Zahvaljujem predsjedavajući još jednom danas. Ja imam samo jedno pitanje praktično. Vrlo konkretno. Zanima me ona uredba koja se odnosi na COVID ambulante. Prema novoj ambulanti, kako sam informisana DZ Hadžići pripao je DZ Ilidža. Ilijaš Vogošći. Što znači da svaki čovjek koji ima povišenu temperaturu makar ona bila uslijed infekcije urinarnog trakta, upale grla ili slično mora se prebaciti na Ilidžu da se pregleda, jer prema ovoj novoj uredbi svaki takav pacijent se pregleda upravo u tim ambulantama. Zanimalo bi me ako može neko da mi odgovori, čime taj čovjek da se prebaci iz Hadžića na Ilidžu? Ne radi gradski prijevoz a i da radi ne smije se voziti javnim gradskim prijevozom. Dakle u Hadžićima postoji sve organizovano, ambulanta za COVID, pulmolog laboratorij, sve što treba. Zašto da e prebacuje ne Ilidžu. Da pojasnim i da budem preciznija i završavam uskoro sa svojim pitanje. Dakle, pacijent u COVID ambulanti, koliko sam ja razumjela Vogošća i druge COVID ambulante koje su predviđene neće odmah biti testiran, nego će biti pregledan, urađeni nalazi i potom ponovno vraćen svom porodičnom doktoru. A u dogovoru s epidemiologom odluči hoće li biti testiran. Ako bude indikacija. A da bi neko bio testiran prethodno mora biti u izolaciji. Dakle s razlogom postavljam ovo pitanje jer je ista ova Vlada sve ovo vrijeme pandemije bila je s koronom, zašto se sada sve ovo radi sada kada se čini da sama pandemija jenjava? Toliko zahvaljujem.

Poslanik/zastupnik Vedran Jakupović.

Hvala predsjedavajući. Imam par pitanja. Primarno vezano za zdravstvo i postaviti ću također za privredu ono što je bilo za privredu. Pitanje kolegica Segmedina Srna Bajramović mi je uzela bilo je nekih ideja čak da pacijenti iz Starog Grada i Centra idu u Vogošću, da se ta ambulanta između Vogošće i Ilijaša napravi Semizovcu. Tako da volio bih da se malo razmisli o tim detaljima da se zna gdje će ko ići. Ustvari da se dobro razmisli o tome prije nego što se donese odluka o lokacijama ovih COVID ambulanti. Ono što bih pitao gdje je ustvari i gdje je još uvijek slaba karika u kompletnom sistemu? Može li prof Pilav odgovoriti na to. Je li problem u ovoj šemi, algoritmu i putu pacijenta s jedne strane koji imamo i nemamo. Odnosno imamo pa se on mijenja. Je li problem u ljudima odnosno ustanovama koje rade na izvršavanju tih algoritama. Naravno ovdje ne bih naravno očekivao da se upire prstom na nekoga nego da se naglas razmisli kako da se riješi taj problem odnosno gdje je to usko grlo koje pravi problem ili je problem u komunikaciji između zdravstvenog sistema odnosno ljudi koji se bave ovim poslom i građana. Tako da građani nisu na pravi način informisani gdje i kako da se jave, koja je to porodična, koja je epidemiološka, koja je itd. Evo da pokušamo i vidimo gdje je ta slaba karika do sada bila da bi se riješili te slabe karike. Drugo pitanje postoji li adekvatna zaštitna, ali istinski zaštitna. Da li je to jednokratna prema u svim ustanovama posebno ovo pitanje se odnosi na DZ Kantona Sarajevo. Obzirom da smo imali priliku vidjeti da su u KC pa i u Općoj bolnici dosta dobri opremljeni zdravstveni

radnici. I postoji li i ko u BIH ko je preuzeo proizvodnju te opreme. Vidimo neke čuli smo priče iz Tešnja. Jel ta oprema testirana, jel kvaliteta jer li zrako propusna itd. Znači te neke stvari imate li informaciju da li neko u BIH proizvodi adekvatnu opremu koja može poslužiti u zaštiti. Pitanje za krizni štab za ministricu Glamoč. Kada spominjete lijekove koji su odnekud preuzimani za kako sam shvatio za crveni krst i radio to preuzimali su lijekove za pacijente. Iz koji su apoteka, po kojem rezonu odluci preuzimati ti lijekovi dakle ko je odlučio, obzirom da je riječ o komercijalnim ipak stvarima pa čak postoje i neki zakoni koji i se kršili ovom odredbom. Ko je to preuzimao lijekove, jel Crveni krst ili općine i iz kojih apoteka jesu li pravne ili jave, državne itd. Znači a me informacija jako bitna. I pitanja evo i hipotetičko malo pitanje vezan za eksternu maturu za ministra za obrazovanje. Postoji li opcija da se bilo kako online organizuje eksterna matura? Mi koji radimo na fakultetima znamo da postoje sistemi po kojima se vrši ocjenjivanje i dosta dobri sistemi kvalitetni i mislim da ćemo doći u situaciju da učenici devetih razreda OŠ će biti neadekvatno ili sa problemima ili ne na pravi način upisivani u srednje škole ako se ne pokaže njihovo znanje na toj eksternoj maturi, nego sa samo bude ocjenjivalo ono što su imali kao ocjene u OŠ. Da se razmisli, evo postavljam više kao pitanje za razmišljanje o mogućoj organizaciji eksterne mature i ove godine. Hvala vam.

Predsjedavajući:

Zahvaljujem uvaženi zastupniče. Sljedeća ima riječ uvažena zastupnica Duraković Jasna. Izvolite.

Poslanik/zastupnik Jasna Duraković.

Evo zahvaljujem predsjedavajući. Pozdravljam naravno sve one koji su još uvijek aktivni. Ja imam nekoliko pitanja. Prvo pitanje se odnosi na ove testove. Kolega Konaković je postavio isto pitanje. Pa bih ja isto voljela čuti od ministra zdravstva konkretan odgovor evo prvi put da čujemo konkretan odgovor zaista o broju testova koji se svakodnevno rade u Kantonu Sarajevo. Mislim da je on ipak trebao biti najodgovornija osoba u ovom trenutku i želimo zaista čuti konkretne podatke o broju testiranja zato što smo čuli iz medija da je to sada omasovljeno ali evo nemamo zaista statistiku koja govori o tome. Trenutni broj, kakav je to broj, da li se to povećava iz dana u dan itd. Voljela bih zaista čuti šta ministar kaže. Također, izražavam zaista nezadovoljstvo na činjenicu da mi nije odgovoreno na dva pitanja koja sam uputila prema Ministarstvu zdravstva. To se opet odnosi po pitanju koje je imao kolega Vedran Jakupović. Šta ljudi rade, kome se obraćaju, ti telefoni koji su dati urgentni telefoni na koji se trebaju javljati često se na njih niko ne javlja i odgovara zapravo na te pozive koje građani upućuju sa jasnim simptomima od korone. Dakle ljudi se žale prosto građani pišu, stalno se žale da ne dobijaju tu uslugu koja je prvenstveno njima namijenjena i često su u konfuziji, ne znaju kome više da se javljaju, kome da se obrate. Evo voljela bih možda iz kriznog štaba da mi neko odgovori na to pitanje, šta je s tim telefonima i kome se trebaju obratiti. I evo treće pitanje koje ću evo možda ostaviti za privredu, moram napomenuti da se to odnosi na Ministarstvo kulture i sporta a tiče se statusa, trenutnog statusa Skenderije i Zetre, zato što znamo da su im zabranjene sve djelatnosti. Kakav je konkretno plan u narednom period po pitanju Skenderije i Zetre? Mnogi ljudi će vjerovatno ostati bez posla ako već nisu ostali bez posla. Nemaju dovoljno novca ni da isplate martovske plate. Uposlenici se žale da se i krizni štab, da se Ministarstvo kulture i sporta, tako i privrede potpuno oglušilo na njihove apele i zahtjeve da im se pomogne. Evo voljela bih da čujem konkretne informacije šta se radi po tom pitanju i kakav je plan za naredni period u ovom stanju prirodne nesreće. Toliko. Hvala .

Predsjedavajući:

Zahvaljujem uvažena zastupnice. Sljedeća ima riječ uvažena zastupnica Bešlija Vildana.

Izvolite.

Poslanik/zastupnik Vildana Bešlija:

Hvala predsjedavajući. Ja konkretno imam pitanja za ministricu za rad, socijalnu politiku, raseljena lica i izbjeglice. Da mi odgovori kako je regulisan put osoba koje su u nadležnosti Centara za socijalni rad s obzirom da imam informacije da je Centru za socijalni rad u Novom Gradu bilo problema u slučaju potrebe smještanja osoba koje su u stanju ove potrebe. Znači za šta je nadležan Centar za socijalni rad, a imali su naredbu, kako mi je rečeno da ne smije da prime osobu, recimo konkretno u Gerontološki centar. Radilo se o starijoj osobi koja nije bila u stanju, nije bilo dovoljno da joj se donese samo hrana na vrata od strane Crvenog krsta ili bilo koga drugog nego je baš morala imati stručnu pomoć. I to je bio jedan veliki problem, ja mislim eto nisam sigurna ali htjela bih samo da čujem da li je to riješeno, da li je narušen i pored puta pacijenta, i ovaj put koji je također jako važan? Također bih htjela postaviti pitanje zbog posebnih uslova života, povećan je i rizik od narušavanja mentalnog zdravlja i postoji mogućnost povećanja nasilja u porodici. Da li je u funkciji Sigurna kuća i da li u slučaju potrebe može odgovoriti na potencijalne zahtjeve smještanja ugroženih žena i djece? I da li je bilo već ovakvih slučajeva? I također me interesuje da li krizni štab raspolaže informacijom koliko je osoba starijih od 65 godina sami u domaćinstvima. Jer sam imala također informacije, u medijima se mogla vidjeti, da je krizni štab objavljivao da stoje na usluzi starijim osobama. Da će svi dobiti potrebnu pomoć. A ja lično sumnjam da takva baza postoji, jer znam lično osobe koje pripadaju ovoj starosnoj dobi, koji žive sami, i kojima niko do dan danas nije pokucao na vrata.

Predsjedavajući.

Zahvaljujem uvažena zastupnice. Sljedeća ima riječ uvažena zastupnica Dizdarević Neira. Izvolite.

Poslanik/zastupnik Neira Dizdarević:

Hvala predsjedavajući. Pitanja za ministra privrede ću ostaviti za sljedeću tačku. Molim ministra finansija ako može da mi pojasni sljedećih par teza. Tačka 5 i 4 aktiviranje dodatnih kreditno garantnih sredstava putem postojećeg fonda u saradnji sa Serdom. Koliko sredstava, pod kojim kriterijima će se dodjeljivati garancije i koje su procjene Ministarstva. Tačka 5.9. budžetska stavka Fond podrška privredi sa inicijalnim iznosom od 5 miliona KM kako će izgledati u rebalansu? Također pitanje za ministra finansija ili premijera da li mi imamo definitivno procjene razmjera štete za privatni sektor osim onih procjena gubitka prihoda koji smo dobili od udruženja? Za ministricu za rad i socijalnu politiku pitanje koje sam slala već kao zastupničko pitanje. Na žalost nisam nikada dobila odgovor. Odnosi se na slučajeve kada djetetu sa poteškoćama u razvoju ističe rješenje o invaliditetu a poštujući mjere nadležnih nije moguće izvršiti specijalne preglede i samim tim niti predati potrebnu dokumentaciju. Da i to znači da će ovi korisnici ostati bez invalidnine i tuđe njege. Napominjem da je ovo mnogim porodicama jedini izvor prihoda pa molim za jasne upute. Također pitanje koje je možda interesorno, s obzirom da je uključena i Sigurna kuća, ali evo recimo za ministra MUP-a. Da li raspolažemo zvaničnim podacima prijavljenih slučajeva nasilja u porodici? Informacija kojima raspolažem kaže da se u prvih 15 dana aprila bio jednak broj SOS poziva kao za čitav mjesec mart. Za očekivati je da će ovaj broj i dalje rasti. Tužilaštvo i sudstvo rade u smanjenom kapacitetu. Na žalost nasilje u porodici se ne tretira kao hitan slučaj. I za nekoga rečenica ostanite kod kuće znači ustvari karantin sa zlostavljačem. To je pogubno. Molim za ova pitanja. O privredi ću na narednoj. Hvala.

Poslanik/zastupnik Elvis Vreto.

Hvala predsjedavajući. Tu sam. Ja imam nekoliko pitanja. Neka od pitanja su već kolege

postavile. Za ministra finansija. Ima li uopšte procjenu ili predstavu koliko sredstva će Kanton Sarajevo dobiti od ovog najnovijeg zaduženja s MMF-om= drugo pitanje se odnosi na Ministarstvo zdravstva ili za gospođu Pilav. Koliko mobilnih timova radi na testiranju na COVID? I treće pitanje je za ministra MUP-a. Kakva je saradnja sa Organizacijom za međunarodne migracije? Je li oni u svom segmentu ispunjavaju obaveze koje su preuzeli i koliko to otežava ili olakšava rad i MUP-u? Eto toliko predsjedavajući.

Dopredsjedavajući Handžić Vitor.

Zahvaljujem. Imam nekoliko pitanja po resorima. Imao sam puno više ali su moje kolege i kolegice dosta pitanja već postavili pa neću zaista da ne oduzima vrijeme neću ponavljati njihova pitanja. Jedno mi je pitanje, jako mi je važno, otalo iz oblasti zdravstva. Molim ministra Mesihovića da mi on odgovori, da li je po njemu normalno da se jedan čovjek koji je vrhunski ekspert u tom polju, koji se pri tome prijavi iako je apsolutno pripada rizičnoj skupini stanovništva po pitanje zaraze virusom korona, prijavi da volontira u pomoći građanima i stanovništvu u toku pandemije, razriješi svojih dužnosti samo zato što iznosi svoje mišljenje u javnosti po pitanju ove situacije. Da li je to normalno? Interesuje me šta se suštinski a da je isključivo do te ustanove, promijenilo na bolje od kada je zamijenjen direktor DZ? A da ne govorimo o čitavom sistemu koji se po inerciji prilagođavao novonastaloj situaciji, pa unutar njega i sve ustanove po difoltu zajedno sa sistemom. Što se tiče komunalne privrede, molim ministricu imam pitanje, jako mi je to interesantno, ona u svom materijalu koji nam je ovdje dostavila, itekako hvali rad svih komunalnih preduzeća i kaže da su apsolutno odgovorili svim izazovima u toku pandemije i ja se s tim slažem. Da vam kažem, sretao sam pred kraj marta komunalne radnike na ulici koji nisu imali ni zaštitne opreme a radili su jako vrijedno i predano. Dakle hvali rad tih komunalnih poduzeća a mijenja u sred pandemije njihove menadžmente. Čak sam slušao, odnosno čitao sam jedan premijerov intervju da kaže da mijenja menadžmente koji su nesposobni. Oni su sami sa sobom u koliziji. Šta je od toga istina, ko laže a ko govori istinu. Da li je istina pošto kupio, po to prodao ako ne iznosim istinu, slobodno neka me ministrica ispravi da je najavila ukidanje stimulacija na plaću komunalnim radnicima. Govorim o kategoriji radnika koji imaju najniže plate od svih. Pitanje za ministra saobraćaja da li je postojala mogućnost da se uvede neki vid vanrednog prevoza i da se prilagodi ovim ljudima koji su orali i bez obzira na mjere zabrane nastaviti raditi a ne pripadaju sistemu koji su jako teško se prevozili na posao. I to rade dan danas. Pitanje za ministra finansija. Samo da nađem šta mi je ostalo od pitanja koje nisu kolege postavljale. On je spomenuo da je u saradnji čini mi se sa Federalnim ministrom finansija radio ovu okvirnu fiskalnu procjenu pada indirektnih poreza ali ne piše šta su u toj njihovoj komunikaciji zaključili. Koji je to iznos, šta se dešava? Također piše da je dostavio neke sugestije ili amandmane od strane Ministarstva na prijedlog Federalnog Zakona o ublažavanju negativnih ekonomskih posljedica. Zanima me koji je stav Ministarstva po pitanju ovog Zakona i šta su to oni dostavili? Važno je zato što ćemo se i mi baviti vrlo brzo tim pitanjima. To je to, nemam više ništa. Imam privrede dosta ali to ću ostaviti kada bude ta tačka. Zahvaljujem se.

Predsjedavajući.

Zahvaljujem dopredsjedavajući. Sljedeća ima uvažena zastupnica Bišćević-Tokić Jasmina. Izvolite.

Poslanik/zastupnik Jasmina Bišćević-Tokić:

Zahvaljujem predsjedavajući. Pa ja mislim da je isto zastupnica Kerla pitala evo i ja želim ministra Krivića da nešto pitam, par nekih pitanja. Znači kada je u suštini počela online nastava? Mislim da je nešto slično ona postavila. I po njegovom mišljenju da li se u suštini to

pokazalo efikasno? I imam za predsjednicu kriznog štaba jedno pitanje s obzirom da je ona iskusan profesor u oblasti javnog zdravlja, zanima me da li je ona zadovoljna sa preduzetim mjerama kriznog štaba? Zahvaljujem.

Predsjedavajući.

Zahvaljujem uvažena zastupnice. I imamo još prijavljenog uvaženog zastupnika Nikšić Damira, izvolite.

Poslanik/zastupnik Damir Nikšić.

Dobro večer. Poslije pauze se javljam prvi put pa bih ponovo pozdravio. Pitam gospođu Glamoč a mislim da njoj može a može i svima koji se bave, a ja mislim da je njoj najviše upućeno pitanje. Da li mislite da je zaista ovako jako mali broj zaraženih, da zaista postoji mali broj zaraženih kod nas a da nam je smrtnost najveća u regiji ili postoji pak mala, mala mogućnost da je broj zaraženih u BIH daleko veći a time u FBiH a da je zapravo mali broj testiranja razlog tome što naizgled imamo najveću smrtnost u regiji? To je prvo pitanje. Drugo je : mislite li da je Grad Sarajevo i Kanton Sarajevo a Grad Sarajevo kao najveći grad i najgušće naseljeno područje u čitavoj državi posebno podložan bržem i većem širenju zaraze i da bi mu se kao takvom možda trebalo posvetiti nešto više pažnje a time nešto veći broj testova i masovnijeg testiranja? Hvala vam.

Predsjedavajući:

Zahvaljujem uvaženi zastupniče Nikšić. Premijeru prelazimo na odgovore na pitanja. Ja imam prijavljenu samo ministra Ismira Juska i evo Kenan Alikadić se prijavio pa molim da se ostali ministri prijave a tiče se pitanja. Uvaženi ministre Jusko. Izvolite, naravno, može.

Ministar Ismir Jusko:

Zahvaljujem se. Ja ću objediniti odgovore uvaženoj zastupnici Kristić i Zvonki Mariću. Kada su u pitanju migranti, neće mi smetati da po treći put danas ponovim neke informacije. Razumijem, svi smo umorni pa ponekad nije zgoreg ponoviti više puta neke stvari. Policija MUP Kantona Sarajevo radi isključivo dvije stvari: dovođenje i obezbjeđenje baza u Ušivku i u Blažuju. MUP Kantona Sarajevo ne pravi ograde, MUP Kantona Sarajevo ne pravi nikakvu unutrašnju organizaciju osim što radi obezbjeđenje tih objekata i dovođenje migranata s ulica. Da li smo dovodili i da li imamo informacije o privatnim smještajima, od 480 migranata koje smo sa ulicama odnosno iz grada Sarajeva odveli u zadnjoj akciji njih gotovo 60% došlo je iz privatnih smještaja. Onoga momenta kada se otvore novi kapaciteti, istog momenta će MUP Kantona Sarajevo krenuti sa ostatkom. Da li imamo informacije. Naravno da imamo. Ali mi nikakve koje sada u ovom momentu da tako kažem pokupimo s ulica, mi njih više nemamo gdje da dovedemo. U Ušivku više nemate ni jednog ležaja, u Blažuju nemate niti jednog ležaja. U Blažuju imate negdje oko 2130 migranata. U Ušivku ostatak, negdje otprilike oko 3000 migranata imamo u te dvije baze. Mi više kapaciteta u tim centrima nemamo. Danas sam to rekao. Prvi krevet kada se pojavi u tim centrima u roku od 30 minuta do sat vremena on će biti popunjen s migrantima. Tako da uvaženi zastupnice i zastupnici s naše strane, onog momenta kada međunarodna organizacija, čija je to isključiva nadležnost to napravi. Mi ćemo odmah krenuti sa stavljanjem migranata koji su ovom momentu nalaze na ulici. Ponovio sam to danas da imamo veliki problem migranata koji malte ne na dnevnoj bazi dolaze iz drugih gradova, posebno iz Tuzle i dolaze u Sarajevo. Tako da maltene smještaj u Blažuju i Ušivku da se povećava za ne znam koliko ja mislim da će biti uredno popunjavan i na dnevnoj bazi. Sa druge strane, danas sam to istakao, da pogotovo Blažuj kao baza sa 1160 ljudi koji su unutra ne da ne ispunjava norme niti sigurnosne niti zdravstvene, nego apsolutno svaku drugu normu krši. Dali smo prijedlog da se što prije da tako kaže nađe opcija za razvrstavanje da podijelimo, puno je lakše

kontrolisati sa jedne i sa druge strane: sa zdravstvene i sa bezbjedonosne strane. Uvaženi zastupnik Vreto je pitao kakva je saradnja sa IOM? Ja sam poslao jednu poruku prvom čovjeku, evo ima prije sedam dana. Nisam još dobio odgovor na nju. Zamolio sam premijera da stupi u kontakt sa njim, bez obzira što to nije nadležnost ministra unutrašnjih poslova, ne želim da čekam da neki drugi rade moj posao. Htio sam da se što prije vidimo sa direktorom da mu kažem problematiku koja je trenutno u Kantonu Sarajevo, da tu bude premijer, da tu bude komandantica CZ, da tu bude ministar zdravstva, da pozovemo osobu iz Službe za poslove sa stranicima. Uzeo sam a sebe da organizujemo taj sastanak. Nisam dobio odgovor od direktora do ovog momenta, možda iz nekih razloga opravdanih, neopravdanih, ne bih sada da prejudiciram i da možda saradnja koja je do ovog momenta bila dosta dobra, bude pokvarena na bilo koji drugi način. Mi ćemo to uraditi sa nivoa evo da premijer se direktno obrati. I da kažemo koja je problematika, da ovo sve što ste vi naveli, na konkretan način možemo realizovati time da se poveća smještaj za migrante. Opet se vraćam na to da to ne bude ako bog da, ako bog da, MUP ne radi po principu ako bog da, nismo nikada radili. Radimo konkretno. 480 ljudi smo sklonili onog momenta kada su nam se otvorili kapaciteti. Mi ne stvaramo krevete. Da radimo i te stvari, budite uvjereni da bi i to napravili. Ali pošto to naša nadležnost, nadležnost nekih drugih, ne možete od MUP-a očekivati da uradi takve stvari. Kada je u pitanju porodično nasilje, krivični Zakon u BIH nasilje u porodici tretira kao jedno posebno krivično djelo. Uvažena zastupnica Kristić mi već imamo akcije koje se rade po pitanju i možete vidjeti na našoj web stranici, vi to pretpostavljam i znate, da veliki broj krivičnih djela koji su vezani za nasilje u porodici ostaje ne prijavljeno. Upravo MUP radi na tome, potičemo sve one koji znaju ili su u da tako kažemo da su porodično zlostavljani, da takve stvari prijave. Ono što znam sigurno sa terena, onaj momenat kada MUP dobije takvu dojavu, reaguje na najbrži mogući način da tako kažemo ode na teren. Po onim saznanjima koje ja imam da osobe koje se privedu u takvim situacijama odmah se pritvaraju u pritvorsku jedinicu. A sa naše strane puno je važnije da ljude potičemo na to da prijavljuju porodično nasilje. Možete otići na našu stranicu i pogledati mi već imamo akciju koju imamo, potičemo evo kao što sam rekao i one koji znaju, a i one koji su u situaciji da budu zlostavljani sa te strane. Uvažena zastupnica Dizdarević pitala je vezano za Sigurnu kuću. Uvažena zastupnice pošto se radi o izuzetno osjetljivom pitanju dozvolite da sutra sa kolegama dobijem konkretnu informaciju. Ako želite možete doći do nas, rado ćemo vas ugostiti iz prve ruke da čujete po ovom pitanju šta radimo, a sa druge strane da ne bi sada prejudicirali, davali informacije za koje, da budem iskren, u ovom momentu nemam precizne podatke. Radio sam lično sa ljudima u Sigurnoj kući, znam koliko je osjetljivo pitanje. Ne govorim kao ministar MUP-a nego o nekim drugim okolnostima ali evo dajte mi priliku i ako želite, evo opet kažem sutra ili bilo koji drugi dan dođite do nas da dovedemo ljude koji rade direktno na ovim stvarima pa da dobijete informaciju iz prve ruke. Uvaženom zastupniku Konakoviću, moram se vratiti na dio koji je vezan za situaciju sa predstavnikom EU. Pripadnici MUP-a koji su radili direktno na sprovođenju te osobe bili su u kompletnoj opremi: skafander, zaštitni vizir, zaštitna maska, sve ono što maltene traže svi standardi. Od prvog dana kada smo imali situaciju da postupamo po naredbama niti jedan jedini policijski službenik nije izašao na teren bez osnovne opreme. U prvom mahu imali smo rukavice i masku, veoma brzo nakon toga naručili smo vizire, tako da sada osnovna oprema svakog policajca u MUP Kantona Sarajevo je rukavice, vizir i zaštitna maska. A pored toga u ovom momentu imamo više od 100 zaštitnih odijela, što je više nego dovoljno da možemo pokriti sve ove kritične zadatke i poslove. Rekli ste da nakon akcije dvojica su policijskih službenika koje su pomogle svojim kolegama jer ovi u skafanderima nisu mogli da brzo reaguju kao što su ovi reagovali, odvedeni su negdje dole da budem iskren nisam dobio informaciju da su plakali. Da jeste, budite uvjereni da bih otišao na lice mjesta da vidim o čemu se radi, a ministar unutrašnjih poslova ne određuje gdje će policajci ići (nerazumljivo). I sami znate zato što dugo ste imali priliku raditi sa policijskim strukturama i da to određuje rukovodstvo PU, ono

što vam ja mogu reći da sam kao ministar uradio a to je da sam prije već 10 dana sazvaao premijera, zdravstvo, krizni štab, da napravimo i put policajca. Provjerite ovu informaciju što ću sada reći, pitajte profesoricu Pilav, pitajte ministra zdravstva, koliko smo puta komunicirali u 12, 1 sat po pola noći da policajcima koji su potencijalno bili zaraženi uradimo što brže testiranje zbog toga što ujutro njihove kolege nisu mogle da krenu na prvu smjenu dok ne dobijemo povratnu informaciju. U zadnjih 35 dana 3 dana sam imao slobodna. S ovim ljudima maltene ginem i spavam na terenu. Rekli ste za sindikat, ja ne znam o kojem se sindikatu radi. Od prvog dana sa svim kolegama od svojih pomoćnika, komesara pa uključujući Sindikat MUP-a Kantona Sarajevo imam neposrednu saradnju. Jučer sam imao sastanak sa njima jer bude zaključak ovoga tražite njihovo mišljenje kakva je njihova saradnja sa ministrom unutrašnjih poslova i da li su zadovoljni s onim što se do sada uradilo. Da li su postojali propusti, ja vjerujem da jesu. Svi smo ljudska bića. Kada radite pod ovakvim pritiskom postoji mogućnost da napravite propuste. Odgovorno tvrdim kao prvi čovjek ove institucije od momenta kada je kriza nastupila dao sam sve od sebe da kao rukovodilac iste opravdam ono što se tražilo od mene, i u zaštitnoj opremi i u organizacijskoj i svemu onome što je bila nadležnost ministra unutrašnjih poslova. I zbog toga sam maloprije rekao molim vas dođite, budite naši gosti, dođite da vidite kako MUP Kantona Sarajevo radi iz prvog reda. Puno je drugačije kada izađete na teren. Neki zastupnici su imali prilike da dođu u MUP. Pozivam one koji nisu da se uvjerite u te stvari. Opet se vraćam na ono što sam maloprije rekao, znam da je to jedno od ključnih pitanja. Svi pripadnici MUP i administracija imaju svu zaštitnu opremu kada je u pitanju njihov rad, ne želimo da rizikujemo. Da li je neko ko je imao bilo koju vrstu kontakta obolio ili nije obolio, šaljemo ih u samoizolaciju, želimo da naše kolege budu sigurne al sa druge strane da budu sigurni oni sa kojima rade. Pokazatelj koliko dobro smo do sada radili da maltene da nakon 25.000 kontrola imamo samo jednog zaraženog. I taj što je zaražen nije radio u kontrolama, radi se o inspektoru koji je radio posve neke druge poslove. To pokazuje da statistika i procenat u ovom momentu ljudi koji su direktno na terenu bili je doslovno nula. Koliko našim ljudima toliko zaštitu koju provodimo sa njima. Tako da sa te strane odgovorno tvrdim da smo mi uradili kao menadžment da naši pripadnici ne idu nezaštićeni na sva ova područja i na sve ove silne kontrole. Hvala puno.

Predsjedavajući.

Zahvaljujem ministre Jusko. Sljedeći ima riječ ministar Alikadić.

Ministar Kenan Alikadić:

Uvaženi predsjedavajući, zastupnici, kolege ministri u Vladi Kantona Sarajevo, dragi sugrađani Kantona Sarajevo, muslimani u Kantonu Sarajevo i širom BIH želim da vam nadolazeće dane zaželim da ih provedete u ibadetu sa svojim najmilijim i naravno u zdravlju. Kada je u pitanju koje je postavila uvažena zastupnica Duraković moram reći da je ona vjerovatno napravila jedan mali previd kada je u pitanju nadležnost ustanove koje je ona navela ZOI i Skenderija su u ustavnom nadležnosti Ministarstva pravde i oni nisu ustanove koje pripadaju resoru Ministarstva kulture i sporta Kantona Sarajevo. Ali ću razumjeti još jednu stvar koju je navela je to da su se obraćali u više navrata sa zahtjevima da im se pomogne, oni se nisu obraćali Ministarstvu kulture i sporta, a pomoć koja se inače realizuje u toku jedne godine prema ustanovama kao što je Skenderija jeste svakako u protokolu koji oni propisuju za korisnike koji koriste njihove termine za odvijanje redovnog trenažnog i takmičarskog procesa. Vjerovatno ste upoznati sa procedurom i propisom koji nalažu da se protokol može potpisati kao i sve ostale ustanove, osim ustanova u kulturi, njih 12 koje se finansiraju ovom procesu. Sve ostale ustanove, udruženja, sport, sportska udruženja, klubovi se finansiraju po javnom pozivu što znači da je to preduslov za poduzimanje bilo kakve aktivnosti kada je u pitanju finansiranje navedenih subjekata. Mi smo najavili naredne

sedmice raspisivanje javnog poziva koji će omogućiti da se određena udruženja i ustanove kao što su npr biblioteke u tri općine u Kantonu Sarajevo one se ne mogu finansirati jer moraju biti aplikanti na javnom pozivu kada stvaraju određene pretpostavke da bi mogli biti finansirani iz resora Ministarstva kulture i sporta, odnosno iz budžeta Kantona Sarajevo. Kada je u pitanju inicijativa koja je danas bila na Skupštini, upoznat sam sa njom, ona će u svakom slučaju u narednom periodu odnosno već vodimo određene aktivnosti u istraživanju proučavanju stanja u kojem se nalaze svi sportski objekti, tereni, na području Kantona Sarajevo. Ta inicijativa je danas potvrdila da smo mi na dobrom putu tako da ćemo samo upotpuniti pojačati te aktivnosti i vrlo brzo ćemo imati stanje odnosno pregled svega onoga što se dešava u ustanovama, odnosno objektima kada je u pitanju sport u Kantonu Sarajevo. Znamo da je vrlo teška situacija. Sport je jedna sfera društvenog života u Kantonu Sarajevo koja je u potpunosti obustavljena. U narednom periodu moramo uložiti maksimalne napore da bi to oživili. Revitalizirali da bi sam trenažni, takmičarski proces u Kantonu Sarajevo krenuo. Tako da ćemo u ovim mjerama vidjeti koje su naše mogućnosti kao resornog ministarstva u skladu naravno sa finansijama i budžetom i rebalansom koji se planira kako bi omogućiti svim ustanovama, objektima, terenima, iz oblasti sporta, odnosno gdje korisnici sportisti koriste te terene kako bi stvorili idealne uslove da bi oni mogli nesmetano da nastave sa svojim trenažnim procesom. Hvala.

Predsjedavajući:

Zahvaljujem ministre Alikadić. Sljedeći ima riječ uvaženi premijer Nenadić Mario.

Premijer Mario Nenadić:

Oprostite bilo je došlo do malog nesporazuma ko je na redu da govori, odnosno ko je prijavljen. Vezano za pitanje uvaženog zastupnika gospodina Elmedina Konakovića, oko same organizacije zaštite i spašavanja organizacije funkcionisanja organa vlasti kada se radi o proglašenom stanju nesreće. Ja sam danas već rekao da je na osnovu Zakona o zaštiti i spašavanju ljudi i materijalnih dobara od prirodnih i drugih nesreća, ovo stanje u skladu sa članom 3 tog Zakona ustvari proglašeno staje nesreće a to je u onom dijelu kada se govori o masovnom uništavanju ljudi, materijalnih dobara. Ali ovdje konkretno stradanju ljudi. U okviru propisa to smo također danas govorili da se ovdje ne radi ustvari o redovnoj civilnoj organizaciji nego da je ovdje jedna vanredna i ne mirnodopska situacija i da je u tom kontekstu Federacija nadležna i Federacija osigurava izgradnju jedinstvene organizacije zaštite i spašavanja ljudi na teritoriji Federacije. I što je u okviru tog Zakona također vrlo jasno navedeno da se ove mjere ostvaruju putem CZ. Tako da koliko god mi to željeli, kao što vidimo institucije rade svoje posao. Međutim, iznad onoga što se trenutno dešava i u Federaciji i u Kantonu u smislu nadležnosti po ovom i po dva tri Zakona koja smo danas spominjali, ne možemo mi zgrabiti ili preuzeti prerogative nadležnih organa Federacije jer ponavljam da mjere i aktivnosti koje su pobrojane u ovom članu kojim je uređeno pitanje postupanja i organizacije jedinstvenog sistema CZ da se ostvaruju putem same CZ bez obzira na kom nivou. Tako da nama stižu naredbe. Mi se tim naredbama ne možemo čak ni suprotstavljati. One su za nas upravo to što jesu naredbe. Čitava Federacija tako funkcioniše, svi kantoni u FBiH. I ne bih zaista bio spreman komentarisati ocjenu vezano za pojedine dužnosnike u Federaciji, ali ono što sigurno znam jeste da je Vlada Kantona Sarajevo postupila i prethodna i ova postupila u skladu sa naredbama štabova CZ FBiH, ustrojila sistem tako kako ga je ustrojila. I evo kao što vidimo on funkcioniše. Hvala.

Predsjedavajući:

Zahvaljujem premijeru. Sljedeća ima riječ uvažena ministrica Nihada Glamoč, izvolite.

Ministrica Nihada Glamoč.

Pitanje gospodina Marića ko je nadležan za starije osobe iznad 65 godina da ulaze u program zaštitne opreme. Znači naredba je isključiva za sve građane da primjenjuju propisane mjere od samog nošenja zaštitne opreme i pridržavanja socijalne distance. Naravno da naredba koja je za osobe da zabrana kretanja za starije osobe iznad 65 godina bi trebala da je na snazi tako da takve osobe ukoliko se i nađu barem zaštitari bi trebali ih opomenuti ili skrenuti pažnju. Drugo pitanje je bilo za lijekove i koje to lijekove se preuzimaju. Kada je donesena naredba o zabrani kretanja štab CZ je u saradnji sa opštinskim štabovima ažurirao spiskove osoba starijih iznad 65 godina koji se konstatno dopunjuju. Za one koji nemaju bližeg srodnika isključivo kada nisu mogli da se kreću da im se mogu dostavljati propisane terapije. Znači oni naši sugrađani koji su imali već registrovane propisane terapije i zajedno sa ZZO najbliže apoteke od tih naših sugrađana putem sekretara MZ i volontera CZ su uručivane. Mogle su se podizati lijekovi i u privatnim i u državnim apotekama. Koliki je taj broj je bilo pitanje osoba u evidenciji. Prvi spisak je bio 2800 prijavljenih naših sugrađana iznad 65 kojih nije bilo bližnjeg srodnika. Tada se su ažurirali spiskovi za ZZO za 2100 smo imali tačne podatke. To su samo osobe koje su se prijavile preko MZ i opštinskih štabova u štab CZ. Pitanje zastupnika Vibora da se hvali rad komunalne privrede za aktivnosti koje se provode na terenu i moram reći da su radnici komunalne privrede poslije radnika zdravstva i Ministarstva unutrašnjih poslova sigurno radnici koji zaslužuju i pohvale. Naravno u ovakvoj situaciji kada je proglašeno stanje prirodne i druge nesreće radi se u tri smjene, pogotovo kada evo preduzeće RAD i moram da se osvrnem na onaj dio već i ranijeg izlaganja kada sam rekla da je Ministarstvo komunalne privrede zajedno sa svim direktorima preduzeća, upravama održalo 13. marta gdje smo se dogovorili o aktiviranju poduzimanju svih aktivnosti na opremanju i zaštiti radnika i svi oni koji mene kao ministricu znaju i direktoricu Sarajevo gasa dok sam bila da je radnik na prvom mjestu, bez uopšte populizma da kažem da su radnici najveća vrijednost svakog preduzeća. Onog trenutka kada smo se dogovorili da uprave preduzeća preduzmu sve mjere i aktiviraju i planove zaštite gdje je uključena nabavka tih oprema u ponedjeljak ujutro sam, ukoliko ste mislili na preduzeće RAD od uprave preduzeća dobila informaciju da je kompletna zaštitna oprema i da radnici na terenu imaju. Po prijavi koju sam i ja evo kao i vi imali da nedostaju ta sredstva imali smo i posjete u trećoj smjeni tim radnicima sa gradonačelnikom gdje smo jednim dijelom neke zaštitne opreme ispred štaba CZ donirali, kasnije se potvrda od uprave da su i oni u punom kapacitetu obezbijedili za sve radnike. Što se tiče smjena, uprava preduzeća moram da vam kažem sem punomoćnika, trenutno u ovoj situaciji, ne znam ko vam je informaciju, niti je bila na dnevnom redu, niti je bilo ko na Vladi na tu temu razgovarao, a po pitanju da li je ministrica ukinula stimulaciju, zahvaljujem se na ovom pitanju jer sam i ja dobila par informacija. Prije desetak dana znači imali smo sastanak sa svim upravama preduzeća, pogotovo evo i kada je preduzeće RAD u pitanju gdje su pitali za radnje koje su se ranije radile, ministrica je direktorici odgovorila da nit je to pravo niti nadležnost niti Vlade Kantona niti ministrice da odlučuje o nagradama radnika. Da svaki direktor preduzeća je dužan da postupa u skladu sa zakonom i ako je u Zakonu o radu ili u pravilniku propisano koliko ja znam nema tu stimulacije nego je u Zakon o radu se prepoznaje radni učinak i to sva bila komunikacija. Naravno, kada bi se ja pitala svi radnici u ovom trenutku trebali biti stimulisani i nagrađeni u punom kapacitetu. Pitanje je još bilo od cijenjenog zastupnika Nikšića. Ali mislim da se to odnosi što se tiče da li je mali ili broj zaraženi ili daleko veći da je to predsjednicu kriznog štaba.

Predsjedavajući:

Zahvaljujem uvažena ministrice. Sljedeća je uvažena ministrica Agić Jasna.

Ministrica Jasna Agić:

Evo ja sam dobila pitanje da li znam koliki je broj nezaposlenih je ostao bez posla i da li zna koliki iznos naknade za to treba isplatiti Služba za zapošljavanje. Naravno da znam. Svakodnevno nas obavještava Služba za zapošljavanje svakodnevno Ministarstvo obavještava o broju zaposlenih i sam uvaženi zastupnik Konaković je (nema signala) ostalo bez posla i da je za to potrebno oko 1,5 milion KM na mjesečnom nivou. Ja bih da obavijestim uvaženog zastupnika da na početku proglašenja stanja prirodne i druge nesreće održali sastanak sa predstavnicima Službe za zapošljavanje na kojim smo razgovarali o mogućnostima preusmjeravanja sredstava aktivnih politika zapošljavanja na odražavanje zatečene stope zaposlenosti prije proglašenja stanja prirodne nesreće. Međutim ove aktivnosti su postavljene jer je Federalni Zavod za zapošljavanje kantonalnim zavodima dao preporuku da je za sada potrebno obustaviti sve programe zapošljavanja kako bi se osiguralo dovoljno sredstava za finansiranje materijalno socijalne sigurnosti nezaposlenih osoba, obzirom na prioritete korištenja sredstava kako je to utvrđeno zakonom o posredovanju u zapošljavanju i socijalnoj sigurnosti nezaposlenih osoba. Dalje pitanja su bila da li postoji put smještanja korisnika ustanove socijalne zaštite. U ovim uslovima u ustanove socijalne zaštite se smještaju samo hitni slučajevi čiji se smještaj ne može drugačije riješiti. Prema naredbom kriznog štaba CZ svi novi korisnici nakon što se prime u ustanovu ostaju u izolatoriju koji je ustanova bila dužna da napravi 14 dana, nakon toga se smještaju u kolektivni smještaj. Vlada Kantona Sarajevo je osim toga i donijela zaključak kojim se nalaže da se obavezno testiraju novi korisnici prije prijema ustanove socijalne zaštite da bi pokušali smanjiti rizik od unosa koronavirusa u ustanovu. Iduće pitanje je bilo vezano za Sigurnu kuću i smještanje novih korisnika. Ja bih da obavijestim da javnost zna da sigurna kuća nije u nadležnosti Ministarstva i da Ministarstvo ne vrši nadzor nad radom Sigurne kuće. Ona je osnovana od strane nevladine organizacije., Ministarstvo plaća 70% troškova smještaja u Sigurnu kuću ukoliko za to rješenje izda Kantonalni centar za socijalni rad. Mi smo od strane Centra za socijalni rad obaviješteni da Sigurna kuća je prestala sa prijemom zbog toga što nemaju izolatorij. Mi nismo nadležni niti možemo naložiti da ponovo počnu primati korisnike. Pitanje da li su prikupljeni podaci za sve osobe koje žive same i kojima je potrebna pomoć. Štab CZ je tražio od Centra za socijalni rad spiskove osoba koje žive same i kojima je potrebna pomoć i Centar za socijalni rad je dostavio te spiskove. Ja vjerujem da postoje neki propusti u dostavljenim spiskovima te bih molila svakog našeg sugrađanina da ukoliko zna za takav slučaj to prijavi Kantonalnom centru za socijalni rad i Krizni štab CZ će biti putem njega obaviješten i pružiti pomoć našim sugrađanima. Bilo je pitanje šta uraditi u slučaju kada dijete sa poteškoćama ističe rješenje invalidnosti i potrebne revizije rješenja da bi se nastavila davanja. Ja sam već na to pitanje i odgovorila i rekla sam da ova sva davanja primaocima socijalne pomoći kojima rješenja ističu u periodu proglašenja prirodne i druge nesreće potrebno je izvršiti reviziju istih nastavljaju se isplaćivati sve dok se ne steknu uslovi za obavljanje revizije rješenja pa tako i ova davanja po kojima smo imali pitanja. Hvala vam.

Predsjedavajući:

Zahvaljujem uvažena ministrice. Sljedeći ima riječ uvaženi ministar Krivić Anis. Izvolite.

Ministar Anis Krivić:

Ministre da li se čujemo? Dobro večer svima. Imao sam pitanje od uvaženog zastupnika Jakupovića vezano za maturu. Dakle, proces polaganja mature u srednjim školama na području Kantona Sarajevo odvijat će se u roku online nastave, putem online platformi putem kojih se realizira online nastava. Jedina razlika će biti što odbranu završnih radova učenici će raditi putem platformi. Sve ostalo ostaje isto u odnosu na uobičajen način polaganja mature. Vezano za eksternu maturu, eksterna matura se provodi u svrhu provjere i

vrjednovanja znanja, vještina i sposobnosti koje su učenici na osnovu nastavnih planova i programa stekli tokom (nerazumljivo) obrazovanja. Neće se realizirati polaganje eksterne mature za učenike završnih razreda OŠ. Podsjetio bih da je uvaženi zastupnik Poturak na jednoj od sjednica Skupštine Kantona Sarajevo pitao koliko nam je potrebno vremena da se uvede online nastava. Od trenutka za vrlo kratko vrijeme uspostavljena je online nastava u srednjim i nekim osnovnim školama. Danas nakon mjesec i po dana kasnije uspostavljena je online nastava u tri nivoa preduniverzitetskog obrazovanja. Učenici su ocijenjeni. Nastavnici kreiraju materijale, držimo webinare kojima prisustvuje, informacija od prije 10 minuta 460 nastavnika i roditelja iz više Kantona. Prisustvo nastavi skoro 100%. nastava se odvija redovno i u kontinuitetu. Problem nedostatka informatičke opreme skoro riješen. Svi procesi od značaja se realiziraju. Naš fokus u ovom trenutku je kvalitetno ocjenjivanje tokom online nastave. Kako bi smo našim učenicima olakšali upis u srednje škole, što je vrlo važno i ključno za pitanje zastupnika Jakupovića. Mislim da ovo naše rješenje i pitanje se ustvari apsolutno slažu. Na ovaj potez smo se odlučili vodeći računa prije svega o sigurnosti učenika i ne želeći stvarati dodatni psihološki pritisak na učenice, roditelje i nastavnike, obzirom da se realizira online nastava kao vrlo zahtjevan proces. Smatramo da u ovoj trenutnoj situaciji učenici nemaju mogućnost da se pripreme na adekvatan način za polaganje ovog vrlo bitnog ispita. Što bi za posljedicu moglo da ima eventualno lošije rezultate koji bi znatno uticali na upis u srednju školu. Iz tog razloga utvrđivat će se ekvivalent bodova eksterne mature. Podsjetit ću da OŠ u koje se učenici prijave iz drugih Kantona inače vrše ekvivalent bodova eksterne mature. Dakle ovaj potez i ovakva odluka Ministarstva jeste u cilju zaštite naših učenika i baš iz tog razloga da se ne bi desili loši rezultati i kako im se ne bi otežao upis u srednje škole. Ono što će biti fokus jeste evaluacija online nastave kako bi smo postigli istu svrhu kao što bi se postigla i sa realizacijom polaganja eksterne mature. Svi ostali procesi po pitanju eksterne mature, formulari, obrazci, ocjene svi će imati ocjene iz eksterne mature, samo što se neće polagati nego će imati ekvivalent koji se ponavljam inače izvodi za učenike iz drugih Kantona. Na taj način smo odlučili zaštititi učenike koji danas realiziraju online nastavu u Kantonu Sarajevo. Samo brojevi 5110 nastavnika realizira online nastavku u Kantonu Sarajevo. 51 000 učenika. Iznimno su opterećeni bili na početku, kasnije došlo do blagog rasterećenja, na tome radimo. Realizacija eksterne mature za naše učenike bi bilo jednostavno previše. Moramo voditi računa o njihovom psihološkom stanju. Ništa neće izgubiti, sa ovim ćemo samo dobiti. Hvala vam na pitanju. Toliko od mene. Doviđenja.

Predsjedavajući:

Zahvaljujem uvaženi ministre. Sljedeći je ministar Adi Kalem. Da li ste spremni uvaženi ministre?

Ministar Adi Kalem:

Hvala predsjedavajući. Imao sam pitanje od uvaženog dopredsjedavajućeg vezano da li se mogao prijevoz organizovati za druge. Ja se nadam da ste upoznati s nadležnostima ko upravlja stanjem prirodne nesreće. Da li uopće znači šta znači naredba? Nadam se da razmišljate trezveno ili vas je umor sustigao . Rekli ste da dva možete ovako. Vjerujte mi rado bih obezbijedio prijevoz svima ali stanje je drugačije nažalost. Vlada Kantona Sarajevo je donijela zaključak da se obezbijedi prijevoz onima koji su na prvom frontu, koji su ključni u ovoj situaciji. Također, Vlada je omogućila i drugim institucijama, preduzećima i organizacijama da mogu u svojoj režiji organizovati prijevoz uposlenika. Javni gradski prijevoz putnika je masovni prijevoz, teško je ispoštovati socijalnu distancu

Predsjedavajući:

Ministre Kalem ja bih vas lijepo molio samo da damo riječ uvaženom dopredsjedavajućem Handžiću, poslovnička intervencija. A vama ćemo dati riječ čim završi uvaženi

dopredsjedavajući Handžić.

Dopredsjedavajući Vibor Handžić:

Predsjedavajući, ministru saobraćaja sam postavio vrlo razumno i normalno pitanje. Napominjem ga da on više nije vijećnik u opštinskom vijeću, nego je ministar. Upozorite ga i vi molim vas da se ne bavi politikom. Nek se on ne brine i ne sikira da li sam ja trezven ili nisam, postavio sam mu pitanje i nek mi odgovori na pitanje bez bespotrebnih dodatnih diskusija. Zahvaljujem.

Predsjedavajući:

zahvaljujem dopredsjedavajući. Evo ministre nastavite sa vašom diskusijom ali bih vas lijepo molio da birate riječi kada diskutujete. Izvolite.

Ministar Adi Kalem.

Znači rekao sam da je Vlada donijela zaključak onima koji su na prvom frontu, koji su ključni u ovoj situaciji. Omogućila je drugim institucijama i preduzećima da organizuju prijevoz u sopstevnoj režiji. Javni gradski prijevoz putnika je masovni prijevoz, teško je ispoštovati socijalnu distancu, kretanje se mora svesti na minimum pa i veće koncentracije ljudi na jednom mjestu. Zahvaljujem.

Predsjedavajući:

Zahvaljujem uvaženi ministre. Obzirom da e uvaženi ministar Mesihović meni javio da mu je pozlilo. Ja ću zamoliti uvaženu Aidu Pilav da odgovori na postavljena pitanja Mesihoviću. Izvolite ako ste spremni uvažena Pilav.

Direktor Zavoda za javno zdravstvo Aida Pilav:

Da, da ja jesam spremna. Dobro večer još jednom. Ja sam pomno zapisivala ta pitanja. Ali evo ako sam nešto propustila ja pozivam te uvažene zastupnike koji budu zadovoljni ili nezadovoljni mojim odgovorom ili ako sam nešto propustila slobodno da me pitaju ponovo. Od početka bih krenula, mislim da je bila uvažena zastupnica

Predsjedavajući:

Ja se Izvinjavam uvažena doktorice Pilav. Poslovnička intervencija zastupnika Konakovića.

Poslanik/zastupnik Elmedin Konaković:

Zahvaljujem predsjedavajući. Nisam postavio pitanje gospođi Pilav tako da vas molim da mi vi ne odgovorite na pitanja koja sam postavio ministru Mesihoviću. A njemu želim brzo ozdravljenje. Hvala vam.

Predsjedavajući:

Zahvaljujem. Poslovnička intervencija. Ja se izvinjavam Pilav dat ću vama riječ kada završim sa poslovničkim intervencijama. Damir Marjanović poslovnička intervencija izvolite.

Poslanik/zastupnik Damir Marjanović:

Nemojte mi zamjeriti dijelom ću ponoviti upravo što smo i očekivali na neki način ovu situaciju. Želimo brzo ozdravljenje ministru Mesihoviću. I samo da kažem da nema razloga da profesorica Pilav odgovara na pitanja koja sam ja postavio zato što ja znam da ona jako dobro zna odgovore a zanimalo me (nerazumljivo). Hvala velika.

Predsjedavajući:

Slabo vas čujemo uvaženi zastupnice Marjanoviću ako možete da ponovite. Nismo vas baš

sve dobro razumjeli. Ako imate mogućnost da ponovite izvolite.

Poslanik/zastupnik Damir Marjanović:

Da li me sada čujete molim vas? Ja vas čujem da li vi mene čujete?

Predsjedavajući:

čujemo sada, molim vas da ponovite.

Poslanik/zastupnik Damir Marjanović:

Predsjedavajući da li me čujete sada? Predsjedavajući ne znam da li me čujete sada?

Predsjedavajući.

E sada je bolje.

Poslanik/zastupnik Damir Marjanović.

Ja se izvinjavam vjerovatno su veze u pitanju. Dakle htio bih samo da kažem da profesorica Pilav nema nikakvu obavezu da odgovara na pitanja koja sam ja postavio. Znam da ona zna odgovore. Zanimalo me da li ih ministar zna. Hvala velika.

Predsjedavajući.

Zahvaljujem uvaženi zastupniče. Dajem riječ profesorici Aidi Pilav, nastavite. Izvolite.

Direktor Zavoda za javno zdravstvo Aida Pilav:

Hvala vam lijepo, hvala na ovim komentarima. Naravno nekako smo se i koncipirali da odgovaram na ona pitanja na koja se tiču čisto ovog stručnog dijela koji mi provodimo kroz koordinaciju u radu sa kriznim štabom. Ja krećem sa pitanjima koja je postavila uvažena zastupnica Kerla. Dakle bilo je pitanja o zdravstvenom nadzoru, načinu na koji se vrši zdravstveni nadzor i bilo je pitanje njeno koje se odnosilo na broj briseva i podloga. Evo ja ću pokušati da ipak napravi jedan koncept, jednu priču da to pa ću upakovati vjerovatno i neka druga pitanja. Mi se nalazimo u pandemiji za koju se mnoge zemlje Evrope nisu snašle na najbolji način jer se zdravstveni sistemi suočili sa nekim potpuno novom situacijom. Dakle prvi put u stotinu godinu države se karantenziraju, zatvaraju se granice. To je zadnji put bilo u doba Španjolske groznice 1918 godine. Prema tome zdravstveni sistem BIH, FBiH napose i Kantona Sarajevo je bio pripremljen, onoliko, ja sam to jednom prilikom rekla, ni više ni manje nego zdravstveni sistemi drugih zemalja. Ono što se desilo u februaru mjesecu, to sam već u uvodu rekla na prvom mjestu su bili epidemiolozi i higijensko epidemiološka služba. Želim da napomenem ja sam na ovoj poziciji i na poslovima u zdravstvu Kantona Sarajevo od 2018 godine. Nemalo sam ja bila iznenađena činjenicom da u Kantonu Sarajevo na 420.000 stanovnika ima 6 epidemiologa u Zavodu za javno zdravstvo Kantona Sarajevo i 1 epidemiolog u DZ Kantona Sarajevo. Pa sada kada to podijelimo na broj stanovnika onda možete da shvatite koliki je teret bio na tim kolegama u samom početku i dan danas. S druge strane u DZ Kantona Sarajevo prema posljednjim podacima ima 211 radnih timova, 78 punktova, i broj 1677 stanovnika 15 i više godina, dakle po jednom timu obiteljske medicine. Onako kada gledamo brojeve mislim da je primarna zdravstvena zaštita dobro ekipirana brojčanim stanjem dobro je ekipirana da može podnijeti ovaj dio koji se tiče, mislim da je neko od zastupnika, gospođa Duraković rekla da Vlada konfuzija. Nema razloga da Vlada konfuzija. Svi imamo opredijeljenog doktora obiteljske medicine kojima se u slučaju tačnih naputaka koji su dati javlja svom timu obiteljske medicine koji u koordinaciji sa tih 6 epidemiologa koje Kanton Sarajevo posjeduje, to je ta situacija, dakle dva mjeseca iznio ovu situaciju na najbolji mogući način jer najbolji rezultati su rezultati kontrolirane epidemije. Dakle zdravstveni nadzor se vrši na taj način. Kada smo dolazili prvo je bilo vezano za

medicinske i epidemiološke podatke. Nakon toga izdaju se rješenja o izolaciji i samoizolacija, podatak da je u periodu od početka ove krize da je to bio februar zaključno sa 19.04. ukupno izdato 3334 rješenja od čega je Federalna uprava za inspekcijske poslove izdala ukupno 2289 rješenja. To su rješenja koja se izdaju izravno na graničnim prijelazima. Odnosno konkretno u Kantonu Sarajevo ovo su rješenja koja su bila izdata na međunarodnom aerodromu Sarajevo. Broj rješenja koji su izdati od strane kantonalne uprave za inspekcijske poslove 1045. dakle po mjesecima najveći broj izdatih rješenja je bilo u martu od strane Federalne uprave za inspekcijske poslove i taj broj se smanjivao u aprilu obzirom da je broj ulazaka preko međunarodnog aerodroma bio znatno manji. Sljedeće pitanje se odnosilo na tačan broj, mislim ja svaki dan imam obraćanje u jedan sat, pa budem žalosna što nismo slušani, ukupan broj, rekla sam brisevi, testovi i transportne podloge kupuje Federalna uprava CZ, do sada distribuiran broj briseva i transportnih podloga u Kantonu Sarajevo koliko je po podjeli pripalo je 10.500. danas je bila jedna isporuka od 6000 transportnih podloga. I broj testova koje je kupilo kada su oni postali komercijalni Federalna uprava CZ je bio za FBiH 150.000 od čega u raspodjeli na KCUS došlo 90.000. Ne smijemo zaboraviti činjenicu da KCUS ima gravitirajuće stanovništvo, odnosno uzorci dolaze iz Goražda, iz SBK, Zenice i iz Bihaća. Dakle i naš institut za mikrobiologiju pokriva analize i za te kantone. Sljedeće pitanje je bilo uvažene zastupnice Viteškić. Ona je također postavila pitanja o broju rješenja o zdravstvenom nadzoru, način na koji se prate bliski kontakti. To e ono što smo mi jedno vrijeme izvještavali dok nije došlo do značajnije lokalne transmisije virusa u zajednici. To je ta priča epidemiološkim klasterima. Vi znate da je prvi epidemiološki klaster skupina bliskih kontakata oko prve pozitivne osobe bio klaster iz Konjica. Naši epidemiolozi, ovih 6 vrijednih epidemiologa stalno ističem taj broj jer je zaista nedostatan broj za ovu krizu. Ali su se herojski iznijeli s tim, prati se na taj način. U neposrednom telefonskom kontaktu radi se kada imate indeks slučaja onda se prate članovi njihove porodice. Ja bih također kao ministar Jusko nekada upriličila posjetu da dođete u Zavod za javno zdravstvo Kantona Sarajevo da vidite naše baze podataka, svi iskontaktirani, bliskih kontakata, načina oko uvođenja u samoizolaciju i postavljenja indikacije za testiranje. Testiranje rekla sam od marta mjeseca vrše, i to je isto jedno pitanje bilo, vrše timovi DZ. Dakle tzv. H timovi kojih trenutno ima 17 u DZ Kantona Sarajevo koji odlaze na kućnu adresu pod propisanom protokolu. U trenutku kada doktori obiteljske medicine zajedno sa epidemiologom postavljaju indikacije. Može se to nekome svidati ili ne, možda se i meni sviđa ili ne sviđa ali preporuka SZO, koja je složit ćemo se najveći autoritet međunarodni, kaže da postoje tri nivoa prioriteta. To je prioritet jedan za testiranje medicinska i epidemiološka veza i simptomi. Hospitalizirani pacijenti sa simptomima i zdravstveni radnici sa simptomima. Prioritet dva su pacijenti u ustanovama za zbrinjavanje starih osoba sa simptomima, pacijent stariji od 65 godina sa simptomima, pacijent s hroničnim oboljenjem, i tek kao prioritet tri dolaze ključni djelatnici za funkcioniranje zajednice gdje idu zdravstveni radnici, njegovatelji, javne službe itd. Dakle, ovim mogu zaključiti da sasvim ima dovoljno testova i mi radimo, već sam rekla da smo nekako pošli kako se smanjuje epidemija krećemo u tu treću fazu prioriteta. I tu bih se nadovezala na priču o serološkim testovima. Serološke testove nije zvanično još uvijek potvrdila SZO. Serološki testovi su testovi iz krvi. Govorimo o rapid testovima koji se uzimaju iz uzoraka kapilarne krvi, lancetom u jagodicu prsta i ovi koji se uzimaju iz pune krvi. Dakle ponavljam još jednom SZO još uvijek nekako dvoji u dokazivanju. PSR je zlatni standar. Međutim, zemlje u okruženju počinju da koriste serološke testove i nismo to pompezno najavljivali, to je bila jedna ideja između kolega. I tome sam govorila i s uvaženim profesorom Marjanovićem. Imaju preventiva testiranja, epidemiološka i naučno-istraživačka. Ali kao što smo danas čuli više puta u obraćanjima sve ima procedura. E onda ako se odlučimo da ulazimo to su testovi koji nisu (nerazumljivo), mi nismo zemlja EU, mi ne možemo dobiti testove kao Slovenija, Hrvatska i zemlje EU na takav način, mi moramo provesti odgovarajuće procedure i ući u kontakt. Mi smo započeli taj proces i sa tim

ko je od dostupnih dobavljača, ko uopšte može da nabavi te testove i da ih uveze i kako ih uvozi, pod kojim uslovima i cijenama na tržište BIH. U svakom slučaju opredijelili smo za to epidemiološko testiranje u narednom periodu. Nesumljivo je da u ovoj sezoni došlo u ovom sezonskom dijelu do pada aktivnosti virusa i to pokazuju rezultati. Pretpostavljamo kao i SZO da će ljeto biti neka mirnija faza i da mi očekujemo nekakav jeseni val kao što očekuje i cijeli svijet. I vakcine sigurno neće tako dugo biti, tako da se, to je zapravo taj naš koncept sa serološkim testiranjima. Sam način nabavke, to se sve uzima vrijeme. Ponavljam još jednom da sa manjom aktivnosti virusa i dovoljnim brojem PSR metodologije mi ćemo velim nastaviti, nekako je dogovor, to je naš plan, ubrzati PSR testiranje u ovom periodu dok nam ne pristignu ti serološki testovi. E sada, to je bilo moje zadnje obraćanje, otprilike nedjeljom u tim nedjeljnim obraćanjima, jer mi ovdje dolazio i u nedjelju u jedan sat, dakle posljednju nedjelju mi smo pravili presjek, dakle ja u Zavodu za javno zdravstvo sa svojim kolegama i rezultati su sljedeći: broj testiranih na 10.000 stanovnika u Kantonu Sarajevo je 49,6. broj testiranih u FBiH je 39,2. što znači da je broj testiranih u Kantonu Sarajevo nešto veći nego u FBiH. U zemljama regiona Hrvatska dok Kanton Sarajevo ima 49,6 na 10.000 stanovnika, Hrvatska ima 52,7 na 10.000 stanovnika. Dakle što uopće nije neka velika razlika. Srbija ima znatno manje testiranih na 10.000 stanovnika, 41,2. a najveći broj testiranih u regionu zapravo ima Slovenija. Slovenija je dostigla taj neki visoki standard. Stoga Kanton Sarajevo uopće ne zaostaje za zemljama u regionu i mislim nema potrebe. Jer te kolege u zemljama testiraju na isti način indikacije onako je propisala SZO. Ja ću se složiti da je bilo nekoliko tih, gdje su odmah uvaženi zastupnici rekli da traže odgovor od ministra Mesihovića. Ja nisam ni mislila odgovarati na ta pitanja, pretpostavljam da će se to u pisanoj formi dostaviti ministru na odgovore. Jedno od pitanja je bilo vezano za laboratorije. Ja mislim da sam u uvodnom izlaganju to rekla. Dakle mi kao što je rekao uvaženi premijer, i vezano je za naredne i za karantin ono što dolazi sa Federalnog nivoa, naredba se izvršava ona se ne komentira. Kanton Sarajevo može eventualno neke stvari da razjasni bolje i pretvori u neku proceduru, dakle po tome da pratimo i izvršavamo naredbe FBiH. Jedno od pitanja koje je postavio uvaženi zastupnik Jakupović vezano je za COVID ambulante ili tzv. respiratorne ambulante. To je naš dogovor bio od početka, kroz april od početka aprila i naravno treba se praviti preraspodjela kadra. COVID ambulante koje rade 24 sata nisu nikakva novost, to se radi u zemljama regiona, to je jedan koncept koji se nama učinio sada u nekom zajedničkom razgovoru, i zaključno u kriznom štabu dosta prihvatljiv na nekoliko lokacija, što naravno ne isključuje da će se kao što sam rekla stanovništvo kao i ja, konačno i ja imam obiteljskog liječnika, opredijeljenog, javiti svom obiteljskom liječniku i javiti se sa tim odgovarajućim simptomima, mislim da je ta mreža primarne zdravstvene zaštite u Kantonu Sarajevo, bez obzira na druge neke manjkavosti dosta dobra, a bit će u slučaju potrebe, sa osobama koje imaju, u slučaju potrebe da ide na jedno mjesto da radi laboratorijske pretrage i da radi potrebnu dijagnostiku. Da bude u potpunosti pregledan. Sljedeće pitanje, danas je, ovaj je prijedlog od ovog našeg kolege generalnog direktora dr. Ahmića došao danas, ali ja sam, vjerujte sjedeći ovako čitav dan, to samo onako po vrhu pogledala. Jedino da se onako kloniramo pa da možemo sve to da stignemo. Tako da će vjerovatno u narednom periodu, koliko sutra mi imamo sjednicu kriznog štaba na tu temu biti raspravljano. Zdravstvene ustanove, Jakupović je još pitao šta zapravo jesu kritične tačke, onda ću se ja vezati na pitanje uvažene zastupnice Tokić koja je mene lično pitala da li sam ja zadovoljna sa poduzetim mjerama. I nekako bih ukomponovala odgovor na ova dva pitanja. Mi se nalazimo kroz krizni menadžment sam osobno ja prolazila sa svojim kolegama na nivou FBiH, jer sam dio karijere provela u Federaciji, tako da to nama nisu nove stvari. I ja nekako cijenim da ćemo mi iz godine na godinu izazovno u ovoj globalizaciji sigurno imati takvu vrstu kriznog menadžmenta. Šta jesu? Uvijek dakle mjere mogu biti bolje, one mogu biti bolje poduzete, ali vjerujte s zadatim varijablama kada dođete, mislim da smo sa onim što smo imali napravili najbolje mogući način na koji je funkcionirala. To je bilo na prelazu dvije Vlade, da

se razumijemo. Bilo je dok se sve to uhodalo. Mjere su dosta dobro postavljene. Mi smo u stalnoj koordinaciji sa kolegama u Federaciji, u drugim kantonima. Imali smo jednu kritičnu situaciju u HNK, gdje smo mi ekspertno pomagali svojim kolegama tamo, jer se desilo, bio je veći broj oboljeli, smrtni slučajevi itd. Šta jesu kritične tačke? Ja sam sa zadatim varijablama, lično ja sam zadovoljna. Uvijek se može bolje i radimo na tome da bude bolje. Ovo sigurno nama treba biti jedna lekcija za budućnost kako stvari treba bolje postaviti. Šta jesu, opet se vraćam po treći put, šta jesu kritične tačke? Mislim da je referalni put, ili put upućivanja pacijenta i u mirnodopskom ide od primarnog, sekundarnog prema tercijarnom nivou. Primarna zdravstvena zaštita rekla sam šta su osnovni podaci, 211 radnih timova, 78 punktova, sasvim dostatan broj doktora. Međutim primarna zdravstvena zaštita i tu su nekako bili, u prvom momentu mislim da nisu bila, da se nekako nisu prestrukturirali na vrijeme jer imali smo te razgovore na tu temu. Dosta dugo nije bilo adekvatne zaštitne opreme i to su bile glavne zamjerke naših kolega. Vjerovatno u nerazumijevanju da krizni štab nije neki pravni subjekt koji ima budžet i od koga, koji može da nabavlja zaštitnu opremu. Mislim da smo se dobro uhodali i da sada djelujemo više sinhronizovano. Pitanje mislim da sam ovim testiranjima, ovim brojem testiranjima i ono kako se radi u regionu odgovorila i uvaženom zastupniku Nikšiću. Ne znam odakle mu podatak da BIH ima najveći broj smrtnosti. Dakle ja ću vam reći o apsolutnim brojevima. Ukupan broj umrlih od COVID u FBiH je 32, od čega je u Sarajevu bilo 6 smrtnih slučajeva. Prema otme, kako god ja to podijelim i pomnožim to sigurno nije najveća smrtnost ni u Federaciji, a pogotovo ne u regionu u odnosu na broj stanovnika. Dakle u Sarajevu do sada, sa današnjim danom urađeno 2698 testiranja od čega jedino više napravljeno u HNK, 2804, zbog toga što su oni imali tu malo težu situaciju vezano za klaster Čitluk, mislim da je došlo do oboljenja u jednom momentu većeg broja starijeg stanovništva što je uslovalo sa brzim smrtnim ishodima na žalost. U pripremi, kako mi stalno te brojeve gledamo i stalno nešto upoređujemo, evo i informacije radi u Kantonu Sarajevo u januaru ukupan broj smrtnih slučajeva u januaru u 2020 godini, bio je 241, dok je u istom mjesecu prošle godine broj umrlih u Kantonu Sarajevo bio 279. a u februaru ukupan broj umrlih u 2020 u Kantonu Sarajevo bio je 396 dok je u istom periodu prošle godine bio 491. dakle došlo je do smanjenja. Mi to pratimo, došlo je do smanjenja, manje ljudi je umrlo. Evo ne znam kako bih to rekla, jer nam je to isto jedan vrlo važan pokazatelj. Evo zastupnik uvaženi Vreto on je isto imao pitanje na ove timove. 17 timova je u DZ mobilnih koji vrše testiranje u kućnim uslovima, to je također jedna od kritičnih tačaka. I nekako u našem razgovoru dr. Ahmić je, neću reći dobio zadatak, ali su bili razgovori, da krenemo sa tim drive in testiranjima, za to se moraju naći odgovarajući prostori, što bi proces testiranja u svakom slučaju ubrzao. I mi bi smo imali neku bržu situaciju. Kažem samim tim što ulazimo u ovu fazu gdje i sa brojem testiranja i sa brojem kadra ako ga ovako rasporedimo kao drive in u svakom slučaju može poboljšati taj proces. Evo ne znam da li sam ja uspjela da dam odgovore na sva pitanja. Aha, da li je u DZ provedena edukacija, dva puta je u toku marta provedena edukacija za timove DZ i Zavoda za javno zdravstvo koji svakodnevno rade na terenu. Mi prosječno dnevno imamo nešto manje od 200 testiranja u Kantonu Sarajevo. Dakle to je jedna uobičajena dinamika, ponavljam ljudi koji imaju simptome. Jer PSR metod, ja ću još jednom ponoviti i to ovi uvaženi profesori koji se time bave, PSR metod daje najbolji rezultat u momentu kada se između trećeg i petog dana pojave simptomi. I uvijek smo u strahu da ne dobijemo neke lažno negativne rezultate i da to kod nekog koga testirate dobije se lažno negativni rezultate. Onda trebamo raditi retestiranje. U svakom slučaju se pacijenti moraju kontinuirano pratiti najmanje 14 dana. Eto ako sam ja uspjela, mislim da jesam sve to što je bilo pitano. Hvala lijepo.

Predsjedavajući:

Zahvaljujem. Obzirom da smo odgovorili na sva pitanja, molim da isključite mikrofon samo. Prelazimo na raspravu. Otvaram raspravu. Prvi za raspravu se javio uvaženi Konaković

Elmedin. Izvolite. Da li se čujemo.

Ministar Jasmin Halebić:

Uvaženi predsjedavajući, ja sam isto imao pitanja, prijavio sam se ne znam da li ste me vidjeli. Moja je šifra JH.

Predsjedavajući:

Ja se izvinjavam Konakoviću molit ću vas da sačekate još koji minut. A vas Halebiću molim da u kratkim crtama odgovorite na postavljena pitanja. Izvolite.

Ministar Jasmin Halebić:

Naravno, možda niste prepoznali nisam upisao puno ime i prezime, JH je moje ime i prezime praktično. Bilo je tri četiri pitanja. Ja ću evo tim redom i odgovoriti. Bilo je pitanje da li je u PARKU isplaćena plaća, u KJKP Park po našim informacijama jeste. Jedino preduzeće koje još uvijek nije dobilo plaću od ovih KJKP je Gras, njima smo danas pripremili uslove da se sutra isplati plaća. Po našim informacijama sva ostala preduzeća su dobila plaću. Što se tiče ove informacije koju je Ministarstvo finansija pripremio, u tački 5.4 tražilo se dodatno pojašnjenje za kreditno garantni fond o čemu se radi. To je praktično jedan fond koji je u ranijem periodu uspostavljen, sa razvojnom agencijom Serda. Radi se na modifikaciji tog Fonda. On je ranije bio razvojno usmjeren. Dakle za nabavku stalnih sredstava, za nabavku mašina, za investicije a sada bi smo ga reprogramirali da bude više usmjeren na održavanje tekuće likvidnosti preduzeća jer se to pokazalo praktično jedan od najvećih problema sa kojima se preduzeća u ovom momentu susreću. U tački 5.9. ove Informacije jeste potvrđujem to je dakle ovih 5 miliona o kojima je bilo riječi, za koje je obezbjeđena ova preraspodjela u prvom dijelu sjednice je bilo više riječi o tome. Bilo je pitanje, jedno vrlo zanimljivo pitanje po mom mišljenju, o procjeni razmjera štete za privatni sektor. Da li postoje ikakve informacije o tome? Ne postoje tačne informacije ali postoje procjene o tome da će se bruto domaći proizvod u BIH u 2020 godini umanjiti za oko 5% po analizama MMF-a, koji inače prati i mimo ovoga sada aranžmana sve zemlje u svijetu, pa tako i našu zemlju. Prati u smislu ekonomskih pokazatelja. E sada, ako tih 5% preračunamo na Kanton Sarajevo bruto domaći proizvod u FBiH je oko 21 milijardu. Otprilike oko 1/3 tog bruto domaćeg proizvoda te vrijednosti nastane u Kantonu Sarajevo. To je oko 7 milijardi. Od tih 7 milijardi, 5% smanjenja i bilo od 350 miliona KM. Kada kažemo da je teško očekivati da se putem budžeta uspostavi instrument, koji će u potpunosti praktično nadoknaditi negativne efekte pandemije koronavirusa, to znači, argumentacija za to je što mi nemamo 350 miliona KM u budžetu. Nemamo ih, niti ih u ovom trenutku možemo imati a da istovremeno sačuvamo i stabilnost budžeta, likvidnost budžeta, kontinuitet svih isplata koje idu iz budžeta, a to su praktično, pored plaća, to su praktično i pružanje javnih usluga građanima Kantona Sarajevo, obrazovanje, sigurnost, zaštita itd. Prema tome, to je neka procjena koju mi u ovom trenutku imamo. Ona je dosta gruba ali nam daje, mislim nije ono u marku, ali nam daje ipak neku sliku dubine ovoga ekonomskog pada koji mi ovih dana proživljavamo. Što se tiče MMF-a bilo je pitanje koliko od toga može očekivati Kanton Sarajevo? Procjene su oko 34 miliona KM s tim što se pojavila nova informacija da i općine zahtijevaju jedan dio tih sredstava, pojavili su se entiteti. U FBiH su se nakon toga pojavili kantoni, ali općine nisu. Ta se inicijativa prema FBiH uputila da i općine od ovog dijela Kantona učestvuju u procentu od 8 do 10% ili do 12%. ne znam kako je FBiH raspravila tu ideju. Ali ukoliko to bude onda ova 34 miliona će se umanjiti. Jedan dio će otići prema općinama. U Kantonu Sarajevo hajde da kažemo nije veliki problem i Kantonu Sarajevo to ne osjećamo kao veliki problem nego očekujemo da će i općine jedan dio odgovornosti iskazati prema ovom ukupnom stanju u kojem se Kanton nalazi. Šta smo dostavili kao amandman o Korona Zakonu za FBiH. Ja sam

to rekao ali evo još jednom ću, možda neko od zastupnika nije to obratio pažnju, dostavili smo amandman koji se tiče ograničenja iznosa zaduženja za kantone, pa tako i Kanton Sarajevo, sada je taj iznos zaduženja na 10% prihoda iz prethodne godine. A mi smatramo da bi taj iznos zaduženja trebalo povećati, jer mi se naravno ne možemo zadužiti mimo tog limita, inače bi prekršili Zakon, pa bi došli pod sankciju Zakona, što naravno nikome nije namjera, izuzev ukoliko FBiH promijeni taj iznos ograničenja, pa ga podigne za kantone na 15%, što je bio naš prijedlog, a javljale su se ideje da to bude čak i više do 20% jer mi nemamo drugog izvora, tako da kažem, putem kojeg bi jaz koji se pojavljuje finansirali. Što se tiče stimulacija, da li treba isplaćivati stimulacije onima koji više rade, u ovom trenutku mislim da je nama više problem šta uraditi sa nezaposlenim osobama, da te nezaposlene osobe bi se mogle angažovati po jednom Zakonu kojeg sada nema a koji bi mogao se također donijeti u FBiH, i mi želimo da i tu inicijativu pokrenemo, a to je Zakon o ustupanju radnika. U suštini ona poduzeća koja imaju više poslovnih aktivnosti zbog kojih njihovi radnici doživljavaju opterećenje, i onda s pravom očekuju neki stimulans, ta preduzeća bi mogla uzeti radnike, u okviru Zakona, preuzeti radnike od oni preduzeća koja imaju višak radnika zbog pada poslovne aktivnosti. Mi sada nemamo zakonskih osnova da se to dogodi. Mislim da bi u tom trenutku ukupan efekat ublažavanja ekonomskih posljedica bio hajd da kažemo povoljniji. Manje bi smo imali tih negativnih efekata. Što se tiče nezaposlenih, spominje se broj od tog koliko je sada nezaposlenih. Tu također treba biti hajde da kažem precizan. Zašto? Zbog toga što postoji više razloga za raskid radnog odnosa. Nekada taj raskid radnog odnosa može biti sporazumi, može biti zbog toga što je radni odnos utvrđen na određeno vrijeme pa onda istekom tog određenog perioda naravno prestaje radni odnos, ne zbog krize, nego zbog toga što je kada je uspostavljen radni odnos, uspostavljen sa namjerom da traje do određenog datuma i to naravno preduzeća koriste. Što se tiče otkaza, otkaz može nekada zbog toga što je radnik postao tehnološki višak, ali isto tako to su nam poslodavci kazali zbog toga što je radnik prekršio neke odredbe ugovora o radu i zbog toga je recimo poslodavac uručio otkaz. Mi sada u ovoj brojci koja se spominje nezaposlenih u Kantonu Sarajevo, pa i cijeloj Federaciji nemamo još tu dubinski analizu po ova četiri odnosa, da vidimo koji dio od ukupnog broja zaposlenih su oni koji su pristali na sporazumni prekid radnog odnosa, a ima takvih, onih koji su radili na određeno pa su i da nije bilo korona krize ugovor o radu bi istekao, i koji broj su ovi otkazi da kažemo zato što su postali tehniološki višak a koji su zbog da kažemo greške, krivice, kako god, razloga koji je na strani radnika a ne na strani poslodavca ili na strani uslova privređivanja, dakle efekata korone. Mislim da bi u narednom periodu trebalo i tu vrstu analize zahtijevati i naravno izraditi da vidimo kako tu stvari stoje. Pokušat ću kratko, mislim da sam obuhvatio ova pitanja koja su uvaženi zastupnici postavili. Zahvaljujem se.

Predsjedavajući:

Zahvaljujem uvaženi ministre. Konakoviću da li ste spremni da nastavite? Izvolite.

Poslanik/zastupnik Elmedin Konaković:

Spreman sam predsjedavajući. Zahvaljujem. Jel se čujemo? Jel dobar ton?

Predsjedavajući:

Jeste, izvolite.

Poslanik/zastupnik Elmedin Konaković:

Na mene je dojam najveći ostavio ministar Kalem. Kada nam je premijer pokušao objasniti kako nema načina da se ustavno djeluje drugačije od onoga što naredi Federacija, ministar Kalem, ne poznajem tog čovjeka dovoljno, onako malo nadobudno, prepotentno, da naruči zastupnika Handžića kaže da smo mi obezbijedili prijevoz javnom sektoru a omogućili

drugima da organizuju svoj prijevoz. Nije ministre Kalem javni prijevoz – prijevoz javnog sektora. I kako ste tu uspjeli uraditi suprotno Naredbi Federalnog štaba CZ? Gdje ste tu našli ustavni osnov da organizujete autobuse za zdravstvene radnike i uposlenike u sugiurnosti a ne one druge? E vi ste demaskirali ministre Kalem nakon što ste nam lijepo čestitali mjesec Ramazana, onda ste prvi nastup u Ramazanu imali da naružite dopredsjedavajućeg, a zapravo ste ogolili sve ono što sam ja u uvodu u pitanjima htio da čujem od vas kao Vlade. Ministre Jusko 20.04. pismo Unije samostalnih sindikata policije i javnosti koji sam ja pročitao Feni. To je moj izvor. Koji je javan izvor, i vi sada ukucate, proguglate i čujete sve ono što kažete da niste znali. Obračanje Unije samostalnih sindikata policije. Nisam ni znao vjerujte mi da se tako zovu nego sam u pripremi za sjednicu tu stvar pročitao. Premijeru, jedinstveni sistem ima još jednu manjkavost. Imate Okvirni Zakon o zaštiti i spašavanju. Po logici o kojoj vi govorite, to bi trebao biti komandant odbrane od pandemije. A nema ga, uteko. Po logici koju vi zagovarate oni su ti koordinirajući, ministar sigurnosti lično, čovjek otišao, prepustio to nekom od pomoćnika pomoćnika, i to koordinaciono tijelo više ne postoji. Dakle, vratiti ću se sada na ove ključne probleme. Ovo su neke opaske na vaše izjave koje zaista, zaista (nerazumljivo). Ministrice Agić znam ja da vi znate, ali je problem kada ministrica za rad i socijalnu politiku zna i vi ste malo, i opet ste se naljutili što sam ja postavio neko pitanje. Prošli put ste mi rekli, to vam je znate hipotetičko pitanje kako bih ja glasala, ja bih to. Dakle ja sam vam objasnio da to nije hipotetičko. Nije ni ovo hipotetičko. Kada kao ministrica znate da je 4156 ljudi u kratkom vremenskom roku ostalo bez posla, da ih dnevno ostaje 300, i prijavljuje se na Službu za zapošljavanje, onda ne spavate. Onda idete u tu Službu dole i ne čekate njihove prijedloge rješenja, nego kao ministrica u Vladi zajedno sa svojim kolegama nađete hitno način da vam poslodavci vjeruju, da vam povjeruju i da ne treba da otpuštaju ljude i da kažete ne brinite, imat ćemo novac da vam platimo doprinose i minimalnu platu. Ako znate da je 4156, znate li koliko je u manjem bh entitetu ministrice Agić? Zašto je tamo broj ukupno ljudi koji su ostali bez posla tri puta manji nego samo u Kantonu Sarajevo? I zašto je FBiH rekorder? Zašto imamo preko 30.000 ljudi koji su ostali bez posla više od Hrvatske, više od Srbije, i desetinama više puta od manjeg bh entiteta. Kada to znate vaši odgovori ne mogu biti ovakvi administrativni. Dakle zato na tim pozicija moraju biti „decision makers” ljudi koji donose odluke hrabro i brzo jer mi ovdje plaćamo (nerazumljivo) ovakve federalne postavke koju vi, pozivajući se na Ustav slijepo slijedite a ministar Kalem nam objasni kako kršite Ustav kada je riječ o prijevozu uposlenika u javnom sektoru jer tu ste zaista uletili u nekoliko svojih zamki. Dakle, mi smo prije mjesec dana imali rukovodioce u zdravstvenom sektoru, resornog ministra Mandića, profesoricu Sebiju Izetbegović, i sve one kojima oni komanduju, a svima komanduju, koji su na sva zvona govorili potpuno smo spremni i krenuli smo u januaru, imamo sve što treba, čak 300 testova. Imamo čak 300 testova. Nakon pritiska javnosti i ljudi koji su iz struke, između ostalog i nekih naših kolega, ta se priča otvorila na pravi način. Jedna digresija za gospođu Pilav. Nemojte se malo igrati tim brojevima. Nije ovo vrijeme za igru brojeva. Nemojte brojati broj umrlih u Kantonu kojih je 6 u odnosu na broj stanovnika, nego doktorice Pilav ,broj umrlih u odnosu na broj zaraženih najveći u regionu. I to vam je tačan procenat i to je kolega Nikšić potpuno u pravu. 6 ljudi u Kantonu Sarajevo od kojeg broja zaraženih, koji je to procenat. Koliko ih je u Federaciji, od kojeg broja zaraženih koji je to procenat? A znate šta nam to pokazuje? Da nam je loš zdravstveni sistem. Da mi bolesnog čovjeka ne možemo izliječiti za razliku od Njemačke koja ima mnogo veći broj oboljelih ali mnogo manji procenat smrtnosti. Zato što na vrijeme počela testirati, na vrijeme ljude usmjeravati, imala vjerovatno protokol za koji vi kažete da je SZO propisala. Vjerovatno je i njima propisala. Al je taj protokol pacijentu pružao pomoć onda kada mu je potrebna i vjerovatno nemaju slučajeve Kandić . Pašagić i još neke koje mi imamo. Ne mogu čak sirotu ženu da ukopaju jer neće patolozi da urade svoj posao. Dakle o tome mi govorimo. Na taj način vi sada kažete mi smo spremni, mi smo sve to dočekali. I ministar nam naravno ne odgovara na pitanja. Želimo mu brzo

ozdravljenje. Priča o respiratorima danas je još jednom pokazatelj o kakvoj magli i s kakvim neznalicama ova vlast pokušava riješiti ovaj cjelokupan problem. Dakle vi (nerazumljivo) ne Pilav ili nekom od vas, nego ovom našem sistemu u kojem je ta pričao respiratorima na počeku i danas potpuno suprotna zbog vas. Koji svo posao radite na ovakav način, pa ste na počeku govorili jedno a danas govorite drugo za samo mjesec dana. I sada govorimo o broju ljudi koji su na respiratorima i potrebama respiratora. A čuli ste Nenadića na kraju, nakon što ste glasali za onakav kriminalan Zavodov plan, šta nam je Nenadić onda objasnio. Dakle, mi smo ovdje zarobljeni u jednom Zakonu koji se zove Zakon o zaštiti i spašavanju. Zato što je to jedan Zakon koji su neki pisari, čete napravili ne predviđajući da se može desiti pandemija ovakvog obila i da može stati svijet zbog virusa. Ovaj Zakon to nije predvidio. U njemu nema rješenja za COVID 19. ima rješenja za poplave i dobro je poredano. Zna se u požarima i tu je uloga CZ Fahrudina Solaka jasna. Kada se po funkciji bira prva osoba štaba, koja je u ovom slučaju Jelka Miličević, ministrica finansija, vidjeli ste kakva je kada je rekla ja sam danas shvatila kakva je ovo opasnost. Ja sam danas shvatila o čemu se zapravo radi. A mi na nižim nivoima vlasti odlučimo da slijepo slušamo to dvoje ljudi s njihovim saradnicima. Da vas vratim u tu blisku istoriju kada sam ko, ne znam kako bih sebe nazvao, nekom ružnom riječju na tim društvenim mrežama vrištao da oni ne mogu voditi federalni štab jer tamo ima 15 pomoćnika ministara, od toga ni jedan epidemiolog, infektolog, niko u štabu. Molio kumio, za 7 dana Novalić kaže ne valja štab mijenjamo ga. Pa ga onda renovira, vrati ga na 7 ili 9 ljudi na čelu ostanu naravno Jelka i Solak ne dobijemo m tu ništa. Ali mi njih slijepo slušamo i vi večeras tvrdite da je to ustavna obaveza. U tome je ljudi problem. Danas je 38 dan od proglašenja stanja prirodne nesreće. Mi prvu put danas kao zastupnici ovom raspravljamo jer ste na prošloj sjednici niste ni jednu hitnu prihvatili. Na prošloj ste rekli nemamo danas materijal. Pa te nam ga prekosutra, 25 marta, provjeravao sam poštu, poslali. Od tada do danas mi pokušavamo sa vama uspostaviti neki kontakt mailovima, slali poruke. Vidjeti ćete, sada čekam tu privredu da čujem, ministra Jeličića da ga pitam zašto se oglašio na sve naše (nerazumljivo) i sada ministre Halebiću nemojte čekati koronavirus Zakon, odbijeni su svi amandmani. Ni jedan amandman nije prihvaćen. Rebalans budžeta je prošao ovako kako ga je Novalić predložio. Korona Zakon radi samo jednu stvar, iz lijevog džepa Vlada FBIH prebacuje u desni džep. Zato što je fokusirana na očuvanje penzionog sistema. Zato niste smjeli razbacivati novac ovako kako će otići u eter jer na tih 4000 i koliko ih je 156, mjesečni anuitet njihovih naknada je 1.566,812 pomnožite to slobodno sa 4 do 6 mjeseci. To je novac koji neće otići u fondove jer je to nadoknada za nezaposlene a da ste na vrijeme rekli, stop ljudi ne brinite, nemojte otpuštati, dobit ćete svi novac za doprinose, danas b mogli taj nova prebaciti na drugu poziciju jer će Vlada FBIH obezbijediti novac za doprinose. Radi se o odlukama koje ne mogu i ne smiju čekati a vi ih nikako niste donosili. Dakle, nekako mi ličimo, ja se na trenutak zapitam da li ovo nama naši stručnjaci rade, mi dobijemo neki kolektivni imunitet ko Švedska. Dakle jer ovo nepostupanje i jako mali testiranja i sada informacije ljudi koje lično poznajem, koji me zovu i kažu ljudi imao sam koronu, jer znate šta još ima. U privatnom sektoru se rade serološki nalazi, počele su privatne ordinacije jer im ne možete zabraniti. I vidite ovo. Kada se krene, kada se probudi ekipa i ubijedi da se mora masovno testirati, onda gospođa direktorica KC vama naredi a vi naredite inspekciji pozatvarate privatne laboratorije. Pozovete se na propis i kažete nemaju te privatne laboratorije. One nemaju dozvolu koju nema ni KC. Ljudi dakle ovdje nema prostora za likovanje ni političko jer je nama muka. Uplašeni smo za živote ljudi. Za njihova radna mjesta. Ovo je tragedija ekonomska od koje neće biti oporavka naredne dvije godine. Niko normalna sada ne žuri u vlast da vas sada nešto skida s vlasti da uzme vlast, jer ćemo teško preživjeti ovu godinu u svakom slučaju. A vi ste danas, a još su to poneki od vas bahati i bezobrazni, ružite zastupnike, pričate trivijalne stvari po 45 minuta u uvodu bez konkretnih i samo da vam kažem dijagnozu stanja države BIH, niste vi krivci, ne može čovjek vas kriviti, niste mjesec dana vlast, ne možemo pojedinačno tražiti krivca, zato smo mjesec dana bili

opozicija koja se nudila, koja govorila računajte na nas, tu smo, evo recite šta da radimo, pisali mejlove, setove mjera, i upozorili smo vas na stanje u komunalnoj privredi, ministre Glamoč, tek vas čeka belaj. Tek vas čeka sada prihodovna strana od VIK-a, RAD-a, PARKA i drugih, koju ćete morati opet popuniti.

Predsjedavajući:

Konakoviću, jel govorite u ime Kluba? Ja se izvinjavam. Izvolite.

Poslanik/zastupnik Elmedin Konaković:

Dakle tek vas čeka taj belaj ljudi. Odakle (nerazumljivo), kako da zaustavite sada redukcije, kako da otklonite te kvarove, 50% je pao prihod, u RAD-u ko će odvesti smeće, mislite li da će ti ljudi gladni, žedni bos i izlaziti? Dakle to vam je druga, treća stvar. U pet naleta ćete sada svaki dan ćemo svaki dan doživljavati udare od kojih se ne možemo oporaviti. Dakle, nema potrebe za kampanje. Uopšte nema potrebe za politikantstvom jer niko više nema dilemu, ova korona je pokazala stanje snage bosanskog društva. Pokazala je našu ekonomiju u kakvom se stanju nalazi. Dakle NiP prvu mjeru koju je tražio insistirao je bio protok roba zato što znamo da ako nam se zatvore granice mi crvenog mesa imamo za 7 dana, vi to ljudi znate. Da mi nemamo pšenicu i brašno ukoliko Mađari ne izvezu Kласu ili ovim našim privatnim firmama. Dakle mi nemamo domaću proizvodnju, mi smo mrtvi kao društvo koje proizvodi. Onda čujete Vučića koji kaže neću pare od MMF i imam brašna (nerazumljivo). Dakle poredimo se s njima jer eto svi se stalno poredimo s njima. Drugu stvar koju je pokazala korona, nemamo kadrove jer kadrove bismo po rođaćkim, stranačkim po drugim linijama, a kada zapuca nema tu spasa. Ne može takav odgovoriti izazovu. E tako u ratu nije moglo. Zato su u ratu najbolji i najhrabriji ljudi bili nama na čelu. Zato su nam u miru drugi na čelu. Dakle te dvije stvari, opoziciji, ne treba ništa opoziciji, kampanja je završena. Ne može se od tog oprati ova vlast nikada. Zato je bilo bitno da saslušate neke prijedloge ljudi da zajedno radimo. Da se uključimo. Vi ste izignorirali sve što. Formirali ste ovo neko naučno tijelo, vidimo sam, uključiti ste četiri pet ljudi ništa njihovo do sada vi niste poslušali. Ni jedan prijedlog četiri, pet vrhunskih stručnjaka doktora nauka. Formirali ste ga nako. I vidite sada našeg, kada se smanjuje pandemija (nerazumljivo), pa ćemo istestirati puno. A zamislite da smo to uradili na vrijeme da smo kanalisali te klastere i ljude. Ako nam nije bila želja da svi dobijemo taj kolektivni imunitet pa da imamo antitijela a ne zna svijet još jel ima imuniteta. Jesu li ta antitijela trajna i koliko su trajna i može li se vratiti korona. Dakle, ovo što smo mi večeras slušali od vas, mi smo robovi administracije. Administrativaca na čelu (nerazumljivo) koji ne smiju nisu krizni menadžeri, ne smiju da donese odluke i to nas košta ljudi puno. Zato nam je istina procenat smrtnosti u odnosu na broj zaraženih prevelik. Zato nam se ekonomija raspala i ne možete je spasiti, i gdje je izlaz šta još ova Vlada vidi kao izlaz u rebalansu Federalnog budžeta. Ja sam Halebiću rekao bravo to je logika, to moraš uraditi. Zašto pregovaramo s MMF-om o novom dugu a nismo uopšte pričali ljudi dajte. Mi smo sada onaj (nerazumljivo snimak)

Predsjedavajući:

Slabo vas čujemo Konakoviću. Morate vjerovatno biti malo tiši.

Poslanik/zastupnik Elmedin Konaković:

Nisam to još čuo. Ako sam tiši da se bolje čujem. Dobro, dakle mislim da sam rekao sve što sam htio i samo bih još volio da nam je ministar Mesihović bio, volio bih da zaista nema zdravstvene probleme nego da je ono što ja mislim da jeste, bio bih sretan da ovog puta budem u pravu i volio bih da brzo ozdravi i da se brzo vrati. A kada se vrati imat ćemo još neka pitanja za njega.

Predsjedavajući:

Zahvaljujem. Uvaženi Marjanović Damir imate riječ.

Poslanik/zastupnik Damir Marjanović:

Zahvaljujem predsjedavajući. Evo ja ću izgleda morati biti glasniji i nadam se da me svi čujete, ako me ne budete (gubi se signal) potrefim, ako smijem reći iza gospodina Konakovića iza kojega je jako teško pričati, ali mi neće biti teško da i njemu kažem možda par stvari koje ne zna o ovome što bih možda malo ja znao. Koliko ja ne znam o politici toliko znam pomalo o nečemu što se zove genetika, genetička testiranja itd. Ali hajde da malo izbalansiramo neke stvari. Uvažena kolegica Tokić-Bišćević je postavila pitanje profesorici Pilav da li je zadovoljna onim što je urađeno i što krizni štab radi? To je malo nezgodno da postavljate pitanje ženi koja mjesec i po dana već se tuče sa svim tim, i normalno koja se već nalazi u jednoj kutiji koja ne može ni biti pretjerano objektivna. Ali evo ja mogu biti objektivan i ja ću reći iskreno od samoga starta mislim da u prvom momentu odgovor kriznoga štaba je bio izuzetno, izuzetno dobar. U momentu kada nitko ne zna što taj COVID-19, tako se zove bolest, i što taj virus SARS CO2, tako se virus zove, donosi, jedina stvar koja se mogla uraditi je bila jedan žestoka i jaka prevencija, koja se čak i trebala prepisati. Vi ste imali par stotina kilometara odavde u Italiji, Španiji, ono što se tada nije moglo ni zamisliti ni opisati. I mislim da je u tom momentu krizni štab odradio fenomenalnu stvar i pohvaljujem. Isto kao što mislim da sada krizni štab treba dobrim analizama rezultata sa terena, a ne prepisivanjem šta se dešava u regionu, da donese odluke što i kako dalje. Molim (gubi se signal) bio sam i osobno svjedok, a i pojedini ljudi to znaju kako nije funkcionirao taj put pacijenta. Kako je trebalo 72 sata da se preuzmu (gubi se signal) rezultati (gubi se signal) način, jer pobogu, to je bilo uhodavanje, to je bio početak. To je bilo (gubi se signal) neke dječje bolesti.

Predsjedavajući:

Kolega Marjanoviću ponovo vas slabo čujemo. Molim vas da bar pokušate izgasiti sliku kako bi bio ton uspješno realizovan.

Poslanik/zastupnik Damir Marjanović:

Hajte da i to probamo. Da li me sada bolje čujete? E pa hajmo sa tonom, ionako ima mnogo ljepših ljudi koje možete gledati. Nije problem. Dakle ovako, tada u tom momentu je BIH donijela i bolje stvari i oštrije stvari i prije Hrvatske zaustavila koliko se sjećam nastavu u osnovnoj školi, srednjoj školi. Čak se tada prigovaralo kriznom štabu što to radite, pa ni Hrvatska to nije uradila, da bi par dana poslije ljudi uradili ono što je Sarajevo tada uradilo. E hajte sada da vidimo gdje smo zapeli. Zapeli smo onoga momenta kada smo od jedne države koja je prednjačila u dobrim mjerama počeli da kalkulišemo. I ta kalkulacija je počela, i bit ću jako iskren, primarno sa genetičkim testiranjem. Zašto sam ja vezan za to? Ima mnogo pametnijih i mudrijih ljudi od mene koji bolje poznaju i epidemiologiju i mikrobiologiju i virologiju i sve ono što ove situacije nose sa sobom, ali ja ponešto znam o genetičkom testiranju. I znam da je BIH u različitim oblastima genetičkog testiranja prednjačila u regionu. Isto tako znam da ljudi iz BIH su nerijetko išli i objašnjavali ljudima iz oblasti genetičkog testiranja šta treba i kako treba. Isto tako znam da Kanton Sarajevo i BIH imaju izuzetno jake resurse da sprovode ta testiranja u velikome broju. Isto tako se sjećam prije 20 godina kada smo počeli pričati o identifikacijama žrtava rata i tada su bili veliki administrativni problemi. Opet su naučnici i genetičari. I hrabri ljudi u politici tada odlučili da idu sa projektom za kojeg su svi govorili da je nemoguće a sada postavljamo desetine hiljada naših sunarodnjaka identificiranih i desetine hiljada onih živih koji su pronašli smiraj zato što su pronašli tijela svojih mrtvih. Kakve to veze ima? Pa ljudi, model genetičkog testiranja i rada genetičkih laboratorija i ovih koje sam spominjao, koje sada imamo, je manje

viši isti. Danas smo odavali počast i zahvaljivali smo se velikom broju ljudi. Nisam htio da se uključim da se ne razvodnimo, ali evo ja ću sada iskoristiti priliku, ja čestitam djevojkama i momcima posebno iz laboratorija na KC zato što su do sada odradili profesionalni posao. Također čestitam i kolegama iz privatnog laboratorija koji je donedavno mogao da radi, koji su čak u dva i tri ujutro znali da rade urgentna testiranja. Čestitam im, ali isto tako znam da ovi momci i djevojke koji sada rade, na kojima se stalno povećava broj uzoraka, isto tako i aparati na kojima rade, svakoga dana Sve se više opterećuju. A oni i kao i aparati, tako i ljudi, imaju svoje određene granice. Mi se u sprječavanju testiranja pozivamo na nesposobne ministre sa federalnog nivoa koje jedva čekam u Domu naroda da priupitam i da im dam anamnezu šta su govorili u zadnje četiri sedmice. Od toga da su se ismijavali sa preporukom SZO sa što više testiranja, da su proglašavali pojedine znanstvenike koji ponešto znaju o tome, kao ljude koji ništa to ne razumiju, da su nam slali poruke da mi ne znamo šta je razlika između genetičkog, naučnog, epidemiološkog testiranja, šta je urgentno testiranje, itd. Da bi vrlo brzo promijenili priču koji su se isti ministri hvalili da imaju 150 000 genetičkih testova, pa im je premijer rekao da će testove dijeliti po kantonima, ne znajući šta je test a šta je štapić za uzimanje uzorka. Da ne ulazim u detalje. Pa sada nas ubjeđuju da smo spremni za nešto, e sada tek jučer taj isti ministar predivni ministar zdravstva, govori, federalni ministar zdravstva govori e vidite moramo pojačati testiranje. E pa dobro si se sjetio. Zašto se nije rukovodio onome kada je već odlučio da prepisuje mnoge stvari, zašto se nije rukovodio onime što je Njemačka radila u jednom periodu. Ja ne znam da li vi znate da je krajem januara Njemačka imala prvi slučaj i to je bilo u Mihnenu. I sticajem okolnosti bio sam u Minhenu. Da li znate da su u roku od tri dana identificirali svaku osobu koja je bila u primarnom kontaktu s osobom iz Kine koja je donijela to i svaku osobu iz te porodice te osobe testirali su stotine ljudi ne čekajući da im neko kaže šta je slučaj, šta je prioritet, šta je ovo šta je ono. U početku samom, mogu da shvatim da smo bili oprezni, nismo imali dovoljan broj testova ali nekako smo lagali da testove imamo, ali evo sada imamo 150 000 testova plus minus 5 ili 6 hiljada koje su sukcesivno dolazili, i ne samo da ih sada imamo, imamo zadnje dvije ili tri sedmice i mi i dalje ne koristimo to. Ja sada dajem komentar, to je kao kada imate jedan jako skupi sportski automobil a vi ga vozite po makadamu i prenosite drvenu građu. Može, ali nije za to napravljeno. E sada u ovom slučaju. Da pokaže jedna divna rečena koja me oduševila iz tog perioda: pobogu što vi insistirate na testiranju pa test nije lijek? E pa gospodo, nije test lijek, ali je test u ovom momentu jedino i neću reći jedino, ali nešto veoma rijetko što imamo u borbi protiv ove pandemije. Kada nemate lijeka, kada nemate terapije, kada nemate vakcine na vidiku, nećemo je imati, neko spominje septembar, neka prva testiranja, da bog da tamo da bude januar, februar. Vi jedino što možete da pravite predikcije, da analizirate, da testovima određujete gdje se ide, kako se ide, što se ide. Doći ćemo mi do serološkog testiranja pa ću vam pojasniti šta može, šta ne može da se uradi. Njemačka ta ista ko ju sada stalno spominjemo kao dobru, podijelila tip odluka koje jedan krizni štab mora da donese. Odijelila ih je na naučne, stručne i na političke. Političke se donose na osnovu rezultata naučnih i stručnih. Ja skidam kapu prvim stručnim rezultatima i politikama koje su poslušale te rezultate. Ali gdje smo stali? Šta smo očekivali? I rekli smo sada se upoređujemo sa ljudima i sa laboratorijama i sa državama od kojih mi objektivno znamo i imamo više iskustva raditi taj posao. Kada je SZO govorila testiranje, testiranje, mnogi naši zvaničnici su govorili ne, ne, ne. Ljudi one preporuke koje vam je poslao, ovo tijelo koje mi govorimo, dajte da vam malo otkrijem tajnu. Četiri osobe su sjele, napisale su samoinicijativno. I odmah ću da kažem, imali smo kontakt jedini čovjek s kojim smo imali kontakt je bio premijer Nenadić. Ja znam da je nepopularno, ja sam opozicija, ali sam naučio da govorim istinu. Imali smo s čovjekom kontakt, čovjek je rekao pošaljite nam što prije šta mislite. Sjeli smo napisali smo. Par dana poslije, od deset tih tačaka, jedna jedina tačka koja je djelomično ispunjena i nije u potpunosti uvažena jer nisu ubačeni svi ljudi koje smo predložili, bilo je formiranje tog tijela. Zvanično nas niko nije kontaktirao. Zvanično iz

Ministarstva osim prof Pilav s kojom održavamo intenzivni kontakt. To da se razumijemo. Ali niko nas nije ni natjerao ni pitao šta misliš mi smo samoinicijativno napisali još jedan dokument. Da vam nešto kažem, neke tačke tog dokumenta su ad acta. A neke su jako aktualne gdje je tačno rečeno koji vid testiranja treba da se uradi i šta treba da se uradi.

Predsjedavajući:

Pretpostavljam da govorite u ime Kluba?

Poslanik/zastupnik Damir Marjanović.

Ja mislim da se slaže moja ekipa, jš dvije tri minute i završit ću. Znači u ime Kluba. Znali smo i rekli smo šta hoćemo i šta možemo. I da vam kažem Zdravstveni savjet ne vrši testiranja nego savjetuje. Čak smo mi sami morali formirati tu misiju na osnovu naslova tog znanstvenog savjeta koji nam je dat. I poslali smo dokument, i poslat ćemo još jedan i još jedan i mi ćemo završiti naš dio, ali ohrabrit ćemo ovu Vladu koja je tako hrabro, i ovaj krizni štab, tako hrabro startala, da nastavi hrabro da radi. Da se ne pozivamo na uredbe iz 2000 i neke godine i zakone, u kojima nije precizno, ne spominje se korona, jer tada nije blo korone da se razumijemo. A kada bih vam rekao da su laboratorije, eno privatno zatvorili na osnovu člana neke uredbe ili ako na koji je totalno neprecizno i zastario napisano, te se metode više ne koriste ljudi. I ne može se čak ni primijeniti. Ja sam namjerno postavio pitanje ministru i namjerno sam rekao profesorici Pilav nemojte mi odgovarati. Ja znam da vi znate odgovor. Zanima me da li „decision maker”, političar zna odgovor da li naše obje laboratorije ispunjavaju taj smiješni dio. Ja znam da se ad hock organiziralo nešto u Mostaru pa je Mostarski laboratorij sada dobio taj papir administrativni. Ne znam za sarajevski da li se to desilo. Ali doći ćemo u tu fazu kada vam Federacija bude tražila još više testiranja. (Nerazumljivo) više testiranja da momci i djevojke sa KC neće moći to iznijeti. I laboratorija to neće moći iznijeti. A mi opet zbog administracije, onda ću vas pitati da li ćemo se pozivati na neke stare uredbe, da kažemo iskoristimo mi te institute koje imao. By the way, pomenula je Federacija Veterinarski fakultet. Jedinu instituciju koja ima BATA akreditaciju za metode iz analize virusa- nema je ni KC zato što nije to trebalo. I ja ću postaviti ministru pitanje koliko je uzoraka poslano prema toj Veterinarskom fakultetu? Znači ljudi ne koristimo resurse i molim vas, ovo ne govorim kao član opozicije, mogu vam pričati o serološkim testovima, gospodine Konaković nemojte da žurimo u nekim pravcima, zna profesorica Pilav naš stav, jako smo oprezni u kojem pravcu ide, znamo šta možemo reći, postavlja se dobro pitanje da li je sada vrijeme da se prave široke analize, ali definitivno jeste vrijeme da se rade brzi testovi rizičnih skupina. Tako se bar kaže kada govorimo o doktorima, policiji, trgovcima itd. Znači imao mnogo toga i znamo šta treba uraditi ljudi poslušajte nas ko boga vas molim. Govorim poslušajte znanstvenike. Nismo mi najpametniji. Mi kada tih petoro šestero ljudi koji tamo sjede, pitao okolo. Znači ovo da bih pripremio ja sam pitao bar 10 ljudi koji su me naučili iz dijelova koja ja ne znam šta da kažem. I na kraju evo da se bavim malo politikom, a poslušat ću gospodina Konakovića i našeg ministra finansija, odbijeni su svi amandmani jel tako, odlično. Ja znam da Federacija djeluje nakaradno i funkcionira nakaradno. Ja znam da kada dođe nešto na Dom naroda da smo mi malte ne i ne pitamo. Većina nas sjedi i pita se što smo uopšte tu zato što nas dovedu u poziciju ako usvojiš ako ne prihvatiš nešto što smo mi predložili, zbog tebe će umrijeti 2,5 miliona ljudi u Indiji od koronavirusa. Otrpili tako se postave. Međutim samo da vam kažem korona Zakon i budžet dolaze na Dom naroda. Ako je Predstavnički dom odbio amandmane iz Kanton Sarajevo, podsjetit ću da Kanton Sarajevo ima delegate u Domu naroda iz pozicije i opozicije, nafilujte nas tim amandmanima da uporedo s onim što mi planiramo da se borimo tamo hajde da budemo ujedinjeni, hajde da kako smo ponašali ovih mjesec i po dana, kako smo prekrižili poziciju i opoziciju da tako djelujemo u Domu naroda po ovom pitanju. Zahvaljujem. Izvinjavam se na tehničkim smetnjama, zahvaljujem se još jednom profesorici

Pilav koja strpljivo odgovarala. Mi se ponekad i ne moramo samo slagati ali ja moram da kažem da je ona i njena ekipa odradila dobar posao. I reći ću nešto što će biti totalno nepopularno, radili su dobar posao dok se nije počelo previše petljati Federalni administrativni dio u ovoj cijeloj priči.

Predsjedavajući:

Zahvaljujem uvaženi zastupniče. Sljedeći ima riječ uvaženi zastupnik Suljević Samir. Izvolite. Ne čujemo vas uvaženi zastupniče morate uključiti mikrofona. Ne čujemo vas. Ne čujemo na žalost. Zastupniče Suljeviću ne čujemo vas možete li uključiti mikrofona.

Poslanik/zastupnik Samir Suljević:

Jel me čujete sada predsjedavajući? Hvala vam. Pa evo, između ostalog mislim da smo malo u ovoj tački otišli dalje nego što bi trebali da smo malo zakačili i ove sljedeće tačke, ekonomski dio. Ali prije svega, treba da istaknem da stvarno mislim da moramo da što je današnja skupština uradila da izrazi veliku zahvalnost i podršku zdravstvenim radnicima, medicinskim sestrama, ljekarima i ostalim. Naročito kao i pripadnicima policijskih struktura koji su zajedno predstavljali prvu liniju odbrane u situaciji u kojoj se nalazimo. Ne smijemo zaboraviti da je ovo situacija na koju nismo navikli, na koju nemamo nikakvih iskustava. Znači nešto se radilo u toku. Međutim kada su u pitanju aktivnosti kriznog štaba, evidentno je da je dosta stvari započeto, dokumentovano ali smo i svjedoci da u praksi dosta stvari ne izgleda onako kako se predstavlja ili kako je zamišljeno. Kao osnovnu zamjerku ističem evidentno nedovoljnu koordinaciju na nivou Kantona. A mjere uglavnom samo smo prepisivali od strane Federalnog kriznog štaba. Ko što neko maloprije reče bez modifikacije za primjenu na nivou Kantona Sarajevo. Mjere nije važno samo napisati već i adekvatno provoditi. Mnoge zdravstvene ustanove su se od samog početka našle u problemu nedostatka zaštitne opreme za medicinsko osoblje, i ostala dezinfekciona sredstva. Koliko znam i danas još neki imaju iste probleme. Kroz informaciju kriznog štaba samo se navodi da su poduzete aktivnosti nabavke zaštitne opreme, dok konkretnih pokazatelja nema ili ih ja nisam vidio. Koliko, čega, kome je dostavljena zaštitna oprema, u kojem iznosu je nabavljane itd. Većina zdravstvenih ustanova je istu nabavila donacijama, ličnim angažmanom ili kupovinom iz vlastitih sredstava. O bitnosti pravovremenog djelovanja po ovom osnovu i mogućim posljedicama po zdravlje medicinskog osoblja, a time i cjelokupnog zdravstvenog sistema, valjda nije potrebno previše naglašavati. S druge strane možemo primijetiti da su ustanove koje pružaju primarnu zdravstvenu zaštitu u znatno podređenijem položaju. To se jasno vidi i u načinu raspodjele medicinske opreme ali i finansijskih sredstava ZZO kroz rebalans finansijskog plana. To smo danas i slušali. Jasno je da ustanove primarne zdravstvene zaštite podnose ubjedljivo najveći teret novonastale situacije. Ali nisu adekvatno prepoznate niti tretirane u cijelom procesu. Kako po pitanju finansijske podrške tako i po konstatnog neosnovanog pritiska na iste. Želim ukazati na problem a ujedno vam dajem i prijedlog da iskoristite mogućnosti savremene tehnologije i pojednostavite procedure unutar sistema zdravstvene zaštite u slučajevima puta pacijenta, definisanih procedura, naročito kada se radi o administrativnim pitanjima. Kada su u pitanju donesene restriktivne odluke po pitanju preventivnog djelovanja i suzbijanje širenja pandemije, lično smatram da su dobrim dijelom bile ispravne te da nije bilo značajnije kašnjenja istih u odnosu na situaciju. Međutim, mnogim od njih se pristupilo bez prethodno definisanih i donesenih posljedičnih odluka koje bi proistekle iz iste. Navest ću kao na primjer, sjećate li se donošenja odluke o zabrani rada vrtića koju smatram opravdanu da se razumijemo. Ali nejasno definisanim pravima i mogućnostima građana po pitanju svojih radno pravnih odnosa koji su se našli u jednom trenutku odmah u problemu čuvanja djece. Slična je situacija i sa građanima koji su vrijeme proglašenja pandemije se zatekli u inostranstvu te im je onemogućen ili otežan povratak u BIH i Kanton Sarajevo iz objektivnih razloga i slično. Ali u načelu, možemo, to je moje

mišljenje, reći da imamo sreću pa je ipak epidemija u BiH se pojavila nešto kasnije u odnosu na zemlje regiona. To trebamo iskoristiti kao dodatno vrijeme kako bi smo donijeli ispravne i pravovremene odluke. Predlažem da napravite značajniju koordinaciju između zdravstvenih ustanova i ravnomjerno rasporedite teret i obim posla shodno njihovim kapacitetima jer mislim da u ovom trenutku to nije slučaj. Također, predlažem da u okviru kriznih štabova glavnu ulogu date stručnjacima iz ove oblasti prvenstveno mislim na epidemiologe kako bi iz ove situacije izašli sa što bezbolnijim posljedicama. Period pred nama je izuzetno bitan i u njemu moraju odlučivati ljudi koji su stručni i znaju voditi cijele procese. Hvala vam.

Predsjedavajući:

Zahvaljujem uvaženi zastupniče Suljević. Sljedeći ima riječ uvaženi Marić Zvonko, izvolite.

Poslanik/zastupnik Zvonko Marić.

Zahvaljujem predsjedavajući. Zaista poprilično dugo radimo, iscrpno, i mislim da je to već 14 sati koliko radimo i moram kazati da smo čuli puno toga, ali bojim se da je premalo onoga što vrijee da čuju građani Kantona Sarajevo i šire. Kada bi smo ozbiljno shvatali i emotivno doživljavali ovo što smo čuli, i što slušamo jednim tonom koji zaista je toliko dramatičan da mislim poslije onoga što čuju građani da će nastupiti takav pad morala da je to nevjerojatno. Pa ja mislim da takav način, takav pristup nisu ama baš nikakav doprinos da se prevaziđe ova kriza. Ožalošćen sam, mislio sam da postoje neke granice međutim, čini mi se da ponekad pretjerujemo, da građanima samo generiramo pesimizam, koji ne vodi ničemu. Mi kada bi građani čuli ili vi kada bi čuli evo na temelju ovih poruka šta misle o ovoj retorici koju smo slušali cijeli dan, zaista ja mislim da bi se oni sakrili u mišju rupu i čekali da im nekad neko javi za godinu dana da izađu i da je to prošlo. Ja moram reda radi da krenem malo hronološki. Mislim da je ogromna sreća i okolnost koja mora biti za svaku pohvalu što je Srbija zatvorila na vrijeme granicu, Hrvatska, zatim Crna Gora itd. A i sretna je okolnost, htio to priznati neko ili ne, što je u jednom trenutku ministar sigurnosti gospodin Radončić zabranio letove iz Italije i u to u vremenu kada je ova zaraza išla uzlaznom putanjom. To je bilo čini mi se na vrijeme. To su sretne okolnosti i solidna pretpostavka je stvorena da dobijemo na vremenu, da se organiziramo i za mjesec dana. Znate, moram vam reći jednu stvar, ovdje mnogi izigravaju eksperte. Ja sam učio u osnovnoj školi, a kasnije sam u srednjoj također predavao književnost, i sjećam se jedne pjesme o gavranu vranu koji digne kljun znanja pun i obrati se pticama, ptičijem carstvu. Sve zna, mi pratimo i Hrvatsku, pratimo i ekstra stručnjake kao što su Kon, Nestorović koji su iskazali čak u prvom vremenu da je ovo smiješan virus, ali nadmeno nikada se nisu obraćali građanima. Smirivali su situaciju, bili su odgovorni ljudi. A znate li zašto, zato što su istinski eksperti i što razumiju i psihologiju građana, što razumiju i znaju u malom prstu imaju barem koliko se može znati o virusu korona koji je malo poznat. Ono što moram da kažem također je da je neprimjereno evo jedan od mojih prethodnika, ja neću namjerno da pominjem imena je kritizirao policiju i ponizio, moram reći povrijedio jer je rekao da ne radi svoj posao. Da ta policija je odgovorna za one migrante koji se nalaze na ulicama da bi večeras na temelju one, jer sam koautor jedne i evo moje kolege ovdje sjede cijeli dan u Klubu SBB i nisu sa raznim pozicija i punktova, nego smo došli u zgradu Kantona Sarajevo i sjedimo cijeli dan ovdje i hoću da kažem da ono što je posebno značajno da smo svim srcem tu da bi smo dali doprinos koliko se to može bez ambicija da budemo eksperti, ali da damo neke sugestije. I kreirali smo, sudjelovali smo u kreiranju te, kako bih rekao, te Deklaracije da se zahvalimo svim ljudima koji su požrtvovano radili. Ja moram kazati također kada se donose neke mjere, kao što je šatorska naselja na granici, psihološki je važno bilo u tom trenutku da građani iz dijaspore koji su namjeravali da dođu vide da su tamo nenormalni uvjeti, pa neće, i onda su odustajali od dolaska u vrijeme kada e širila zaraza. To je psihološki momenta. Treba razumjeti. Mi smo u ratu bili, nama ne treba nikakva poduka. Ja ću samo jednu stvar reći, kada nisam ispoštovao

mjeru, odnosno upozorenje da će nas bombardovati na Igmanu, za tri minute izišao sam do auta da ponesem kasetu, bombardovali su za tri minuta. Zažalio sam jer su padale kasatne bombe i to mi je lekcija i zato insistiram da građani poštuju sve mjere koje su dale rezultate. Oni ministri zaista možemo neke i kritizirati u ovoj situaciji, ali i Vlada i premijer Nenadić je radio u početku danonoćno pod teretom optužbi da je klaster u Vladi, pa se ispostavilo da nije, pa da jeste bio on bi sasvim sigurno sve nas zarazio ovdje koji smo bili u kontaktu s njim. Ali ga se željelo opteretiti da ne može da se fokusira na ono što mu je posao. Međutim, izdržao je, pa je otprio kritike, da se previše pojavljuje u medijima, da je to politički marketing itd. Pa onda kada se izmakao ne želeći da se kao profesionalac bavi Poslovnika kojima bi trebali eksperti da se bave iz oblasti medicine, zamjereno mu je da se ne pojavljuje. Dakle to je dovoljan razlog da svi ministri koji nešto rade, a evo tu su, vidim i hodnicima, za razliku od nekih koji nisu u ovoj zgradi, da ne primaju k srcu ovo što čuju već da se fokusiraju na ono što treba da rade. Na optužbe, njih će biti, neutemeljenih, neistina, laži smo večeras čuli, ja ću vam samo reći jednu rečenicu. Kaže da, da ti kaže taj i taj direktor kaže samo vi radite protivzakonito. A da se pri tome ne ponudi niti jedan jedini dokaz. Niti poruka, SMS, niti pisani trag, niti snimak da taj direktor savjetuje radite protivzakonito, samo radite. To je sramno, to je nedopustivo. I na kraju, moram reći jednu stvar. Moramo se posvetiti još više iskustva govore, evo u Singapuru konkretno, koji je imao najviše i najbolje rezultate možda od svih zemalja u svijetu Hon Kong itd. Prebrzo su izašli iz vanrednih mjera. Desilo im dakle da sada pooštrene mjere poduzimaju jer im se vratio korona virus, odnosno kriza, i oni pooštravaju jer se smrtnost povećala i zaraza za nekoliko puta. Zato apeliram za sve ministre, a bit će vremena i za kritike, da uliju što više nade svim građanima da ćemo mi na kraju ipak pobijediti ovu koronu. Ključno je da na neki način to ne bude pirova pobjeda. Jer kada je Pir svojevremeno dobio neke bitke protiv Rimljana onda je rekao „Još jedna ovakva bitka i nestat ćemo. Bit ćemo izgubljeni.” ali ako čujemo ljude koji kritiziraju na neki način vrše pritisak stvaraju negativnu atmosferu, mislim da će nam ruke biti vezane, jer to zapravo možda i sračunati na tako nešto. I bitno je da to ne bude pirova pobjeda. Što se tiče ministara volio bih da se fokusiraju na ono što im slijedi, jer evo i Oktobar fest je Njemačka odgodila koji će se dešavati znamo i kada, zato što se predviđa da se može da može biti vrlo težak, turoban, mukotrpan izlazak ukoliko se izađe iz ove krize i dođe do opuštanja mjera koje su ocijenili svi, manje više, evo i kolega Marjanović, odao je priznanje svim poduzetim mjerama. Ja, ukoliko su ti ljudi, nisu dobri, nisu znali šta rade, pa kako su polučili rezultate. Zato smatram dakle da je veoma važno da ministri shvate da svojevrzni diletanti koji ih svojih kuća, poput jednog od nezavisnih zastupnika, nastupaju u pidžama partiju zelene boje, iz kuće svoje, i zato sam protiv ovakvih sjednica. I nikada neću prisustvovati ovim sjednicama. Neka dođu ovdje a ne da pidžama parti zelene boje iz kuće sa kauča, pametuju i prigovaraju svima koji nešto rade. Dakle, možemo mi pričati šta hoćemo ali rezultati gospodo govore sve, i statistika i relevantno je samo ono što dođe iz stručnih institucija, kao što je SZO. Ona vam je rekla gospodo da ste jako dobro uradili posao, i možda su neki ljudi toliko nesretni što ne čuju svake večeri da je umrlo po 10, 15 ljudi da bi zadovoljili svoje strasti, i naravno na jedan politikantski način, neetično manipulirali sa žrtvama. Desilo se kako se desilo, smrtnost je zaista mala, i to je za svaku pohvalu ono što smo čuli od SZO. Nisam želio naravno da pominjem imena ljudi koji su zaista tu poprilično panično ovdje govorili umjesto da smiruju situaciju i da konstruktivno djeluju, da pomognemo da stvorimo zajedničku svijest svih građana da moramo poštovati mjere, da moramo poštivati institucije, itd. Dakle da na kraju samo završim sa jednom rečenicom, da pokušamo, da budemo (nerazumljivo) i fokusirani na ono što radimo i da slušamo sve preporuke i konstruktivne sugestije da ih ugrađujemo u naše sljedeće planove i da strateški pristupimo kako bi savladali ovu krizu sa što manjim posljedicama. Sve je manje bitno od ljudskih života. Bilo je grešaka naravno, nije ništa idealan, znamo i sami, život i zdravlje građana. Ja mogu samo misliti ovi kritičari koji su ovdje, kada bi bili oni u Italiji ili Španjolskoj gdje je harala korona, mislim da

bi tamo Vladu vješali na stubovima kao što je to Luburić radio u 2. Svjetskom ratu na Marin dvoru sa Sarajlijama. Objesili bi sve ministar i u Španjolskoj i u Italiji itd. Treća je svat, možda imaju sreće, možda nam je i naklonjena sreća ali opak činjenica je da ovo nije zabrinjavajuće barem što se do sada desilo i da ne treba nikakvu paniku širiti i da građani samo sudjeluju i vjeruju nadležnom organima institucijama i mislim da će to biti. Jer ja sam naprosto optimista, jer zajedničkim snagama možemo puno više. Hvala.

Predsjedavajući:

Zahvaljujem uvaženi zastupniče Marić. Replika Nikšić Mariću.

Poslanik/zastupnik Damir Nikšić:

Ja mislim da je teška optužba reći da se neko raduje mrtvima, da je to neukusno i čak da se misli tako ipak nije lijepo riječi, jako čudno, jako podlo, jako zlobno. Jako minupulantski i to se ne smije ni pomisliti. Ja ne smijem ni pomisliti da pomislim tako za bilo koga da takvih ljudi ima a kamo li da kažem. Ja mislim da se mi slažemo da to nije red reći. A drugo meni se učini da je i sam u ovom svom zaključku zastupnik Marić u ovom rembling misli svega što je htio da kaže, odbrane svog šefa i ne znam kakvih politika još, da je rekao da je sve manje bitno ili više bitno od ljudskih života. Eto ja sam sada zamijenio, ali izgleda da je on zamijenio. Uglavnom reći da neko, bilo ko, da insinuiira nekome živom na ovom svijetu, u ovom gradu, na ovoj trenutno sada konferenciji video ili bilo gdje da nekome drago da ljudi umiru, ja ne znam kako to čovjek može pomisliti uopšte. Ja ne znam u kakvom on misli da je društvu, da se kreće uopšte. Tako da nadam da nije pomislio na nekoga od nas iz opozicije jer to bi bilo baš za tužbu. Eto. Ali doduše ima jedan bonitet da može lupati sve što želi sa te klupe. Hvala.

Predsjedavajući:

zahvaljujem. Odgovor Marić Nikšiću.

Poslanik/zastupnik Damir Nikšić:

iskreno mi je žao što se kolega Nikšić kolega prepoznao u ovome za radovanje. Ja sam samo rekao da se stječe dojam da bi se radovali neki zbog povećanog broja smrtnosti i ne znam on priča o tome kako ja tobože lupam a vi sami znate čovjek koji od samog početka mandata urla u sali i diskreditira i instituciju u kojoj sjedi i kaže da je izabran da bi tu bio, koji je ispredao i istraumirao sve kolegice svojim neartikulisanim načinom, istupom, vikanjem. Zaista je neprimjereno da on kaže da neko ovdje lupa. Gospodin Nikšić možda misli da je Skupština Kantona, to je njegova možda profesionalna deformacija, stand up komedija. I tako i nastupa. Svi su njegovi nastupi slični tome. Ali mislim da postoje i sale i dvorane, imate ono, Sjećaš se Doli Bel?, Crni vrh MZ i može da pravi stand up komedije tamo. Al ovo je državna institucija i Skupština Kantona je najviši zakonodavni organ u ovom društvu. Nema mjesta, ko više drži do njegovih izjava ili bilo čega što on kaže.

Predsjedavajući:

Ja se izvinjavam uvaženi Mariću. Poslovnička intervencija Vedran Jakupović.

Poslanik/zastupnik Vedran Jakupović:

Predsjedavajući ja mislim da ne trošimo vrijeme, vi ste mogli ovo uraditi intervenisati, prekinuti ovaj način razgovora. Takav odlazak od teme, da zamolit ću stvarno da prekinete. Nema smisla stvarno ni zbog gledalaca ni zbog nas.

Predsjedavajući:

Zahvaljujem uvaženi zastupniče Jakupoviću. Mariću nastavite ali se vratite molim vas na

temu. I vas kao i zastupnika Nikšića koji se prijavio za repliku da se držimo Poslovnika odnosno tačke dnevnog reda. Izvolite.

Poslanik/zastupnik Zvonko Marić.

Ja ću se vratiti naravno. Ispričavam se za digresiju ali usko je povezano sa ovim što govorim. Samo ću reći da zahvaljujem za ovu poslovničku intervenciju i ja ću je ispoštovati uz to da je na neki način pristrasna iz prostog razloga što ni u jednom trenutku kolega Jakupović nije rekao kada je meni kazao gospodin Nikšić da ja lupam ovdje. I trebao je tada intervenisati. Jeste li vidjeli gestikulaciju srednjeg prsta dvostrukog vidjeli ste na monitoru od gospodina Nikšića? Vidjeli ste gospodine Jakupoviću. Je li to jedan zastupnik samostalni, nezavisni, demokratski? S dva prsta, to su mogli i gledatelji TVSA da vide.

Predsjedavajući:

Zastupnik Vibor Handžić je tražio poslovničku intervenciju.

Dopredsjedavajući Vibor Handžić.

Zahvaljujem predsjedavajući. Zaista trudim se krajnjim naporima da se ne uključujem u ovu diskusiju. Molim vas ne postoji institut replike na poslovničku intervenciju. Dajte da se vratimo na temu.

Predsjedavajući:

Naravno ja dajem vama riječ a uskraćujem pravo na repliku uvaženom Nikšiću i Mariću. Izvolite dopredsjedavajući.

Dopredsjedavajući.

Jel mi dajete riječ za diskusiju? Nisam vas dobro shvatio, izvinjavam se. Moja će diskusija biti samo kratka, nisam je ni planirao imati. Iskreno da vam kažem ali sam bio ponukan onim pokušajem odgovora ministra saobraćaja gospodina Kalema. Mislio sami malo duže diskutovati na tu temu na onaj njegov neuspješan posrtaj upada u političke diskusije i nekog autoritativnog nastupa u pokušaju, ali zaista neću to komentarisati. Odustajem. I samo ću sugerisati da naredbe višeg nivoa vlasti nisu prirodni zakoni, Zakon sile zemljine teže i to da se o njima ne može polemiserati i diskutovati. Oni su zakoni, pogotovo u kompleksnosti ustavnom i političkom sistemu BIH, naredbe i Federalnog štaba u ovom slučaju, mogu se slobodno dragi moj ministre i preispitivati i o njima se može diskutovati i mogu se predlagati korekcije, mogu se sugerisati promjene i tražiti unapređenja. A ne mazohistički, apriori prihvatati. Zahvaljujem.

Predsjedavajući:

Zahvaljujem dopredsjedavajući Handžić. Sljedeći ima riječ uvaženi zastupnik Jakupović Vedran a neka se pripremi Vreto Elvis.

Poslanik/zastupnik Vedran Jakupović:

Zahvaljujem predsjedavajući. Samo bih kolegi Mariću nisam stvarno vidio reakciju u monitoru i iskreno moja poslovnička intervencija se odnosila na obojicu i na kolegu Nikšića i na vas, otišli ste od teme obojica, otišli ste u lični sukob, koji je znamo jako dobro od Kolegija i snimanja i koji stvarno nema veze s ovom temom. Tako da naglasim da nisam pristrasan u ovom slučaju. Dakle prvo nisam dobio odgovor na pitanje koje sam postavio ministrici Glamoč vezano za apoteke koje su izabrane da se u njima uzimaju lijekovi i nose našim sugrađanima koji nisu u moćnosti. Generalno vrlo kratko ću se osvrnuti na ovaj da kažem Izvještaj ili Informaciju, kako hoćete, ovo ustvari nije izvještaj o radu Vlade. Jako je obiman. Nije nam ovo trebalo, nije ovo trebalo ni građanima. Nije trebalo na ovaj način da

prezentirate to sve skupa. Ima preko 100 strana i mogli smo sami pročitati. Mogli su građani uzeti sami pročitati taj dio. Ono što je nas zanimalo, obzirom da je aktuelna tema, jako bitna tema, da kažete šta ste radili po gorućim pitanjima i što je još bitnije šta ćete raditi. Dat ću primjer gradonačelnika Zagreba, gospodina Bandića, koji ima onu jednu frazu: „dela se, dela se”. Stalno radimo, radimo nešto, da se radi, da se prikaže da se radi. Tu jesmo li mi prisutni u prostorijama Kantona ili smo na drugom mjestu prisutni, vjerovatno i građani vide zbog prijema kakav imamo, razlog zbog kog nismo u Kantonu što je internet u Kantonu jako loš. Druga stvar ako ćemo se pridržavati restrikcija nisu mogući toliko dugi boravci zajednički u prostorijama Kantona. Ako ne znate o čemu govorim, možete pitati profesoricu Pilav. Evo da nastavim o ovom izvještaju. Mjere ne postoje nikakve, nešto je tu pokušavao govoriti ministar finansija, vidjet ćemo, vidjet ćete u ovom izvještaju ministra privrede razgovarali smo. Šta su radili? Razgovarali su s tim nivoima. Samo se razgovara. Razgovara se i sa općinama, i sa Gradom i sa Federacijom. Stalno se nešto čeka i razgovara se. To je možda malo karikaturalno išlo ka ovom ako bog da bit će dobro. Ja očekujem. Ali da bi bilo dobro mi moramo uraditi ono što se očekuje od nas. Naravno znamo, ako smo dovoljno kadri da to uradimo. Ono što je definitivno zaključak da mjere ne postoje nikakve. Sa mjerama se kasni, osim sa ovim što je urađeno u zdravstvenom sistemu. Taj krizni štab je već imao vremena i srećom pa je formiran, i prije smjene Vlade. Tako da je krizni štab dosta dobro radio ovaj svoj dio posla. Na vrijeme su prihvatili neke upute. Ono što je meni žao što se u jednom momentu onako s neba pa u rebra pojavio taj federalni nivo. Ali što je sreća za nas da i na tom federalnom nivou su opet slušali neke naše savjete sa kantonalnog nivoa kao što profesorica Pilav u svom odgovoru i reče. Ono što zasigurno da na federalnom nivou nema kadrova koji mogu iznijeti ovo. Istina je da ovo nije ni poplava, ni požar, ovo je zdravstvena kriza u kojoj nam trebaju ljudi iz organizacije zdravstva, ja sam to par puta pomenuo. Vrlo malo je ljudi ili nimalo ljudi angažovanih i znaju koji su specijalisti organizacije zdravstva, koji znaju organizovati zdravstveni sistem. Mogu reći na prste jedne ruke se mogu izbrojati ti ljudi. Jedno da znaju a drugo je da žele, da hoće da urade ovo na način na koji treba da se uradi. Kolega Marić, možda je tu bilo malo prebacivanja pa malo je trebao pustiti pa malo restriktivno. Pa malo opustiti, pa malo restriktivno. Ja sam ako se sjećate na Kolegiju 16 marta evo već prije mjesec i po dana naglasio četiri mjere koje su tada bile neophodno da se urade. Mogu slobodo reći iako nisam bez obzira što sam po struci i po znanju i po iskustvu i te kako potreban i kriznom štabu i Vladi, bez imalo i lažne i bilo kakve skromnosti, naravno niko me nije zvao. Čak sam izbačen iz Komisije za zdravstvo ove skupštinske. Samim tim nisam ni dobio priliku da razgovaram sa ljudima u Vladi preko komisije za zdravstvo naravno bez obzira što je premijer uputio poziv, članovima i predsjednicima komisije. Ako se sjećate, govorio sam prvo o restriktivnim mjerama, koje su po mom mišljenju urađene malo kasno, ali na vrijeme u odnosu na neke zemlje, čak i okruženja. Tek na sjednici skupštine smo govorili o prekidu rada osnovnih i srednjih škola i fakulteta, potom zabrane rada ugostiteljskih objekata i ljudi nisu bili svjesni šta se dešava. Naši ljudi nisu sredinom marta bili svjesni šta se ovdje dešava u našem jako bliskom okruženju, samo zato što niko nije bio pozitivan u Sarajevu. Apsurd je bio da je bio pozitivan Konjicu, Visokom bio pozitivan u Goraždu, a mi smo u Sarajevu. Pa zašto vi ovo nama radite nema ni jedan. Jeste li sigurni ljudi da nema ni jedan u Sarajevu. Tako da su te mjere urađene na vrijeme. Srećom imali smo dosta dobru reakciju, ja pohvaliti profesoricu Pilav ovdje koja je inicirala dosta stvar i znam da je inicirala i prema federalnom. I to njihovo neznanje popunila ovim imputima od nas koji sjedimo ovdje u kućama, koji ne dolazimo tamo s odijelima i kravatama, da glumimo ministre. Da kao nešto radimo, jel. Jer šta god da kažemo onda je to politikanstvo. I mi smo rekli mjesec dana smo šutili da ne bi bilo politikanstvo. A krajnji je bezobrazluk da se ne iskoristi naša znanja i iskustva pa ni te stvari koje smo preporučivali. Ja sam preporučivao na drugi način i srećom te su se stvari i uvažile vidjeli smo neke rezultate. Ovo je reakcija samo na to mi radimo nešto. Radite šta hoćete, ali ne radite dosta stvari kako treba. Zašto govorim

o strateškim stvarima? Možemo mi evo sada se vraćati šta je bilo prije mjesec, mjesec i po, možemo lamentirati na nekim stvarima, mogu slobodno reći da ovih mjesec i po dana i dobrih stari urađeno ali možemo reći da dobar dio ovog vremena da su pojeli skakavci. Ja govorim o pripremama za zimu, govorim o onome, kod nas obično kao šala zatekao nas snijeg u novembru, iznenadio nas snijeg u decembru. Da nas ne iznenadi korona u novembru i decembru u ovoj godini. Kolega Marić spomenu da se Oktobar fest otkazao. Mi govorimo sada o Film festivalu koji je prije Oktobar festa, pa očekujemo da će biti Sarajevo film festivala. Ja se nadam, očekujem isto tako da će biti. Ja se nadam da postoje načini i mjere da do kraja maja, kako je moja prognoza, da do kraja maja počnemo otvarati ove poslove. Otvarati neke funkcije u životu, svakodnevnom životu naših građana. Niko nije spominjao psihičko zdravlje. Ovo šta govorim upravo sada je usko vezano za psihičko zdravlje, za PTSP koji nastaje ustvari kada akutni stres u kojem smo trenutno prestane. Mi taman oko SFF možemo očekivati taj PTSP da e pojavi kod naših ljudi. Da se neuroze koje imaju građani, sigurno puno više nego napredni svijet, zbog svega što smo preživjeli mogu ponovo vratiti. O tome ni danas a nisam baš nešto vidio da se razgovara. Opet strateški. Opet šta ćemo raditi u augustu, septembru, oktobru kada se te stvari pojave. Pa kada bude kompletna ekonomija pokazala se koliko će uticati i na psihičko zdravlje naših građana koji neće imati posla.

Predsjedavajući:

Vrijeme uvaženi zastupniče Jakupović. Ili javite se za drugu diskusiju.

Poslanik/zastupnik Vedran Jakupović:

klub Naroda i pravde dva još dvije tri minute. Dakle, šta je cilj kompletne moje priče? Da radite, da angažujete ove ljude. Opet evo i Naučni savjet nema nikoga iz organizacije zdravstva. Da angažujete ljude maksimalno, ljude koji znaju da rade, i da se spremimo za epidemiološki pristup sezoni novembra, decembra i početka iduće godine kada će opet biti gripe itd. Da pustimo ljude koji znaju da rade, i znaju šta da rade, da urade taj posao. Da uradimo hitno ove neke. Prihvatite ovo što vam je rečeno. To što je kolega Konaković emotivan i na ovaj način reagovao, nije nikakvo politikantstvo, to je način da vam se prikaže u kakvom smo mi realno sada stanju. I još bitnije šta možemo da očekujemo? Dakle ne samo šta se dešava trenutno i šta smo izgubili ovih zadnjih mjesec dana koliko smo izbjegavali da budemo politikanti, i evo da razmišljate tokom narednih mjesec dana šta ćete raditi u augustu, septembru i oktobru i da u skladu s tim alocirate sredstva i ovi građani opet ne idu na ono stihijsko kakvo evo srećom možda ovaj nekim čudom spasilo sada, ali stihijski pristup ne može dva puta da izdobra, da poluči rezultat. Hvala.

Predsjedavajući:

zahvaljujem uvaženi zastupniče Jakupović. Sljedeći ima riječ uvaženi zastupnik Vreto Elvis. Izvolite Vreto.

Poslanik/zastupnik Elvis Vreto:

Hvala predsjedavajući. Znam da je kasno, pokušat ću biti kraći, neću iskoristiti ovo svoje vrijeme od nekih 10 minuta koje imamo za prvu diskusiju. Mislim da smo mi svi potpisom na ovu Deklaraciju bili vrlo precizni, jasni da ljudima koji u ovom trenutku podnose najveći teret iskažemo jednu zahvalnost, i kao znak podrške. I mislim da se toga trebamo držati. Da li ima problema, sigurno da ih ima. Oni koji ih iznose, očito određene stvari vide možda iz svog ugla i s razlogom. Ja mislim da niko ne treba to doživjeti kao bilo kakav napad, već kao pokušaj da se sa jednom zdravom i razumnom diskusijom dođemo do određenih da uvaženi određene stvari koje će bit poboljšanje određenog stanja koje nije zadovoljavajuće. Ja moram priznati da se dijeli mišljenje kolege Marjanovića i to sam na početku sa problemom pandemije negdje oko 15 marta istakao, da nama na žalost osnovni spas su jake preventivne

mjere u zaštiti života i zdravlja građana Kantona Sarajevo. Zašto? Na žalost, živimo u zemlji koja je uređena tako kako je uređena. Kada posmatramo FBIH, još komplikovaniji sistem. I gdje se uz nedostatak možda i to g stručnog dijela dešavaju stvari da sporo funkcioniše sistem. Evo vam konkretan primjer. MUP je imao ozbiljne probleme sa po pitanju, ne svojom krivicom, znači oni svoj dio posla potpuno časno izvršavali. U kontroli osoba koje krše mjere samoizolacije. Pa se taj broj penjao iz dana u dan, 15 dana je nama trebalo vremena da FBIH riješi to pitane, da spusti, vrati nadležnost na Kanton. Nakon tek 15 dana mi smo imali rješenje te situacije. Šta se u međuvremenu desilo? Imali smo 688 lica koja krše mjere izolacije, po rješenju izdatom. Neki su zatečeni, ako se sjećate a sjećate se vjerovatno svi objava da je MUP, odnosno policijski službenici su zatekli jedno lice na biciklu, drugo lice je bilo otišlo čak na jug ove zemlje u Neum. Itd. Naravno, složenost ovog sistema i nefunkcionalnost ne može se svaliti na teret i odgovornost ne može preuzeti Kanton Sarajevo i oni koji su zaduženi za implementaciju. Međutim, određene stvari jasno je da je bilo problema u početku. Pogotovo ovaj algoritam, evo kako vidimo danas kako se put pacijenta još uvijek nije definisan na neki skroz precizan način. Dešavale su se određene stvari u prvih desetak dana koje su potpuno poljuljale povjerenje ljudi u zdravstveni sistem. Svjesni smo svi da i on funkcioniše kako funkcioniše kompletna država na žalost. Ono što je ključno da u ovom trenutku svi mi moramo raditi na tome da popravimo ono što je moguće, da poboljšamo stvari i da kako kaže kolega Vedran, možda smo mi svi sada u ovoj fazi, razmišljamo kako će se ovo lagano popuštati i prolaziti, odnosno kako će se mjere popuštati kako bi mi krajem maja se mogli vratiti, ne na ono vrijeme kao prije pandemije, ali sa nekim mjerama drugačije vrste u određeno obliku, vratiti se možda u normalnije stanje. Međutim, niko ne zna šta nas čeka pred zimu. Eh upravo je to ta razlika npr. između mene i gospodina Konakovića kako ja razmišljam. Zašto ova sredstva ZZO uz sve nedostatke mi ne znamo procjene svjetskih stručnjaka, govore da je moguće da se u zimskom periodu pogorša stanje sa virusom. Mi moramo imati izdvojena sredstva za nabavku određene opreme da iskoristimo ljetni period. Ja znam da je teško i nabaviti. E to su ta neka različita viđenja i razmišljanja. Ono što je bitno i želim da se zahvalim gospođi Pilav na odgovoru. Evo mi smo čuli da imamo 17 mobilnih timova koji izlaze na lice mjesta da bi testirali naše građane. Ja bih volio i zamolit ću je da na pres konferenciji zajedno sa direktorom DZ nas obavijesti u narednim danima šta se po tom pitanju učinilo, da li tih timova treba da bude više, obzirom da je najavljeno pojačano testiranje. Ono što sam vidio i što mi je bilo jako zanimljivo u Sloveniji koja se spominje kao jedna od zemalja u regionu koja se najbolje nos sa problemima sa pandemijom, jeste da su oni radili određena nasumična testiranja, odnosno vjerovatno se to podrazumijeva pod ovu kategoriju masovnih testiranja. Pa eto u narednom periodu zaista očekujemo da čujemo oko ovih mobilnih timova da su oni uspotavljeni na jedan kvalitetan način, da je zadovoljavajući broj kako bi se što više pomoglo građanima, pogotovo koji su pod mjerama zabrane još uvijek i da na jedan način preventivnog karaktera i sa tim nasumičnim testiranjima vidimo naše stanje na terenu. Naravno, to ostavljam struci. Suština je da evo imat ćemo priliku oko ovih nekih ekonomskih pokazatelja razgovarati na sljedećoj tački. Da ne bih oduzimao vrijeme, još jednom ponavljam kroz ovu deklaraciju koju smo zajedno svi potpisali jasan je znak podrške svim ljudima koji u ovom trenutku rade na prevazilaženju trenutnog stanja. Hvala vam.

Predsjedavajući:

Zahvaljujem. Replika Konaković Vreti, izvolite Konakoviću.

Poslanik/zastupnik Elmedin Konaković:

pa on je nekako pregrubo rekao kako mi to vidimo suprotno, ko biva ja neću respiratore. Takav sam dojam dobio. Kolega Vreto kako ja to vidim. Para nema dovoljno. Prihodi su pali drastično. 36% kaže Halebić da je pad u prihodu aprilskog budžeta. Ja mislim da će biti još

veći u majskom, jer smo mi u martu pola mjeseca živjeli normalno. Dakle 36% pada prihoda je zastrašujući podatak i ne možemo ljudima biti optimistični i reći ljudi super je, super je sve. 36% pali prihodi u Kantonu. Takva refleksija se očekuje na ZZO. Ja sam tražio da nam neko od struke kaže da li su respiratori u ovom trenutku od onog novca što imamo najpotrebniji jer trenutno je kapacitet bez obzira to je za ne daj bože. Ima li nešto drugo za ne daj bože. I ono što me naravno fascini8ra da nam ova grupa ljudi provlači 90 miliona za lijekove za koje ja znam da ne trebaju. I pitao sam i kolegicu i vas i sve ostale zašto da dozvolimo da u trenutku kada nam novca nema, kada nam je svaka marka golema, zašto da desetak miliona viška dozvolimo da im ostanu na poziciji lijekova a oni kažu morate to respiratore za koje oni trebaju i na kraju da Nenadić kaže da je u fazi realizacije tek onaj prvi dio nabavke respiratora od kojih 1/4 potrebna. Ima para još uvijek dovoljno za još ostatak onih punih 65 sa UNDP. To ja tako vidimo, nikako drugačije. Može mi neko podmetnuti da ja nisam ko biva za respiratore, ali to mora reći struka i mora reći ekonomija i finansije. U ovom trenutku nešto važnije od toga u onoj maloj seharici u kojoj je para sve manje. A vidjet ćete za mjesec dana o čemu sam govorio. Na mjesec dana, na nekoj narednoj Skupštini, ja će se naravno vratiti na ovu temu. Vratiti ću se na Zavod, vratiti ću se na prilive, vratit ću se na rashode i vratiti ću se na nabavke za koje ćemo znati jesu li kupljene. I govorio sam o silnim donacijama. Pitao sam ljude jeste li vidjeli respiratore za koje smo već izdvojili novac? Ključna stvar, nema ih kolega Vreto na tržištu. Nema ih na tržištu, ne mogu da nabave. Oni kažu sada ako krenemo to je za nekoliko mjeseci će biti. S druge strane kažu pandemija u padu, dakle to govore ovi ljudi struka, nisam ja to ništa. Čitam njihove dnevne izvještaje.

Predsjedavajući:

Zahvaljujem uvaženi zastupniče Konakoviću. Odgovor Konakoviću Vreto. Izvolite.

Poslanik/zastupnik Elvis Vreto:

Čujemo se, čujemo. Ja sam namjerno naglasio da je sljedeća tačka vezana više za ekonomski aspekt i u potpunosti se slažem sa Konakovićem po pitanju ekonomskog dijela krize koja nas čeka i posljedica to je nešto što je vrlo teško u ovom trenutku prognozirati i one će sigurno postojati i sigurno ćemo godinama se vraćati i ako dođemo u normalnu za narednih mjesec dana, što je teško očekivati potpunu normalu, mi bi posljedice ispaštali naredne dvije godine. O tim segmentima ja samo imam razmišljanje da taj prostor i novac treba ostaviti, da li će struka se odlučiti za kupovinu ili ne, to su sredstava namjenska za 2020 godinu. Hoće li ona biti potrebna ili ne, to neka odluče oni koji treba da se bave time. Isto to toliko mislim da u tom segmentu nemamo mi prevelikih razlika. Hvala predsjedavajući..

Predsjedavajući:

Zahvaljujem Vreto. Još imamo prijavljenu uvaženu zastupnicu Bišćević-Tokić Jasmina, izvolite.

Poslanik/zastupnik Jasmina Bišćević-Tokić:

Čujemo se predsjedavajući. Zahvaljujem. Evo vrlo ću kratko s obzirom da je već ponoć. Nakon cjelodnevne diskusije, jedno je jasno, a to je da je Vlada Kantona Sarajevo odgovorila odlično svom zadatku. Ja bih želila da se ovom prilikom zahvalim njima na današnjem iscrpnom izvještaju koji su prezentirali kako nama, tako i građanima Kantona Sarajevo. Naravno nisam pitala bez razloga uvaženu profesoricu Pilav pitanje koje sam postavila šta ona misli o dosadašnjem radu kriznog štaba? Ona je svoj posao odradila odlično. I još jednom želim da pohvalim profesoricu Pilav i krizni štab kao i štab CZ na čelu sa ministricom Nihadom Glamoč. Kada pogledamo razvijene zemlje kao što su Italija, Španija, Švedska i SAD, možemo biti ponosni na BIH i Kanton Sarajevo. Zahvaljujem. Predsjedavajući.

Predsjedavajući:

Zahvaljujem uvažena zastupnice. Ukoliko se više niko ne javlja za riječ, zaključujem raspravu.

KONSTATUJEM DA JE INFORMACIJA PRIMLJENA K ZNANJU.

Prelazimo na realizaciju tačke deset:

AD – 10.

INFORMACIJA O UBLAŽAVANJU POSLJEDICA PANDEMIJE KORONAVIRUSA NA PRIVREDU U KANTONU SARAJEVO SA PRIJEDLOGOM MJERA

Informaciju ste dobili u dopunskom materijalu. Molim predstavnika Predlagača da podnese uvodne napomene. Premijeru da li je to ministar Draško Jeličić ili je neko drugi, izvolite.

Ministar Draško Jeličić: UVODNO IZLAGANJE

Predsjedavajući:

Zahvaljujem uvaženi ministre. Da li predstavnici radnih tijela žele riječ? Niko. Ima li pitanja? Ima, ja sam evidentirao. Uvažena zastupnica Kerla Bibija, pa Milavica, Jakupović, Kristić, Handžić i Vreto do sada. Izvolite uvažena zastupnice Kerla.

Poslanik/zastupnik Bibija Kerla:

Zahvaljujem ministru na izuzetno dobrom izlaganju što se tiče privrede. Želim da postavim pitanje šta je obuhvaćeno povećanjem redovnih poticaja u poljoprivredi ovom mjerom M 2,7 na koji način je predviđena procedura javne rasprave sa poljoprivrednim proizvođačima? Da li je bilo primjedbi na prijedloge Odluke o poticajima u poljoprivredi i na koji način su rješavanje te primjedbe. Da li je bilo to teško riješiti sa poljoprivrednicima ili na zadovoljstvo i jednih i drugih? Hvala lijepo.

Poslanik/zastupnik Sead Milavica.

Zahvaljujem predsjedavajući. Zaista evo nakon 15 ili 16 sati mukotrpne rasprave, zahvaljujem se prije svega ministrica, pogotovo se zahvaljujem kao najstarijem članu Vlade, ministru privrede gospodinu Jeličiću što je izdržao ovo danas sve ovako korektno. U izlaganju ministra Jeličića sam shvatio šta je Program razvoja 2.7 (nerazumljivo). Ministre samo da nam kažete šta podrazumijevate pod Programom razvoja mjera za malu privredu M 2.5 za 2020 godinu i na koje se djelatnosti odnosi ovaj program? Eto toliko hvala i sve vas još jednom srdačno pozdravljam.

Poslanik/zastupnik Vedran Jakupović:

Zahvaljujem. Ja ću kratko pitanje. Ko je u koordinacionom tijelu, zanimaju me imena. Nismo dobili u Izvještaju imena tih ljudi, jel to opet ono standardno SERDA i Šabić i komora? Drugo, zašto opet pratite federalni nivo, kada ste donosili ove mjere samo za zabranjene djelatnosti, dopredsjedavajuća Kristić postavila zvanično pitanje zašto niste reagovali na djelatnosti koje nisu zabranjene a realno ne mogu da rade? Ako su zabranjeni ugostiteljski objekti, možemo govoriti o jednom fahu koji se zove turizam, organizacija iventa, sajмова, itd. Sada ste imali u onim pitanjima koje smo vas postavili ni na šta nije odgovoreno. Znači zašto ne reagujete na te takve djelatnosti? Ja sam dužan evo ljudi me zovu, mart su izgurali, april nekako, neće dobiti pomoć da tako kažem, neće dobiti novac, nema nikakvog poziva za

njih, a realno ne mogu ništa da rade. Na to pitanje ja nisam čuo odgovor. Kako ćete kontrolisati, ja kada čujem poticaj i poljoprivreda meni je odmah, inače poticaj riječ. To je odmah asocijacija na kriminal. Kako ćete kontrolisati to? Znači kako ćete kontrolisati evo kaže ovaj prijavio se 17.000 kako sam shvatio na federalnom nivou poljoprivrednih proizvođača. 17.000 se ljudi prijavilo koji će sada nešto kao da rade. I rekli ste, kako ćete kontrolisati to? Da ne bude ja tebi 10.000 a ti mi vratio 3000? I banalno možda pitanje, rekli ste da ste posadili kukuruz? Zašto niste pšenicu posadili? Mislim ne bavim se poljoprivredom ali znam da bračno ide od pšenice ili očekujete da jedemo kukuruzni hljeb ako se desi da Srbija, Hrvatska i Mađarska koji su preko 90, eto skoro 90% uvoza pšenice iz te tri zemlje, opet se desi Vučiću da zabrani kao što se desilo da zabrani izvoz svega, kako ćete vi praviti brašno bez pšenice? Hvala.

Dopredsjedavajuća Danijela Kristić:

Zahvaljujem se predsjedavajući. Ja ću također pokušati biti što kraća i konciznija. Prvo pitanje, zbog čega se kirija neće naplaćivati samo privrednim subjektima koji je onemogućen rad od strane kriznih štabova? Šta je sa firmama koje imaju veliki pad prometa? Zbog čega je velika razlika u broju zahtjeva i broju onih koji zadovoljavaju uvjete javnog poziva? Da li kriteriji nisu dobro postavljeni? Da li zbog toga mnogi nisu ispunili uslove i šta dalje sa takvim privrednim subjektima? Da li mislite da takve ljude treba pustiti da propadnu? Kada će novac pet miliona koji ste izdvojili biti operativan i šta nakon što se potroši tih inicijalnih 5 miliona? U dijelu ostale aktivnosti, u oblasti turizma naveli ste da kao zaštitu prava putnika i turista ćete riješiti osiguranjem vaučera, koji će turistička agencija morati imati policu osiguranja. Moje pitanje je da li ste taj dio iskomunicirali sa osiguravajućim kućama? Da li će one pokrivati ovaj rizik? Šta sa turističkim agencijama kojima su te police istekle a ako osiguravajuća društva ne budu htjela produžiti tu istu policu? I za ministra finansija. Ako je još uvijek tu, da li su urađene projekcije i scenarij pada budžetskih prihoda za 5%, 10%, 15 % i više kako bi se spremno dočekane navedene situacije ili će se i to uhotu rješavati kada već bude kasno? Toliko hvala.

Dopredsjedavajući Vitor Handžić:

Zahvaljujem predsjedavajući. Samo da kažem ministru kratko. Znam da je kasno, da popušta koncentracija, ali Skupština je odlučila da radi do kraja sjednice, a ovo je nekako jedna od najvažnijih tačaka dnevnog reda, tako da šta je tu je. Imam nekoliko pitanja, naveli ste u svojim mjerama koje ste realizirali, akreditiranje male privrede pod povoljnijim uslovima. Ja napominjem da je to stalni program koji je postojao i prije pandemije pa me interesuje šta je novo sada u toku pandemije u tom programu? Ko čini ovo koordinaciono tijelo koje ste nekoliko puta spomenuli u svojim mjerama koje ste realizovali? Rekli ste da je uvjete javnog poziva za subvencioniranje plata koje ste nedavno objavili zadovoljilo 1465 privrednih subjekata od 5039 čini mi se koliko je bilo prijavljeno. Možemo li da znamo šta je bio problem sa ovolikim brojem odbijenih subjekata zašto im nisu bile dobre aplikacije? I zanima me od ovih 1465 koji su zadovoljili uslove javnog poziva znamo li o koliko se broju radnih mjesta radi na ovaj broj subjekata? I u ovim mjerama koje ste naveli, srednjoročnim čini mi se, o isplati dijela ili pune neto plate, privrednih subjekata kojima je bio zabranjen rad, bojim se da će to biti pune s obzirom na Zakon koji je Predstavnički dom prije par sati usvojio, ako se nešto u Domu naroda ne promijeni. Vidim da i na nekoliko stavki spominjete ovaj MMF kredit, imate li uopšte, evo da uzmemo da je puna isplata pune neto plate ono što nas očekuje finansijsku procjenu o kojim to sredstvima se radi za koje će biti opterećen Kanton Sarajevo finansijski? Zahvaljujem.

Poslanik/zastupnik Elvis Vreto:

Hvala predsjedavajući. Želim da pozdravim ministra. Nekoliko pitanja već su kolege postavile, ja ću se pokušati da ne ponavljam ista pitanja. Zanima me da li je među ovih 5039 zahtjeva ima zahtjeva koji su upravo vezano za djelatnosti kojima nije zabranjen rad? Da li je to jedan od razloga da im se odbijaju, odnosno da prijave nisu zadovoljavajuće? Drugo pitanje pored ovog dijela koji je po mom nekom razmišljanju racionalan da se prvo ide u hitne mjere, zatim određene kratkoročne i dugoročne mjere stabilizacije. Kada se radi o kratkoročnim i dugoročnim mjerama, sigurno se može očekivati da će mnoge djelatnosti pa možda to govorim najviše vezano za obrtnike i samostalne djelatnosti doći do potrebe shodno situaciji da će se ti ljudi morati transformisati odnosno raditi određenu vrstu preregistracija promjenu djelatnosti? Mi vidimo da je turizam u jednoj neizvjesnoj ne možemo ni pretpostaviti na koji način i kada će ta djelatnost uopšte profunkcionistai na pravi način. Da li se razmišlja u tom smjeru, ja bih volio da uzmete ovo kao jedan od elemenata da se određena podrška usmjeri i ka podršci preregistraciji odnosno subvencioniranju peregistracije nekih djelatnosti za one ljude koji iskažu interes u promjeni namjene. Što se tiče poljoprivrede, ja sam jedan od zastupnika koji je 23 podnio određeni set zaključaka, na neke od njih se reagovalo, na neke na žalost vidim da Kanton dobio sam i odgovor da nema zemljišta u vlasništvu koje bi mogao dodijeliti mislio sa na individualno građanima koji iskažu interes da ga koriste. Vidim da je opština Ilidža i opština Hadžići, čak i Novi Grad čini mi se kao prvi reagovao u ovom dijelu, i nadam se da će kroz saradnju sa PD Butmir koji je u ovom trenutku vjerovatno već određene aktivnosti radi, vidim da su imali komunikaciju sa opštinom Ilidža da su dobili određeno zemljište za sjetvu. Da ćete tu učiniti maksimalne napore da date podršku projektima i inicijativama koje oni nude, upravo sa ciljem povećanja domaće proizvodnje, što nam je u ovom trenutku najjednostavnija i najefikasnija mjera koju možemo ponuditi. Eto toliko to su neka pitanja, zanimaju me odgovori, pa eto volio bih da čujem ministra šta misli?

Poslanik/zastupnik Zvonko Marić:

Zahvaljujem predsjedavajući. Ja imam jedno vrlo kratko pitanje za ministra. Naime auto školama nije zabranjen rad, ali jesu svi vidovi obuke i polaganja vozačkih ispita. Ova djelatnost trpi poprilično velike gubitke, nemaju nikakvih prihoda, pa me zanima da mi ministar odgovori na koji način će pružiti pomoć ovoj djelatnosti iz prostog razloga što znamo ukoliko doživi kolaps da će barem taj segment naprosto biti devastiran. Hvala.

Poslanik/zastupnik Bilsena Šahman:

Hvala predsjedavajući. Ja ću kratko pitanje. Poštovani ministre u odnosu na raspisani javni poziv na koji način imate namjeru izvršiti poticaj za privatne predškolske ustanove odnosno vrtiće. Naime, privatnim predškolskim ustanovama je zabranjen rad ali nisu obuhvaćeni javnim pozivom.

Predsjedavajući:

Zahvaljujem uvažena zastupnice Šahman. Obzirom da nemamo više prijavljenih za pitanja, pozivam ministra Draška Jeličića da odgovori. Izvolite uvaženi ministre.

Ministar Draško Jeličić:

Da krenemo po redu. Znači ja sam prokomentarisao ovo što se tiče poljoprivrede i ovo što nam je uvažena zastupnica Bibija Kerla sugerirala da malo još pojasnim. Znači javna rasprava koja je vođena na stranici Ministarstva privrede Kantona Sarajevo obuhvatila je maksimalan broj ovih pitanja koja su privrednici, odnosno poljoprivrednici postavili, i mi smo radili na tome da se skoro sve te primjedbe su uvažene. Znači konkretno, poticaj za proizvodnju mesa, peradi, za mlijeko. Svi su ti poticaji pomjereni do maksimalnog iznosa, da

bi smo se uklopili u pet miliona koliko smo planirali za podsticaj u poljoprivredi. A ono drugo što se tiče onih dodatnih poticaja za otkup poljoprivrednih proizvoda dodatnih 1,5 milion smo planirali da bi smo napunili i Robne rezerve i da bi smo odgovorili na ove zahtjeve koje bi eventualno imali proizvođači viškova poljoprivrednih proizvoda da to usmjerimo prema tržišnim centrima i domaćim lancima trgovina koji sigurno te proizvode na svjetskoj pijaci mogu kupiti jeftinije a mi bi smo tu subvencionirali domaćin proizvođačima. Što se tiče ove mjere M22.5 koju je postavio zastupnik Milavica. Tu bih rekao da je tu upravo i tu se nadovezuje na druga pitanja, tu je upravo šansa onih malih privrednih subjekata koji su doživjeli kolaps u svom djelovanju na način da se tu izvrši preregistracija firme u neku drugu djelatnost koja bi se mogla vrlo brzo revitalizirati. Što se tiče pitanja gospodina Jakupovića za ovu koordinaciono tijelo. Znači koordinaciono tijelo je formirano u sastavu: premijer, ministar privrede, ministrica rada i socijalne politike, ministar finansija što se tiče Kantona Sarajevo. Onda, četiri predstavnika udruženja poslodavaca, i to iz različitih oblasti: iz oblasti saobraćaja, iz oblasti industrije, iz oblasti ugostiteljstva i iz oblasti male privrede, odnosno male privrede i privrede. To su uglednici, ovi privrednici koji su se odgovorno ponašali i koji su za mjesec mart svojim radnicima isplatili plaće iz kapitala koji su imali u određenima preraspodjelama unutar firme. Onda je tu u sastavu predsjednica Komisije za privredu Admela Hodžić i tu je još iz ekonomske zajednice direktor Ekonomskog instituta Sarajevo. Znači to je ekipa koja je već nekoliko sastanaka održala sa konkretnim donošenjem mjera i ove mjere koje smo ovdje predstavili su plod te svakodnevne saradnje i komunikacije. Još da kažem da je ovo koordinaciono tijelo je u stalnoj komunikaciji sa Privrednom komorom Kantona Sarajevo koja je izradila jedan upitnik i obratila se privrednicima gdje je čak na 1100 upita koje je obrađeno 52% poslodavaca se izjasnilo da očekuje pomoć od Kantona Sarajevo i da će se odgovorno ponašati i neće otpustiti radnike. Što se tiče pitanja zašto smo primijenili mjere samo za zabranjene djelatnosti? To je nešto što smo morali pratiti. Kanton Sarajevo je morao prvo odreagovati na ono što su štabovi CZ zabranili djelatnost. Ali na žalost u štabovima CZ ne rade ljudi koji su iz porezne uprave ili koji su tvorci ovih SKD šifri. Mi smo vrlo teško odredili 42 šifre. Nemoguće je da nismo napravili grešku. Situacija je bila takva da smo se morali odgovorno ponašati prema budžetskim sredstvima. Znači vrlo je teško napraviti grešku pa je onda ispraviti. Da smo dodijeli nekoj djelatnosti koja nije pod zabranom onda bi smo ušli u veliki problem. E sada je bilo pitanje vezano za turizam. Mi turizam nismo obuhvatili ovom prvom kratkoročnom mjerom iz razloga što je TZ jedna od prvih reagovala na način da je raspakovala svoj potencijal odnosno raspakovala je svoj plan i program rada za 2020 godinu gdje su sagledali da se tri aktivnosti ne mogu provesti zbog korona virusa, a te tri aktivnosti u njihovom planu sredstava su iznosile milion KM. I donijeli su jednu paušalnu raspodjelu tih sredstava na način da se ta sredstva dodjelu prema učešću u uplata turističke takse, i da se ta sredstva ovim hotelijerima vrata na taj način. Međutim mi smo na Vladi reagirali da smo opet upozorilo TZ da se ozbiljnije bavi rasporedom tih sredstava da ne bude jedini kriterij uplata takse, nego da se gledaju i drugi kriterij, a prvenstveno ko nije otpustio radnike, drugo, ko je izmirio obaveze prema zajednici. Znači mi ne možemo u ovo trenutku finansirati sivu ekonomiju. Podaci koje smo dobili iz Porezne uprave su jedini mjerodavni podaci ko se ponaša onako kako naša privreda zaslužuje. Sljedeće pitanje je bilo kako će se kontrolisati javni pozivi, odnosno rezultati javnog poziva u smislu zašto su velike razlike. Iskreno da vam kažem, razlika ima i opravdanih i neopravdanih. Neki su privredni subjekti jer su bile dvije adrese po opštinama za prijavu. Slali dva puta na istu adresu pa onda plus poslali i svoju prijavu poštom. Mi smo to sada sve sortirali, razvrstali, jel to sad pješački posao. Ali ima jako puno onih djelatnosti koje sam ja već nekoliko puta u medijima naglasio koje nisu zabranjene ali su zabranom rada tržišnog centra odnosno zabranom rada na pijaci obustavljena je djelatnost. To moramo ići od prijave do prijave. I treći razlog zašto je ovoliko faličnih da tako kažem koji nisu obrađeni, je razlog što naši ljudi jednostavno nisu naučili na online prijave. Ili fali potpis, ili fali pečat, ili je

pogrešno napisan broj firme pa se ne može uvezati, onaj matični broj firme ne postoji u evidenciji koju mi imamo jer jednostavno brojeve nisu dobro napisali. Imali smo jako puno i poziva od naših privrednika koji jednostavno nisu navikli na online način rada tako da su se tu potkrale velike greške i sada je to pješački posao koji nadam se u toku ove sedmice izvršiti jer smo pojačali ekipu. Ovdje moram da istaknem jako dobar odziv opština. Svi iz opština su nam poslali jednog do dva saradnika koji su radili na obradi ovih podataka bez ikakvih problema, ni jedan problem nismo u kontaktu s opštinarima imali. Dalje, što je kolega pitao vezano za brašno i pšenicu. Ako se sjećate prvi upit je bio na početku ove pandemije koronavirusa bio je upit zašto nema germe u Sarajevu? Normalno da je nema zato što su svi pokupovali, napravili ogromne razlike. Ja sam tog trenutka reagovao i pošto znam jako puno poslodavaca pozvao da ih pitam o čemu se radi. Lično u kontaktu sa direktorima odnosno vlasnicima firmi. Obećali su mi istog trenutka da će u ponedjeljak biti kvasca. U ponedjeljak je bilo kvasca u prodaji. A što se tiče brašna i hljeba, prvi gost koji je bio na našem presu je bio direktor Klasa. To je firma koja se odgovorno ponaša i on je rekao mi imamo problema sa nabavkom pšenice, mi znamo da će biti cijena pšenice na svjetskoj pijaci visoka ali imamo toliko odgovorno ponašanje unutar firme da neće poskupiti hljeb. I evo svjedoci ste da je sada normalno snabdijevanje i da svaki dan Klasovog hljeba ima u Kantonu Sarajevo. Znači nisu svi privrednici poletili da svojim radnicima daju otkaze. Isti taj direktor je rekao da ima i problema sa prevozom radnika, njegovi radnici hljeb se proizvodi noću. Njegovi radnici su dobili dozvole da se mogu kretati da bi došli na posao a nema organiziranog prevoza ali je to situacija gdje imaš sagovornika koji se odgovorno ponaša i koji je shvatio šta se dešava sa ekonomijom i očekuje ono što se zove podrška. Što se tiče pitanja razlike u kriterijima koje su postavljene već sam odgovorio znači da ovaj prvi val obrade podataka postoje i neke djelatnosti koje normalo nismo uvrstili jer im nije zabranjen rad, međutim u drugom koraku koji smo planirali ovom srednjoročnom mjerom u aprilu moramo obuhvatiti ove koji su imali pad u realizaciji samo moramo utvrditi je li to kriterij prethodna godina ili je to kriterij tri mjeseca ili je kriterij prethodni isti taj mjesec iz prethodne godine. To sada ovi privrednici nam daju različite sugestije jer bitno je tu npr u građevini radnika sezonaca u ugostiteljstvu je to posebno riješeno. Što se tiče ovih vaučera i osiguranja vaučera to sada je više stvar osiguravajućih društava kao što je stvar banaka. Mi kao Kanton ne možemo izdati neke garancije tim firmama koje će svojim potencijalnim kupcima odnosno korisnicima vaučera dati garanciju. To je nešto što se mora rješavati na nivou osiguravajućih društava a tu je opet Privredna komora dala jedan prijedlog još puno ranije da se svi ti pružaoci turističke usluge obrate zajedno pa da onda Privredna komora Kantona pregovara sa osiguravajućim kućama u ime 30 ili 50 turoperatora, međutim tu je došlo do određene nesloge i tada je ono kao što se desi i bilo gdje. U ovom upitniku što e Privredna komora radila, postavila je pitanje da li ste osigurali svoju proizvodnju. Samo 2,1 % ispitanika je odgovorilo da je osiguralo proizvodnju. Znači ima tu i do naših poslodavaca koji se prilično nemarno odnose prema svom poslu, prema svojim uposlenicima. Što se tiče kreditiranja malih, što je Vibor Handžić postavio pitanje kreditiranje male privrede ovim kreditom koji je bio iz 2019 godine pa sada potpisan aneks, taj kreditni potencijal koji je od BBI bio je 50 na prema 50% i obrtnih sredstava, sada je relaksiran da je sada odnos 20 kapital 80 obrtna sredstva. Ovo pitanje broja privrednika i broja radnika koji će dobiti plaću, znači na onaj broj privrednih upitnika koji su zadovoljili kriterije tu je obuhvaćeno 7000 radnika. Već sam odgovorio da se za mjesec maj i za april normalno planira da je to puna plata. Ali ja bih molio i ministra finansija da se uključi ovih procjena. One su za sada vrlo teško mjerljive. Ja ne mogu sada iskazati, mi vadimo te podatke, čak i podaci iz Porezne uprave koji su obrađeni za prva dva mjeseca nisu toliko precizni i tačni. Evo da jedan primjer iz svijeta. EU je objavila da je GDP za mjesec mart pao 3%, ali ne može se sada reći da će linearno sada padati svaki mjesec tri posto. A tek kako mi možemo te neke procjene ekonomske napraviti da budu precizne. Po podacima koje nam je rekao direktor instituta taj

pad u EU neće biti linearan. Znači oni već sada znaju da ta projekcija će se na kraju završiti sa padom GDP od nekih 5 do 7%. u Kantonu Sarajevo to će biti drastično gore. Ali ko je sada taj da može definitivno i pametno odgovoriti na ovo pitanje? Ovo što ste mi rekli kada dočekati kredite od MMF. Što ste me pitali. To nije do nas. Ali svi pokazatelji koji nam govore o potencijalima Kantona Sarajevo idu u pravcu da mi sa svojim budžetom kako god napravili pravilno preraspodjelu, kako god napravili dobar rebalans one ne može izdržati dugi vremenski period jer s jedne strane povećava će se broj firmi kojima je pao promet, a s druge strane sporije će se puniti budžet- znači ako bi smo išli sa nekom mjerom koja je reklasirana prema privredi, mi bi smo za da mjeseca doživjeli kolaps budžeta onda bi bilo još gore i još teže. Dalje da ovo sam već odgovorio kojima nije zabranjen rad znači da su to oni koji su obuhvaćeni od zastupnika Vreće. To su one firme koje su na pijacama i u tržišnim centrima kojima je zabranjen rad i moramo to pojedinačno rješavati. E sada pitanje je bilo mnoge djelatnosti treba da izvrše preraspodjelu svojih kapaciteta na način da se nađu i u drugim. Upravo ono što sam govorio u mjeri 5.2. znači onaj kreditni potencijal koji bi smo eventualno plasirali da bi smo dobili 100 miliona kredita, upravo je to šansa tih privrednika da po, ja sada ne smijem obećati nultom kamatnom stopo , to će sigurno kamatne stope ići visoko, znači mi ćemo tu raditi na nekom reklasiranom odnosu kamata za privrednike ali s druge strane razmišljamo i o tome da se ove takse za registrovanja ili preregistrovanje firme u ovom trenutku ili ukinu ili potpuno smanje, ali da sa sve zavisi od ovoga Zakona po kom to sve regulisali. Što se tiče turizma razgovarali smo za direktoricom TZ sa ljudima koji vode tu TZ. Pored ovog programa kojeg su oni odmah stavili na raspolaganje turističkim radnicima još uvijek postoji optimizam u TZ da se neće sve ugasiti. Evo i sami ste spomenuli u svojim diskusijama da se čak planira SFF. Ne možemo mi biti optimisti toliki da kažemo da će to sigurno biti ili da budemo opet pesimisti na drugom strani da kažemo e umro je turizam. Znači neće se više nikad niko vratiti u Sarajevo. To je nemoguće sada reći. Moramo se okrenuti nekim drugim tržištima. Znači bit će vjerovatno ograničenja za putovanje u inostranstvo. Moramo se okrenuti turističkim potencijalima BIH. Da privučemo one turiste iz Bihaća, iz RS-a šta ima veze, svi ti potencijali možda su iskoristljivi ili možda da se okrenemo nekim tržištima turističkim koje ova koronavirus neće ekonomski ugroziti tako puno. Evo npr Saudijska Arabija. Znači sve su to neka razmišljanja koja u ovom trenutku ne možemo definitivno potvrditi ili reći da je to pravilno rješenje. O sredstvima prenamjene to sam već odgovorio. E ovo što se tiče individualne dodjele zemljišta na korištenje. To smo se u dogovoru sa opštinama i dogovorili., distribucija smjena, sjemenskog materijala, repormaterijala za obradu pa čak i goriva za obradu zemljišta to je zadatak koji smo se sa općinarima i dogovorili. Znači podsticaj u poljoprivredi to je na kantonalnom nivou, odnosno federalnom. Pa ovo direktno sa onim proizvođačima koji se do sada nisu bavili poljoprivredom to smo ostavili na općinama. Ono pitanje što se tiče Butmira tu sam već dao neke podatke pa sam napadnut što sam to tako govorio, ali dobro. Ne branim se, ja sam obavio razgovor sa direktorom PD Butmir. Kod njih je započet jedan projekat da se višak džubriva, prirodnog stajskog džubriva koji se na deponiji kod njih gomila, oni su ušli u projekat i pakovanja tog džubriva u vreće, radi na dovršetku projekta da se to džubriva paketira, da se dobiju one palete koje su osušene i koje mogu još duže trajati. I to je program koji ćemo podržati da bi se poljoprivredna proizvodnja i na taj način podstakla. Što se tiče auto škola. Na pitanje zastupnika o autoškolama. U suradnja sa Ministarstvom obrazovanja, namjera nam je da raspišemo dodatni poziv za subvencioniranje plata ne samo za privatne vrtiće i autoškole, već i za institucije koje se bave obrazovanjem odraslih. I taj zahtjev je uputilo nama Ministarstvo obrazovanja i to će biti kao jedan dodatni obrađeni materijal ali na način da će nam Ministarstvo obrazovanja i direktnim uključivanjem jer ima evidenciju svih ti subjekata, dobit ćemo te podatke i uvrstiti ćemo ih u ovaj prvu mjeru dodjele plate za mjesec mart. Ja mislim da sam dovoljno koncetrisan bio da obuhvatim sva pitanja ali vjerujte popušta koncentracija. Ne mogu reći da sam baš sve i sam sam a vi ste s druge strane jako

vas je puno, različita pitanja. 14 sati sjedimo. Hvala lijepa. Ja bih samo zamolio ministar finansija da se uključi, bila su ona dva pitanja koja će on vjerovatno preciznije dati odgovor ako je još na vezi.

Predsjedavajući:

Zahvaljujem uvaženi ministre. Ja svakako sam htio dati riječ uvaženom ministru Halebiću. Halebiću da li nas čujete

Ministar Jasmin Halebić:

Hvala. Pa evo ministra privrede je dosta toga odgovorio što je vezano za temu. Naravno ključno pitanje je povezano sa trajanjem pandemije. Bez odgovora na to pitanje svi ostali odgovori se svode na pretpostavke, procjene itd. Obzirom da taj odgovor nemamo početni, moramo procjenjivati stvari. Bilo je postavljeno pitanje da li imamo projekcije ili ćemo kasniti. Ili ćemo opet kasniti. Mi kao Ministarstvo finansija nikada nismo kasnili sa projekcijama koje se tiču rebalansa budžeta. Projekcije se daju po Zakonu, zna se ko daje projekcije. To su organi koji su propisani zakonom da daju projekcije i naravno mi te projekcije svaki put uvažimo sa donošenjem budžeta, to je svima poznato. Međutim sada nema projekcija, državni organi a to su DEP i OMA koji su zaduženi za projekcije nemaju elemenata na osnovu kojih bi napravili projekcije. To nas stavlja u tešku poziciju da mi pravimo projekcije. Kanton da pravi projekcije za Kanton. Do sada to nije bio slučaj. Naravno nove okolnosti traže nova rješenja. Mi smo pokušali u komunikaciji sa FBiH koja također nema projekcije jer dolaze sa državnog nivoa da dobijemo informacije na temelju čega su oni napravili projekcije svojih prihoda. Kod nas su naravno tri glavna prihoda, to su prihodi od PDV, prihodi indirektni porezi, od poreza na dohodak i od poreza na dobit. Što se tiče tih projekcija, one će biti sadržane u Rebalansu budžeta za sada preliminarne, ali molim vas da uslovno ovaj shvatite, dosta uslovno uslovno je da verzija koju ćemo mi predložiti je smanjenje prihoda od oko 150 miliona KM. Dakle na prihodovnoj strani. To nas stavlja u poziciju da rashodovnu stranu smanjimo za 150 miliona ili da prihodovnu povećamo. Ovo je sa uračunatim prvim MMF-om. Prihodovnu stranu teško možemo povećati, tražili smo povećanje okvira u kojem se krećemo a to je okvir zaduženje od 15% jer mi možemo podnijeti to zaduženje jer smo u drobnim godinama smanjivali deficit i sada se to pokazalo kao dobra politika. Mada su neki savjetovali zadužite se sada kada su dobre godine. Mi to nismo činili u mjeri koja se ne može kontrolisati, tako da sada imamo prostora za zaduženje u ovim godinama kada je zaduženje izgleda jedini izlaz jer nemamo centralnu banku kao druge zemlje koje imaju centralnu banku i čije su mjere značajno izdašnije. EU ima centralnu banku, SAD imaju svoju centralnu banku, Japan, Velika Britanija itd. imaju svoje centralne banke koje imaju instrumente koje mi nemamo. E sada šta uraditi u ovakvoj situaciji? Interventna mjera koliko se ona nastavi za recimo cijelu godinu, ona mjesečno košta 8 miliona KM za ovih 20 000 ljudi koji su u interventnoj mjeri. Oko 8 miliona KM. Ako bi se ona produžila recimo do kraja godine, ona bi koštala nekih 65 do 70 miliona KM. To su djelatnosti koje su zabranjene. Djelatnosti koje nisu zabranjene ali im je pao prihod također, a bilo je i to pitanje tretirano, njih je više i pretpostavljamo da ih je oko 30.000. one bi koštale do kraja godine oko 100 miliona KM. Zbirom te dvije brojke i padom naših prihoda, prihoda budžeta Kantona Sarajevo vidimo da se matematika ne uklapa. Da nam fali tu sredstava. Razgovarajući sada u vremenskom toku. U vremenskom toku vjerovatno će se dogoditi još neka eksterna pomoć jer mi interne nemamo. Što se tiče banaka, ja sam razgovarao sa direktorima nekih banaka pokušavajući evo koliko možemo mi to u Kantonu da osluhnemo puls banaka. One su jako sada konzervativne jer su i one praktično u situaciji da ne znaju kakvo će njihovo poslovanje biti a to su komercijalne banke koje prvenstveno odgovaraju svojim vlasnicima. A ne građanima Kantona Sarajevo. Jer im mi nismo vlasnici. Jesmo deponenti ali nismo vlasnici. Pojedine mjere koje su se predlagale nisu došle na, kako da

kažem prepoznate kao dobre mjere od strane bankarskog sektora. Mi nismo državne banke koje mogu pratiti ove mjere koje se predlažu a one zahtijevaju jako puno novca. Ekonomski gledano, zamrzavanje stanja nije dobro. Mi imamo situaciju da se dosta mjera predlaže plaćajte ljudima plate. To znači zamrzavanje postojećeg stanja i odgađanje onoga što je neminovno. A neminovno je da se ekonomija mora prilagoditi promijenjenim okolnostima na tržištu. Dakle to je da kažemo tržišni model poslovanja. Ako se okolnosti na tržištu promijene preduzeća se moraju promijeniti. Ako mi plaćamo plaće za radnike koji ne rade iz bilo kog razloga, mi zamrzavamo postojeće stanje. Odnosno odgađamo promjenu. I čim prestanemo sa tim mjerama, a u nekom momentu ćemo morati prestati, dogodit će se ono što je neminovno a to je da preduzeća koja se nisu prilagodila će otpustiti radnike. E sada pitanje, pitanje na koje nemam odgovor koliko će sve to trajati? Ali otprilike tako to izgleda. Mi smo jako dobro prijedlog, jako kvalitetnih prijedlog. Dobro bi bilo da ovi prijedlozi idu i korak dalje pa da malo razmislite i o izvorima finansiranja. Prvo da se izračunaju koliko ti prijedlozi koštaju i da se također tu ne zaustavi predlaganje nego da se predlože izvori finansiranja. Vjerujem da bi moglo biti u toj diskusiji korisnih prijedloga. Št se tiče naših internih kapaciteta i ponašanja poslodavaca, prošlo godini, 2019 koja je bila dobra godina, privreda u Kantonu Sarajevo je ostvarila dobiti oko 1.100.000.000 KM. Od toga su platili porez na dobit oko 110 miliona KM, i to je naša planska veličina budžetu jer mi je svi možemo naći jer je ona planirana na našoj prihodovnoj strani. Kada mi planiramo 110 miliona poreza na dobit a to je 10%, porez na dobit je 10%, to znači da je privreda ostvarila dobit od 1,1 milijardu. Daj bože da je pet milijardi ostvarila al ne nije. Prema tome neki poslodavci imaju neto dobit koja nije to porez na dobit, imaju nešto dobit koja je pripala njima, oni su naravno poduzeli rizik poslovanja, uložili vlastiti kapital i ostvarili dobit. Pitanje je malo kako će poslodavci reagovati. Vidimo da dosta, šta će biti sa tom milijardom? Dosta poslodavaca je okrenuto prema budžetu, razumljivo, najlakše je tražiti pare koje su grant. Za koje nemamo kreditnu obavezu. Ali pitanje je također šta će uraditi poslodavci sa tom milijardom koja je ostala kod njih. Ona je njihova zarađena, potpuno zarađena sasvim legalno, na koju su platili porez. I pitanje je kako će se ponašati onaj dio u našoj rashodovnoj strani a to su zaposlenici javnog sektora. Tu je negdje oko 450 ili 460 miliona KM koje su nama fiksni trošak. Dakle mi ih ne možemo smanjivati ukoliko ne postignemo dogovor sa ljudima koji primaju tih 470 KM, uključujući i nas ovdje sada koji pričamo i sve dole do ono što se kaže do posljednjeg portira, dakle do zadnjeg uposlenog u Kantonu Sarajevo. Za sada nismo taj mehanizam aktivirali, što ne znači da nećemo biti prisiljeni na to, ako taj korak bude iznuđen vjerovatno će se morati poduzeti. Za sada ga nismo aktivirali, napravili smo neke početne razgovore, opipali pulseve, raspoloženja i početne stavove i da kažemo to je nešto što još nismo uradili. Naše mjere, ja kada sam spomenuo ove kreditno garantne fondove su usmjerene srednjoročne i dugoročne prema onim preduzećima koja iskažu fleksibilnost a prepoznaju sada privrednu priliku. Još uvijek imamo situaciju da uvozimo kupujemo, sada je to više opšta stvar maske koje se šiju u Kini a mi ih možemo šiti. Dobro bi bilo kada bi smo kroz nabavke povećali potražnju za proizvodima u kojima je sastav domaće proizvodnje veći. Mislim da bi to ubrzalo oporavak. Što se tiče ovih kreditno garantnih fondova banke su još kazale da one neće praktično moći pratiti bilo kakvu mjeru značajnije dok se Federacija ne izjasni tržište kapitala je podijeljeno entitetski i ovo bankarski sektor je podijeljen entitetski, dok se Federacija ne izjasni šta će biti sa regulativom kojom Federacija upravlja a tiče se bankarskog sektora. Od stava Federacije će zavisiti reakcija bankarskog sektora i naše mogućnosti kooperacije i koordinacije sa bankama. Mi smo do sada prilično kredibilan partner jer vraćamo dugove jer nemamo veliki deficit al opet imamo tu okvir neko je diskutovao s pravom ali to je činjenica da previše gledamo u Federaciju. U nekim momentima to je nužnost, jer banke će prvenstveno reagovati na ono što uradi FBiH pa će u skladu s tim svoje kreditne proizvode, svoje bankarske proizvode plasirati na tržište a mi ćemo biti jedan od klijenata bankama koje će tražiti kredit da ovaj budžetski jaz koji defakto

raste svaki dan na neki način ublaži ili zatvori. Evo to su stvari koje sam ja mislio da bi trebalo dopuniti u ovom dijelu. Ministar Draško je više govorio o ovim praktičnim stvarima, ja sam pokušao da nekako više osvijetlim ovu finansijsku sliku koja naravno prati ove praktične mjere koje je se poduzimaju.

Predsjedavajući:

Zahvaljujem ministre. Molim samo da se isključi mikrofoni, hvala vam. Otvaram raspravu. Prvi za raspravu se javio uvaženi zastupnik Okerić Elvedin. Izvolite. Zastupniče Okeriću da li ste spremni?

Dopredsjedavajući Vitor Handžić:

Predsjedavajući, evo zastupnik Okerić ima neki problem sa konekcijom trenutno pa možda da pređemo dalje, kada se uključi da mu se omogući.

Predsjedavajući:

Uvaženi zastupnik Suljević Samir izvolite.

Poslanik/zastupnik Samir Suljević:

E hvala predsjedavajući. Evo došli smo do 1,15 već, trebali smo mi ovo izgleda ipak na vrijeme prekinuti ali evo. Prvo ću se osvrnuti na Krizni štab za privredna pitanja koji se planira uspostaviti. On treba biti apsolutno popunjen sposobnim i nestranačkim ljudima, uz saglasnost medicinske struke i tačno davati instrukcije kako i na koji način ćemo početi ponovo otvarati privredu. Mi bi trebali da učestvujemo u sastavljanju ovog Kriznog štaba ako ni zbog čega drugoga onda da svi podijelimo pritisak na Vladu Kantona Sarajevo koja se jasno nikada ranije nije suočila s ovom situacijom, nije niko. Vlada treba da uzme u obzir da ne zna sve i da jedino zajedno možemo doći do rješenja. Maloprije ministar reče, jedina rješenja krediti, ako sam ga dobro shvatio. To me brine. I moramo iznaći određene neke nove pravce. Privredi se svakako treba pomoći, ali bez obzira da li je ovo planirano ili ne, moram istaći da je apsolutno neprihvatljivo da se to radi nauštrb najugroženijih kategorija društva, djece, invalida i penzionera i ostalih. Maloprije sam čuo o nekim kratkoročnim mjerama. Ja mislim da se zakasnilo sa kratkoročnim mjerama, jer pandemija je već u nepovrat odnijela neke poslove koje ćemo teško, ako ih ikako vratimo. U ovom trenutku u FBiH preko 5,2% ukupno zaposlenih ostalo bez posla. U regionu smo po ovom pitanju bez premca u vrhu, dok se u RS ta cifra iznosi oko 0,8% oko 1% kod nas je već ta cifra oko 28. sada već moramo pričati o srednjoročnim mjerama, obnovi ekonomije i dugoročnim mjerama onim kojim ćemo ponovo potaći rast ekonomije. Generalno gledajući mislim da je većina Zakona pa i istupa, kako federalnog tako i kantonalnog nivoa zapravo retrogradni su i u principu gledaju isključivo iz perspektive sopstvenih budžeta a ne stimulatívni. Ne gledaju kako iskoristiti datu situaciju da se što veći broj biznisa ostavi u novonastalom tržištu. Moramo shvatiti da se suočavamo sa novom realnošću i država je na jednoj a biznisi izgleda na drugoj strani. Neki od njih moramo biti svjesni da neće opstati. To je ono za šta trebamo biti spremni. Za neke neće više biti smisla postojanja jer će se paradigma tržišta promijeniti do te mjere da neće postojati potreba da određenom uslugom. Sada treba prepoznati koje industrije treba stimulirati tj koja tržišta treba možda pokrenuti privremeno kako bi se dali podsticaji da nastave biti dio nove ekonomske realnošću. Moramo odrediti strateške industrije koje treba podizati. Turizam koji je značajan izvor prihoda Kantona Sarajevo zahtjeva posebnu pažnju. Možda unutar ovoga novoformiranog štaba uključiti ljude koji će podstaknuti priču o održivom turizmu, o drugačijem načinu poslovanja. Kratkoročno jedan milion KM za turizam je dobar početak ali nije dovoljan. Pored subvencioniranog garantnog fonda kojeg planiramo, bitno je odvojiti grantove za prekompoziciju, obuku, ponavljanje, pripremu za neke naredne sezone kada je bilo dostupne turističkom sektoru u ne tako usko definiranoj

formi kao što je sada. Turizam je kompleksna grana privrede i u turističkom lancu vrijednosti se nalaze daleko širi broj firmi od onih koji su usko definirani prijedlogom. Šta je sa promotorim turizma? Šta je sa platformama, šta je sa transferima, transportnim kompanijama itd. Ovi grantovi bi trebali pomoći TZ da se prilagodi novoj realnosti koja će nas zadesiti tek nakon pandemije. Napominjem turističkoj industriji nije rad zabranjen ali pored realno mogu reći skromnih milion KM i nije velika pomoć. Ugostiteljstvo kao posebno odvojena grana također u Kantonu Sarajevo trba našu pomoć. Jasno je da se neće svi poslovi moći sačuvati ali isto tako jasno da su ugostiteljski radnici možda i najbrojniji uposlenici privatnog sektora u Kantonu Sarajevo. Ugostiteljstvo je zabranjen rad pa će samim tim moći iz ovog prijedloga ipak neku pomoć dobiti ali uz ovo bi morali razmisliti i o smanjenju parafiskalnih nameta koji opterećuju male i mikro biznise koji su već pogođeni. Razne takse za istaknute firme itd. S tim da imam u vidu da neki nameti kao što su turistička taksa 2% godišnjeg prometa firmama koje imaju veze sa turizmom bi zapravo trebala biti ukinuta svima kojima je naravno zabranjen rad ali i onima koji su imali znatan pad prometa u odnosu na isto doba prethodne godine. Odnosno više od 30%. podržavati poput sive industrije, IT kreativna industrija unutar kojeg su uglavnom zaposleni free lanseri koji su potpuno nezaštićeni kolektivnim ugovorima, uglavnom sami sebi plaćaju, nemaju zdravstvenu zaštitu niti PIO. A pokazali su se da i u ovim situacijama mogu i te kako dobro funkcionisati pa čak i povećati obim poslovanja tj. povećanim poslovanjem nadoknaditi budžetske rupe koje će se stvoriti zbog činjenice da je privreda zakočila. Kanton mora podnijeti dio tereta ali ne neselektivno smanjivati plate. Nego objektivno onima čiji se obim posla smanjio. Da budemo realni, u nekim ministarstvima ili JU, dolazi se na posao dva do tri puta sedmično, npr oni zaposleni, dok na npr zaposleni u obrazovanju i dalje ispunjavaju sve svoje radne obaveze u puno izazovnijim uvjetima pa čak i porazmisliti i nama zastupnicima da se smanje plate kao i svima onima čiji se obim posla smanjio. Ovo su sve privremene mjere koje se donose samo do momenta dok se ne normalizuje stanje, do momenta kada ekonomija ponovo profunkcioniše. A porazmisliti možda obrazovnom sektoru, policiju, zdravstvenim radnicima povećati plate jer se nalaze na prvoj crti odbrane. Naučno istraživačkim radovima koji imaju veze sa borbom protiv COVID-19 treba povećati a ne nikako ukinuti finansiranje. Mi smo mala zemlja ali i to šalje jasnu poruku da imamo vjere u naše naučnike i da oni mogu doprinijeti svjetskoj borbi protiv pandemije. Dugoročno Kantona treba svake godine da povećava budžet za nauku a nikako da smanjuje. Nauka i privreda su usko povezane grane i bez naučnih dostignuća nema progresa kako u svijetu, tako ni u Kantonu Sarajevo. Činjenica je da su neki poslovni subjekti morali otpustiti radnike jer je njihov promet pao za 100%. činjenica je da su neke firme, pogotovo one u turizmu suočene sa daleko većim problemima od jednog ili dva mjeseca bez prihoda. Njihov kompletan model poslovanja je doveden pod upitnik i neke nisu u stanju ni predvidjeti da li će i kada će uopće moći nastaviti svoje poslovanje. Kanton moram preuzeti brigu o otpuštenim radnicima a porazmisliti o povećanju naknada prijavljenim na birou jer mislim da će ovo osigurati da gubitak poslova ne utiče toliko na potrošnju u maloprodaji, jer će se svakako vratiti kroz promete u otvorenim trgovinama te kroz naplaćene poreze. Uključiti sve firme u Kantonu kojima je promet pao za značajan iznos od 30% u odnosu na iste mjesece prošle godine u pokrivanju troškova radnicima koji nisu otpustili ali isključivo se voditi selekcijom da te iste radnike moraju zadržati minimalno godinu dana nakon isteka pomoći, a pomoć ne treba davati duže od tri mjeseca od početka korone. Dugoročno, aktivno moramo raditi na smanjenju nameta koji su nametnuti poslodavcima. Na kantonalnom nivou preispitati sve parafiskalne namete a sve sa svrhom kako bi podstakli zapošljavanje. Također, preispitati zakone kao što su Zakon o ugostiteljstvu i vidjeti na kakav način promjenom tog Zakona možemo stimulisati ponovno pokretanja ugostiteljske industrije. Odgoditi sve planirate budžetske stavke koje je podstiču rast zaposlena u privatnom sektoru u ovom momentu. Odnosno sve što nije nužno da se završi ove godine, što može čekati za dogodine, odgoditi. Dajem i neke sugestije na koje

Kanton pa i u dogovoru sa federalnim nivoom se mora osvrnuti. Uspostaviti neke sisteme bespovratnih grantova za prilagodbu novoj realnosti.

Predsjedavajući:

Uvaženi zastupniče Suljeviću vrijeme. Jedino ukoliko govorite u ime Kluba.

Poslanik/zastupnik Samir Suljević:

Da, da. Svrha bi bila sistem bespovratnih grantova za prilagodu tržištu i radu na daljinu, što veći broj biznisa i malih obrta ipak ostane unutar sfere tržišta i ne bi imao potrebe za drugim subvencijama odnosno radnici na broju, plate zarađene, obaveze izmirene. Ukratko, vuk siti i ovce na broju. Moramo znati da su poduzetnici strašno prilagodljivi i većina njih zna odgovoriti na realnost ali m treba stimulans. Maloprije smo pričali o grantovima. Ali to moraju biti zajednički projekti finansirani i od federalnog i od kantonalnog a i općinskog nivoa. Imamo nekakve sitne evo da kažem prijedloge, npr grant Medaru da napravi online servis za prodaju online plaćanje meda ili dostavu, grant nekoj softverskoj firmi da napravi online portal sa dostavom od lokalih proizvođača, grant za kupovinu dostavnih vozila. Za prilagodbu proizvodnog pogona onog što nam u ovom treba, dezinfekciona sredstava, itd. Objektivno mogu i mikro pivare raditi. Država treba stimulirati potrošnju unutar svojih budžeta pa i raspisati ten dere za nabavku medijskih usluga. Medijska industrija je pogotovo pogođena jer svi nivoi vlasti u ovom trenutku trebali bi zakupljivati prostore na medijskim servisima, da reklamiraju mjere ali i da pomognu na taj način biznisima da opstanu, naročito u domenu digitalnih medija, i oglašavanja putem novih metoda medija putem vibera itd. Što bi IT industrije dali dodatne prihode za očuvanje radnih mjesta, od svih onih od kojih se kupuju usluge tražiti patriotske cijene, tj cijene opstanka posla, a ne zarade jer ovdje se radi o realno ratnom stanju i svi moramo učestvovati. U ovom segmentu isto tražiti od svih javnih kompanija u vlasništvu i Kantona i FBiH. O Turističkoj zajednici sam rekao već da je pogođena i da se neće oporaviti do naredne godine. Ali možemo neke subvencije za turizam napraviti. Vidite, u Australiji su neki veliki hoteli se stavili u službu suzbijanja virusa te je većina njih određena za karantin. I to samo za one koji imaju blage i asimptomatične simptome smjeste s eu hotele na dvije sedmice, patriotskim cijenama koje bi omogućavale da hoteli zadrže radnike a epidemiološki potencijalne kliconoše kontrolisati, hrana se dostavlja, nema izlazak iz soba, preuzeti trošak dezinfekcije itd. Ne brinem se za multinacionalne tipa Zare, Lindeksa itd jer će se oni snaći kako da dođu do mušterija jer u konačnici njihove će matične kuće to odraditi i pomoći. Najveći problem će biti za male kompanije koje u BiH zapošljavaju i do 350.000 ljudi jer većina neće biti kvalificirana za pomoć, jer su već sa 01.04. odjavili ih ili će jako brzo odjaviti radnike jer jednostavno nemaju zaliha ni za jedan mjesec. Trebaju nam mjere spasa i odgovori na nesreću koja nas je zadesila.

Predsjedavajući:

Vrijeme uvaženi zastupniče Suljeviću. Ja vas lijepo molio da. Hajte izvolite.

Poslanik/zastupnik Samir Suljević:

Završavam, male kompanije ne trebaju biti (nerazumljivo) zbog otpuštanja a država treba da uradi sve da zaštiti radnike koji se nađu na birou. SDP je stranka koja brine za radnike i imamo u vidu da su u poduzetnici radnici i u većini slučajeva su sami uposlenici pa će u moru otpuštanja na koje će biti primorani otpustiti i same sebe pa vas molimo da to imate u vidu. Jedna rečenica: „kriza je ujedno i prilika da možemo drugačije raditi stvari, da pravimo bolji Kanton, ugodniji za stanovnike i posjetitelje, hvala vam.

Predsjedavajući:

Zahvaljujem zastupniče Suljeviću. Okeriću jeste li vi spremni da diskutujete? Izvolite.

Poslanik/zastupnik Elvedin Okerić:

Zahvaljujem predsjedavajući. Uvaženi ministre, prodiskutovat ću vašu informaciju od 22.04. koja je identična informaciji od 16.04. a što pokazuje svu tromost Vlade i resornog ministarstava kada je u pitanju ublažavanje posljedica pandemije koronavirusa na privredu u Kantonu Sarajevo. Pa ću krenuti redom: kreditiranje subjekata koji se spominje u navedenoj informaciji je samo zamazivanje očiju. Spominju se ugovori sa BBI bankom iz prethodne godine o sufinansiranju kamata i ovim se prijedlogom samo produžava rok za apliciranje do 30.06.2020 godine. Kao prvo nije mi jasno kakve ovo veze ima sa koronom? Ovo je projekat iz prošle godine i samo produžavanje roka za apliciranje se ne može podvesti pod nekakvu pomoć privrednicima. Čini mi se da ova Vlada uopšte nije svjesna situacije u kojoj se privreda nalazi, pogotovo mala privreda na koju se odnosi ovaj dokument. Dovodi se u pitanje postojanje malih biznisa, do 30.06.2020 godine. Ili bar većina njih. A vi njima produžavate rok za apliciranje. Pa dok se prikupe svi zahtjevi, dok se pregledaju sve aplikacije, dok se sastane kreditni odbor banke, dok se to odobri, pa dok sredstva budu prenesena na račun tih malih privrednika, proći će još najmanje dva, tri mjeseca. A oni do tada vrlo je moguće neće ni postojati. Dalje ovdje se uopšte nije napravila nikakva razlika između onih privrednika koji su pogođeni pandemijom i oni koji eventualno nisu. Oni koji su otpustili radnike i koji su zadržali radnike svi su strpani u isti koš što je nedopustivo. Kada je u pitanju poljoprivreda, navodi se da je Ministarstvo odmah kontaktiralo dobavljače poljoprivrednog repromaterijala radi saznanja o snabdjevenosti problemima na tržištu kao i načina pružanja naše pomoći. Ako informacija da ste nekoga kontaktirali bez ikakve povratne informacije o traženom i bez odgovora kakva je snabdjevenosti, kakvi su problemi, šta Ministarstvo može i planira uraditi već sa iznesenim izazovima, smatram zaista izrazito neozbiljnim. PD Butmir iako je uprava ovog preduzeća u ranoj fazi proglašenja pandemije poslala Vladi Kantona Sarajevo mjere za proljetnu sjetvu kao i Turistička zajednica Kantona Sarajevo do danas nikada nisu dobili nikakav odgovor od Vlade pa su građani i pravna lica ostali uskraćeni za ovaj vid pomoći iako se građani koji stalno u javnosti pozivaju kako trebaju zasijati što više obradivih površina. Da li uopšte znate do kada je sezona sjetve? Iako je TZ stavila na raspolaganje svoja sredstva hotelijerima u iznosu od 1 milion KM Ministarstvo privrede i Vlada Kantona Sarajevo nisu čak ni odgovorili na inicijativu iako su hotelijeri, ugostitelji u pravom valu bili prinuđeni zatvoriti objekte i početi sa otpuštanjem radnika. Zatim poglavlje Privredna komora. Kažete da je u proteklih deset dana provedena anketa među privrednicima o problemima izazvanim koronavirusom a kako bis e što prije pronašla rješenja za prvu pomoć privredi. Možda ova rečenica najbolje oslikava kako se ova vlast i ova Vlada snalazi, bolje rečeno ne snalazi. Stanje nesreće proglašeno je 16.03.2020 a vi nakon mjesec dana provodite anketu iz razloga kako bi se što prije pronašla pomoć privredi. Da li ova Vlada ustvari poručuje privrednicima od kojih svi mi živimo i na čijim leđima svi mi jašemo da se snalaze kako znaju i umiju. Uostalom kao i do sada jer od države neće imati puno pomoći. Ako je vjerovati ovoj anketi, podaci u Kantonu Sarajevo su poražavajući. Samo hiljadu subjekata će u naredna tri mjeseca imati gubitke od preko 260 miliona KM. Centar za napredne tehnologije je dio izvještaja koji se uistinu može pohvaliti iako koliko ja vidim ovo je zahvaljujući ljudima inovatorima iz ovog centra jer su isti nabavili 3D printer, po ovome kako ja to čitam u ovoj informaciji ovo su oni sami bez ičije pomoći realizirali, i krenuli su sa proizvodnjom vizira. To zaključujem po sljedećoj rečenici da se JU Centar prijavio na vanredni poziv za podnošenje projektnih prijedloga. Sada Vlada želi da ovo prikaže kao neki njihov rad iako je očito da oni suštinski sa ovim nemaju ništa. Kada su u pitanju JU, uglavnom smo informisani o tome da su formirani štabovi koji su u stalnim zasjedanjima, da su podijeljene maske i rukavice i da je većina obustavila rad. To je ono što smo mogli vidjeti u ovoj informaciji koju smo dobili. Tabelarni prikaz svih mjera koje su navedene može se sumirati u par rečenica. Za sve ili većinu mjera se čeka donošenje

Zakona na nivou Federacije BiH, konkretno Zakon o ublažavanju negativnih ekonomskih posljedica. Pitam se da li Kanton ima ikakve nadležnosti. Očito je da se ovdje želi prebaciti sav teret i odgovornost na FBiH pa i za one stvari koje nemaju veze sa ovim nivoom vlasti. Primjera radi tek sada se planira da se izvrši analiza i pripremi program u skladu sa kantonalnim zakonom o poticaju razvoja male privrede. Dakle mi nemamo niti analizu. A kako bez analize bilo što donijeti. Toliko od mene u ovoj diskusiji, obzirom da smo evo već dva sata gotovo iza pola noći. Mislim da bi ovo trebali privoditi kraju, nadam se da će kolege imati razumijevanja i obzira. Tako da, eto toliko od mene. Prijatno.

Predsjedavajući:

Zahvaljujem uvaženi zastupniče Okerić sljedeći ima riječ uvaženi zastupnik Konaković. Ne, imali smo repliku. Kerla Okeriću molim vas.

Poslanik/zastupnik Bibija Kerla:

Dobro jutro ja bih samo da napomenem gospodinu Okeriću da malo prošeta Rajlovcem i Buča potokom da vidi koliko je raje uzoralo, koliko je raje posijalo i koliko je raje dobilo smjena što se tiče sadnje, i što se tiče poljoprivrede. Ne možete govoriti tako da ništa nije urađeno. Prešlo je to dosta na opštine sa Kantona i dosta je toga urađeno. Neka malo prošeta pa nek vidi da se ipak dosta toga uradilo. Hvala lijepa.

Predsjedavajući:

Odgovor na repliku Okerić Kerli. Izvolite uvaženi zastupniče Okerić.

Poslanik/zastupnik Elvedin Okerić.

Uvažena kolegice Bibija, ovo što možemo vidimo što su građani posijali, to su uradili iz svojih sredstava a ne od kantonalnih sredstva jer prije nekih već 20 dana ono što je PD Butmir slalo dopise Vladi Kantona Sarajevo kako bi pomogli građane Kantona Sarajevo oni se još uvijek nisu udostojili da odgovore na tu inicijativu na taj dopis. Tako da lokalne zajednice su nešto u tome učestvovala a uglavnom ovo rade građani iz svojih sredstava. Samo toliko.

Predsjedavajući.

Zahvaljujem uvaženi zastupniče Okerić. Sljedeći ima riječ uvaženi zastupnik Konaković. Izvolite. Jeste li spremni?

Poslanik/zastupnik Elmedin Konaković:

Jesam predsjedavajući. Može li ovako ili da stavljam slušalice? Kakav je ton?

Predsjedavajući:

Bolje je tako.

Poslanik/zastupnik Elmedin Konaković:

OK. ministre Jelčiću vi ste večeras prvi put se nama predstavili u malo ozbiljnijem izdaju da vas malo vidimo kako razmišljate, govorite, nije vam dobar raspored govorili ste u 1 ujutro na sjednici koja traje 15 sati. I fini ste neki čovjek tako mi izgleda. A vi ste nama ministre Jeličiću rekli nekoliko svojih prijedloga među kojima je i ovaj da ćemo turizam popraviti dolaskom turista iz Bihaća i RS. To je jedan od vaših prijedloga mjera i kažete treba tražiti druga tržišta, doći će nam iz Bihaća i iz RS. A čime će nam doći, čime će to platiti ovi iz Bihaća? Ko su potencijalni turisti iz Bihaća i zašto baš u Sarajevo da dođu. Interesantna vam je teza. Vi ste ministre Jeličiću ministar privrede u Kantonu koji ima budžet od milijardu. Vi ste došli na budžet od milijardu. Tako su vaši politički lideri govorili. Zapala vas je ova teška

situacija, nimalo vam niko ne zavidi, ali ste vi ministar privrede koja godišnje generiše trećinu bruto društvenog proizvoda države BIH. I ono što se desi u Sarajevu nema posljedice samo na Sarajevo, dalekosežno je i vrlo opasno po ekonomiju, najopasniji su procesi u Kantonu Sarajevo. Znae vjerovatno da generišemo 1,1 milijardu PDV godišnje više nego cijeli manji bh entitet. Kolika je važnost privrede u Kantonu Sarajevo i zato i vi kao još jedan u nizu ministara uz premijera koji ste nam 15 puta ponovili čekali smo Federaciju, još ste nam se pohvalili kažete donesena je jedna odluka kada FBIH nije donijela ni jednu mjeru. Vjerujte mi ministre Jeličiću. To nije ni za kakvo poređenje. Dakle Federalna Vlada je najveći promašaj u ovoj borbi protiv pandemije, a vi ste čekali nju. Kažete mi smo prije Federacije. Jeste li vidjeli kada je RS? Jeste vidjeli kada su mjere donosili u Hrvatskoj kojom brzinom? Jeste li vidjeli kako je Hrvatski sabor usvajao set mjera u prvoj sedmici proglašenja stanja prirodne nesreće? Jeste li vidjeli kako je u Srbiji Vučić autokratski reagovao kada je riječ o privredi. E zato su brojevi naši ministre Jeličiću katastrofalni, zastrašujući ne možemo na žalost biti nimalo optimistični ovim ljudima govori ne brinite, bit će u redu kada nam ni vi ne ulijevate ni gram povjerenja. Ovo je trenutno stanje 30.000 nezaposlenih. Ovo je udar maljem na penzioni sistem. A ja garantujem da je najveći dio toga zato što se nije reagovalo na vrijeme. Bilo i dobro ministre Jeličiću ako niste nekako ste vezani za tu svoju firmu Klas iz koje ste došli, pa ste nju uzeli kao primjer. To je ozbiljna kompanija koja dobro radi, vjerovatno spremna da izdrži ovaj udar. Znae li ministre Jeličiću strukturu privrednih subjekata u Kantonu Sarajevo? Koji je procenat malih, koji je procenat srednjih a koji je procenat velikih preduzeća? Velika se klasificiraju ovom brojkom 250 i preko zaposlenih, srednja su 0 do 49 tako nešto, a najveći ubjedljivo u strukturi privrede Kantona Sarajevo i države BIH čine ovi mali privrednici. Njih 90% po statistikama u zadnjim nema statistika za 2019, 17 i 18 su bile dostupne, 90% ovih firmi ima godišnji promet manji od 4 miliona KM. Dakle to su privrednici. Od vas su reakcije očekivali u ovoj situaciji oni mali vlasnici privrednih subjekata. Male kućne prodavnice, frizeraji, vulkanizeri, obrtnici. Oni žive mjesec za mjesec. Oni imaju kredite i oni plaćaju doprinose svojim ljudima u skladu sa svojim mogućnostima. Garant da je najveći domet benefit njihove dobiti odlazak na more s porodicom i (nerazumljivo), da ne brinu šta će pojesti i popiti i hoće li djecu poslati u školu. A to je preskromno. Niste vi naravno za to krivi ministre Jeličiću ali vi to morate znati. Ja sam prvih dana govorio isto kao vi, ne oni otpuštaju radnike. Ali kako da ne otpuste radnika ljudi koji su slušali Novalića koji kaže ekonomijom ćemo se baviti kada pandemija završi. Kako da ne otpuste radnika kada je večeras usvojen korona Zakona, i vaša stranka ministre Jeličiću nije za nju glasala. Svaka vam čast. DF nije podržao ovakav sramotan Zakon korona, koji znate šta radi, daje vam za doprinose 244 KM čak nije iznos dostatan za minimalac. On je 270,93. potreban. Dakle prelijeva samo u taj lijevi džep u kom će ta ko biva stabilnost PIO fonda zadržati se, a neće jer ljudi koji su vidjeli da je Fadil i Jelka samo to ponudili, sutra će opet i više navaliti na biro. I znate gdje će jš navaliti? U stečaj. Imat ćete zapišite to, nikakva to nije ekonomija niti je to neka moja glava, slušam ljude. Imat ćete stečajnih postupaka nakon ovoga mnogo. Uteći će ljudi od svojih obaveza., natjerat će ih država da to uradi. Ministre Jeličiću evo govorio je Halebić nešto o tome, strukturu naših prihoda. Mi ne znam gdje će nas više udariti. Hoće li to biti procenat PDV, poreza na dobit, poreza na dohodak, naših ključnih prihoda sa svim strana. 36% katastrofalno. Morat ćete rezati tamo gdje niste zamišljali da morate rezati. Dakle to bi mogao biti jedan od izlaza drastično smanjenje te javne potrošnje. Vraćam se na ove ljude. Ne možemo danas njih posmatrati kao na početku pandemije. Odgovoran je onaj ko nije otpustio radnika. Kako da ga ne otpusti kada su mu primanja 0, kada mu Vlada čak i za mjesec marta ne tretira korona zakonom, kako da taj ne otpusti radnike? To je nemoguće ljudi. I danas mi kažemo nisi bio dobar trebao si držati radnike. Čime da ih plaća? Moratorij na kredite. Ne postoji to jer su odbijeni svi amandmani, SBB se nešto puhao mi ćemo to moratorij. Sve im odbila Vlada i oni spasili večeras korona Zakon. Vidjet ćete šta rade banke. Dakle bankarski sektor je morao biti parner države. 2,8

milijardi novca preko obavezne rezerve na Centralnoj banci. Ne ono što Dodik govori. On govori gluposti i udara na monetarnu stabilnost. 2,8 milijardi preko toga bila sehara na koju se država s partnerom bankarskim sektorom morala osloniti, a nije ni pomislila nego je ponovo kao da je pod uticajem lobija uradila potpuno suprotnu stvar. To je jedan od izvora o kojima je govorio Halebić, kao i oni kreditori vanjski i unutrašnji, oni kojima smo emitovali obveznice, od kojih smo uzeli kredite koji su nas kao državu mogli reći evo vam tri mjeseca živite, imate to, pomozite privrednike, jer smo mi njima morali upumpati novac koji bi rezultirao krajnjom potrošnjom. To se dakle moralo desiti. Kako da ljudi vjeruju u ovaj sistem kada gledate ministru Đapo koja je šefica tima koji je formirala Vlada za koju treba da reaguje brzo, ona je u intervju rekla e vidjet ćete sada kada javni sektor svojom potrošnjom ponijet će realni sektor. Eto radili ste dugo u privredi, znate kakva je to brutalna rečenica. Ja sam vlasnik neke radnjice, da gledam nju i Fadila i Jelku, i ne ljutite se, i vas i da treba u to da vjerujem, ništa se od toga ne bi desilo, vjerujte mi. 1.100 privrednih subjekata se obratilo Službi za zapošljavanje (nerazumljivo). Još poenta pa imate firmu malu, pet uposlenih, vi bi trkom poslali ljude dole i držali bi na crno da vam rade posao kao što ljudi sada rade. 377 KM je više od ovih 240 koje Fadil nudi. I neizvjesno. A zamislite u drugim kantonima. Zamislite u BPK, zamislite u nekim drugim kakav je to egzodus koji nas očekuje na ovoj političkoj sceni. Znači šta je Vlada još uradila danas? Amandman Vlade FBiH je bio smanjenje broja dana nakon koji se kreću ubirati zatezne kamate. Smanjili su to na 60 dana, mislim da je bilo (nerazumljivo). Rekli su privredniku u redu čim završi pandemija imaš samo dva mjeseca ponovo ti kreću zatezne kamate na poreze koje nisu platili. Jeste li ljudi vi svjesni šta se ovdje dešava? Eto ako ste svjesni kako možete čekati i slijepo pratiti Federalnu Vladu i čekati njene reakcije? Ovo što govorite za boravišnu taksu. Ministre Jeličiću pa to je sramota. Ovdje princip upravo ono što ste vi rekli, oni koji su taj parafiskalni namet platili, oni vam sigurno ne izbjegavaju poreze, oni vam čak plaćaju i parafiskalne namete. I da se to linearno razreže i njima vrati. Pa to je najbolja poruka. Dakle ulagali ste, poštovali ste državu, plaćali ste parafiskalne namete, izvolite sada dio novca da vam pomognemo da preživite. Dakle to su ti privrednici. Ima SDA dosta tu, nema politike nikakve. Oni su morali dobiti svoj novac od boravišne takse nazad. To vam je najbolji kriterij koji ste mogli pripremiti u ovom sektoru. Eto vi ćete nešto smisliti drugo, baš me zanima kako ćete to nešto drugo smisliti. Dakle, vi ste rekli, to je to, ne možete finansirati sivu ekonomiju. To vam je čista bijela ekonomija. Nema tu nikakve sive ekonomije. Govorim u ime Kluba. Otvorili ste nekoliko tema, super ste, evo i vi ste rekli da nema stručnjaka u tom kriznom federalnom. Naravno da nema i u pravu ste ministre Jeličiću. Nema struke odlično ste to rekli, pa što ih slušamo. Što čekamo da nam ti ljudi u kojima nema struke propišu ekonomske mjere koje ćemo mi ko biva, da ne otvaram to. Premijer mi je rekao sve što sam htio da čujem. Kada ste rekli nemamo državne banke, imamo mi nju ministre Jeličiću. Imamo Razvojnu banku FBiH. Njom ćemo se sada pozabaviti da vidite šta su pljačka i kriminal učinili dijelu društva koji nam je sada trebao biti oslonac. Dakle, pričao sam s ljudima koji su pisali studiju za formiranje Razvojne banke koja je do sada trebala imati milijarde kapitala. Zadržala se čini mi se na 120 miliona svog osnovnog kapitala. Zato što je u njoj puno korupcije, kriminala, stranačkih ljudi, korisnika kredita. Nama je sve to došlo na naplatu. Ima rješenja. Samo to nećete moći riješiti vi zato što vam ovaj sistem to neće dozvoliti. Rješenje će biti u onom dijelu sive ekonomije o kojoj vi govorite. Oko 25% je sive ekonomije po izvještaju Svjetske banke, to su oni ljudi zbog kojih sam se ja sa svojim šefovima svađao, što ne izdaju račune, što rade na crno. Šta ima veze neki račun gore što ZOI nije izdo, ili što to ako nam ne bude prva stvar u glavi da račun za izdati i uzeti proizvod, opstanak našoj djeci u ovoj zemlji nakon ove pandemije, mi nemamo šta raditi. Naravno vi to nećete moći jer (nerazumljivo). Druga stvar je naravno smanjenje javne uprave. Mogu vam kolege vaše dobro govoriti o tome i Nenadić i Halebić koji su bili dio Vlade, koja je uspjela za tri godine smanjiti 800 ljudi na platama na budžetu. Značajno smanjiti broj uposlenih, povećavati plate uposlenim,

podržati javnu potrošnju pod jednom ravnom linijom koja za marku nije rasla. Dakle to je primjer, oni su super (nerazumljivo) mi kao (nerazumljivo) morati, nemate izbora, nema više zaposlenih ljudi koji bi trebali upadati u javni sektor. To je nova šansa da ovo društvo preživi. Neću da govorim o jedinom izlazu koji se zove industrijska proizvodnja. To je jedan makroekonomski koncept u koji sada vidite kada zavisite od turizma šta vam turizam može donijeti i odnijeti. Kad ste država koja leži na potencijalima turizma bilo kakav teroristički napad, nepogoda, uništava. Mi nemamo razvijen koncept industrijske proizvodnje, a imamo šansu u nekoliko segmenata privrede da je razvijemo. Ali opet će to ja sam ubijeđen raditi druge ekipe. Eto ja sam dužan samo da vas o tome obavijestim. I ključna stvar je a čelo institucija moraju biti najbolji, najstručniji ljudi, ne može nam biti žao u dva ujutro, taj ministar mora biti ko mašina. Nama je večeras bilo žao što smo mi vas ostavili do 2, pa vam se izvinjavam. A ja vam nekako živim da vidim tog ministra u 2 sata da brije, da nudi, da meni garantuje da će to biti u redu. Nemojte se ljutiti, fini ste vi neki čiko, ali ste vi dio ovog sistema koji nas više plaši nego što nas ohrabruje. I eto kolega koji je govorio prethodnik Marić ne može nikako dati argument ni za jedan optimizam nakon ovog što ste vi večeras govorili. Ja vam se zahvaljujem.

Predsjedavajući:

Ja vam se zahvaljujem. Sljedeći ima riječ uvaženi zastupnik Nikšić Damir, izvolite.

Poslanik/zastupnik Damir Nikšić:

E hvala vam. Zahvaljujem uvaženi predsjedavajući. Znači ovdje što će se desiti, što ljudi očekuju da će se desiti u svjetskoj privredi, svjetskoj ekonomiji, što će se desiti širom svijeta radi ovoga, bez obzira sada kolio bila korona smrtonosna, ili ne bila, koliko bila spriječena sada preko ljeta ili ne. Očigledno je da će se dešavati stvari na duge staze i da će se svijet i ekonomija koju smo poznavali do sad promijeniti. I mi ćemo se isto tako morati promijeniti jer nećemo moći nastaviti sa onim stvarima na koje smo računali do sada. Evo vidimo nafta je pala. Ulazimo u svijet u kojem nafta nije toliko bitna jer ljudi ne putuju. Jer kada ljudi ne putuju i kada avioni ne putuju radi toga što se može zaraziti u avionima, u vozovima u autobusima. Kada nema velikih fudbalskih utakmica, velikih koncerata bit će velikih problema. I ova naša priča o turističkom savezu, kako se to zove, će biti vjerujte mi, možda, ja bih volio da ne bude tako, ali kako vidim u svemu onome što pratim i gledam po svijetu po tim nekim televizijama, stranim, bit će smiješno što mi uopšte pričamo o spašavanju. Turizma i ugostiteljstva neće biti jer neće biti putnika, neće biti Kineza da više dolaze, vjerujte mi niko Kineza više ne želi da vidi u Europi. I to je tako. I na to se moramo spremati. Oni su bili puno turisti. Drugi turisti neće putovati, ne vjerujem da će nam i Arapi dolaziti. Možda dođu da se sakriju u ta neka svoja naselja, ali ne znam kako će to biti boga mi. Mi se moramo prebaciti ove dvije stvari, ja sam slušao Suljevića kolegu kako priča i ima dobrih stvari o kojima je on pričao, neke izgledaju onako kada mi ih on kaže onako prelagano za uraditi ali mislim da će biti teško. Ali ono što bih sumirao i njegovu diskusiju i ono što bih ja volio da kažem, onako da sumiram, vjerujem da se slažete jer ako mi ljevičari slažemo u vezi tih stvari, progresivno smo vizionarstvo za razliku od neoliberala koji bi najviše htjeli da vrata ovaj isti sistem koji je do danas postojao i da potrošačko društvo nastavi da postoji. Ali nema ga više. Ljudi neće više biti potrošačkog društva. Mijenja se sve iz korijena i ono što je karakteristično za ono što je on govorio i što isto i ja imam zaključke jeste da će se sve u svijetu pa i kod nas morat ćemo se baciti na dvije stvari. Dvije različite stvari, jedna je poljoprivreda, rad na zemlji. A drugo su tehnologije. Drugo je IT sektor komunikacije informatika. To će biti te dvije stvari koje ćemo morati da radimo. Na kojima ćemo morati da damo najviše para. Jer će trebati hrane, hrane neće biti ako ovako bude. Mi sada idemo, ovo je autobus koji je prešao preko ivice i on pada. Ali pada tako polako da smo se mi prvi pet minuta prepali a onda smo se kasnije malo opustili i sjeli zapalili cigaru, počeli piti kafu. Ali autobus i dalje pada s litice. I

mi ćemo morati da pravimo radikalne promjene. Znači mi ćemo morati mlade da uzmemo da testiramo mlade koji su zdravi, koji su prebolili ili imuni i da ih šaljemo bukvalno u nešto što je slično kibicima, neka vrsta socijalizma da ih šaljemo na zemlju, da ih prekvalifikujemo. Trebat će puno ljudi prekvalifikovati i slati na zemlju da rade, da obrađuju zemlju. Za sve ostale koji su gladni. E sada, te mlade treba poslati u te kibice, ili te neke kako god ko hoće da nazove, to su poljoprivredni kolektivi, onako vrlo slično onim monarhističkim kolektivima u Aragonu za vrijeme Španske revolucije, tu će oni morati da rade ali treba ih poslati, rodnu ravnopravnost ispoštovati. Muško i žensko pa ne bi li se i reproducirali i ispoštovati etničku zastupljenost naroda po popisu iz 91 godine na kojem insistiramo kako bi se pored hrane koju oni proizvedu tu proizvela jedna nova generacija Bosanaca i Hercegovaca iz mješovitih brakova ako bog da. I onda ćemo imati jednu jaku i dobru i kompaktnu naciju. To ja predlažem. U gradu ćemo angažovati ko što je kolega rekao free lensere, a zašto? Da digitalizuju državnu tj javnu upravu (nerazumljivo). Moraju digitalizovati sve. Neće se moći čekati u redovima da se ispečata. Neće se moći čekati. Morat će sve ići online, kako sada ide, od kuće. Tako sam ja recimo 2000 godine radio u Americi. Prije 20 godina u Americi su predavanja su bila i sve si plaćao od kuće i dolazila kućna dostava prije 20 godina. E sada je vakat da i mi se apdejtujemo na 21 vijek i da to i kod nas dođe. Hvala bogu imamo tu djecu koja su decenijama ispred nas i vas, eto mene prvog a konsenkventno tome i vas. Znači oni će tu da naprave, oni trebaju i moraju da naprave da se sve pojednostavi da se administracija prepolovi. Jedna gigantska državna administracija da se prepolovi, i tu ćemo uštediti dosta para. E gdje će sada ti ljudi iz administracije? Lijepo, oni će, ti uhljebi, mnogi ljudi zovu te ljude uhljebima, stranačkom klijentelom, mi znamo kako su oni došli na ta radna mjesta. Previše su nagurani, više njih obavljaju, uglavnom ne rade jer se sudaraju pa ne stignu da urade svoj posao zbog toga što ih previše ima tih uhljeba i (nerazumljivo) koji su kupili svoj posao, tako se priča, ili su ga dobili u zamjenu za glasove itd. E oni će lijepo da idu kućama, na zemlju, i da proizvode hranu. Jer trebat će hrane i nove tehnologije. Kao što je kolega Suljević rekao, znači da svako ima nešto da proizvodi pa onda da se može naručiti, pa donese. Da se snalaze. Nema ništa od druge organizacije. Isto će tako trebati napraviti pijace. Znači u Srednjem vijeku tako su nastale pijace po europskim gradovima, svaki dan na drugom mjestu. Mala pijaca. Zašto da ne bude velika kao što je bila ona u Wuhanu. Da se ne bi potrovali jer je bila kuga u Srednjem vijeku. I cipele se sazuvalu radi kuge zbog toga što je nekada bila kuga pa je ostalo to kao običaj. Ne rukuju se, isto kao što se ne rukujemo, ovako se pozdravlja zbog kuge. Znači moramo se vratiti nekoj mudrost koju su ljudi imali prije i te male praviti pijačice na kojima će ljudi prodavati svoju robu da ne bi bilo velikog problema monopola koji imaju neke stranke kada drže tržnice i pijace. I onda dođu ta uvozna, nakupci dovedu kamion robe i onda se dogovore, to karteli rade, znate kada se kartel dogovori koliko košta kokain, e tako se oni dogovore koliko će paradajz da košta. Ako neko proda skuplje ili naročito ako pokuša da proda jeftinije oni ga prebiju. Tako da će to morati da se olabavi i da se ljudima da ono što oni proizvedu na svojim njivama oko Kantonu oko grada Sarajeva da mogu da donesu ili ljudi koji proizvedu nešto na svojim ili hoće da prodaju neki buvljak neke stvari jer neće biti love. Neće imati od čega da žive, morat će prodavati ploče ili ne znam šta pa razmjenjivati za ovo za ono. Dokle će to da ide ako b ude išlo. Znači moramo da budemo jako, jako spremni za to i da im damo tu šansu da prodaju takve stvari. Morat će neko da im obezbijedi lijehe za balkone, za terase. Evo u Americi to sada rade. Naručuju zemlju, neko im donese zemlju, naruče sjeme, Amazon im donese i onda se stave lijehe na balkone, jer sada ide proljeće pa ide ljeto, pa se može uzgajati na terasama, na zgradama. Tako u jednom haustoru možda ćemo morati u parkovima, vidjet ćemo u zavisnosti od toga hoće li biti hrane ili neće biti hrane. Ali moramo biti spremni na sve. Evo recimo to su neke vizije. Onda moramo naročito. Tu dolazimo do energetske učinkovitosti, štednje, štednje, od sijalica koje štede, izolacije koja se može praviti i od industrijske konoplje kao što sam vam sto hiljada puta govorio, to je najlakše da uspijeva ovdje. Od industrijske konoplje se može praviti i

plastika koja će nam trebati. Znači morat ćemo izmisliti totalno novu ekonomiju te male urbane pijace, male buvlje pijace. Morat ćemo da se prilagodimo totalno novoj ekonomiji novom stilu života jer neće biti potrošačkog društva. Neće biti tih velikih mjesta, pijaca super marketa vele trgovina gdje se svi naguramo. Da ne bi širili zarazu već ovi mali. I to je totalno druga.

Predsjedavajući:

Pretpostavljam da govorite u ime kluba jel tako?

Poslanik/zastupnik Damir Nikšić:

Inspirisao me je kolega Suljević a on onako dubokim glasom, polako, tabijatli, ja bih volio da ja mogu tako. Onda imamo tu permakulturu gdje evo neki dan su mi poslali ljudi eksperimentišu s tim permakulturom u našim krajevima ovdje. Čitavi webinar se prave, to će sve biti novo i za nas novo i poželjno da se mladi, ja vidim da mladi uglavnom to i vode, mladi žele te alternativne permakulture, pametne kuće, žele se prekvalifikovati. Jako obrazovani mladi inteligentni ljudi ali eto žele da rade na zemlji, što treba iskoristiti. Napraviti jednu digitaliziranu održivu jednu ekonomiju, koja je sa novim alternativnim tehnologijama, sa kombinacijom novih tehnologija, i prebaciti djecu, odnosno mlade više na zemlju da zemlja ne bude samo za ove koji eksploatišu rudnike, ove što prave šljunak i to sve. Već da pravimo hranu, da iskoristimo rijeke isto za hranu, za ribe i to sve. Rijeke moraju biti čiste ne smiju biti zagađene, da ne bi pocrkali od arsena i od takvih nekih stari koje se puštaju u te rijeke iz nekih biznisa lokalnih, i napraviti , vratiti se zemlji i napraviti kantri vestern jednu verziju BIH sa mladim farmerima, zdravim ljudima, sa ovcama, kravama, kozama, ja ne znam. Ne trebamo se toga stiditi, i ja mislim da će to biti šik i da će to biti moderno i najmodernije u 21 vijeku i da ćemo se vratiti svojoj zemlji, onako dibidus, koji su otišli iz naše zemlje da će se vratiti ako mi budemo uspjeli sa apetitom da usmjerimo se prema tome ne da slijedimo do sada ove neke neoliberalne i američke načine života koji su totalno se premjestili ovdje. Ja se sjećam od 2000 godine pa za 20 godina ovo se pretvorilo, vrlo liči na american way of live, znači svako svoj auto ima, svako svoj džip i ide i kupuje za čitavu porodicu u vele trgovinama. Ja mislim da je red da se vratimo na te neke izvorne vrijednosti BIH. Eto toliko od mene. Hvala.

Predsjedavajući:

Zahvaljujem uvaženi zastupniče. Sljedeća je uvažena zastupnica Bešlija Vildana, izvolite.

Poslanik/zastupnik Vildana Bešlija:

Hvala predsjedavajući. Pa evo sada je već u ove sitne sate, a sigurno i ranije bilo svima već jasno da ja Kanton Sarajevo zakasnio sa mjerama očuvanja i oporavka malih, srednjih preduzeća, malih privrednika, obrtnika, znači onih malih koji temeljem Zakona svojom kompletnom imovinom garantuju poslovanje obrta. Tako da je njihov pritisak i u tom smislu veliki. Obezbjedivanje sredstava samo za plate radnicima bez vizije srednjoročnih i dugoročnih mjera, na žalost predstavlja politiku sadake. I ono što je sigurno je da nam trebaju realne procjene jer je već sada evidentan pritisak na biro za zapošljavanje. Naravno ovakav odnos će se neminovno negativno odraziti na punjenje budžeta. Zato sam sigurna da smo već na žalost zakasnili sa kratkoročnim mjerama. A to se reflektuje na srednjoročne i koje će za posljedicu imati upravo slabljenje punjenja budžeta. Ključna aktivnost Ministarstva rada i socijalne politike po mom mišljenju trebala bi biti koordinacija Službe za zapošljavanje sa Ministarstvom privrede. Tamo se nalaze milioni koji se mogu preusmjeriti ali iz izvještaja oba ova Ministarstva, vidimo da to nije urađeno. Program kreditiranja nije prilagođen trenutnoj situaciji. To je onaj program koji smo čuli da spominje i sam ministar privrede. Ono što je strašno, da vrijeme ide, da privrednici postaju sve slabiji. Već sada znamo da od 16

marta imamo više od 4000 nezaposlenih u Kantonu Sarajevo. I da vrtoglavo idemo prema smanjenju broja zaposlenih, vraćamo se na nivo 2012 godine. Ja ne znam stvarno kako ste mogli očekivati od privrednika ili kako je uopšte mogao bilo ko pomisliti da će privrednici sjediti i čekati ne znajući u kakvu se pustolovinu upuštaju i da poslušaju vapaj ministrice Đapo, Miličević, premijera Federacije Novalića koji su ih danima pozivali da ne otpuštaju radnike, kao neka mantra, a generalno nisu ništa ponudili. Jer svaki odgovoran privrednik mora voditi računa o likvidnosti. To su ljudi koji imaju viziju i znaju da im se baca prašina u oči i oni zaista ne srljaju u neizvjesnost. Iz tog razloga imamo ovu situaciju danas da su i upravo oni odgovorno postupili i rekli ljudima bolje će vam bit da odete na biro nego što vam ja mogu ponuditi kao čovjek čovjeku. Okretanje domaćim privrednicima i većim angažovanjem sopstvenih domaćih kapaciteta je svakako dobar recept i tu se mogu složiti s ministrom Halebićem, a to je ujedno i jedna od mjera koju smo kao klub predložili još prije mjesec dana. Predlagali smo i druge stvari za koje nismo dobili nikada ni odgovor, zatim ukidanje parafiskalnih namjera je nešto što smo u prošloj godini kao revolucionarno Vlada s velikim naporima u saradnji sa privrednicima pitajući upravo njih šta im predstavlja upravo najveći problem, također delegirala međutim evo ova nova Vlada nije imala smisla ni za to, pa imamo usvojen budžet i sa takvom stavkom. Ako ste već čekali Vladu FBIH ono što je trebalo već uraditi je napraviti mjere koje se direktno naslanjaju na federalne. Tj. ako Federacija pokriva samo doprinose onda se Kanton mora nadovezati i jasno odgovoriti na pitanja kako još pomoći i kojim to konkretno sektorima ali odmah, jučer dana, ne da čekamo kao da imao svo vrijeme ovog svijeta, pa ćemo malo redom nekih hitnim mjera, pa ćemo malo red nekih srednjoročnih, pa ćemo malo red dugoročnih. Ovdje je u pitanu su životi ljudi, u pitanju je opstanak privrede. Mora se jako brzo djelovati. To što je nešto srednjoročno, ili dugoročno ne znači da ne trebamo već sada znati šta želimo u tom periodu a ne da imamo vrijeme neko koje nam treba da to realizujemo. Znači kasnimo. Razmišljajući o tome šta i trebalo kao podloga za donošenje odluka i prijedloga šta činiti kako kome smatram da bi bilo potrebno uraditi bilten kao recimo što radi Agencija za statistiku BIH, mislim da bi to bila dobra podloga jer je evidentno da mi nemamo stvarno dobre podatke u Kantonu Sarajevo. Treba nam takav dokument koji sadrži broj subjekata, poslodavaca, zaposlenih, troškove zaposlenih, itd. Za mala srednja, velika preduzeća. Mislim da bi tu trebalo uključiti Zavod za informatiku statistiku Kantona Sarajevo i sigurna sam da bi se to moglo uraditi. S obzirom da Federalni Zavod za statistiku ne radi procjene BDP ni za kantone ni za opštine a naravno svugdje u svijetu se to radi, smatram da se trebamo okrenuti Zavodu za planiranje i uraditi to u Kantonu Sarajevo. To je ta podloga u kojima nam stvarno treba. Ono što je još važno napraviti procjenu koliko košta paket mjera prema privredi. Nadoknada neto plata za one kojima je zabranjen rad, način finansiranja paketa pomoći. Ono što je moram se osvrnuti na jednu konstataciju ministra Halebića, kada je rekao da nećemo mi zakasnuti i da nikada Kanton nije zakasnio u pripremanju rebalansa budžeta i da se uvijek radilo u skladu sa zakonom. Znači ovdje je problem ministre ne radi se samo zadovoljavanju pukih zakonskih propisa. Ne radi se o tome hoćemo li mi zakasnuti da to uradimo. Ovdje je ljudima bitan svaki dan. Oni jedva preživljavaju, oni svaki dan idu u veću dubiozu. Mali obrtnici, članovi udruženja poput taksista imaju kredite po mikrokreditnim organizacijama, svi znamo koje su to kamatne stope. Znači ti ljudi bukvalno žive dan za dan. Znači to je nešto što treba također prilagoditi uzeti u razmatranje kao pomoć obrtnicima. Ne mogu čak svi ni do banke dobaciti. Zato sam između ostalog danas podnijela inicijativu za obavezno raspisivanje novog javnog poziva za sve one koji nisu obuhvaćeni prvobitnim javnim pozivom. Mislim da se ovo mora uraditi što prije, odgovor koji sam dobila jutros ministar je to opet ponovio da se radi o srednjoročnim mjerama, shvatam to. Ali shvatite da je ovdje svaki dan bitan i da se to mora uraditi koliko je sutra.

Predsjedavajući.

Zahvaljujem uvažena zastupnice. Još imamo prijavljenu Šahman Bilsenu, izvolite.

Poslanik/zastupnik Bilsena Šahman-.

Izvolite. Dobro jutro. Evo ja neću dugo, ne znam zašto je samo nekim u interesu da dižu tenzije i da našim sugrađanima padne imunitet od stresa gledajući nas ovako 20 sati. Donesene su dobre mjere i na vrijeme. I sigurnosna situacija je pod kontrolom, online nastava odlično funkcionise, socijalno ugroženi zbrinuti, 17 kratkoročnih i srednjoročnih mjera, i evo ova informacija govori koliko ste uradili. Imala sam i ja nekih zamjerki, većina vidim da se u hodu rješavala, molila bih samo kolege iz zdravstva da malo više poslušaju našeg kolegu profesora Marjanovića. Htjela sam vas i pitati koliko smo vam mi zastupnici bili od pomoći u ovoj situaciji u kojoj se cijeli svijet nije snašao, nakon današnje sjednice sam odustala jer me stid tereta koji ste samostalno a sada mogu reći i uspješno iznijeti. A naše je bilo samo da sjedimo kući. Čili smo svakakvih kritika neko je nudio pomoć, neko je znao i prije mjesec. A evo večeras ništa novo nismo čuli a da vi već niste uradili niti jedan konkretan prijedlog. Pa se nešto pitam da li uopšte živimo u istom Kantonu. Laku vam noć i sretan vam Ramazan i da vam svima bude puno mirniji , zdraviji i berićetan.

Predsjedavajući:

Zahvaljujem uvažena zastupnice. Ukoliko se više niko ne javlja za riječ, zaključujem raspravu.

KONSTATUJEM DA JE INFORMACIJA PRIMLJENA K ZNANJU SA PRIJEDLOGOM MJERA.

Obzirom da smo iscrpili sve tačke današnje sjednice zaključujem rad na 24. Radnoj sjednici i zahvaljujem se uvaženim kolegicama i kolegama.

Povodom nastupajućeg mjeseca Ramazana, mjeseca posta, ibadeta, milosti i oprosta svim pripadnicima islamske vjeroispovijesti želim da uputim čestitku sa željom da ga isposte u zdravlju i rahatluku u krugu svojih najmilijih te da radosni dočekaju Bajram. Ramazan Šerif Mubarek Olsun.